

近代中國史料叢刊續編第九十七輯  
沈雲龍主編

張南通先生(謇)榮哀錄

許彭年編  
孔容照

文海出版社  
有限公司  
印行

張南通先生榮

哀錄

許彭年  
容照敬編

張南通先生榮哀錄總目

吳縣 許彭年 文清敬編  
南昌 孔容照 得天敬編

榮哀錄一

壽序

榮哀錄二

壽詩

榮哀錄三

壽聯

榮哀錄四

頌詞

榮哀錄五

唁電

榮哀錄六

唁函

榮哀錄七

祭文

榮哀錄八

誄詞

榮哀錄目錄

榮哀錄九上

輓聯

榮哀錄九下

輓聯

榮哀錄十

輓章

張南通先生榮哀錄

榮哀錄一

壽序

先生七十壽各方文字  
獻頌以遞到先後爲次

中華民國之初天下議者曰鹽政之敝久矣張晉翁宜爲鹽於是翁被選爲鹽政總理視事者數月而適屆六十歲之誕辰卽壬子五月二十五日也翁之兄左展老子騎牛出關圖而右觴之曰吾弟壽哉翁辭曰未敢以爲樂也天下尚未平其子怡祖及弟子江謙等以至所私有師範學校生徒五六百人或拜或跪或鵠立而列侍無不凝目伺其手之至觴者其館客韓遺民金澤榮方病在床聞其事爲之致辭曰甚矣翁之憂深思遠也夫以澤榮之俘虜之漏網者而視今日之中國猶婆者之見人新婚方且羨之之不暇而翁乃尚以爲未平蹙蹙焉若不可以一日樂乎雖然翁之壽其在是乎自生民來有才者未必有心有心者未必有才二者之難全久矣今翁學術之宏可以籠萬彙矣文章翰墨之勁可以沮金石而駭鬼物矣而尤蘧於經濟其度事而措物秋毫之析也夜室之執燭也城門之軌而王良造父良馭者之驅也潛光伏彩於江海之間農賈之班而天下之人自來求之有是才矣斗筭之輩少得其位志滿氣飽軒眉伸脰揚揚焉以自喜樂視天下無復有一事之可憂虞者而翁則反之有是心

矣。夫以是心是才，才與心則又必將。夫軒轅舊物，光復非翁一身之私壽。吾井未可也。天下余既爲文壽張裔。吾邦翁少余三歲。之心醉退而歎曰。州九州也。疆域所其人言語不能相。於淮水之南。則有之將亡。籌財興學。忽一夕之間。仁人。轅氏之舊業。復揭言人生百年甚短。鱗以與翁得同弄。頑石得伸前明願。之寃其所閱歷。何。

國者視翁大有間。又以數余所得之數之短於翁者。不獨度量與學識而已也。然數出於天。情出於人。故所限者數。而所不限者情也。古語曰。俟河之清。人壽幾何。所以甚言河之難清也。然河未嘗全無清。則俟未始全非情。吾安得少須臾於此世。以俟翁之八九十。鶴鬢羽扇。馳至鴨水上。向風誦春秋。返汶陽之田之文也。耶。韓遺民金澤榮敬祝。

以上二篇乃選錄先  
生六十二歲時之壽序

嗇翁年七十。其志與事若猶未七十者也。鄉人嘗謀所以祝翁者。翁曰。奚吾祝。充吾志之所施。與事之所赴。雖百歲不吾加。今七十。奚吾祝。又曰。吾年宜休而不獲休。今而知匪逐逐於名與利者之貪也。卽驚於事。亦貪甚矣。聞翁言者之滋惑也。徵驚於事之爲貪。宜若於世一無可爲矣。而曾不嫌於百歲。得毋貪天之甚者歟。元炳獨以爲此翁道與年進之言也。人受天之命以生。固超然異於羣生。而貴於物。夫物之靈者。往往千歲或數百歲。然不得與天地並列。爲三才。何邪。生同原於天地之化。而未秉天地之德者也。匪獨物也。人苟不知天之所以生己。所以命己。而無以成天之能。雖壽並天地。何益有。君子焉。己之命聽諸天。而天下之命任諸己。盡其性以盡人物之性。口體耳目之命。性之欲也。君子以己飢己溺之心。盡之仁義禮智之命。性

之德也。君子以欲立欲達之心盡之。易曰：窮理盡性以至於命。孟子曰：盡其心者，知其性也；知其性則知天矣。心無不盡，斯性無不盡。凡所以盡人事而達天道者也。吾生也有涯，而事之乘也無涯；負有涯之生而志無涯之事故曰：君子無所不用其極，身備萬物而不以為夸道，贊兩大而以為麥，知周萬變而心與之無窮，任如此其重也，不敢以半塗廢也。舜與蹠之孳孳，善與利之分耳。其貪得一也，道如此其遠也，不敢以一息恕也。文與齡，周請命成籲，天皆尊其生以立天下之命，非夫修養巫祝營營貪生者意也。顏邵一而已矣。是故循翁之前說，可以明君子立命之旨，循後之說，可以明君子盡性之功。又何惑歟？翁少好為致用之學，晚益以成物為務，不欲示以言而一見諸事，其名皆古人所已知，其跡則古人所未見，稱其量或千智百力，施諸邦國而猶有未能，程其功則一手一足效之一鄉而已。舉繩繩乎屢試而未殫其究也。遼遼乎望之而未有所終極也。而年則已七十矣。今近而州里遠而蠻貊，無不震懼翁名者，而抑知翁之所以致之者，其有合於古君子盡人達天之誼固如此。因撫翁偶然流露之辭，推明其說，以諗世之徒震懼翁者，亦祝翁進德之期，將與日月俱無窮也。沙元炳敬祝。



民國肇建十有一稔。歲紀玄默。月在敦牂。爲南通張齋庵先生七壽。孤辰暨吳夫人五旬悅慶。通之父老。曩余下隸市賈。農氓靡不駁奔。鱗萃極誠。臚歡思以酌斗。賜言躋堂上壽。而海內俊髦之彥。通雅之儒。亦各欲摘藻揚華。鋪陳盛美。迺先生塵時事之難。閱羣生之悴。軫懷飢溺。蹙蹙未寧。且以夙願十不施一。固卻稱觴。而通之人。僉謂先生盛德大業。固足以自壽。垂光史牒。永譽寰區。洵無俟私人之揚推。卽通人之被閭澤而薰名德者。已及編戶。逮後禩。凡所以壽人壽世者。至遠且大。不得不彰鴻烈。斬眉壽介。一言以侑卮焉。變元結符。是邦。飭聞儻論。雖不請。亦將有言。蓋自孔統中。較儒效不彰。譚性理者。蹈於虛。崇攷據者。流於瑣。原網維之廢。替實學術之闕。疏而先生夙慧奇徵。應庚星而降。明經樸學。登甲選之魁。士林羣奉宗師。江表咸推廣俊。固已高文競賞。萬紙爭鈔。妙墨風傳。兼金抵價。乃首冠慈榜。羅念庵久忘科名。口賦梅花。王孝先不在溫飽。殷懷利濟。痾民物之彫殘。肆力簡篇。究郡國之利病。自壯歲參戎。英謀迭奮。已洞明瀛海之政要。歐亞之國聞。可謂智燭幾先。善圖國本矣。昔子長貨殖作傳。後世以爲孤憤而成。李悝地力著經。迂儒以爲雜霸所祖。嗣是神農之學。歸入九流。訂然之書。倫於市井。先生以爲保民之策。莫亟於工農。經世之猷。無先於蠶織。於是師端木之智。踵少伯之規。通商先事。

惠工成務。端資居肆。因東南之地利。寧不借楚材。齒革羽毛。大來於焉。小往。曠之專書。大擴舟車之美利。闢磽塹而營。大啓夫文明。潮音悅聆。其提倡。凡殖民政。一鄉爲模範。資全國之觀摩。迺粒生之彈力。實業如此。而猶謂未也。自昔。木藝設專官。疑土范金。傳資先授。於是。藝徒女工。測量醫藥。河渠營造。莫不。正堂廡。修潔資。以束脯。養成時棟之材。潤。秋風。既庇寒士。比鄰冬學。更闢兒童。修。專長。分經義。治事爲兩齋。安定尚多。疏。規程。惟數學崇實。取證顏李遺書。以職。門理財之精義。爲小儒溝壑所未知。先。謂未也。守爲我之學者。量不宏。布大同。所養而胞與不病。空言於是興。慈善則。老殘廢育嬰。樓流等所謀。公益則有博。凡所設施。不遺餘力。至於變法之議。論。權稅靡不尋討。本原。學求得失。相寬輸。

事必諸貞白是山中宰相。其疇待訪，明夸爲海內遺賢。綜一生之措  
施，實更僕所難罄。誠能本先生之德業，推諸四海，則所以壽人壽世  
者，正未艾也。抑又聞之，粒蒸民者，德並昊宰。有郅於以肇周，封活萬  
人者，澤溥洪鈞。江都謂能作元命，先生以天挺之人，豪爲萬家之生  
佛。宜乎鼻齡帝錫，龐祐家承。司馬敬頭白之兄，時問寒煥。梁鳩對眉  
齊之婦，偕老倡隨。夫人德毓名門，聲騰仁里。守南陽之範，詩禮淑身。  
宗北海之徽，機杼垂訓。范氏之門，千指賢無闕。言衛國之事，累年恭  
如始至。瑤箋瓊札，旣萃洛水之英。玉樹琪花，爰發清河之秀。公子孝  
若卓犖之姿，恢閔其器。濟美橋梓，作時棟樑。學有淵源，世所推戴。鳳  
毛雅能，繼武麟種。固自不凡，洵極人倫之盛。爲曠世所稀者矣。今者  
值禮隆杖國之年，當維嶽降神之日。台曜與婺星並煥，琅瓠偕寶悅。  
同華因輿誦之續，紛晉卮言而揚。扈願祝南天，一老魏魯國之靈光。  
更踰百歲大齊，如張蒼之上壽。謹序上將銜陸軍中將勳三位江蘇  
督軍齊燮元撰并書

南通晉庵張先生。今年夏正五月壽七十。海內競以言稱壽，同人等  
以爲先生之壽以澤，不以年。人壽先生不如先生之自壽。若以七十  
之年壽先生，不足以壽先生也。夫人生年壽修短，至不能齊。事功煊

赫若蕭曹房杜徐常輩。膺臚任。建大勳。姓名建旆常。功烈震朝野。備極生榮之致者。此數十年之壽也。天民先覺。飢溺由己。若伊尹之自任。夏禹之奏謨。大功既成。億萬人受其賜。千百世食其德。名昭奕葉。績垂久遠。此千百年之壽也。先生生清季。盱衡世變。冀以革新者。救國著政治條議。欲見之施行。既不果用。乃舉施行全國之事業。施行於南通之鄉里。先生所經營創建者。今僅數十年耳。南通教育。若小學。中學。專門學。大學。以至藝徒。伶工。盲啞。皆有學。如彼其備也。南通實業。自棉鐵。墾牧。魚鹽。蠶桑。各公司。以至貧民工場。實業銀行等。如彼其盛也。南通公共事業。慈善事業。若博物院。圖書館。氣象臺。醫院。養老院。殘廢院之屬。如彼其周且至也。是皆先生所經營創建。垂諸永久者。以視坐享榮名數十年之流。詎可同日語哉。則謂先生壽千百年可也。其視七十之年。殆如花之初胎。月之哉生。不可以爲老。方且以爲幼。蓋先生以壽世者自壽。其壽正無疆也。先生近復躬巡河工。開闢淤埠。朝氣方新。自視尚如壯年。不自知其老。且壽人。顧因先生之年七十。迺從而壽之可乎。則以富貴壽考之詞。諛先生固不免。藜先生震七十之年。以爲先生壽實未足。勸先生晉一觴也。然先生以杖國之年。值初度之辰。并逢吳夫人五十懸悅之慶。禮宜晉言以爲祝。同人等竊願先生康彊。矍鑠。由耄耄而至期頤。舉今日所試行。

於南通者本素願以推行於全國并以餘力從事淮運之濬導江淮河海以次修治俾同人等得與河海工程學校諸生從先生後隨山刊木効一手足之勞他日圭錫功成先生爲衍疇錫福之禹同人等追隨四載亦得同登壽域仰聲施於無窮其榮幸爲何如是尤同人等所私禱者矣謹序全國水利局河海工程專門學校校長沈祖偉副校長趙銘新等敬祝

中華民國前任兩大總統項城以武略顯東海以文治稱項城承清室解紐之際以在籍廢員出秉鈞軸遂綜括兵柄潛移玉步承接南京政府統一南北驟躋大位褒然全國首領中更阨陘卒就綏靖號令全國風行草偃幾於華盛頓林肯氏之前軌矣東海以文學耆宿屏居林下素無一成一旅之衆因緣時會坐受推戴值蝸蟻羹沸之中強藩悍將擁兵跋扈蔑視共主殆同植腹尚能以守府空名維持半壁鼓唇搖筆操縱羣雄更起迭仆迄不爲累自娛尊號優游四年雖皆晚績不終而就十年過去之時期歷史浪淘之人物平情目論固亦不可謂非一時之人傑矣二公所處不同其所成就亦未可以並論要其根本皆誤在假名位以圖事業名位既極而事業不足以相副則生國人缺望之心陽剛者操切以急功陰柔者緣飾以求利

蓋無益於事而適足以速其敗。前車後車同覆一轍可數也。今國人  
之於二公多有非議。在二公之是非功罪。茲不具論。竊謂民國十年  
以來所有名流。鉅公偉人碩彥。其表表耳目者。根本上實皆不免同  
此失誤。弊在倒果爲因。欲假名位以圖事業也。求名不得則相傾求  
位不得則相競。已得矣則又思憑權藉勢以造乎其極。坐是操戈喋  
血。全國擾擾而國家社會應興應革之事業。反因以停滯毀壞而不  
進。就令能得二公之名位。能不爲二公之所爲乎。卽不爲二公之所  
爲。能別有宏謨偉績。福國利民。足以饜國人之耳目乎。藉曰有之。而  
放言高論。未有彰明昭著之事實。足以共見於全國。吾終不敢信也。  
吾今於南通先生則誠私心景佩。無有間然矣。先生年甫弱冠。以名  
孝廉佐吳武壯公戎幕。會朝鮮邊事起。武壯爲大帥。軍書旁午。先生  
揮籌筆。動中窳要。於時幕中才俊雲屯。鱗萃而武壯獨敬禮先生。同  
輩皆翕然心服。項城時亦在幕中。事先生以師禮。以此名動公卿間。  
所至疆臣將帥。爭先倒屣。已復辭去。應春官試。捷南宮。成進士。大魁  
天下。樞部重臣。交章薦劾。咸以爲學通中外。才兼文武。以中興會左  
相期。顧先生殊落落然。不以爲意。居常澄心渺慮。攬世界之潮流。察  
人治之趨勢。高瞻遠矚。默求救國本計之所在。以爲欲富中國。必興  
實業。欲強中國。必謀教育。二者殆互相爲資。不可偏廢。而審察當時

國家情狀決不足以及此與其倚望國家言之而未必行行之而未必效不如求之自力行一分有一分之效行一日見一日之功於是擯置百事專精并營壹專力於教育實業之計畫於實業則首辦大生紗廠以次而設墾牧榨油製麵鐵冶蠶桑輪步漁業釀造水利輪船鹽業各公司於教育則首辦南通師範以次設立師範講習簡易科農科蠶科測量科工程藝徒學校女子師範高初兩等小學等不數年間而公司林立學校莘莘南通一阪濞小邑文明崛起蔚然甲於全國矣尋復以次增設大生第二第二第三第八等廠淮海實業銀行遞立大學農科紡織醫學各專門商業農業甲種女工講習所伶工學社蠶桑工商傳習所等其他如中國銀行漢冶萍公司大陵鐵礦公司商務印書館震旦大學東南大學交通大學等凡全國大實業教育之社會團體得先生提倡維護之力以成立者蓋不可數計而先生在官時所爲國家計畫大政若水利若河工若鹽務若勸業銀行若農林牧試驗場若河海工程學校尤上慮數十百事壹皆以教育實業爲歸宿今中國言教育言實業者無不首推先生即東西洋各國亦無不奉先生爲中國實業教育之大家矣利被於東南而聲名震乎寰海吁其盛矣由先生以前之際遇與項城相等戎馬書生雍容綸羽間使安居帷幄積功累閥轉瞬卽至方面以先生之才之

學造成項城之勢位固自易易由先生以後之際遇又與東海略同。木天金馬弭筆承明向使身在鳳池依階平進亦可坐晉台閣以先生之才之學造東海之勢位尤捷於反掌也以武達則早於項城以文通則顯於東海顧先生一不屑措意敝屣其操券之富貴獨潛思於人所不屬之地瘁其冥心孤往之力以成驚世駭俗之功方其舍戎幄之高華辭玉堂之清祕而屏居塵市乃與販夫商賈村童學究爲傳侶受庸俗之非笑而不顧其胸中獨具之見解即在實事求是從事業以圖事業不欲假名位以圖事業也今項城東海之名位皆已至於極地而烜赫既過遺迹亦與之而俱湮獨先生之事業昭昭在人耳目雖牧豎走卒皆能言之參觀等量可以知其得失矣先生可以爲項城而不爲可以爲東海而不爲因得以自成爲先生之事業巍然煥然凌駕於二公之上夫項城東海皆藉特別非常之遇以成曠世獨造之名固非盡人所可爲而先生之事業則教育實業固盡人可爲之事也人人各就其性之所近與其力之所能至者勉以趨鏗而不舍其所成就之廣狹大小容有不同要必有若干之成績可以利其鄉而福其邑令吾國之名流鉅公偉人碩彥人人盡如先生吾國直省千數百縣盡如南通則十年以來國家之繁榮進化當如何景象耶先生可爲項城東海猶且不爲不屑以彼易此矧



不足以爲項城東海者。胡獨沾沾於尺寸之名位。棄其所當務而希其所不可必得者耶。先生之於名位。避之若浼。然自前清已屢被徵召。爲諮議。爲顧問。爲宣慰使。爲農工商部大臣。民國一再被任爲總長。爲總裁。爲督辦。被選爲參議員。衆議員。項城東海時代。皆屢以組閣相屬。使稍肯遷就。層累而上。卽總統之推選。亦在意中。是則從事業入手。亦未始不可得名位也。今歲之夏。爲先生七秩生辰。適值德配吳夫人五旬悅日。玆璜比德。鄉邦人士咸謀稱觴獻壽。以爲先生壽映光。邀聽芳型。心儀有素。敢隨邦人君子之後。敬循三爵。以效臺萊之頌。其一祝先生期頤耄耋。康強逢吉。盛德大業。日新未已。由一邑一省而益沾溉全國。以廣其施。而厚其澤。其二祝先生之鄉鄰。故舊交遊子弟。能協衷壹志。以固先生已成之基。而成先生未竟之緒。其三祝我全國之名流鉅公偉人碩彥。一以先生爲法。勿馳騫名位。內斂其精神才力。以從事於本等之事業。則是先生之綬齡駢祉。所以福我中國者。且蒸蒸日上。起而未有艾。先生聞之。其庶以映光爲知言乎。謹序贊威將軍勳三位臨海屈映光謹撰并書

國於天地。教養爲先。矧自海通。列邦往還。實利爭逐。虎目眈眈。吾華步驟。嗟乎後焉。維公先覺。大言炎炎。爲重屏翰。首議保韓。論列時弊。

舉世稱賢未盡施行執政尸愆立德之基端在實作責人孔難以身  
作則通商惠工敬教勸學桑梓敬恭範模全國卅載經營成效昭卓  
日就月將範圍漸闊由縣而省進步罔輟被厥風者仁浸澤沃南通  
二字環宇豔聞太和之氣蔚於海濱後起秀彥競出公門作育化工  
洙泗比倫民國十稔國事糾紛公每有議咸重俎罇一言一行壽世  
壽民爲國利計頌公千春仲夏之月榴火正紅東海水永南極星明  
笑着萊綵頤養椿庭棗進安期酒醉延齡桃李滿前濟濟盈盈一堂  
和樂四海嚮風賤子何幸忝在猶從沐手作頌瓣香虔誠愚姪王桂  
林拜稿

蓋聞文昌奎壁瞻天上之張星武庫韜鈴作人間之耆宿廷對而大  
魁天下鄭綱爲忠孝狀元野服而嘯傲風前郭象乃山林遺老杏壇  
教溥傳列世家槐市經談名垂國史以此言壽壽且難量況兼得名  
名應不朽則我師晉公先生者真其人矣先生幼識鸚鵡碑長窺虎觀  
髫年作賦雅號聖童綺歲橫經便稱裁伯入長安而舉頭見日捷京  
兆而噓氣成雲鯉尾乍燒蚤擅無雙之譽鵲臚初唱頻傳第一之聲  
龍頭屬老成領取十年宰相給背躬勤苦依然一个山人其科第有  
如此者可壽一也先生手如天馬心有靈犀入朝鮮而文武兼資草

露布而功言並立其時廬江吳武壯公長慶瞻山識璞臨水知珠坐以胡牀授之麈尾錢唐上表中朝識羅隱之文澤潞飛書外夷畏李生之筆借箸而沙場決勝執季孫意如以歸運籌而帷幄通神儼豐城秀吉以去其勳績有如此者可壽二也先生學究天人筆參造化光武剋苻難屈嚴陵章聖垂簾屢詢蘇軾黃綺本高皇之友九重問其起居綠圖乃顓頊之師億兆欽其丰采而乃東山養望北海垂綸效陶靖節一官歸去來師賈閬仙三言戒定慧治亦進亂亦進慕伊尹五就風高朝於斯夕於斯做司空三休臺築其高尚有如此者可壽三也先生高掌遠蹠勵志澄清處頗牧於禁中稱夷吾於江左作農商之大長惟以務材訓農通商惠工爲心居水利之總裁更建疏江導淮治河達漢之策吳淞開埠廣集萬商袁浦修渠盧牟六合南通則萬流鏡仰不重十從事而重劉公一紙之書嵩山之四友圖成不信諸大夫而信季子千金之諾其名望有如此者可壽四也先生菁莪育士棫樸作人讀山高牧民乘馬諸篇觀典府賓亭疇父三冊統農工商礦而大興鑿舍縱盲啞悉受陶成極河海橋梁而學有專門雖紡織亦宜研究張留侯書傳圯上國稱王者之師文中子教授河汾門羅將相之彥研求水產動植類分科設醫宗中西條貫其教育有如此者可壽五也先生不師繇智惟紹禹功合蘇皖贛鄂爲一

家注汝漢淮泗於四海。目窺河渠之志。手寫平準之書。絕地天通。通  
天地人。迅雷風烈。烈風雷雨。奏馮蠲切和之績。海不揚波。澹蛟龍爲  
厲之災。河猶順軌。庶幾河清海晏。三江徵有豸之殊。從此地平天成。  
四境免其魚之歎。其胼胝有如此者。可壽六也。先生社結枌榆。功高  
桑梓。梅歐閣建。易俗在優。孟衣冠。麻紗廠興。阜財作生。民衣被。陸行  
用奇。肱飛車之制。水道利。僮耳輪舶之通。府海官山。富魚鹽而家藏  
金穴。裕商衛國。恢駿業而市設銀行。國號無雷。甌人司警。城開不夜。  
列缺爭光。其規畫有如此者。可壽七也。先生主張立憲。翊贊共和。教  
令予恪守家箴。與介兄同商國是。馳書而高談自治。首在任官。惟賢  
削簡而尊重民權。心以弭兵爲本。房謀杜斷。片語決疑。尹任夷清。單  
詞定策。節度使前席而問事。惟伯始能知。上柱國擁篲而迎坐。無車  
公不樂其明決。有如此者。可壽八也。德配師母。吳太夫人望重延陵。  
賢侔桓孟。本涪王之貴胄。適魏公之名門。濬仲持籌。悉資內助。隱之  
主爨。恆藉妻賢。鴻案齊眉。慶一門之燕喜。鯉庭介齒。進千歲之兜觥。  
哲嗣孝若碩。士學富五車。書窺三篋。既負茂陵之笈。曾浮博望之槎。  
美雨歐風。縱橫腹笥。吳山越水。洋溢口碑。紫標黃標。司金庫而經營  
實業。青壤赤壤。興寶藏而磅礴。奧區茲當。畫錦筵張。雲璈樂奏。佐萊  
衣而戲綵。半天山磨盾之人。抒藻筆而書屏。悉海國歸帆之輩。錄垂

金鑑喜桐蓀共樂秋千。酒進瑤觴。值蒲節且書夏五。縣壺天之日月。寫杖國之春秋。爨煠忝列門牆。頻親几杖。同隸曲江之系。幸升洙泗之堂。論手筆有愧燕公。敢效南山臺北山萊而獻頌。銘心版無忘馬帳。且向東王公西王母而致辭。受業張雲煠頓首拜撰並書。

長江流數千里。一束磅礴。峙在紫琅白茆之間。名世應五百年始。生德量事功。賅君相師儒之大。蓋嘗瀏覽古今人物之表。盱衡宙合得失之林。傳賢長者數萬人。頌功業者千百碣。求其亭毒萬有。陶冶羣流。德才平衡。文行壹致。求志達道。爲尼山未見之人。立儒廉頑樹叔世中流之砥。寥寥百世。夏夏幾人。矧乃當絕續之交。際貞元之會。變揖讓征誅世局。挈天下還之民。復井田學校良規。挽澆漓進於古。書其德業。彌增旂常鐘鼎之華。酬厥勛勞。合在俎豆名山之列。如我嗇庵先生者。則誠華路開國。獨握新世界中樞。華夷蜚聲。不改老諸生本色也。今年五月爲先生七十攬揆之辰。生申作頌。算亥添籌。家住屋東西。競爽羨白頭昆弟。名滿海內外。躋堂來碧眼英髦。萬軸訣詞。四筵嘉客。藉循手仇之爵。恐多皮相之辭。蓋不朽者三。太上立德。健順者五。統善歸仁。請徵純嘏之來。以證得天之厚。蓋自登龍門關。市駿臺高。掄才憑甲乙之科。多士冀青紫之拾。入珊瑚之網。便認明

珠栽桃李之門。卽誇仙種。至若夢騰鸞背。名列螭頭。則尤稱國士之無雙。許仙人之第一。先生茂才異等。屢冠其曹。選佛登場。鮮出其右。九重天上。弁冕第一。流神仙。五色雲輝。安排三十年宰相。乃蓬山擘翅。遂梓里回車。養望林泉。備九重之顧問。暫調梅鼎。謝兩地之檢鈎。門前之羔雁成羣。池上之鳳鸞音遠。此則榮辭蟬蛻。薄王掾黑頭之三公。隴阻鶴書。鄙宏景白衣之外相也。是爵位之崇高。不足榮先生。讀儒林傳。數山東大師。登作者堂。推河北雄伯。大都飛翰。摘藻導源。振塵辨吳均文體。獨運心機。稱王筠名家。自成手筆。是以畫旗亭之壁。伶園爭拜神仙。購黑水之碑。蠻徽亦增聲價。爲文人韻事。播藝苑笑談。先生學挾其源。書窮未見。是能讀三墳五典。九丘八索。其長擅高文典冊。馳檄飛書。紀勒槐眉。新大陸天驕擁篲。墨磨楮鼻。高勾麗露布揮毫。論蒙書數千言。收馮伉矜。矜俗甄銘之效。禹元經十二策。陋李垂導。河形勝之篇。至於開門戶。而得師承。調劑漢宋。拳風雅而追正始。排斥齊梁。仰屋成書。脛馳六合。藏山大業。胸有千秋。則猶是震尼山多能。祇爲鄙事。悔文園少作。不取凡將也。是著述之宏富。不足重先生。魏公入相。繫中外之具瞻。希文立朝。引天下爲己任。拜啟盡瘁。資格磨人。蓋必回翔省闈。周歷劇繁。依日月之光。吐風雲之氣。中書廿四考。汾陽乃晉令公。都督十五州。幼石始躋保傅。先生對揚宣

室侍從甘泉方期跼履而上雲臺乃竟挂冠而尋煙水藤蘿無恙知  
心有江北五山槐棘相頌捷足謝終南一徑就元軌論國家大政密  
驛遙咨劾李膺爲鈎黨渠魁謗書不問不待金甌之下居然地上夔  
龍不揚鐵簡之威自是禁中頗牧是則拂衣膏潤夙抱鄙夷將相之  
高懷攬轡澄清獨具改造乾坤之偉略至於寄慨滄桑取下過江之  
淚抱經林藪力辭新室之官謝四友於昇明問是何鷄狗坐一牀於  
堽暖毋溷我貂蟬是猶投富春江上之竿子陵不交光武種粟里門  
前之柳淵明但署義熙也是出處之大節不足以概先生入公超之  
市車騎塞墳式鄭公之鄉門衢廣闊嘗躋崇川之權曳狼山之筇  
昔則故郡瀕江今爲通都大邑君子學道泯泯乎播比戶絃歌大雅  
爲郡莘莘者羨成林學校蓋旣停科目亟賴師資先生新潮浚自西  
歐雅化追夫東魯不徇疑謗力任艱虞拔羣才之尤合一鑪而冶立  
師儒模範循循詰經粵雅之遺端教學權輿冀獲琢玉染藍之益復  
見太平官府姜謨化及本州自爲敦勸生徒弘機道行邊郡而且振  
新實業濬啟利源闢廣陌爲康衢捍江潮而下捷飛車電逝偷仙家  
縮地之方鐵艦雲屯免公無渡河之苦轉機輪而騰發碎絮雪霏聽  
邪許而雷轟高筒煙轟過武陽縣境路實遺衫爭許伯田疇耕自讓  
畔樓臺畫疑摹小樣於申江藍華山林實啟雄圖於荆楚此則歡

聲洽夫蘇我撫我生計裕於絲人穀人固不爭一足一手之勞亦非  
僅五世十世之列也淮流南北曠地萬千沙積深黃土嗟禿白視萊  
污而裹足咸弁髦爲不毛吞吐沙濤沈湮斥鹵先生知大利在農憫  
棄貨於地本村落主義行溝洫程規拓萬頃窮荒利於西北合八家  
同井畝其東南疆場整齊疇壟密勿此土宜菽麥黍禾無滋草宅其  
中有桑麻鷄犬儼關桃源糞除磽礧之鄉招二角一雙關疇之佃衣  
食億萬之口漑四千五百餘頃之田高允請言農功李愷時謂地瘠  
話剝棗斷壺生計詩請歌夫商復一々二々源流功豈下於禹此尤  
百世之所觀瞻聖王必來取法人共欽其偉績頌參天兩地之宏規  
天必錫以遐齡操集祜延釐之左券矣寅官等同住蓬萊近隣桑梓  
迢遙帶水景仰斗山推錫類之仁沐善隣之澤廣築學生之屋範我  
津梁重新先聖所居華粵壇杏天幸斯文未喪復見宮牆我有子弟  
誨之無譏城闕而其恤鄰之美尤在拯溺之殷溯昭陽作噩之秋遭  
道弛流離之厄馮夷肆虐誰切蠲和波臣不仁酷遭魚沸淮陽溢溢  
湖海濟湖上游議決平原之防敝邑將爲鄰國之壑餌生靈於魚鱉  
委廬舍於雁鳧先生獨伸偉斷不徇衆情禁厥穿洶嚴防蝕嚙不沈  
僅存三版卒全徐州之城生佛何止萬家共拜鮮于之賜是則片言  
強於萬弩河伯殺其淫威數州繫夫一隄使君真能活汝飲食必祝



將作祠而祀東坡歌舞詠恩祈長生以報東哲所願功德常留精神  
永固長淮順軌完全九朝之功廣廈騰歡普及萬間之庇種奕世無  
疆之福樹古來稀有之功行藏係舉國安危是人能憂天下之憂樂  
天下之樂矍鑠仰曲江風度謹頌以八千歲爲春八千歲爲秋國務  
院記名前衆議院議員肅政史江蘇省長公署顧問江蘇督辦運河  
工程局諮議世愚弟夏寅官頓首拜撰并書正任粵海關監督總辦  
淮南墾務事宜呂道象等敬祝

壬戌夏正五月二十五日爲張南通先生七秩榮慶秀以羈身邊徽  
不獲隨諸君子後躬進一觴而景仰碩德積有歲時極知譴陋而不  
能自己於言乃爲文以祝之曰南通扼大江之北天下名區也而先  
生篤生其間遠近士大夫以及販夫牧豎無論識與不識耳其名者  
莫不敬之慕之馨香而崇拜之豈其勢位足以動人歟抑其澤之入  
人也深利之及人也普故人之愛之也獨切歟秀生自秦中去南通  
數千里未嘗登先生之門而親聆其言論然平時誦其詩讀其書得  
諸都人士之所傳述而先生之爲人固已聞之詳而知之稔矣今歲  
夏四月接南通縣郵寄先生七十壽公啓一帙循讀再三詳審前後  
所載與夙昔之所聞所知者若符節之相合然後知天生先生非爲

南通實爲中華也。非爲一時實爲百世也。先生自前清末運。歷職顯樞。慨國事之日非。痛強鄰之覬覦。刻刻以自強爲念。前後所條陳而。上之樞府者。無不切中竅要。惜不能一一見諸實行。而先生於是乎歸矣。先生之歸。豈果急流勇退。忘情國家。如陶靖節之寄懷詩酒。託跡煙霞乎。非也。先生以民胞物與爲量者也。使國事可爲。雖摩頂放踵。固所弗恤。其不願以一鄉一邑之施設。自隘其規模。彰彰明矣。非其所願。而卒不得不以是自見。此則先生之不幸。而亦吾四萬萬同胞之大不幸也。試觀先生經營南通。不過三二十年。而舉凡教育實業。及其他慈善公共事業。無不次第興舉。成效昭然。南通之人。胥受先生之賜。而食其惠。則使先生得行其志。出其所以治南通者。而施之全國。雖舉全國各縣。悉爲南通。直反掌事耳。而惜乎全國之中。受先生之賜。而食其惠者。僅限於南通。而先生之志願。有所不克償也。然自有南通。而全國之自治。於是濫觴。異日者影響所及。四方繼起。由南通而及於全吳。更由全吳而及於各省。將見委靡不振之中華。一躍而爲莊嚴璀璨之中華。又何一非受先生之賜。而食其惠也。吾是以知天生先生。非爲南通。實爲中華。非爲一時。實爲百世也。先生賢配吳夫人。是年亦值五十悅辰。竊願歌君子偕老之章。以爲先生祝。卽以爲我中華全國祝也。謹序。陝北鎮守使井岳秀鞠躬。

木之有本水之有源其信然也。觀於喬木得一枝之庇蔭則發榮滋長已足全生。觀於海水得一派之流通則沾被涵濡亦足潤物。椿自三十年前得受教於師固有感激萬萬不可以言宣者而亦不可以不宣以見吾師之遠見高識其殷殷然垂教先之以敦品立行次則教以實用之學應時勢之需求。至於文字之間猶末節也。今年五月吾師七十壽矣。回溯追隨杖履間談論文字愧加激賞用是益自精進以期無負化導每一爲文深取拾人牙慧錄取以後同校傳播一經賞識聲價十倍。此蓋師之成就者一。復一日晉謁謂椿曰人不可爲自了漢汝之鄉先生當此時艱尚不期振作汝何不從事實業省垣附郭不少官山儻闢一二區種植柏柞等樹開風氣先收效既速且足養生將來科舉一輩必無立足地。此語蓋見於三十年前。今果驗矣。嗣兩江總督周公諭椿爲江南農務局參議乃得藉手實行吾師之言。闢地數頃獲收效果。今於農家事業粗識端倪。獸忖生平多所倚賴。此蓋師之成就者二。己未春擬赴都門覲見元首得師介紹謂爲院中老門弟子。淡於榮利無志仕進。但得三徑松菊之資足矣。卒獲以交部擢用。此其成就者三。凡此皆一人之私曷足以見師之生平。然師之生平專業無中無外靡有不知。奚待椿述述師之所以

待椿者即可推見待人以誠治事以實故人無不信仰事無不畢舉  
今者南通自治模範全國儻各省採取章制毅然力行是以南通爲  
始而以全國爲終殆亦猶木之有本水之有源事不必皆自我行之  
由是則治反是則亂卽不啻由我行之也他時國是又安談自治者  
必原本其所自因是感恩戴德者日益衆又豈區區一人之私所可  
盡乎敬當爲師頌曰南山之木亙萬古而不凋東海之水歷億年而  
不竭吾師之壽與日星河嶽以同昭此非徒一家一省之幸是直全  
國之幸是直天下萬世之幸椿以不豫半載今始漸瘳卽走筆而爲  
巴人下里之詞尤當敬謹隨孝若世兄後盡門弟子禮進一觴焉謹  
序受業孫啓椿鞠躬敬祝

壬戌之歲民國肇造十一稔夏正五月吉我鄉耆庵張公登壽七十  
邦人君子賢其賢樂其樂謂公大之則爲國光小之尤埤鄉邦榮閭  
廣譽於靡旣將登堂環而致無疆之頌志弗諼令偉爲之辭偉則拜  
手起言曰公之名滿寰寓公之功在史乘非我菰蘆窮壤所得據而  
私也第天旣私我生公以重我邑於天下則我邑人又惡得不荷天  
寵私公爲己有翹於天下以自張夫山川間氣是誕名世然或數百  
年一應或千年數千年而不一應蓋不可以時與數畫卦布指計度

也有運會焉。必彼蒼者已厭於其積舊之局，將除而新之，而適又其地久鬱未發之蘊，旁薄涌溢，凝聚若有所待而寄於是有名世者。應天人之交需，生於其間，以成不朽之業，而其地亦因人傳於不朽。此世變遷，爐冶道隆替之樞之所由系，非苟而已也。我邑北蒙長淮之委，南介江海，自桐柏烏鼠以東，平原曼衍，袤廣千里，勢東南傾，至我邑而竟其端。江水朝宗，橫貫行省者六七，屈曲蜿蜒如游龍，至我邑而縱，巨壑溟渤，頽濛瀨瀚，極天無際，吞吐日月，噓噏百川，潮汐之所灌引，越吳楚，被湘漢，而我邑司其咽喉，其地氣之盤積，若是閑遠而恣肆也。君主當陽，崇儒右文，設官任治，歲閱五千，窮而將變，代以民主。世運之乘除，若是其相搏相盪而劇烈也。天於是生公以應之，謂隋唐來科舉乃官治之所基，則俾以儒術文學。大魁多士，歷代天子制科求賢，與共為理之局。由公要其終，謂民治極軌原於市鄉，則俾隱居遂志，展其不世出之經濟，致力於前無古之事功。江汜海壖，道焉齊焉，躋為樂國，無寸曠之土，無失耕之農，士興於學，工奮於藝，商有所觀感，以競於業，鰥寡孤獨廢疾有所教，有所養，以食其力，遂其生。莊嚴粲備，震耀四表，舟車人力之所通，血氣之倫靡不交口道譽，嚮往中國自治之局。由公權輿而作之，范夫是故公之後，亦有一二人以制科首選起家者，瑣瑣不足稱焉。與公並世，非無揭民治之說。

爲微志。席不暖突。不黔者。其成就亦不可得而稱焉。以匹夫不藉尺寸之柄。而澤被於生民。所施不出州郡。遂鄙而勛名垂乎宇宙。此則得君專政。管樂之才之所不能爲。又非聚徒講學。如河汾。閩。維。諸大儒所可擬倫。固天生公使特立獨往。爲我國有史來未有之人。而以古今治術。殷往與開來之重繫之一人之身。非偶然也。且非特治術並關於學術。三十年來。士氣不揚。人才日卽於靡。爾儂薄。敦說詩禮。篤於古者。以抱殘守闕。用不周於時會。號稱通方識當世務者。每不察民情國俗。昧於因革損益之宜。強以歐美禮教刑政。一切不揣本末。移而植之中土。甚者好爲詭異。破壞人道。大防。擗。誠。淫。邪。遁。種種不經之辭。衡決顛倒。蠱風俗。賊人心。而士夫又往往自界新舊判若水火。不並容。遂至傾軋。陵。轢。務相勝而相敗。上有朝政。下逮鄉里。無一事不糾結。焚亂不可剔梳。得公以樹之鵠。則毗於新者不得謂章句小儒。必非天下才。後起者或尚自憤發。與於斯文。毗於舊者亦不得謂民治學說。必不適於中國。憂時羣彥。欲撥據亂反之昇平。第卑之毋高論。實事求是。人自理其一邨一鄉。浸積而廣之。不舍自日起。幾於上治。此又天之所以生公。與公之所以勉勉焉。日夕匪懈。而不知耄之將至者歟。昔者周宣中興。崧嶽生申甫佐之。夫中興特一姓之事耳。天猶爲之篤生良輔。矧與今茲直自古未有之變局。蛻舊卽

新公實維其扁額而生於江海門戶之我邑其爲山川鍾靈又何疑焉然則非公固不足傳我邑非我邑亦不足孕兩間奇氣而生公我邑誠足自豪而重於天下矣夫功莫大於福民壽莫高於壽世如今者舉國若一言自治者莫不奉公爲矜式則此後我國民治發揚光大於千萬年卽公窮天地亓百世永永常在之時非第我邑人私公者歷久不忘而康疆禔福胡考難老乃公之所固有所以壽常人不足敷揚公壽於萬一也以是上諸公其亦庶幾有當於一蠡之測海而爲我邦人莞爾進一觴也夫門生劉偉頓首敬撰門生黃祖謙頓首敬書世弟楊點王振鸞劉逢丙王毓祥張祖騫楊清鑣沈光宇周寶洛沙玉沼吳三祝陳寶琪董汝元張翥飛朱絃周家標劉元章宋錦標施丕先世姪章以成朱晉勛劉燮鈞啓明龔其偉王永琛許掄元沈臧壽貞壽季新益章鍾生習淦樞趙師鼎陳大猷施鸞翔楊斯邁顧昌鼎王敢茅茹沈藻徐兆康周國鈞茅宗渭王廣棟沈龍師黃文蔚劉薰施進修龔翼之其仁震盤黃照青陳宇新陸耀樞張書紳劉安泚汪鼎昇張省汪承瀚陸松圃席元濤楊光觀劉又程陸鳳禮陳寶璐陳欽金錄孫頤張應庚蔣學詩黃福謙黃玉山王德修陳秀夫曹恆孝陳克昌蔡如鱗徐士貴施清穆劉其蔚沈璧劉友仁王祺張祖範施永康劉志誠朱松慶陳斯臧際庚安濤朱桂芬湯錫祥葉

茂秦金士升黃子徽陳日暄黃毓之陳華甫黃萬鎰吳鴻徐階黃善  
恆王家琳張俊德倪學禮宋貢三陳勳施有康沈寶鈞寶綸寶森寶  
鑾受業門人劉啓徵茅柄光秦文濬施恩溥王汝琳朱紱黃廣介沈  
秉璜談禮成黃祖温史維藩維楨顧恩沐董雲書張言揚李雲黃汝  
霖徐觀成范欽孟袁其儁俞惠卿朱大明姻姪周坦張友仁沈祺徐  
人鏡人師人壽陳壽祖世再姪秦亦恆贊臣繼輝陳秉璇陸冲鵬棧  
人陳琛施達蔣景韓陳繼生宗姪樹賢樹典頓首敬祝

歲在玄默闔茂中夏之月二十五日南通張晉公七秩覽揆之辰同  
人僉謀壽公以言維公魁儒鴻德經緯四海東南文章家度必揚厲  
敷陳爲奚斯之頌頌不一家如和鼓然雖多奚益無已則再拜執爵  
以至道頌公蓋人之生焉道與貌天與形仁與其術而智與以其  
聰明論道千言不如一啻公以啻自名徵諸老氏老子曰治人事天  
莫若嗇夫惟嗇是謂早復早復謂之重積德德修乎身而施於世如  
農夫之治稼其種則仁其穎則智以食萬民故如農夫者耗天地之  
力以求博施其稼必敗仁人君子之於天下願力無窮引其端不必  
竟其緒矣其實不必落其材當吾世而立言閱數百年而見諸事當  
吾身而見諸事並世賢豪雲合響應而相與以圖成功是道也在儒



爲約在道爲齋夷考公平生所建六府三事治國平天下之道懸諸國門不能易一字放諸四海四海之人奉以爲準而公則自顧欷然龍蟠豹隱獨融周官泰西之法以建一邑一鄉之治卜築濠陽若將終身是真樞儒與道之精守約而處齋仁智之極也莊子稱藐姑射之仙其神凝使物不疵癘而年穀熟夫凝者凝道也謹求之禮曰苟不至德至道不凝約與齋之精義存也惟約與齋是謂重積德其積也如困倉食斯民焉百世而不匱謹求之詩曰其德不爽壽考不忘謹求之語曰仁者壽蓋德百世者壽亦百世區區七十之壽何足爲公榮是故頌公千言不離一齋謹遙想其時千齡觀上紫琅山巔御雲亭亭德星有曜觀象者珥筆而書引爲東南盛事公其進流霞之觴且以觴客賓主一堂同躋仁壽之域抱淑欽和以就有德世愚弟王清穆頓首拜撰世愚弟陶葆廉頓首拜書世愚弟潘祖謙等謹全拜祝

江南延袤五千餘里襟江帶海民殷物阜自漢唐以來稽形勝表人文者流連乎建康憑眺乎廣陵上窺彭城芒碭之雄下攬洞庭太湖之壯而南通僻在海隅寂寥初無表見不得與通都大邑相頡頏數十年間機轂轉振乾端坤倪軒豁呈露物獻其華士競於秀舉向之

所視爲寥廓僻瘠之區一轉而爲樂土爲文藪四方來蘇觀政者舟車絡繹乎南通以一邑而爲天下式炳炳烺烺日新月盛而未有已豈地勢形便今昔異宜歟經營締造之存乎其人若春風時雨之敷被草木百卉甲坼不可遏燦乎園林不易地而自改舊觀此豈庵先生之所以大有造於南通而爲舉國人士所瞻仰欣慕歎祝於無盡者也且夫造宏大之規者以才而成久遠之業者以志以量其才足以燭古今達中外而志之不堅量之不廣或中道而思遷或一得而已足聞譽則喜聞毀則沮中無定力而俯仰於庸耳俗目之從違卽倖有所成必不足以致遠而垂後今觀先生所設施彰彰燦著於天下若實業若教育若墾牧若漁鹽若道路若水利若慈善若美術旁及醫巫伶工之屬瘖盲廢疾之類莫不納之於學以啓其智而遂其生凡爲國之所宜有者南通固無乎不有凡爲國之所籌備而未具者南通且無不先具入其鄉而觀其化若不勞而理不令而行而豈知當其造端圖始體大用宏飄搖風雨屢瀆於危不惟異己者日伺其隙卽其所親厚亦惴惴恐懼不敢信其果如今之集大成惟其量足以副其志志足以展其才鍥而不舍進而益上根之茂者其實繁基之廣者其壙厚年彌高而德彌劬聲施爛然而福應亦與之俱隆也先生既負海內之望萬流仰鏡無遠弗屆而門以內復融融肅肅

又得昆季之雅。似續之賢。贊助紹承。競爽濟美。先生得以暇日。闢南山以自娛。且謀與衆共樂之。賀季真鑑湖之勝。裴晉公綠野之堂。昔賢流風於斯未遠。今年五月二十五日。爲先生七十攬揆之辰。德配吳夫人年亦正五十。孤悅同懸。笙璫叶奏。邦人君子。咸謀所以稱慶。而先生且謙讓未遑。文劭等竊以爲九如之頌。臺萊之歌。非爲一人一家祝也。亦非僅致其贊揚於一時也。天保之詩曰。受天百祿。降爾遐福。而繼之曰。羣黎百姓。徧爲爾德。南山之詩曰。邦家之基。邦國之光。而繼之曰。德音不已。德音是茂。以君子有濟於邦國。故天始降以福。而民更望其德之無既。然則所慶祝於先生者。不啻邦人士之自祝自慶。而羣情喁喁。重賴陶成。覺隔於方來者。且相引而彌長也。先生聞之。其亦莞爾而晉一觴乎。是爲序。江蘇政務廳廳長年愚姪朱文劭頓首拜。江蘇省署諮議廳長謝學霖頓首拜。書江蘇省長公署第一科長孫秉鈞等頓首拜祝。

稽滄海澄清之日。值崧嶽降生之辰。絲竹東山。業垂千載。壽昌南極。歡騰八荒。頌臺萊者。從萃而趨。景功德者。黎收而拜。甚盛事也。能無言乎。蓋歲在闈茂。月維脩臬。爲我齋庵先生七十誕辰。吹影鏤塵。羣進麥邱之二祝。望雲瞻樹。敢獻吳斯之一篇。夫其顯志在譽績。學有

待儒墨泉海詞章苑圃人羨孝廉之船胸具參軍之策枕戈不寐起  
舞中宵擊楫橫流籌邊戎幄固已溢譽公卿志華日月迨至策對大  
廷名魁多士文章映日翰苑生風執政之門交相羅致清流之彥翕  
然推崇振佩紫臺相期指顧鼓袖丹陛屬想高華而乃好實畏榮薄  
身厚志屢軒冕其如脫棲畎畝以怡顏跡殊肥遯鳴高心繫民生至  
計賈山同慨空上至言之書裴頠可期力行崇有之論冷風清冽始  
治桑麻煮海鑄山旋興鹽鐵雖時無史起而烏鹵可腴非績表弘羊  
而畜牧自異鄉閭普惠源遠流長鄜里改觀氣求聲應嗣乃力謀敷  
教化廣作人經師人師自作之則國學鄉學次第而興既富庶以遞  
加復教養以兼至羣力可策百度咸新登高而呼衆擊悉舉是以海  
隅片土矜式九州江表一人震驚萬國若夫國體既變政潮迭乘想  
望威儀籍資扇發蒲輪迫載壁帛莫辭爰法三餘以敷政終薄四皓  
而弗居蠅蚋黨爭孤芳自潔蝸蟻時勢謙論獨抒更見風節道上光  
采標映跡追靖節不忘義熙之年言踐希文仍盡匹夫之責遂復扶  
摘利弊清釐鹽政櫛沐風雨疏治淮流雖傳舍滬濱未竟管氏之績  
枯竭泉府難收禹王之功而溥利仁言照耀簡冊因勢利導拯濟顛  
危實已績敷國計德被蒼生非徒草偃風從克變鄙俗頑廉懦立能  
化齊風是奚處士所能議抑非人爵所能榮也爾乃年同張問宜會

耆英歲及鄭元。合傳家事。仍膺艱巨。邁高九之聰強。會躋太平。闡李  
光之精銳。樂鐘鼓以同慶。房中壽人。期弓冶以相承。階前寶樹。功業  
未艾。美意延年。福澤方長。仁者得壽。是蓋荀卿之語。信而有徵。孔子  
之言。久而益著。元章昔役戎行。勉維鹽運。時親座席。感沐仁風。慚匏  
繫於一官。祝椿齡於千歲。大江東去。願釀酒以稱觴。仙鶴南飛。謹摛  
辭而獻頌。頌曰。

天眷蒸民。以生畜公。公資天縱。振俗發蒙。如風之偃。如日之中。化被  
所及。寧止南通。惟公之智。盡地之利。務財訓農。日新月異。通商惠工。  
日省月試。杜塞漏卮。民生豐遂。惟公之仁。有脚陽春。非徒煦煦。詢苦  
卹貧。出民水火。曲突徙薪。蚩蚩有衆。食惠無倫。惟公之勇。致遠任重。  
垂三十年。不息以踵。力絕紛華。儉節自奉。藐彼尊嚴。罔驚辱寵。立懦  
廉頑。風起雲涌。時會不那。空言止戈。羣力既敝。爲患實多。斯人不出。  
如蒼生何。願陳民意。上告九天。俾益公壽康強百年。推厥偉業。普濟  
顛連。天視民視。天聽民聽。民具爾瞻。天祿丕孕。壽考維祺。天人相應。  
調署淮安縣知事王元章鞠躬敬祝。

詩歌維嶽紀申伯之生辰頌詠闕宮慶令妻之受祉綬我眉壽俾爾  
熾昌聿昭耆德之尊永錫彝倫之福若我季直先生魯殿靈光商顏

詩季應福星而誕降。本仁壽以聲聞。其文章經濟。振鏖夷夏。炳耀樞  
斗者。有足述也。先生生而雋異。少好讀書。登高作賦。擬荀屈之前身。  
遇物能名。知陸潘爲偉器。己卯貢成均。乙酉捷南元。甲午大魁天下。  
方謂空羣冀野。奮翮天池。駭歷聲華。騫騰翰藻。而先生淡泊明志。甯  
靜致遠。軒冕不足榮。干旌不能挽。夜光結綠。原不以沽而珍。逸羽潛  
鱗。獨自得天爲適。蓋抱悲天憫人之懷。有天下一家中國一人之概。  
焉。舉凡務材訓農通商。惠工諸大端。因勢利導。遺大投艱。由是推廣  
實業教育。百廢俱舉。一道同風。饒鮮讀管仲之書。取與師白圭之術。  
鹽起猗頓。阜南風之財。絲產吳興。潔西陵之祀。謀富庶於桑梓。昭信  
仰於寰區。邑無游民。野無曠土。以之治縣。何縣不治。以之治省。何省  
不治。以之治天下。何天下不治也耶。夫然則先生之壽身壽家者。於  
是而又壽國壽天下也。加以任恤維勤。解推是急。門庭雍睦。陳太邱  
之素風。閭里順和。王彥方之隱德。魯困屢指。頰彌雁戶之艱。范麥能  
輸。藉免鶉衣之歎。此慈善事業。又昭昭在人耳目者。行見大椿慈竹。  
與日俱長。玉樹芝蘭。當階並秀。斯真可以奉觴揚鱗。而頌無疆者矣。  
謹序太歲在玄貳閏茂夏五月中。游古歙吳熙年撰并書。

民國十一年季夏爲齋師七十攬揆之辰。其繼配吳夫人亦慶五十。

師之舊與夫被師之澤者。僉謀躋堂稱觥進詞以賀。時仁奎奉節南通有五載矣。既荷師知許。復習於左右。則益不能無言。師之功績在南通。地方人歌頌之。地方人自能詳言之。仁奎無贅爲所不能已。於言者。以師之志行。師所事有不得旁貸。而特爲其難者焉。夫師行古之道者。所志不外孔子與冉有言。庶之富之教之之概。及孟子仰事俯畜。凶年得免。然後驅而之善之道。而當時諸政治家。或拘於所學。或亡厥本來。師固不變素抱。亦不北激切反動之禍。仍思得良疆吏。開通一省。達之樞府。以兼善天下。無如再三陳說。罔或有行之者。至甲午庚子。閱國變愈急。外禍愈烈。師知肉食者終不能與謀。常此有待。必與之偕亡。乃退而營一邑。以范天下。東海之濱。方七千里。曠土治實業。興學校。二十年間。規模大備。卽前所言地方人歌頌之者。其事實歷歷可數也。所謂庶之富之教之之願。達其嚮而窮其所極已。卽今談者。勿論中外。無不謂南通之治。蔚然全國之冠。其造福地方。幾不可以言語形容。苟憂國之士。稍知慕師所爲。起而踵行之。亦得收尺寸之效。聞遭蹶躓。來請於師。以董督之。無不復者。嗚呼。使師嚮日上之疆臣。達之樞府者。次第畢行之。中國何至陵夷至於此極耶。雖然。師之聲教。迄四海矣。人心終有厭亂之時。果厭亂必也。奉師之法。以治地方。師之道。將如水之流風之偃。瞬息徧世界。仁奎爲師稱

七十觴親覩地方成效若此異日者舉觥上百歲頌吾知被其澤者凡有血氣莫不尊親烏可以方域量哉吳夫人亦克輔師之行繼徐夫人之志凡夫人有志未逮或行之而未卒者吳夫人一一成之且有加焉詩謂刑于寡妻至于兄弟以御於家邦於吾師親見其盛事卽援此作稱觴之詩而爲之序陸軍中將通海鎮守使兼陸軍第七十六混成旅旅長受業張仁奎頓首拜撰江蘇督軍署諮議任用品尹通如稅務所所長愚弟田寶榮頓首拜書通海鎮守使署陸軍第七十六混成旅參謀長顧廷藩副官長趙彥龍鎮署參謀關福副官楊悅祕書沈鈞軍法官俞星裁旅部參謀周宗祁耿長廷副官劉哲明王廷臣書記王椿陸軍步兵第一百五十一團團長陳兆豐團附張國威副官李維鍾軍需陳延祥營長趙丙炎倪國寶唐立臣副官楊錫發孫登科白志信連長徐汝梅顧德淮徐瑞丁治磐李夢鼈徐祖洪趙如樑于鳳亭溫夢占張玉峯孫沅機關槍連長陳延禎陸軍步兵第一百五十二團團長趙桂成團附曹遜副官徐福祥軍需程元瀚營長李光第王達夫閻福堂營副官莫錦龍趙松海馮榮綏礮兵連長高德成連長徐桂亭紀有春杜鑒成祝洪生李壽鐸顧廷襄許得勝張占同張廷輝李玉堂陶森林警備隊第八營管帶孫寶琮幫帶朱鳳藻副官陳廣才步隊隊官董瑞符朱承旭王楨季松林礮



隊官何保賢同頓首拜祝

文中山斗昌黎起八代之衰。洛下耆英潞國冠羣賢之首。七百年名世。崧嶽鍾奇。八千歲大椿。春秋並茂。祥基於善積之厚者。流必光壽。應遍仁。先其鸚而後必獲。所以門標通德。邀遐福於懸車。里著全恭。騰殊榮於賜杖。雖時移代易之有偶殊。而實至名歸之無或爽。然非救生有素。翔機趣於神明。烏能守道彌貞。作國家之人瑞哉。有如此我夫子。得天獨后。因地制宜。慧業文人。能馳標於闡闡。高資上客。終結契於煙霞。以故澹定之懷。遐齡坐享。謙冲之度。明德愈昌。孤悅同懸。鴻案洵稱偕老。箕裘克紹。經庭欣有傳人。誠可謂福非倖致。而事足表揚者矣。自來俗學。多尚浮誇。藉糟粕爲新奇。以艱深文淺陋。魯論半部。後語經綸。官禮一書。謬矜淹博。固不足爲通人。徒見譏於識者。夫子則筆參造化。學有本原。重君孝之麒麟。記陳墳之鸚鵡。讀人間未見書。講經世有用術。十行並下。羣誇應奉之才。九紙無遺。卻類范雲之速。推倒一時豪傑。形廷占多士之魁。優游七秩年華。皓首有窮經之雅。著作等身。文章鳴世。其學術之湛深。有如此者。凡人役志功名。雖閑散自娛。曾答空函於當軸。又或情怡泉石。雖鳴高肥。遊別開捷徑於終南。絲竹遣懷。東山或矯情鎮物。耿介拔俗。北山曾託諷移。

文熙熙而來。滔滔皆是。夫子則可仕而仕。可止而止。邱壑有心。聲譽無志。不以高牙大纛爲榮。不慕桓圭衮衣之貴。堂開綠野。作宰相於山中。經誦黃庭。遇神仙於塵世。飽菰米鱸魚之味。惟適志於鄉邦。輕玉堂金馬之華。早忘情於宦海。雖滄桑局換。而金石心堅。闢滌卑商場。范少伯富仍裕國。謝嵩山友號魯仲連。義不帝秦。其品行之高潔。有如此者。嘗謂賢豪多定力。原不隨風氣爲轉移。而俊傑在知時。可預卜天心之趨向。能因尤貴。能創有守尤賴。有爲夫子則識燭幾先。學隨年進。朝野之所仰望。言動足係治安條陳。抒對日之謀。早慮三韓危殆。互保扼沿江之要。曾令半壁無驚。及至歐風亞雨之紛來。遂爲易轍改絃之建設。廣教育以開民智。興實業以厚民生。凡所措施。率皆完備。一邑旣日啟文明。全國更資爲模範。用是荒陬遠服。皆知張鷟之名。論海重鹽。特過張融之賦。望氣識豐城雙劍。世稱博物專家。著書如金鑑。千秋堪繼。曲江風度。其才識之因應。有如此者。在昔田文好客。珠履盈庭。陶侃留賓。金樽精酒。莫不以任俠爲豪。聲氣自詡。然而薰蕕不辨。朋黨生嫌。門戶太分清流。肇禍夫子則與物無競。惟德有容。門停伯遠之車。室有陳蕃之榻。誼聯寒峻。儘許其執贄而來。名動公卿。不漫以彈冠自慶。苔岑同契。涇渭攸分。對叔度之澄波。盡洗此心。鄙吝入龐公之雅座。無非太古衣冠。曾參幕府戎機。將軍

與揖儼負客卿重望。大吏爭迎。其交游之以道有如此者。且夫清潔自好者。君子之所以存心也。而胞與爲懷者。君子之所以接物也。際此大同世界。應順自治潮流。出固堪爲柱石之資。處亦可造地方之福。夫子則樹德務滋。欲仁斯至。修七百里崎嶇之路。闢五萬頃墾牧之場。商感其挹注。金融農感其疎通。水利建杜陵廣廈。庇茅屋於秋風。展白傅長裘。蓋洛陽之積雪。思猶己溺。拯竈沉蛙。產之災。食乃民天。憫野有鳩。嗷之苦。善心爲竅。允稱一代偉人。有口皆碑。羣頌萬家生佛。其德澤之及人。有如此者。凡茲卓卓諸端。昭昭共見。斯皆徵算之符。應獲絳旆之報。今值五月廿有五日。適爲夫子七旬崧辰。因推其餘慶之由。專陳往事。並綜其延齡之理。臚舉曼詞。聽外紅榴。猶留作綺筵之點綴。階前玉樹。用以觀彩服之嬉娛。躋堂則禮詠於詩。杖國則年稀於古。德配師母。吳太夫人本協乾綱。克宣壺律。承世澤於延陵。適清和之名第。內言不出。中饋稱賢。相夫子以承歡。盤匱服孝。率家人而示儉。并日親操。故得禔躬集福。視履考祥。年屆五旬。合成雙壽。萃一門之喜慶。聽四境之謳歌。環珮冠裳。詠新詩而紀極。笙簧酒醴。酌大斗以添籌。玉仁職守所屬。趨蹌未遂。念師干之忝領。深慚陸氏莊荒。沐教澤之涵濡。竊幸程門道廣。甄陶令桑梓盡成材。造就寓菁莪之遺義。挹南通之靈秀。瑞可躋南極老人。開北海之門庭。豈

僅北方學者有獨乘之運。而天意先鍾。有長發之祥。而人心若契。舊雨更兼新雨。化雨同沾。文星環拱。壽星德星遠聚。爰賡下里之歌。獻聊佐長生之杯。學壽筵共祝。尊樓與瓜。賦齊輝。壽域同登。絳老偕金妃。併健。涵太和之元氣。璞玉渾金。敘樂事於天倫。蘭馨桂馥。此可見天道惟知佑善。福澤原有自來。佳日同慶。芝生憶瑞。繞化成之殿。閨月適當蒲秀。喜連逢攬揆之辰。天畔文鸞。替奏娛賓之曲。雲間綵鳳。遙御祝嘏之觴。固宜精神矍鑠。之加。食愷悌慈祥之報。愧乏文通才調。執筆而歌。笑無昇情。談諧借桃。以獻立言立功立德三者無媿於立身。得位得祿得名。四必更卜。其得壽漫擬雕虫文字。敢登諸大雅之堂。希邀附驥光榮。謹頌上期頤之頌。門下士馬玉仁鞠躬敬撰。

連珠之文。祖於韓非。禰於傅毅。陸平原演其義。庾開府集其成。大抵寫物寄懷。抒詞述志。自武進陸劭聞氏用代祝釐。而後之景從者遂衆。歲次玄默。闕茂皋月之吉。嗇庵先生暨德配吳老夫人九如錫祉。雙慶稱觴。敬循卮辭。庸介綬福。將以迪詰允譽。洪熾延庥。爰伸皇筭之唵。仿製壽人之曲。竊比北宋草制。畫依樣葫蘆。東施效顰。實自慚要紹云爾。其詞曰。蓋聞西京右族。七葉貂蟬。北魏名卿。三公銀艾。是以富平侯之華胄。羨綬朱繩。蕩陰令之傳家。丹車紫轡。蓋聞妍聲文

苑延譽羽毛待詔公車傾推冠帶是以姓氏鴻臚之唱温飽非期階  
資魚袋之遷垓埏永賴蓋聞圖雲緝組綺縠璘玢織霧團花素沙璫  
璨是以吳機軋軋食指仰給者千蜀杼盈盈銛筭日贏者萬蓋聞烏  
鹵擊察繼起參譚瘠土經營踵行絡繹是以螿區行隩李悝盡地之  
方鼠壤膏腴周官草人之職蓋聞品學垂範孝友温恭經史分齋剛  
健竺實是以制籥百氏譙國五禽之科皋牢九流淮南萬畢之術蓋  
聞禽狩列簿擗蒼殊觀草木狀名紛羅什物是以牽犀重譯羈勒狼  
肱之區佛像夥頤巉鑿龍門之窟蓋聞四部梁代天監搜羅七略隋  
朝香廚名號是以蟬篇鳩輯萃宋元之槩刊螽簡鱗排規向歆之讎  
校蓋聞牢盆征權均準輸平布算權衡提綱挈要是以筦子海王之  
策刑拒先民辛斡致富之書展舒實效蓋聞齊東野語歐窶滿篝遼  
左循良附枝在境是以國稅再熟之稻家盡吳都鄉貢八蠶之棉富  
侔蜀郡蓋聞荏測五臟切脈難稽洞垣一方結癥斯得是以合符盧  
扁長桑肘後之奇異軌軒歧此胡活人之術蓋聞龐眉陝陝厦屋萬  
間鏡齒幡幡盃羹一飯是以變醜化瘠東漢牛米之儀嗟枯吹生西  
周鯨痾之政蓋聞箴育講藝匪鑿技優斲曲成材兼資學助是以載  
教載教聲喑者可劇譚而食而衣病死者能測數蓋聞英英學子協  
律名官僕僕碩人吹竽作頌是以南音北曲嘉酒集乎歐梅檀板金

尊絕技推乎旃孟蓋聞堤堰防衛河勢瀦分江海歸墟淮流排洩是以重民在食誦樊惠渠之歌微禹其魚銘周府君之碣蓋聞士龍騰譽雛鳳蜚英美意延年修德獲報是以韋平踵武信公子之瓌奇松喬攝生豔斯翁之耄耋蓋聞會昌分集一品成書國老騰詞千齡益算是以神州瀛海祝台背於犀觥金母木公頌齊眉於鴻案母里師範學校校董夏寅官頓首拜撰陳康頓首拜書母里師範學校校董王敢校務主任邱家驥舍暨繆文煜教員陳培壽朱景文龔翼王林發錢紹彭陳紹年周之楨杜吉會計馬文憲庶務陳道燧率全體學生同頓首拜祝

吾泰本海陵古郡東境直達崇川卽今之南通也代有名人若胡若徐若王若顧指不勝屈而近以張公晉庵爲最顯公生長海門而本貫南通初名育才應如皋試爲諸生緣是構訟州牧孫海岑直刺識拔之歸於通每試輒雋己卯貢優行丁酉中順天鄉試南元翁常熟器焉時有國家元氣之目甲午通籍大魁天下念世多故不就仕歷主講席講求有用之學每念中國積弱非興實業不克以自強於是紗廠諸公司次第而舉教育則師範等均先後成立公創之各省繼起規模宏遠不讓安定兩齋焉尤可敬者項城於公有師友之誼不

從其帝制則有猷有爲而有守。豈區區聞見之士所得而窺其萬一耶。公少所交多英俊。脫履於故常。與朱曼君范當世同游。張武昌之門。入吳武壯之幕。翩翩文采。名噪公卿間。朱爲兄子。文所稱。因識之。范則一遇於江南。獨於公聞聲相知。僅於居停。范退思處。半面耳。後萍浮南北。蹤跡無由合。並余與修山東通志。總纂爲孫佩。南京卿亦出武昌門下者。因爲校當世詩集。又同事保君少甫。公之鄉後學也。謂公居家盡心力於桑梓。雖辛苦備嘗。而意氣凌駕。一時此得天獨厚。不爲空言。而見諸行事。謂非奇才異稟。高出於尋常甲科萬萬數。余長於公四歲。居然及聖師之壽。白文公贈劉夢得云。已爲海內有名客。又占世間長命人。移而從之。固非夸而大者。往客馬塘。見公題吳花韻宅圖云。臣鄉自有清山水。不向君王乞鑑湖。與馮高叟男兒意氣。泉刀賤。不向江湖覓稻梁。同一口吻。其有志竟成也。宜哉。聞公有兄退老相助之力。爲多。余亦以慈兄得交劉儒林恭甫。稍知嚮學。惜劉君往矣。天留迂拙。將壽補蹉跎。俾老眼看病樹前頭。萬木春。方之賓客。正未敢多讓。兒子祖成與公子孝若亦相知。荷以啓事。寄農會。因得贈以言。亦淵明之悅情話云。爾頗思掉孤舟。重游五山。藉觀圖書館陳列之盛。公其斗酒歡迎。同晉二爵乎。民國十一年壬戌夏五月。泰縣袁鑣撰。祝于舊學署。

物有本末。事有終始。知所先後。則近於道。治國治家治身。古今無二。致聖賢事功。不外是也。南通張晉公先生幼篤學。文名久震寰宇。和弱冠學執筆。竊敬慕之。仕浙後。以事謁先生於滬濱。時先生方恬情仕進。究心時務。勅紗廠於塘閘。拓墾牧於呂四。設師校於通城。卓著成效。和見其動止樸植。語默摯誠。若無大過人者。乃不數年而廣生。崇明資生各廠相繼建設。蔚然大觀。先生之名。遂由文而實。朝野仰若泰斗。辛亥政變。先生知國家安危所系。斷難恃諸一人。人力助共和。以全大局。嗣迫公義。出理鹽政。長農商。多所建樹。以人事倣擾退。而自謀村落。與退公先生殫心協力。經營數載。致南通一隅實業教育。慈善交通市政河渠諸大端。盡美盡善。模範全國。和癸丑于役。經通。己未宰東海。復瞻築獲。先後四至。每覽宏猷。日新月異。而歲不同。通之人士咸曰。某也微。晉公之力不至此。某也微。退公之力不至此。和耳而目之。益佩先生難兄難弟。精研治道之本。堅忍果毅。以成茲不世之業。天以南通授先生。而南通顯。先生有南通。而克竟厥志。不負天也。通之人士豈可負先生。以違天哉。天眷有德。特予先生兄弟。以福壽康甯。傳永保熾昌。而閔偉烈。詎無故歟。辛酉夏。先生年屆古稀。遠近祝嘏。和適羈職守。擬以文爲壽。難者曰。先生文章功業。懋矣盛。



矣。獨身膺世亂出處之際。若將齟齬方之於古。擬之於今。莫可舉似。子將爲文。文以人重。其以先生爲何如人乎。應之曰。先生務本之君子也。耕織爲人生之本。本身爲家本。家爲國本。庸人皆知之。惟知之而能立其本於不搖。斯合君子之大道。先生讀聖賢書。不拘章句。身體而力行之。甲第不以爲榮。高爵厚祿不以爲富貴。威武不屈。貧賤不移。黽勉勉萃四民於一身。而各造其極。專尚於質。不浮於文。立身以正。不屑苟同。知清室無可爲。屢徵亦不仕。知世局之講張。一仕而遠引。古聖賢可仕可止。難進易退。果何爲哉。亦以時耳。先生抱道自重。出則伊周。處則言賜。期行其志而已。既不得志於國。思得志於家。家治則通治。通治則國有矜式。而國可治。此先生之志。亦卽先生務本之學之功用也。今南通學校如林。工賈輻輳。野無曠土。居無游民。鰥寡孤獨廢疾者。皆有所養。兵革不興。盜賊遠避。此何如景象。歟。先生方將以手勸諸端。激勵後進。分人治理。冀收羣策羣力之效。益以見先生本末先後之有序。足使南通琳琳炳炳之新猷。鴻業垂教千古也。彼值叔季。出則口舌得官。朝秦暮楚。與蟬蛸爭光輝。處則遺逸鳴高。無心世界。與草木同腐朽者。又何足道哉。何足道哉。難者唯唯而退。爰筆於金沙官舍。藏之行篋。是歲小隱北固。二二三良朋相與論文。僉謂是可壽先生。亟錄之。並綴祝辭。用作雷門之奏。其辭曰。

榮

哀

錄

卷一

三

猗歟晉翁。氣秉細縵。五山鍾秀。景星慶雲。心存家國。學崇河汾。任止語默。雅俗陶熏。委身貨殖。計白與羣。大業彪炳。光昭典墳。禮樂鄒魯。濠陽香蕪。窮源正本。矢儉矢勤。接物誠敬。解難息紛。理參造化。陰惜寸分。勗以精一。守賴衆芸。三壽備具。二難聲聞。金蘭玉樹。景燦榆枌。君子人也。樂誦清芬。輒生寡學。布鼓野芹。臺萊迺賡。阿好非云。知焉罪焉。厥惟斯文。正任丹陽縣知事胡爲和敬祝。

今之教育實業。卽古之所謂教養立國之基。未有先此者也。而舉吾中國數十年來。從事於斯最久而最著效者。莫過於張先生。蓋先生施於其縣者。常以治天下之道出之。條理區處。燦然明備。故南通之推行新法。乃爲江蘇望縣之冠。其縣之人。沐浴於德教而服食於樂利。僉稱之曰南通先生。若以一縣觀瞻視聽之所繫屬。繫先生是賴。他人咸不足以當之者。天下之人聞之。亦皆稱曰南通先生云。今歲夏正五月二十五日。爲先生七十壽辰。而德配吳夫人亦五十矣。於是南通縣自治會商會農會教育會。舉先生事實以告遠近諸團體。徵言以爲壽同人等。企慕於先生者久。又甚重諸君子尊禮老成之意。就其所舉關於教育實業者。撮要陳之。其言曰。先生念自強之基。原於教育。而謀教育。不得不先實業。灼知海關出入貨之樞紐。棉爲

大以需乃牧人蠶公女設三學等嬰通歎其業榮

故二十年來。於鹽政則有就場徵稅以治本。而釐整各引岸運銷之利。以維持現狀之計畫。於導淮則有實測淮沂泗沐流域總分圖二百餘幅之成績。經迭次美工程師專家來華考察。見圖表皆驚歎識力之遠。此其犖犖大者。至爲中外人士之所推重也。蓋先生之於措施。其精神常貫注於數十百年之後。而必不苟且於目前。常以實事求是爲指歸。而不驚一時之浮榮。自大魁天下後。卽謝絕仕宦。至民國政府成立。雖於南京任實業部總長。於北京任農林工商總長。皆不久卽辭去。而致力於實業教育之志。則老而彌篤。天佑耆碩。其將終致吾支那民族於黃金世界乎。吳夫人白首同心。內助之德。固戚鄰所盛稱也。同人等爰舉如岡如陵之詩。旣以爲侑觴之助。亦以誌高山仰止之思焉。河南省議會議長胡鼎元。鞠躬敬撰。河南省議會議副議長常三省。鞠躬敬書。河南省議會議長胡鼎元。副議長常三省。張懋臺。議員王家鳳。陶懷琳。楊宗結。畢滋霖。魯錫田。牛際飛。鄭子安。王履瑩。馮翊文。王連芳。趙承志。楊茂松。栗廉芳。李觀文。姜文。卿。魏程。典。姚華林。荆丙炎。陳應旗。任鎮昇。李桂嶺。陳金臺。張鴻範。李克讓。馬鴻恩。董景哲。佟士楷。劉錫齡。徐平皋。崔毓楠。李璟祥。宋祖湯。王卓午。許鳳閣。王廣熙。劉克敏。楊允升。楊毓璋。楊洪溥。黃榮忠。穆炳壇。任蘊。清。袁濟衆。彭時彥。袁宇傳。劉孝科。呂湛源。戴鴻道。李子亮。王曾述。侯。

振海時經詮高蔭曾張維寅毛印林楊錫華賀光瀾郭名儒李昕燦  
程晴嵐王清泉李明倫趙錫鬯孟昭渠張鳴珂孔廣鐸耿文華郭良  
翰許葆光范鴻猷張樹業雷啟南夏瑤瑜苗懷新林祖式蘇渥霖趙  
錦堂劉廷賓韓彝章薛祖澤蘇容衆石好賢開升閣傅元杰丁承澤  
李學欽韓鵬揚彭守樸白源澂喬士傑馮麟經魏錫庚趙永年司際  
虞李增榮李作梅仝鍾潤李顯榮莫汝弼胡克己王兆麟任桐亭王  
樹聲劉雲昇張鑑炯路爾忱李國瑗張之銘柳永彰范瑞豐陶麟宸  
上官振基李杜郭平趙淮傳巖許鈞張藻傅銘李耀張坊楊燦張鑫  
趙靜張融祕書趙絳汪紹辰王榮光侯紹文史經賈治安夏炳蔚劉  
山亭田于西張耀辰李世緒莫樹森賈懋德黃庭黃文德鞠躬敬祝  
南通枕江濱海入其境延袤數十里衢路脩潔巍樓奐宇綿互相望  
學校工廠櫛比林立民各有務求一游怠溝瘠者不可得尚醇樸嚮  
禮義足以模範全國傾動海宇而開此風化成此美俗者實季直張  
先生萃累年之心力以致之天篤生名世於世變遷流之時會而克  
建景鑠悠久之事業壽民壽世曠代難逢今歲五月爲先生七秩夫  
人五秩雙慶海內賢達多製言以頌盛德而歌偕老寶善等雖不文  
不可無一言褻所以延齡之由而爲南通爲國家祝其無量之祜焉

先生幼稟岐嶷目十行下通籍後知世變日亟迂儒墨守章句無裨家國獨毅然肆力於有用之學盡覽中外羣籍關係於國計民生者靡不深求熟思有得於心期用於世既著政治平議變法平議諸書復舉官制幣政鹽法撰論專陳舉國傳誦秉國鈞者儻盡行其說吾國貧弱當不至是其學術之湛深有如此者弱冠參戎幕論列要政爲吳武壯倚任獨專一時英俊耆宿多服膺卻步甲午大魁天下銳意講學爲國家培人才不汲汲於仕宦項城師事至謹洎屢徵組閣不出尊爲四友不屈先後禮學度支各部特設顧問諮議以隆重之國會舉長農林部時全體翕然信仰凡有興革循序策畫補救偏弊力圖自強改革時各省推綜鹽政旋奉命督辦導淮運河商埠等職事標本兼治利賴至今國家異數酬庸屢頒盛典曾辭勳位再進勳章不世殊功與半生榮遇世罕其匹其治術之宏遠有如此者吾國大患在教育不普及實業不發展先生重於斯二者謀以南通一邑爲之倡先設大生紗廠興棉利更設墾牧公司興地利他如水利輪船鹽業漁業蠶桑以及鐵冶釀造榨油製麵莫不擬設公司容納百工爲通人謀永久生計規模恢廓中外望風學校則先創師範孳殖通才農蠶測量紡織分設專科他如女工有校藝徒有校盲啞伶工有校育嬰殘廢棲流濟良各有院所故通治地不廢一物鄉不惰一

人狂塞偏隅皇然成繁盛都會築成縣道至七百餘里結駁交通羣樂便利自治成績足與歐美相頡頏其益於社會之專業有如此者先生幼秉庭訓立行必端齊家有道令兄退菴先生敷歷有政聲比歲退隱林下助季方治地方事壘篋交奏至老怡怡夫人賢明有婦德治門以內事裕如也宗族戚鄰以逮臧獲皆感恩敬禮無間言生孝若公子學議冠時而任事毅力有名父風矩人爭稱爲棟梁才孫公子在襁褓識者知爲非凡品抱膝含飴興宗未艾其得於家庭之和樂有如此者凡皆拳拳大端僅言先生德於人者之崖略而天所以報先生者其發端耳昔人謂壽之道有二有王澤之壽有聲聞之壽有行仁之壽先生殆兼其三而有之而享壽考於無疆者耶聞通之人士逮婦孺爭願各以一日之壽爲先生編鶴算卽爲父老昆第謀增幸福者然則百數十萬人縣綵歡呼合詞祝嘏蓋有由矣更冀先生葆其純固之天全其剛健之神以規畫南通之偉業推而及於全省而全國登人類於春臺爲世界之模範不尤懿歟彼夫潞國精神汾陽壽考曾何足數是爲序陸軍少將淮南緝私統領齊寶善參謀官陳世貞團長任煥章營長方頤穉魏春元李慶榮郭鳳書程登科王宏鈺陳轄吳登甲劉槐文宮邦彥同拜祝

天下惟大德者乃可以壽。若南通先生，庶當此無媿乎。先生早著文學，晚講實業，半爲社會，半爲國家。其立校興學，通商惠工，以及墾田闢港，開運導淮，諸大端，已昭昭在人耳目，不煩贅頌。然人第知先生功業滿天下，而不知先生措施實基一鄉也。先生治通，其自治成績，既稱全國模範，由鄉而省，由省而國，次第舉行，功德遠布。蓋本古聖所謂齊家治國平天下也。謂非大德可乎。廣等久震先生之名，值分防滬淞，先生適督辦淞埠，藉此得瞻丰采，親見經營，不可謂非三生有幸。茲屆杖國之年，羣謀稱觴之慶，廣等既慕先生之德，亦聊附華封之祝。云爾。陸軍步四十四團團長朱聲廣等敬祝。

江都梁孟涵先生好臧否人物，於並世名流，慎所推許，獨於張公嗇庵無異辭。先庚與先生同客江甯，往還最習，其言曰：天之生大賢，不數而大賢之用於世尤難。彼其視民胞物與，宏育羣倫，皆事天者所當爲。力之能及，莫不勉強顛頓，艱虞曾不少挫，以求一心之所安。故達則天下後世被其澤，窮亦不僅獨善其身。公之區區爲南通君子之所深惜也。先庚曰：士之欲有所建立，而不能無待於憑藉者，非必時異勢殊也。其材力誠薄弱爾，公以獨力而樹全國之風聲，世知效法，則富強可立睹。不知則以謀諸一邑者而漸推焉，創始難爲功，而



因循易爲力。模範名縣亦公之志也。與梁先生稱善以爲知言。其後先庚則常以此說聒之。有力者往往謝去。今年春介於丹徒陳星南先生。得謁見公。所以詔勉者皆非淺薄所宜任受。每用兢惕。日者公七十覽揆之辰。遠近來祝者冠蓋相屬於道。類多所謂有力者。先庚無似。敢爲公祝。并祝祝公者。若歸以所得做效而經營焉。不懾不惑。毋自私自欺。毅然以公自命。則爲祝大矣。迂遠之言。其諸君子所樂聞。公或掀髯而爲進一觴也。夫東臺胡先庚謹撰并書。

蓋聞天地翕闢而運會生。陰陽變化而人事蹟。至人消息而萬物備。故夫從更晬廓。鈞蒼元皓之宇。泰遠邠國。濮鉛祝栗之宮。洪荒草昧。榛狂根莖之世。鶉居穀飲。禽處獸息之趾。陟櫓櫟。降媚炮。闡羲農。繹軒昊。渙汗唐虞。勤夏勤殷。潤澤豐鎬。疇乎其質。曄乎文也。遐稽載籍。昭察疊聞。則夫測土刊木。經緯廣輪。上發三光之明。下啓九州之隩。弭風雨。寒暑之珍。澹沈濫。震汨之蓄。布帛總聚。衣被天下。耕稼芟柞。粒食蒸民。網罟牧植。禘山澤之藏。行旅商賈。俾舟車之遠。設庠序。立國學。典禮事。五德行。藝六游。衍師儒。漬濡禮樂。聖聖襲其孚。元元翼翼而肩黜。中和感滿。翱翔自得。耄老孤幼。無告者有養。聾盲暗瘖。罷廢不耐。自生者得收。至於黼黻文繡。組紉綦紉。女工之事。莫不勸。肴

戴蔬藪烹炮羊茹鉅膳之事莫不脩。鳥獸草木鐘鼓羽旄遊觀之事莫不具。浸之溥之。泥布濩之。夫盛德形容爲頌。長言詠數爲歌。風詩所播揚。洪烈著緝熙。荷天庥。挈地釐。固已乃至在圖之獸。芟舍之棠。蘋蘩夫人之潔。麟趾公子之仁。洋溢於發管。低徊於矇瞍。欽欽者雅。淵淵者頌。曰壽考萬年。而億兆人同。此三五之上。懿四王之盛。規也不亦康乎。周綱旣解。魯澤寢竭。平桓極頽。尾定哀承荒末。故聖不枋政。而孔子爲素王。王有德。素無位也。曰吾欲託諸空言。不如見於行事之深切著明也。曰如有用我者。吾其爲東周乎。蓋有聯文抗武之志。而無黜周王魯之會。一用於時。卒老環轍。麟經瘁筆。削龜摻數。斧柯而已。由是政與學益分。時與位不侔。孟荀不得於戰國。河汾不得於隋。五子不得於宋。新建不得於明。斯皆聖智翊世。勤民之才。終於窮老著書授徒之事。夫棄上才於耕莘之本野。漁渭之況。耄十策抑蹶。競經田斥。拘墟則君非堯舜。不得遇時。臣非皋夔。不得盡志。時賢法後王。漢人襲秦制。聖道阻千載。而不進。治術挾百世。而俱衰者。此也。惟吾張公。晉庵以匹夫而躬王者教養之事。以下邑而開當世制度之先。以晚近而規三代。至治之盛。時不異。升降地不域。通塞遇不別。仕隱夷積勢。樹變刻曠蕩。而興艱難而起。監皇王於千禩之上。立熙皞於一隅之天。振古以來。未嘗有也。公蘊江海淵瀨之英。萃原陸

博厚之性。庭懷致礪。師友攻錯。學苞行賅。道通辭粹。長文固冠。制科  
軍絕域。條邊議。蹤指諸侯。保障東南。關鑰樞府。翊贊鼎革之際。興學  
勸業。切近世。適事變。規機紡。開農墾。正鹽筴。平水利。首導淮濬。運之  
策。其餘大端。於先所謂。集燧以下。列舉云云者。罔不備焉。益又新之。  
大業罔不舉。大政罔不與。大慮始始。大謀坦坦。大任晏晏。付度而策。  
至。積累而自爲。邱山之峨。拳石之著也。夏秋之穫。先春而蒔也。黼黻  
之文。鍼黹縷紵之周也。日寤者先覺。而夙夜已興。後來者廣路。而榛  
莽手闢。黃髮番番。邦之著靈。國之耆表。天下耳目。畢然傾聽。以爲進  
退。聲聞被於遐邇。殊方異徼。規國者造焉。未奠之邦。積弱之勢。巖巖  
一老。揭櫟自重。隱然與與。國絮長短。慮政教焉。豈不偉哉。且夫乾道  
至健而不息。滄海至大而不溢。生百物。納萬流。而弗有焉。公則似之。  
照乘之珠。不過天府之一琛。百尺之桐。不過龍門之一章。能而不恃。  
安而不康。夫策廷庸陞賚。儀秩勳孝。務順親誼。或涉應史。書紀載流。  
俗羨稱公之膺之。譬若綴英貫鑿。鑿劬巾儀佩而已。弗有焉可也。至若  
蒼沮之後。典籍炳於六代。喬若贏秦。宏若漢京。建安爲夷。齊梁爲靡。  
韓偁柳和。下開宋明。岐駢與散。各製其派。歌詩復析。夫散儻不名。惟  
漢爲盛。兼詩與文。自唐已勳。岐陽勒碣。泰山刻石。崔蔡書勢。篆隸騫  
翥。行草紛若。附庸側出一都會也。公則治百家。俱會於一。經國導時。

沈詳整莪者舊輩流心賦勿給獸識潛師大總統徐公初見公誦卅年舊文琅琅在口也高文必傳箋啓爭寶錯奇偶而成章垂金石而可久疇若淑而能全亦欲然而罔有也及如朝鮮戡亂武壯督師赴機驟發贊戎蒞軍叢薄夜駐介樹據坐支篋翳風然燭書奏凌雲付驛終事若應先人奪志增壘設形禽大院君置戍而還既效蕃衛上議鈞樞忌醫始疾終劇大本又如戊戌階亂庚子燔國張劉接批吳楚頡頏京師震驚東南晏康示非矇同誼足翕外既底其成若謂固然初發爲斯議天下關鍵若機在括又如辛壬國變之先首過彰德早定大謀滬議國體寧調南北當時大勢主之者數人軍府事祕世莫能知也又如隱機伏隱羣陰煽燄洪憲之際海內騷然矣豪傑建議始亦面從批繩今古陳臬是非猜忌之下一人而已碩德致嚴誠信起敬正言懾志師道足重亦袁公之僅也世士探末節分餘光皆足以振當時名後世矣公乃容與若忘一邑自課曰吾邨落主義而已何其詭也夫邨落國之析也累而爲國擴而爲世世之至道大本何在哉飢者稷之飢溺者禹之溺敦養務教與物同民而已學學此者也師明此者也君蒞此者也樂樂此者也禮履此者也公之爲也邨落主義之謂也國鈞居處近接事久比更贊襄于役運河獲觀公十年前所成淮沂泗沭流域總分圖二千餘幅及公獨力措拄測局

與美工程師迭來考驗圖表狀。按圖墮墳塋塗壤沙墟堅耗之質源流  
支派出入匯溢溯洄厲揭之所深廣高下遲速陂陀側衍砥礪之形  
畢羅朗列。箕土算功。登燭紙上。揆日可施。而卒破不行。然後知公之  
績天下服其大。而織曲稽困日月自致。皆此類也。歲五月吉。公壽七  
十。謀所以祝公。國鈞則推本詩人歌頌願欲乎壽之意。與公德盛明  
施今邁古之蹟。爲邦人君子發其凡也。配吳夫人亦政壽五十。遂作  
頌曰。

穹穹上天。通德昭回。斗牛吳紀。雲漢之隈。江以涑胥。宛宛其來。長淮  
斯泮。大海爲懷。毓靈而佺。耆德而駘。裝寶敬下。朱明盛開。直誕稱觥。  
歲荐不許。四海賓客。徑造公所。高拱翔揖。祁祁如旅。縣道孔利。七百  
里距。益來穰穰。禮不可禦。千齡觀啓。羣老畢至。肅客慎相。序齒就位。  
百歲長兄。六十穉季。酌以甘醴。饌以脩醢。聰強健飯。決堅勝風。亦有  
聽視。子孫不意。須眉粹安。老人寡嗜。畢獻告謝。老人微醉。千齡始建。  
觥兄之地。兄惠靡靡。扶杖亦蒞。廣壽大千。寧獨邦瑞。孝弟仁恕。於是  
乎寄童亦百爲伶。社獻壽或儼夫婦。或儼帝后。髮脂而姣。鬢髻而勳。  
渥丹君哉。藍面頰醜。頤使馬走。賢慝譽咎。飲食牝牡。今之淵藪。高媒  
裡祀。夫人祚福。受子孫觴。筭禱並肅。公子賢孝。有孫則淑。蘭茁瑤珥。  
錦襦繡服。匍匐習拜。笑受以目。幼幼推外。千童在育。孳字卅年。萬兒

來祝老人星見天下純熙南山出雲其雨其滋襄我嘉穀懷而慕思以廣載歌命工奏之江蘇運河工程局會辦年愚弟韓國鈞頓首拜撰江蘇運河工程局諮議年愚弟段書雲頓首拜書諮議黃以霖等敬祝

南通一縣耳而二十年來國之人言教育者必曰南通言實業者必曰南通言自治者必曰張先生外人之視我國者亦必曰南通曰張先生於戲何其盛歟佩孚未嘗識先生聞諸游於通者曰入其鄉則道路治焉地力盡焉百工勸焉學校備焉行之十年又十年於是乎物以蕃息林林然事以畢舉秩秩然民以弗嬉熙熙然商賈願出其途行旅欲行其市以至一事一物之微莫不條理而枝暢焉一技一能之細莫不綱舉而目張以各致其用而饒寡廢疾之不可告者亦莫不各得其養焉猗歟偉哉何道以致此佩孚曰是道也蓋古之治道也易曰君子以勞民勸相又曰君子以振民育德管子曰爲國之道必先富民民富則安鄉安鄉則重家重家則敬上畏罪則易治也故其言六興曰辟田疇利壇宇修樹藝勸士民勉稼穡脩牆屋以厚其生發伏利輸壅積修道途便關市慎將宿以輸其財導水潦利陂溝決潘渚潰泥滯通鬱閉慎津梁以遺之利故賈生曰古之治天下

蓋至纖至悉也。潛夫論曰：爲國者以富民爲本，以正學爲基。民富乃可以教學，正乃得以義富。民以農桑爲本，遊業爲末，百工以治用爲本，巧飾爲末，商賈以通乏爲本，以鬻貨爲末。三者守本則民興富，故管子曰：入州里，觀習俗，聽民之所以化其上，而治亂之國可知也。先生明乎古之治道，以之自治其鄉邑，凡所設施，無不以富民正學而務其本，無不以厚生輸財而遺其利。於是乎南通治，雖然南通其小焉者耳。田駢之言曰：天地之間，六合之內，可陶冶而變化也。齊國之政，何足言？先生豈僅言治通哉？先生家於通，爲縣謀，紳於蘇，爲省謀，官於朝，爲國謀，固嘗以治通者推於省及於國矣。數以其道爲疆吏言，爲執政言，言治鹽鐵，奚若？治水利，奚若？治工藝，治農林，墾又奚若？內則教育官制，釐稅征權，幣制，其治奚若？外則漁牧蠶織，女工種植，其治又奚若？犂焉井焉，其道備焉，自清室迄於今，蓋莫不重先生言。然而扞於勢，絀於力，疲於兵，蔽於親貴，盜賊或行，或不行，或行非其所謂行，先生於是懷而去，以博而施爲國自治者，則約而范爲縣自治，以其建諸言者，一一行諸實，以俟後世法天下，不然者，使行其言而至今，則天下一南通可也。先生四十而力行，不辭勞勩者垂三十年，今年七十矣。吳夫人年五十，有子能肖，有孫稱英，物將營南山之園而娛老焉。月之己未，海內士大夫羣謀所以壽先生者，以告佩孚。

夫朝菌不知晦朔。螻蛄不識春秋。世俗之所謂壽。有異乎先生與佩孚之所謂壽者。然則其壽何足言。抑先生事功。亦既燦著於天下矣。又奚待佩孚言。而猶不能已於言者。我國郡縣南通若者。且千數百。而人才先生若者。百年而不一。先生既不克推其道於省。於國。若省之人。國之人。皆能師先生。法南通行之數十年。或百年。國中郡縣莫不南通若。人才莫不先生若。或且後者。上青於藍。而南通不必治。先生不足賢也。則佩孚之大願也。斯則先生之所謂壽也。故未敢以世俗諛言。諛先生今日之奇。老福艾也。佩孚治軍旅久。文字荒落。夏五望夕。星雲爛然。輒以佩孚之所謂壽者。書之以介先生之觴。他日者。先生將至。耄耄而期頤。其豐功偉業。將由是而至焉。佩孚尚將執筆以進。廣續斯文。以爲先生夫婦壽勳。一位兩湖巡閱使直魯豫副巡閱使吳佩孚拜撰。

國於天地。必有與立。支柱乎兩間。爲國恆幹者。惟人而已矣。故貧與寡。非國之患也。有先知先覺之天民在焉。特立而獨行。忍辱而負重。以爲吾國民之先導。使賢傑者有所附。而愚且柔者亦有所激發。不至奄奄無生氣。然後廢者可徐舉。亂者可徐理也。所謂貞下起元。其在斯乎。有清之季。以逮今茲。螟蟥沸羹。亂靡有定。民日憔悴於虐政。



而莫能言也。陵削於外族而莫可空訴也。獨南通齋庵張先生蕭然不與朝政而正義直詞常繫天下之重。凡國計民生大利害所在侃侃忠告無所回曲。其尤難者若以召集國會實行立憲責之清政府。洪憲帝制將成嚴詞沮之。不少假借皆深中當事之忌。其身屢瀕於危。毅然弗顧也。雖其說行者十不及一二。而民氣之伸實自先生始。比年以來地方自治之說日騰於國人之口。然上以是諉之下。下以是待諸上。未聞有發奮自決見諸施行者。惟先生於民治未萌芽之先。灼知政府之不可恃。自奮乎海濱。因天之時察地之利。瞻矚及乎四海。而規畫盡乎毫髮。於是工日盛商日通。斥鹵日闢。財貨流行。學校勃興。蓋不三十年而南通之市康衢四達。弦誦相聞。野無闕民。戶無扃吠。地方自治之效始大白於天下。是民治之基開之者先生也。伊尹曰。使先知覺後知。使先覺覺後覺。先生建議於數十年以前。而取驗於數十年以後。灼然如著龜。可謂先知先覺矣。曾子曰。士不可不弘毅。任重而道遠。先生振實業興教育。危疑震撼。卒底於成。可不謂弘毅者乎。今年夏五月。先生七十壽辰。自薦紳之士。至於山澤之隲。莫不欲鼓歌以儔之。笙簧以樂之。將以息其勞而頤其性。煜獨以爲中國之事變未艾也。則吾民仰望先生之指導者。亦未有艾。詩曰。樂只君子。邦家之基。樂只君子。萬壽無期。天祚我邦。家其將益佑。

先生使之康強純固。自耄耋至於百齡。從容扶杖。以觀太平之世乎。是則天下之公願。非一人之私祝也。謹敘愚姪姚煜再拜撰書恭祝。

中華建國之十一年五月二十五日。爲南通張公季直先生七十懸弧之辰。公以精服弄兵。白山負固。百憂莽莽。鬱邑填胸。擯綏山之桃。而勿采。度靈飛之經。而勿誦。榜門却賀。意至慙。拳文貞之士。跽拜以請。哉。香逸事。徵巧微言。將以酌兕。稱觴。杖鳩介算。副天庖。聲家慶禮也。維公生成麟角。幼炳龍文。微循典墳。被飾德行。學超萬有。識邁九流。金門蹀躞。御雲待召之雄才。玉鑰森嚴。燕許搗文之鉅手。所由天馬籟雲。神鱗跋浪。近蓬萊而斫鱸。凌滄海以駕鰲。固其宜也。有清中葉。悔吝占爻。北溟龍腥。東鄰虎嘯。黃埃傾洞。赤縣凌夷。烽火連於沃焦之海。盟會行於陟亭之津。吳武壯公駕馭風雲。馳驅龍虎。公以管鮑之交。歡輔范韓之偉業。條陳保韓及東三省政策。老謀勝算。震灼當時。東平辟士。運籌惟有吳良。元凱代鎮。揆策均師。羊祜迨至庚子。涑水倣擾。拳亂彼猖。渝盟書於赤版。煽妖術於黃巾。晁錯含冤。遺疏炳赤虹。劍氣萇弘化血。忠魂咽白馬。銀濤惟公懸鏡照奸。燃犀見怪。奔走於劉忠誠。張文襄兩督閩。知吳楚爲輔車。聯東南爲保障。儻非識燭於機先。誰爲江流之砥柱乎。民國成立。入贊樞機。合農林工商。

爲一轍。分技術法律爲歧途。網繆至計。時陳造膝之言。規畫極啓心之論。已而總裁水利。舉凡李冰離堆。鄧晨鴻卻。鮑日國涇渠。靡不渺慮澄心。探精索隱。專門河海。延介士於金陵。沂訂約章於大陸。吁功亦偉矣。使其長據終軍。請纓之志。擊楫之豪。何難鴻毛。遇風十旬。四職駿足。超乘一歲。九遷而避世。不豔南垂北際之天。杖履還鄉。猶是通商惠工之志。畢後在籍時。所爲遠畫宏謀。略爲詮次。用告惇史。一曰創立士及墾牧公司。貨殖之書。不刪於司馬。鹽鐵之論。不闕入弘羊。言富用。大學首揭理財。曩迹未湮。良規可踵。自海陸大通。爾括糠及米。不禁富鄰之慨。反客爲主。莫防利孔之多。公默察向。盱衡根本之圖。知國有利器。物有殊能。迺具鑪錘。迺鼓扇代裝。風伯持橐。盡機括弛張之妙。衣被蒼生。調水火既濟之宇宙。幪布賤錢。資流通於外府。暨入泉客。收閩情之游民。而勝之新書。行夷吾之舊法。變磽确爲墳壤。化斥鹵爲陂塘。習除罰野地。植桑輸馬。芻以墾荒山。田藝粟南隴。東岡鞭逐牧。單衣短褐。笛吹飯牛之歌。探利用厚生之源。竭地利天材之籠神州。固有之利權。并可挽百川到海之逝水。二曰設師範。各種教育。文翁佐治。不輟絃歌。彥卿歸田。昌厥里學。不樹林

隆棟不作陂池而望巨魚其可得乎公乃廣延髦士高選師資仿分  
齋之成法兼別國之方言花峽拳曲之材都歸繩墨劍跡干將之器  
咸受陶鎔相偕勝衣之就博無煩熊膽之調丸力懲嚮壁而造虛甯  
特兔園之挾冊主撮命分旁通河洛圖雖測影剖析經涂精農學則  
在化之法可詳研醫理則奇核之經可廢纓笏而序巾卷充庭參苓  
儲於藥籠珍奇搜於珊瑚是以爲樵細木皆因末窟以成功服駕驚  
駘咸隨良驥而思奮三曰陳導淮之計畫攻淮水源流首在豫南尾  
在安東雖濬源之常疏奈洪流之橫決屢頌水衡之費轉滯雲檣之  
通憑陵如藩侯之跋扈恣怒如醜虜之跳梁逆行如強臣之倒置肆  
虐如大國之兼并我公則劍及屣及己溺己飢任宣防之職讀河渠  
之書殫心條議挈領振綱或分築堤堰防怒溢於東西或宣洩下導  
游支派於南北儀取張衡繪平慘與嶼深畢露策獻賈讓合增卑與  
培薄并施行將歸渚無驚鯨波効順則鱗壤以成賦奠鳩戶而樂輸  
奈何滄海之屢遷竟使川靈之終梗四曰樹自治之模範辛亥以還  
黃燧烏塵賊蠶吐之闐午叢林密箐聞鸛魅之嘯寒而地驚蒼兕之  
呼海濞皆紅羊之劫最爾通邑旁流百塵白雲往還無心出岫碧霞  
炳蔚有意建標睹城郭之如故詎保衛之無方老熊當道緣城之敵  
皆驚猛虎渡江環堵之民無恙柳槐夾道覆行旅以濃陰桑柘成林

貽居民以厚利。取州內銅冶以爲耒耜。士夫享田園之樂。於海邊立石以作橋梁。道路頗遵行之便。盲啞有學。殘廢有棲。疲癯僮。庶得所養。更俗有場。博物有館。衣冠禮讓有所資。醴醕古風。煦煦樂國。息雀爭於屋墻。達雞鳴於墟陌。是以野蟲傷稼。轉供鳥喙之餐。田鼠在鄰。不入犬牙之境。以視康成寄高密。寇盜不侵。少遊居茂陵。鄉閭化俗。以古方今。蔑以加矣。凡斯四者。拳拳大端。觥觥大業。百世利賴。寸心卓堅。賦魯殿之巍巍。靈光聳峙。聽江流之滾滾。琅嶽鍾英。今者蘭陔集綵。荷沼舒華。老人星見。臺懸九煉之丹。黎母山深。壺采長生之藥。椒賓祝史。雜遷盈庭。雅子奇孫。蟬嫣滿室。耀珊瑚。荆州識韓山。陰訪戴逢星。閨之佳期。感光陰之若夢。漪亭雲閣。采拜黎收。瓦奏匏宣。載廣燕喜。披程公金鑑之文。上追宗古。編晁氏昭德之紀。應補齊芳。所願壽林長駐。福備同登。南山小住。永協洪範之八徵。北地康歌。常進麥邱之二祝。農商總長年。愚姪齊耀珊。敬撰內務總長世愚姪高凌爵敬書農商部次長愚姪黃巖等敬祝。

公。咸夏曆五月二十五日。爲張南通先生七十覽揆之辰。南通之人。以先生。愚芘於地方者。至遠且大。僉謀所以稱壽情也。亦理也。夫以先生之志願之德望之事業。其締造經營。卓然足以壽世者。僅南通。

也哉。孟子有言：「一老者天下之大老也。」所謂大老者，使當路在勢勳施爛然，固充爲一國之柱石，即遊跡海濱，避遠權勢，而其意志所嚮實足以提倡羣倫，而有左右一世之能力。其設施姑施於一邑一鄉，其影響且靡於全國。全國之人視其趨向以爲標準，則且仰之如泰山北斗。此寧非天下之大老歟？若是者，惟南通先生足以當之。方先生少壯爲舉業時，卽肆力經世之學，自鹽法幣制農田水利以及國防，均政關於國計民生之利病，罔弗研究，求其效於古者，可施於今。既參吳武壯戎幕，稍稍發抒其平日所蘊蓄者，如條陳保韓及自保東三省政策，所論列者，後皆驗。大魁之年，會世多故，辭官他適，旋爲商部頭等顧問官，禮部學部度支部亦先後聘爲顧問，諮議等官。先生鑒於政綱之漸紊，時局之日頹，且雅不欲與朽腐之官僚爲伍，故卒不樂仕。暨清末造，授爲農工商部大臣，辭不就。民國四年，授參政，亦辭不就。然先生固非肥遯以鳴高，忘懷國是者。其所著政治條議，變法平議，以及近數年來所忠告於當軸者，皆侃侃而道，無所諱飾。蓋以爲吾身既潔以退，吾言不可不有所建白。果用吾言矣，吾身進焉可也；退焉亦可也。吾言之不售，而以高官厚祿縻吾身，無濟於國，而徒以溷吾言，弗爲也。顧先生之言，枋國者大都口俞而心弗，故所言有效，有无效。其幸而獲效，而關係尤鉅者，則庚子拳匪一役，京津

騁騷獨沿江各省得以晏然無事世皆頌江督劉忠誠鄂督張文襄之功而抑知力主東南互保之約實先生奔走建議之力也至若所言不納或納而不行則其禍往往不旋踵而立應嚮使清政府而早從先生實行立憲之言召集國會收拾人心則清室可以無覆使袁政府而早從先生勿用羣小之言尊重共和取銷帝制則項城亦可以存在顧瞽然不察徒使先生獲知言之名豈先生之志哉先生以爲吾言既不獲行於當道吾自行之可乎吾未能遽行於一國先行於一縣可乎乃一本其村落主義以營構南通計三十年中所設施最燦著者實業則以大生紗廠爲基而其他公司殆如林立教育則以師範學校爲基而各科學校次第告成慈善則以貧民工廠爲基而各種院所歲有增加墾數百萬畝之鹵地築七百餘里之縣道亦既彪炳照耀翕然以模範稱矣然以先生自視則欲然不以爲足而其中抑若有耿耿不自釋者揆其所嚮固將胥一國而納於軌道中而寧惟規規於一縣卽以一縣言而其夙所志者尚自以爲十不一施而其望一縣之人咸起而合力以爲之也且先生每舉一事造端宏大或爲淺夫村豎所不諒而妄以己意測度及事已垂成又乘以人事天時之擾迭瀕于危其辛苦與共而卒底於成者惟叔兄退庵先生臂助之力爲多比年以來咸贊南通事業之發展而先生之心

固無時而稍釋然也。且夫人生百年以內，無可竟之事，亦無事事可償之志願。使南通之人，各以先生之志爲志，致力於實業教育慈善，成爲一縣之團體自治，則先生之願必大慰。使吾蘇六十縣之人，亦各以先生之志爲志，以致力於三者，使縣縣有自治之成績，則先生之願尤大慰。蓋先生之所以壽世者在此，卽吾人之所以壽先生者亦當在此。若僅沾沾於慶賀獻酬，玉帛燕會之盛，以爲美舉，固非先生之志。抑徒爲頌禱之常辭，或緣飾浮藻，以致尊崇，亦非先生之志。爾抑尤有言者，清之末葉，我蘇省諮議局成立，居各省之先，先生以得民望之故，爲全省所公推，哀然長蘇省議席。今則時逾十稔，議會已開，而吾輩皆身列議場中，能如先生之德望者幾人，能爲先生之事業者幾人。斯亦吾人所當瞿然自省者。惟願各以先生之志爲志，使省自治之成績進而益上，庶可以壽先生也。夫世愚姪徐果人等敬祝。

中華民國十有一年六月二十日，當夏歷壬戌年五月二十五日，爲吾師齋庵先生七十壽辰。先期具詞卻賀，謙謙若不相得，文功等既聞教訓稍久，有不能已於言者焉。蓋人何以生，生在憂患之世，又何以能久，域於形骸者，矜持於攝養，調劑於丹藥，欲久而不得，震於聲



譽者視汗青爲萬古大名。得一列傳或附尾。則視爲無盡之壽。然世固有庸庸無所短長。而大年厚福。史官以愛憎爲揚抑。而甚者以百斛米易一傳。彼哉。又何足算。至於偷息天地。日視其蔭者。在叔季爲尤夥。其靡靡於風俗。先霜雪而零者。更不知凡幾。不久者無論焉。若吾師之生瀕於危者數矣。讀其歸籍記。又聞其創建實業之情狀。蓋無日不在憂患中。冰厚逾尺。嘆熱血以解之。刃立如山。蹴齟足以摧之時。日稍待焉。彼不利於先生者。強半已鑄入禹鼎。化爲西征盡沙。而先生巋然特立。獨行。日有所思。月有所營。歲有所成。如是者有年。出萬險而歷坦途。今則皤然七十老人矣。而殫精竭慮。猶並日以求利於公。所爲皆人之所不爲。且明知其不可爲而爲之。孜孜矻矻。直如朝日方升之年少也。去歲先生以公益東邑。邑有不識先生者。私謂乍見顏色。疑爲鄉野書生。及聆其言。琅琅如金鐘大鑪。世之功業爛然而不改其書生常度者。幾人乎。文功等自待函丈。主於今見先生。始終爲勤於小物之儒者。與人書恆反覆。其已用之信筒而用之。有公益建築。見遺地有一釘。必躬自俯拾之。數十年如一日。此先生之齋於生。雖老而不怠。是奉何道以致此歟。先生嘗詔吾同門矣。試載瞻師範學校之禮堂。其揭訓於上者何也。曰堅苦自立。忠實不欺。此凡人自生之道。亦卽久而彌光之道也。今者宇內多事。來日大難。

其憂患不在一人一家。欲永其生。夫豈易事。然舍堅苦忠實。而果有他術。以免禍。亦孰不有所趨避焉。然拳拳以行之。終不能舍此。疆善而別求長存也。矧先生之言。及身試之。有效矣。願吾同門。永其傳。相期同入於自生之途。苟有歆於一時榮華。而自謂可久者。終不能以彼易此也。文功等奉先生爲大師。不敢爲諛詞。請本所受。以相勸勉。願老人拄杖而爲進一觴。受業繆文功。鞠躬謹撰。受業繆如鞠躬。謹書受業陶士元等。鞠躬同祝。

漢武帝元封五年。詔求賢良。其言曰。蓋有非常之功。必待非常之人。千古誦而壯之。兒童婦女。往往能舉其辭。雖然。非常之人。而僅以功見其於天下。爲禍爲福。未可知也。因緣際會。僥倖成名者。無論矣。若夫斥邊萬里。而國脈或爲之斲傷。收效一時。而危機更伏於異日。是則豪傑者。天地不祥之物。功業者。是非無定之名。自知道者觀之。皆劍首之一映而已。夫立乎今日。而上溯既往。我不知茫茫者之自何時始也。下顧未來。我不知滔滔者之至何時已也。同具此七尺之軀。而生有所爲。歿垂不朽者。千萬人無一二焉。此一二入者。則又非必既往之世所賴以承傳。未來之世所待以啟牖者也。然而猶得名在史篇。號爲英傑。豈不以彼所生之世。爲後來談史學者所不可不知。

而夫夫也遂得竊據其間。有此不虞之譽也耶。夫功名者時來則爲之。蓋有以意外非常之功。使彼爲偶然非常之人者矣。功成身退。世固不爲之增損也。於此有大人焉。其生也非常之世。其樹也非常之功。其垂也非常之名。既往者得斯人而有賴焉。非獨承傳抑變化者。實大未來者得斯人而有託焉。非獨啟牖抑範圍者無窮。夫而後稱之曰非常之人。庶幾可以躊躇滿志歟。南通張先生。生歐亞交通之會。當新故迭代之時。少稽儒書。遍涉四部。神州五千年學術政教。既一一攝之方寸之中。長接賢豪。覃及域外。千奇百怪。無不陶鑄以爲遊於方之內者。不可以違物情。故廷對而取上第。守一先生之言。殊殊而自說者。不足以廣聞見。故仗策而遊軍中。懷蓋世之略者。不當因人以成事。故視棄一官如棄唾涕。有所不爲者。而後可以有爲。故併力實業教育。綽綽乎目營四海。智冠羣倫。昔之名士。清流。口不言錢。亦澤不被物。先生以爲潔其道者。同其塵。故持籌而不惡乎糞市。廢興存亡之際。天下於此視去就焉。先生以爲不食其祿者。不與其鷄。抑民國之興。事與古異。故褰裳而不病乎。愜情羣情。樂推則姑以一官自效。故暫長農商。其出也如雲。其處也介于石。故修吾故服。然而在野之功。百倍于從政。一州施設。震動乎全球。求之既往。未有此事也。則亦未有此人也。意者來世或有之耶。然而非常之名。來世不

得爭之矣。何則。樂成者一。凡民能之。而慮世之功。必以遵命世之傑也。象升束髮讀書。卽聞江表人倫。先生爲冠。久而聞先生大魁天下。久而聞先生脫屣翰苑。講求農商。其出一處。無不靡寐追隨。計象升知天下有先生者。前後幾三十年矣。韓退之論崔敦詩曰。鳳凰芝草。賢愚皆以爲美瑞。青天白日。奴隸亦知其清明。敦詩唐世一尋常宰相耳。徒以清修素節。獲此休稱。況如先生者。道亞黃中。照隣殆庶。而謂象升獨不能知之也哉。吾晉督軍兼省長閻公治晉十年。天下推之爲模範省。象升託迹幕府。嘗聞府主之言。以爲施設雖勤。收效尚遠。遽竊過情之譽。非所期也。夫以一省爲天下模範。比之一縣爲天下模範。則縣爲難。以官治省爲天下模範。與以紳治縣爲天下模範。則紳爲難。然則模範之推。先生所當膺受。而非吾晉所敢承也。民國十一年夏正五月二十五日。先生攬揆之辰也。於是先生年七十矣。吳夫人亦值五十初度。通之人士。謀所以爲先生壽者。具啟數千言。徵文天下。趙次隴旅長謂象升曰。子平昔最慕先生者。不可以無一言。于是推本三十年來。所以窺測先生者。論文之如此。其言閎誕不經。固知非善頌善禱之體也。側聞先生從武昌張廉卿遊。受其古文之學。其講於義法也。蓋精持布鼓過雷門。得無笑其妄率乎。然而先生者。當代非常之人也。安在其以尋常繩墨。裁量象升之言耶。

山西陸軍第四混成旅旅長五臺趙戴文敬祝山西  
城郭象升譔山西育才館國文教員臨晉王殿元書

中華啟運十有一年。日月無私。湖山有美。天和四氣。百  
入歌百年。吳壑獨無。慧亭於是。以元老之望。爲中國之  
南通先生。綠野頤情。蒼生繫命。天下景仰。海外起居。  
斯與。是年五月廿有五日。爲先生七秩。覽揆之辰。報甲  
地。三台列緯。老人明規。外之星。四皓齊年。宰相有山。  
野祝。釐閭巷。頌雅。凡若。潞國耆英。高密鄉望。衣被萬宇。  
世之文。固已騰觚介。僕修。瀑飲御。揆華翔實。吳罄鋪陳。  
龍造書。斷鼇立極。四千年文化。壁簡流金石之音。一黃  
獻山川之瑞。天產地產。齊州本美。富之首區。人官物宜。  
之世守。象耕蛟織。農祥占后。稷之經。飛車螺舟。異製山  
自界分玉斧。繩度金沙。百貨輻輳。而充庭。五洲車行。而  
贊輜輶。遠暨殊方。虎落開邊。市舶遙通。重譯賚琛。既集。  
以貴貨。易士之規。寢成厚往。薄來之例。千金隄潰。蟻穴  
盈鼠。朴亂璞。僅恃白圭。朱公之術。奚保銅山丹穴之墟。  
擴大一統之規模。天卽爲中華生不世出之賢哲。先生

民更新。盧牟入荒，劍掘萬緒。凡所高掌遠蹠之策，具有開物成務之功。敢次其言，以告從者。夫九州錯綺，不愛寶以自藏。五帝垂裳，貴備物以前用。攷恍氏於周記，七日程功。載織室於漢儀，百官列表。緇純異制，牽挺殊能。吉貝越萬里而來，并澣非百金之利。采西人之杼軸，析縷出入於機。法北斗之璣衡，計晷不訾其算。允使浚郊五馬，絲組增華。吳郡八蠶，縲車失速。挾纊楚士，頓添冬日之溫。恤緯周婺，可救宗邦之匱。先生於是勅立大生紗廠，及紡織專門學校。輔櫟敷土稼，穡爲基。藍筆啟疆，生勤有訓。任地具司徒之職，爰列墳墟。強秦運庶長之謀，初開阡陌。樂郊可適，曠土無功。將收桑榆於東隅，先務耕耘於西海。菖蒲望雨，田功補汜。勝之書，竹箭分流。地利保范公之堰，上尺下尺，瀉瀟悉化膏腴。夫三屋三疆，理隱資生聚。從此挾犂佩犢，穡負偕來。持卮操豚，籌車滿載。官山府海，此其權輿。先生於是創辦農科大學，墾牧公司。懋遷旣滋，奇贏益重。黃牛白腹，五銖勞諡。童謠白鹿文皮，三品式開交會。邇者蠶屯互市，蟻術分功。泉源捷于流通，質劑充於發斂。商高握算，迺成富國精言。莊山鑄金，卽是採荒善政。湖海汎大夫之舫，惠通徧及工商。江淮流君子之波，輕重兼權。子母先生於是興辦淮海實業銀行，五行百產。造物日泄，其菁英六府九功。大道不遺於菅蒯，桓寬文士之論。鹽鐵成篇，陶侃督州之勤。竹木並

惜鷓首蒼兕通以博望之槎魚服白龍舉以豫且之網對粟攜糲繫  
麴之率食不厭精辨清醴醫醅糟之名飲祈難老貨惡其棄於地懷  
寶何至迷邦器非求舊惟新先務詎難徧物先生於是倡辦鹽業鐵  
冶輪船漁業製麵釀造各公司且夫分財之惠務重平均發政之仁  
先施焚獨饋壺簞於趙孟餓起桑陰推衣食於鍾離義聞稷下五百  
家舉火祇及親知十萬貫捐緡惟輸下戶解裘鎔水寧如黃縣錫與  
之均焚券薛都僅作朱門義聲之市至於含珠寄感締袍贈私者更  
無論已茲則廣廈庇寒深衣養老疲瘵就食矇眛奏公良法采歐美  
之規人事補乾坤之憾推一鄉之善於一國卽能成濟衆之方延十  
年之計於百年可重觀大同之治先生於是設貧民工場養老院殘  
廢院棲流所盲啞學校若夫青色紫色之化則鍊而成丹黃青黑青  
之祥則聚而爲珍矣疾惡石必資三折之良春瘳夏瘳迺禦萬民之  
癘是必事稽十全人求三世經傳中藏水飲上池龍宮得海上之方  
蟾精竊西王之藥將使方相驅疫天札無聞昌陽引年養生有主先  
生於是設南通醫院及醫學專門學校伶倫宮徵必應中聲優孟冠  
裳皆存譎諫今則鄭衛亂雅傑佻升庭法不施於侏儒害且深於風  
俗粵乃翻教坊之新曲合樂府之元音蒼龍吹曉白虎鼓瑟和郢中  
之白雪楚客堪聽對江上之青峯湘娥曼唱絃歌盈耳卽太師正樂

之功鼓舞盡神得季子觀詩之意先生於是設伶工學社更俗劇場  
國有鴻寶騰芒射東壁之虛地近仙都飛蓋攬西園之勝平泉草木  
采嘉卉於殊方宛委金泥祕靈威於石室觀其拂雲連屋迴淵移山  
終軍識鼯鼠之真形班固藏壺盧之祕史登台既稷摘星辰於百尺  
之樓學圃消閒課晴雨於萬年之圃先生於是設圖書館博物院氣  
象台五公園五山苗圃凡此諸端綱維既張洪纖悉備大之轉移風  
氣小之通易事功外可以六合爲師資內可以一隅爲榘臬振古以  
還斯爲盛矣若夫丹堦獨對黃閣聯班雲龍之昆季崢嶸霧豹之文  
章炳蔚筭如偕老德并山河衣鉢承家學通南海悅性修齡猶常福  
耳家熾等翹瞻嬰鑠共慶嘉猷兕觥循介壽之辭麟紱話降祥之事  
從此天迥左海益彰九夏之文明日永南訛長照萬家之生佛江蘇  
財政廳廳長嚴家熾頓首拜譔江蘇實業廳廳長張軼歐頓首拜書  
兩淮鹽運使丁乃揚等同拜祝

清德宗既親政勵精圖治網羅天下名流議更法制以立富強之基  
戊戌以還政綱漸墜賢者既不獲致身於上爲朝廷用則退處鄉里  
孜孜焉講求地方之得失利病倡行新法爲世楷模海內人士交相  
推重莫不知有張南通孫瑞安者南通卽晉公先生瑞安卽先大夫



也。先大夫舉辦瑞邑新政。董理括甌兩郡學務。繼主全浙教育。四方賢達多折簡以學制時事。相徵推而先生書問尤往還不絕。先大夫每讀先生書。輒欣然曰。南通之論若者適如吾意。若者足以助吾之不逮。延釗童時趨庭之暇。竊取先生書觀之。其精深微眇。有非蒙稚所能盡窺者。則先大夫爲之指示焉。若者足以振聾發聵。若者足以起廢鍼盲。延釗始曉然於先生與先大夫所往復討論者。要皆根道而核藝。經世而切於實用者也。先大夫嘗詔延釗兄弟曰。南通以文章第一人及第。乃棄朝籍。兢兢營地方。構村落。興革利弊。以應當世之務。其識見行誥亦今之第一人。又曰。南通爲吾道義之交。爾曹慎毋以私干。爾曹學業未有所成就。無以見南通。爾小子謹志之。先大夫之喪。先生輓以聯。有世衰道微。人亡國殄之語。感懷者深。蓋先大夫之爲學。通儒墨之郵。而明厥指歸。先生之爲學。合名農之精。而賅於體用。所守雖有不同。而憂世旁皇之心。豈嘗有所異哉。民國二年。先生出任農林工商總長。延釗方肄業京校。懷遵先訓。不敢造次請謁。然平生河嶽之慕。未嘗一日忘之。籌安議起。宇內騷然。先生棄官歸。復經營地方自治社會公益各事業如故。又興辦通海墾牧規畫。淮運水利。提倡贊助。國內外教益實業。年益高。名益彰。而神明不衰。孝若公子。斐然東南之美。所以紹承盛德。光大前猷。以造福利於邦。

家者正未有艾。夏正五月。先生七十。覽接之辰。寰宇額慶。惟君子壽考之祝。延釗附故舊子弟之列。不可無詞。以壽顧先生舉事而縣而省而國。數十年來。久已褻著於中外。延釗又奚以贊爰舉庭訓述之。庶異於徒爲頌禱之詞者。先生見之。或亦撫念疇昔。欣然爲進一觴乎。謹序。世愚姪瑞安孫延釗頓首拜獻。

東南行省。吳會炳於寰區。淮海維揚。崇川紆其流域。竹箭孕五山之美。旁礴扶輿。箕裘輝百忍之堂。光昭大業。其間有名世挺生。太上以立德爲貴。識時務是俊傑。諸葛甯終臥隆中。望霖雨者蒼生。夷吾則早歸江左。杜子美文星典史。享天福於陳芳。司馬公洛社耆英。娛歲華於獨樂。若南通張季直先生者。卽其人焉。第觀其因地編制。與時變通。近爲枌鄉樹自治之模。遠爲華族造無疆之福。固已舉縣納於范治。率土視爲準繩。獨是薰其德而善良。過潁川者固見陳太邱之行誼。規其心於憂樂。訪延安者尤欽范文正之襟期。蓋不朽有二。而所規者遠。舉其犖犖大者。殆尤戛戛難之。綜厥生平。請陳匡略。夫佔畢之士。不足以語韜鈴。章句之儒。非可與言捷伐。尺長寸短。自昔爲然。先生則識燭幾先。謀參閭外。投班仲升之筆。早佐戎幕。借張子房之箸。熟籌敵情。萬里一覽。十言九中。磨盾草檄。吳武壯見而傾心。抵

掌論兵。袁項城爲之折節。凡若建保韓之至計。進防日之豫言。用不明。若灼龜洞如觀火。此其才之大異於人也。抑聞學成則謀宦。年至則服官。以韓魏公德器閎遠。而堂解誇畫錦之榮。以桓春卿經術湛深。而車服侈稽古之力。干祿爲懷。賢者不免。業擅科名之鼎盛。保丹富貴之逼人。迺先生既登清祕。旋返邱園。學古豈必入官。讀書惟期致用。知教育爲自強基礎。創立師範以作人才。知實業爲致富權輿。組合公司以興大利。不爭黼黻廟堂之盛業。而具胞與民物之深心。此其學之粹異於人也。迄乎滿清之季。朝政日非。議籌備憲政而不實行。請召集國會而未俞允。既而武漢事起。寰宇響應。先生默察天心。深維世運。識周德之既厭。審漢族之當興。爰以耆舊之資力。贊維新之治。國體之變更既定。民生之撫卹宜先。首創鹽法之平議。繼任水利之專職。迨三來莘野之徵。旁求耆碩。始一受農商之事。強赴都門。俄焉帝制動議。國事又變。先生阻之不能歸。與志決餌以參政。崇階而躡。然不滓尊以四友殊禮。而泊焉寡營。此其識之高。尤有以異於人也。要之先生贊助共和。提倡民治。痛外侮。則綢繆於未雨。籌內治。則利賴乎羣生。流東海之膏。其澤及一邑。者猶小。爲南針之指。其功在全國者實多。然卽論其興五百萬畝之墾務。開七百餘里之絲道。棉紗鹽鐵輪船漁釀各業公司之經營。師範農商醫學紡織諸科。

校舍之建設蓋已上下千古而罕儷縱橫六合而少雙者已宜乎東  
山重望繫天下安危南極祥輝動邦人景仰無媿達尊之大老尚德  
引年更占嘉耦於神仙齊眉舉案榆煇雙彩燭星火於賓筵桂林一  
枝扇芳風於子舍爲行仁爲聲聞爲王澤待徵中論三壽之文若日  
月若松柏若南山合歌周雅九如之頌太歲在壬戌仲夏月閏錫山  
頓首拜撰并書

蓋聞精神之壽以人聲聞之壽以世壽人者園綺等算壽世尤旂翼  
齊輝自古流傳於今稱盛況帝子青陽之系凌漢映茲孤星通侯博  
望之家支機留其片石煙波路熟人號釣徒蒨膾風高門昭清德如  
先生者不僅叶壽人之瑞尤合夫壽世之符又奚煩進酈泉之銘介  
祺遐耆圖狼北之象揆張歲精也哉今歲仲夏下浣爲先生七十旬雙  
慶乃偕鄉人南山掇祀北海滌尊祝史進詞希構抒誼於是咸斂襟  
作曰先生炳靈江表摘藻天庭冠冕詞林蚤作周家柱史步武雲陛  
曾爲黃帝侍中其端簡于金匱也則本孔衍之博深兼魏舒之簡亮  
其論思于密勿也則條姚崇之十事進衛公之八箴其柄政于專部  
也則宏夷吾之官山參太史之平準固已紀績于策府襮著于當時  
聲聞之燬無待罄述爰舉先生明農敷教治水於梓里者臚舉焉以

爲先生壽海陵地峙琅山。夙號都會。天府終閔。猶未告萬寶之成人。事迂回。異以致五都之富。先生爲一鄉福利計。著百年經久謀。農師則本自元公。程功補周官之職。計術兼資于范蠡。商戰爲定伯之經。啟實業未有之新機。遂爲斯人解阜之準則。算居先著。籌無遺諳。此盛德之可紀者一也。而且江鄉爲人文淵藪。樸棧相期。人才隨風氣轉移。莽榛宜闢。蓋學者殖也。不殖將落。校者教也。不教奚從。賴先生毅然以教育爲任。創設師範農工各校。興學本新政之一師。資立而門擬登龍。談藝擷彤下之精。講舍充而俸還分鶴。德星聚五百里。翔集名賢。廣廈開千萬間。歡騰寒峻。此盛德之可紀者又一也。要之高平抱憂樂之量。乃能身任艱虞。橫渠蘊胎與之懷。更復心塵飢溺。比年東南諸郡。廂開銅瓦。方議江淮千里障。以金陵時舉先生爲淮河督辦。以鄉邦耆宿作救世福星。櫟擣周行。紆三策而克濟。捷薪儲備障百川而東之。人但見塲流於疏闕。而孰知躬輯澤鴻之彌瘁。人但慶澹菑於宣洩。而孰知力爭罔象之彌艱。信哉此老其猶龍乎。微公殆其魚矣。此盛德之可紀者又一也。尤可羨者。德益劬而愈強。業既懋而彌約。怡然樂海門之烟景。嬉香社之春秋。躋有衆于熙台。煦曠宇于冬旭。而賢儷吳夫人道叶。徽佩儀著。珩璜蘋澗。芬清鴻廡。旣昭夫協趣。庭柯蔭美。鳳池更著其清聲。詎非所積者厚而食報者長歟。

夫含蹈貞辭者固耆耇之券也。而榆揚盛美者又同儕之願也。耀珊等欽挹德範。媿難步趨。謬談耒耜之經。終乏富強之效。瞻老人于南極。尚齒同風。方禮器于東家。從心見矩。際此江蒲交碧。蟻映翠而逾清。海日暄紅。鶴銜籌而益紀。九五福壽必曰德。斯卽百年偕隱之徵。八千歲春復爲秋。更申十載重來之約。謹序前農商部總長年愚姪齊耀珊頓首拜撰。前財政部次長署理全國棉業處督辦年世晚楊壽桐頓首拜書。天津棉業公會會長北洋商業第一紡織公司董事長曹鈞等同頓首拜祝。

中華民國紀元十有一年歲次壬戌夏五月。恭逢先生古稀初度。暨德配吳夫人大衍良辰。中外薦紳咸躋堂介壽。輝誼叨僚屬愧不能文。謹賦古風一篇。用申華封三祝云。南極聯寶婺。光輝萬丈長。海天開壽域。上應劉宿張。粵稽古張仲。孝友事周王。運籌定漢鼎。智勇推子房。博望窮河源。乘楂泛天潢。富平侯貴顯。金貂七葉芳。燕國大手筆。東之扶李唐。魏公名父子。宋代作金湯。先世有令德。遺經傳縑緇。維嶽生申甫。花萼相輝煌。賦棋與擊壤。幼穉均非常。伯氏旣吹簫。小宋破天荒。策論賈太傅。書法褚遂良。沂公薄溫飽。定遠赴戎行。庚子黃巾亂。烽火逼畿疆。大府採長策。保障我南洋。識時爲俊傑。立志求

自強四海論交際探訪游扶桑儲材設學校通商集梯航斥鹵開阡陌捍海築堤防舟載經營苦艱難亦備嘗閭閻既富庶人文冠荆揚共和告成立大計多贊襄桓寬論鹽鐵劉晏整淮綱蒲輪催國老推賢起鳳凰解組出神武袞繡換荷裳導淮循禹蹟道路開康莊事功由學術道德尚綺黃博物惟千產鼎彝徵夏商精神文路國福澤郭汾陽夫人姓吳氏懿德婉姬姜一家勤機杼賓祭潔酒漿翩翩佳公子振振麟趾祥文孫繩祖武含飴樂未央詩禮傳家寶雲初百世昌賤子江淮吏廿載記升堂執經兼治事追隨杖履傍湖湘歷浩劫憂患鬢毛蒼萬方正多難獨樂鄭公鄉茲際郡仙集水蓮雪藕香蟠桃獻王母七顆壽東方天生公爲國美玉胡久藏大廈勢傾頽支持賴棟梁魯連齊高士向戌民之望弭兵民休息內安外自攘劍戟鑄農器蕃殖慶豐穰推廣南通法乃積千斯倉領袖耆英會釐訂國憲章大名山斗重斯文日月光壽身兼壽世如阜復如岡余篤篤輝恭祝

巍巍南山竺生申伯名震寰球禧延杖國斗南一人奕奕赫赫路公精神范蠡政策在昔清季朝政不綱科第傲屣封疆靴糠乞身歸隱造福梓鄉豪傑之興豈待文王濟濟康民公所夙志村落生涯牛刀小試公志伊何首曰教育楚材晉用思非我族亦陶亦甄菁莪棫樸

孳植既久。左宜右有。實業得人。後先奔走。海通物產。棉爲大宗。紡織伊始。杼柚其工。漁鹽墾牧。蠶桑農工。次第興辦。海內喁喁。觀鄉知道。舉國推崇。譬之鼓鑄。如風斯稟。譬之啟迪。如鑲斯鑰。隴民之麓。警世之鐸。姚相救時。阿衡先覺。身在南通。心在民國。釐稅官制。鹽法征權。幣制量衡。著爲文說。國有大政。宏論商確。諮議顧問。羣仰芳躅。洞悉時局。高瞻遠矚。風謫雲詭。日沐月浴。與道爲偶。樹之正鵠。豈惟國人。推爲耆宿。聲名播遠。海內張驚。導淮圖表。美人驚服。綜茲懿行。懷莫能忘。南山蒼蒼。東海蕩蕩。公壽萬世。惠澤孔長。惟吾農友。肄力隴畝。先生植棉。是引是誘。導我南鍼。仰如北斗。人世榮華。惟公獨厚。闕宮獻詩。令妻壽母。延陵鉅族。咸推佳偶。詰嗣孝公。門業稟受。弓冶箕裘。亦克荷負。移山爲屏。傾海爲酒。何以祝公。岡陵之壽。汪德章恭祝。

民國十一年壬戌海陵人士走書告語齋庵先生七十屆壽。上有江漢下迄滬瀆。京師千里。南北一軌。圓顛方趾。高蹈歡呼。以爲仁厚。參券大年。斯獲於是。穀擊肩摩。惟崇川是趨。維時吳夫人亦躋五十。弧悅之設。實爲雙美。乃進頌曰。

猗歟狼山五峯之間。天生異人。鍾秀毓靈。毓特起。復莫與比。遇繁觀紛。分條析理。盛德大業。大生是始。通泰荒壤。五百萬畝。猥幸之闢之。



勦其榛藪更兼教誨取外治內師我範我以啟昏昧誰盲誰聵禮養  
進退天癘疇醫君示之門殘廢疇憫君施之恩既骨而完既亡而存  
蕩蕩淮泗浚導是議闢王家港利賴永世伉儷是篤君受介福惟農  
工商君宜百祿天象奕奕有星合璧彌億萬年邦人蒙澤陳樂山上  
縱一人之壽可千秋萬歲以至於無窮而其最短之程則不啻曇花  
一見此一見之中有富若朱頓而壽者有貴若金張而壽者壽亦夥  
矣而其人無卓絕之名殊特之行卽馴至百年無非幻境况未及百  
年者乎奎等禱昧無似起爲我師南通張公壽徒以今年年七十故  
度我師必且掀髯大笑謂孺子多事惡用此無當情事者爲緣我師  
平生不屑以官閥自炫不屑以家計自雄縱心孤往將欲發展中華  
之實業與歐美抗衡使我四萬萬同胞受無窮利賴與夫計較區區  
祇知有目前之便利者固不可同年而語也蒙叟有言小知不及大  
知小年不及大年自炎黃以來已不知幾千百歲而未耜之利猶存  
卽爲耜耜者之壽未盡曲植之利猶存卽具曲植者之壽未盡孰謂  
循我師之所建設享我師之所留貽撫殘廢恤孤窮彌補生成羌無  
終極其靈長之壽猶可以時日計哉而矍鑠哉是翁矜異之聲相應  
以海內外者曰公七十矣祝嘏之來精堂精室衍賓之宴永夕永朝

奎等辱匠氏之斧斤。不知所報。數鱣堂之日月。未敢或忘。明知縵節繁文。不足爲我師輕重。而禮在則然。有不得不追隨。恐後者。惟是我師開中華實業之先後。顧茫茫衍我師之傳者。不知幾何人。食我師之報者。不知幾何世。即使取炎黃以來之甲子。爲無期無疆之祝。亦無不可。而鰓鰓焉。仿介眉之故事。貴極富溢。揚厲鋪張。我師固非所樂聞。抑奎等實不應出此。則且合辭以進於我師曰。不以壽壽者。人以壽壽者。天人爲之。而得不以壽壽。又天縱之。而得以壽壽。此非所謂天人相應乎。然則以無當情事。怪祝壽之來。度我師亦必不出也。俞世奎陳秉敏恭祝。

今海內日多故矣。策天人治亂之大原。恫郡國利病之所在。斯非有禹稷之志。無以程其功。等倕佺之年。無以竟其業。江淮之間。有人焉。曰惟南通張氏晉庵先生。民國十一年歲在壬戌。夏五月。先生年政七十。厥配吳夫人。年亦五秩矣。合百二之春秋。作大千之壽。鑑揚觥以祝。授牘何辭。然永祥竭。翼翼之恩。舉拳拳之忱。所願爲壽於先生者。循此以往。期於無窮。夫先生竺三守儒風。早參軍事。泊於通籍。志不求官。而明農興學之效。成以卅年。先憂後樂之心。褻於四遠。故南通一縣。以地方自治之成規。爲中外羣欽之模範。是以黃巾倣擾。鄉拜

於鄭公綠野告歸堂開於裴令賢兄相守不殊機雲並譽之年哲嗣有聞足抗羣紀論交之盛此則先生彌中彪外勅躬齊家進退之志振俗以奇善良之風薰德而化其爲矩矱實邁尋常至於值世變之屯遭謀邦家之再造有利於國無役不從於有清光宣之間先生則期預備立憲之推行於庚子拳亂之時先生則申東南互保之締約辛亥改革東南黨然裁定之初擘畫尤偉嗣則出綰離政復領農商謂治水之利莫急於導淮救鹽之弊莫先於籌墾故此十載以來百端具舉言有不用捨簪紱以怡然時有可乘勤胼胝而弗恤蓋先生志崇實踐性好躬耕大率得於崑山顧氏博野顏氏之學說爲多也今則鹽墾公司之成者凡十餘區縣道之成者通七百餘里它如紡縣研麥之廠養老育嬰之院煙明列突輝映於山川利播齊萌樂聞於絃誦娛年可述更僕難終此固先生志侔於禹稷壽媿於偃佺而吳夫人笙磬同音珩璜表度輔成家慶樹植世程於以洪算駢臻景釐鴻蒼是則永祥用書屏風之詞請爲長春之頌者也勳一位陸軍上將浙江督軍愚弟盧永祥拜撰并敬祝

易曰積善之家必有余慶然則善之積愈厚其慶愈大必也今有人焉承慷慨慈善之庭訓讀書成高名言足以破傲政之癥結行足以

振叔世之類風樹地方楷模與國家福利被有形之惠於當時者無慮數千萬人人人造無形之福於永久者尤不可以權度計進世運於康莊入斯民於壽域友昆協洽子孫法守如我晉公老伯者其積善之厚爲何如也宜乎天下以先生稱之也先生之出處之言行天下人孰不知之其壽也壽民而允克康疆逢吉也曷待贅述然而猶有說者非敢撫拾蕪詞僅以言爲先生壽也聊欲推先生仁民利物之心以商榷於國人期國之人相與先生並壽也夫人心之陷溺也久矣社會之風習一任其頹靡國家之實力一任其貧弱萑苻之跡遍國中而不能戢流離失所之民隨在皆是而無所告豈以神聖之域四萬萬之衆而竟無人焉以過問是蓋必有積之使重之勢而莫之能返探其真實之因則失教與失養兩事實爲主端秉彝好德人之初性無不善也然而教化不昌安從而啓誘之榮辱禮義古今之大閑也然而倉廩不實何自而維持之是以孔子適衛既嘆其民之庶矣不能不期其富與教也吾國自取士之法弊學者惟事詞章而教化之道以晦雖賢豪俊彥莫不出於其中然係士之經此途非此途之造士也河渠溝洫之利不講付旱乾水溢於奈何而農稼之穫以歉工商無通惠之策坐失其利於外而國日以貧智者惟思巧取強者惟恃豪奪卽無列強之環伺神州之不陸沉亦幾希矣矧乎操持

智德與力以與我相周旋者之如是之衆且烈哉。天福吾國先生先覺於宮花插帽之際與慈航濟衆之思舉世所豔羨之高爵與厚祿先生則棄之如遺毅然以國利民福爲己任於是新實業新教育兩事遂開吾國之先河灼見真知對症下藥三十載經營慘淡早樹華夏風聲矣而南通兩字已不啻爲極樂國爲新世界爲桃源爲仙境之代名詞以豔乎中外士大夫之心而嘆乎中外士大夫之口南通全縣之民食先生之德而飲先生之和日浴於仁波化日之中其熙熙皞皞之象固不待贅述卽隣於南通者教育之普及實業之振興亦皆有一日千里之勢各省執政者與其好義君子思爲地方造福利競相以南通爲模範而取法焉西而三晉中而兩江北而幽燕南而閩浙高風所被其止乎國中哉至先生之全體大用卓識遠見發爲論議著爲文章以爲國家企計之者自條陳保韓而後尤莫非周乎全局慮乎久長今之蘇雖不皆如南通而視前之蘇則何如卽現狀以逆方來由近功以期遠效則四萬萬人與南通之民享同等之幸福正有可待以教言先生規設師範等校時新學制未頒也今全國教育竟已殆爲普及以養言當先生初爲舉牧爲紗廠也徧國中知以此爲急務者幾人哉今全國實業雖猶未有如南通而相師相效亦已日有進益由是而十年而百年吾國之民食先生之福利其

度其數俱當與日月並晉直接以厚民生間接以正民德風習之醇篤政治之刷新皆可坐而期焉則先生之施澤當時造福久遠其積善之厚爲何如也謂先生之壽與國家同其無既可也謂國家之壽因先生而無既亦正無不可也則今日稱觴之慶又豈爲先生一人慶爲南通一縣慶是直吾中華民國四萬萬人之馨香以相慶者謹序江蘇全省警務處處長兼省會警察廳廳長勳四位陸軍中將愚姪王桂林誤書敬祝江蘇全省警務處祕書分蘇任用簡任職王固磐等暨全省警察官警全祝

吾國有模範縣一曰南通世界著名各文明國有縮景一曰吾國之南通夫南通僻處海隅在數十年前祇吾國普通一州縣與他州縣初無稍異自吾夫子出經營締造規模一新江淮之間蔚成大觀中外咸知無待觀縷或者不察謂夫子胡不公其才於全國而獨私一南通不知此有難言者夫子具藻繪日月之才抱旋轉乾坤之略徒以生當清季親貴柄政國是晦盲之日圓鑿方枘格乎不能相入不得已始縮小範圍退而施之一鄉一邑鼎革後雖嘗爲國一再出旋以志不得伸歸自營其一鄉一邑之事業如故全國自無福享受夫子之恩施非夫子不公其才於全國也且夫子之有造於全國固未

可以形迹求矣。自有清末迄於今日，省政國政，何一不在夫子傍徨周浹之中。凡有大興革大危疑，衆智俱竭，駭汗束手者，最後恆得夫子之一言以取決。夫子亦知無不言，言無不盡。老成碩望，隱以一身繫萬方之觀聽，與全局之安危。江湖魏闕，功成不居，或有其事不爲夫子所可而冒行之，則禍敗又必隨至。往事彰彰，蓋可考見。彼世之稱夫子者，第震於其迹曰：夫子教育初祖也，實業大家也，管窺蠡測之見，謂足以盡夫子哉。楫不才嘗親受夫子之訓誨者，垂二十餘年，今歲適值夫子七秩，暨夫子德配吳夫人五秩雙慶，爰本平日欽仰之忱，舉以爲壽。天祚中華，俾吾夫子耄耋期頤，將來老而彌健，終得竟其所志，舉全國而南通之，猶操券也。質之海內，立言君子，應不以斯言爲河漢也。夫受業鄒楫謹祝。

蓋聞河源萬古，昆岷之流長霖雨九州，嵩岱之積厚伊古。經術講學罕銘竹帛之勳，良輔匡時未擅詞林之譽。至若論成鹽鐵，桓寬會著新書，要輯農桑，褚華亦傳綿譜。此又多識博物之士，未易求之文學政事之流。惟我季直先生，家多真隱，生秉星精，少擅才華。阮瑀則翻翻書記，早膺科第。宋郊則戛戛詞壇，究專門之業。旁及九流，成一家之言。兼通百代，盱衡時事。過秦陳賈，誼之篇。陶鑄英才，講易奪橫渠。

之席。此先生四十以前之往事也。既而溜塵軒冕，垂念民生，戴笠荷簑，上賈竊齊民之術，榻履織蓆，傳蕪蒙耒耜之經。煮海穿池，魚鹽利溥。窺山鑿井，煤鐵源開。惠工則廣廈千間，通商則長途萬里。海外欽爲實業之巨擘，朝廷倚如國計之長城。從茲民有生機，國多利賴。可謂闢四萬里，破天之荒，成五千年，驚人之舉者矣。此先生六十以前之事業也。樹人等於樹木，十年而鄉校材多，藝成卽是德成。萬卷之圖書效著，歐風輸入，海隅之智識初開。國學增華，僑民之腦筋頓闢。先生以耆年祭酒，作魯國靈光，學派風行，到處爭迎杖履。仁聲溥被，望風羣仰。師資近探學術進化之源，遠爲政治改良之助。此又先生以之貫徹終始而左右世界者也。民國以來，隆以三徵而不就，尊以四友而不居高，蹈舞好爵之懷，勇退守急流之戒。惟是尋源究委，極賈讓治河之長，挈領提綱，廣道元水經之注。摩頂放踵而不恤，國利民福之是求。充先生之願，雖謂功不在禹下可也。今先生年七十矣，惠在人羣，多士上臺萊之頌，慶周邦國萬家知覆幬之恩。立德立功，立言不朽之業，三世多福多男多壽，太蘇之兆，一心將相羅房杜之材。文中澤遠，甲子媿聘錢之歲，柱下春深，所愧布鼓雷門。終讓許國公之筆，共祝延禧海屋，再沾浮邱子之籌。後學溫世珍謹撰。



中華民國十一年古曆五月二十五日。季直張先生七十壽。國內外壽先生者。匪以文。必以物禮也。鄙之學。不及先生千分之一。則以文曷敢鄙之力。等於先生五十年前。則以物弗能顧地之相去不百里。時之相后。祇廿年。際此邪說橫行。民生凋敝。得一起衰振落者。並世生共域處。默爾息乎。無以為後進勸力。去陳言。洗爵揚觶。告於衆曰。國粹弗泯。先生不死。崇拜先生。意本諸此。實業日光。先生不亡。千齡萬禩。相與無疆。薛銀李邦槐丁棠恭祝。

時維玄默。闢茂皋月念五。為晉公校長七秩誕辰。乃南通之大慶事也。竹醉後一日。有客至敝校。揖余輩而詢之曰。晉公懸弧之日。距今一浹旬矣。是日壽幛壽聯。僕指難數。顧皆簡略。奚足云壽。然則欲壽先生。非文辭不為功。矧聞師範墾牧。近有作家撰述。胡貴校獨闕如乎。余輩逡巡。無以承指。僉云。譚陋。遜謝不敏者久之。始徐徐答曰。壽幛一軸。壽聯一付。均可咄嗟立辦。壽言則倉猝難就也。客毋選事。致嘔及余輩心血耳。客又曉之曰。壽言之作。助於有宋。盛於有明。有清以來。傑作稱夥。此不過揚風扞雅。褻著其聲華。鏤月裁雲。鋪張其事蹟而已。然鉤心鬪角。揆藻摘葩。欲為駢儷之文。非擅雕龍之技。負倚馬之才者。曷克臻此。若夫祇為散文。則或以勁直之氣。縱橫馳驟。或

榮

哀

錄

卷一

七

以萬永之致容與紆餘斯亦可矣諸君何憚而不為哉余輩復囁嚅  
而言曰是不能也非不為也如或為之則較師範壘牧諸作恐見笑  
於大方之家但彼善於此則有之矣當相諒無相笑也庸詎知喬公  
先生既為當世偉人豈無京中碩彥海內名流貴然來祝先生之  
壽而贈先生以言者乎今敝校諸教職員倘或不揣樸味率爾操觚  
是猶鈍工弄公輸之器嫫母效西子之顰也故余輩謂珠玉在前使  
我形穢與其獻醜孰若藏拙客又再三強之曰諸君毋然何言之太  
謙也先生事實灼然在人耳目間者連篇累牘書不勝書雖纂言者  
挂一漏百在所不免此所謂一部十七史從何處說起也諸君難於  
措辭意在新乎奈何與他人絮其軒輊婉其妍媸哉姑以拳拳大者  
揭其崖略足矣約舉其端蓋有四焉一為學校清屆末葉歐風東漸  
日新月異其勢蓬勃先生知墨守舊學不足圖存廿年以前建築師  
範鴻規大啟斯為權輿厥後各校以次而興下逮鄉區項背相望先  
生殫精竭慮不遺餘力今則城廂士子有黌堂之風村塾兒童無兔  
園之俗此先生之功也是曰教育其端一也一為工廠華洋互市彼  
贏我絀錢刀金幣莫塞漏卮先生則惄然隱憂豫為擘畫唐閩肇造  
名曰大生自一至八陸續經營他如或鐵或麵或油或電方興未艾  
不一而足挽回利權財不外溢讀管子之書齊因致富挾計然之術

越遂稱雄。此又先生之功也。是曰實業。其端二也。一爲開墾。通境以東。海原江委。闢田曠土。難以畝計。黃茅白草。彌望皆是。先生乃力闢荒蕪。變爲沃壤。惟下河一帶。久雨爲災。雖汗萊滿目。所耗不貲。然不可因噎廢食。徵糞吹壅。將來黍稷屢豐。桑榆非晚。不啻之嗣農官。良有以也。李惺之盡地力。豈徒然哉。此又先生之功也。是曰治地。其端三也。一爲慈善。生人之命。榮悴由天。彼蒼所佑。乃爲茵花造物。不仁便爲芻狗。窮而無告。誰恤顛連。以故鰥寡孤獨。仁政之所關懷。跛躄瘖聵。王制之所軫念。先生自嬰堂一徙。加惠嬰媿。殘廢有院。并及盲啞。近復鳩工竣役。於老人又推恩焉。烏乎。絳縣高年。可免泥塗之辱。紫琅衰齒。無虞溝壑之填。此又先生之功也。是曰義舉。其端四也。客言甫畢。余輩驟然而笑曰。若是命意遺詞。則余輩亦優爲之。奚俟客喋喋爲哉。客請少安無躁。勿訝余輩之言。如鑿枘不相入也。頃者如客所言。殆所謂末學庸受貴耳。而矚目者乎。不知先生之志則大矣。豈褊狹者所及窺哉。如或人云亦云。恐非先生之所樂聞也。客姑退。容余輩集思廣益而爲之。三日之後。客來索來。來索稿。卽當刮目相見矣。客聆斯言。默然而去。於是自次日始。以四人分任之。或草創。或討論。或修飾。或潤色。其大情所在。蓋推闡先生之志云爾。先生平日以尼山安懷爲抱。以橫渠胞與爲心。無如前備顧問。旣爲竊位者所排。

擠後長農商復爲植黨者所齟齬致令槃槃大才區區小試牛刀可惜驥櫪堪嗟不然若使其早處要津兼躋樞府則必如泰山與雲澤加匝宇長風破浪威振窮荒奚止以藪爾璋丸詡其爲全國模範哉余輩之作斯文二日而畢書入繕寫一日未竟翌晨客來索稿稱其識巨而文雅馴惟云先生繼配吳夫人是年亦五十悅辰今序中未及雙慶若之句潤色者曰請兼附以詞可乎客贊曰然遂作頌曰  
猗歟先生奎宿之精問世一出三代之英希文憂樂蓄念未宏功績所著多在通城人咸豔羨公弗爲榮古稀華誕欲避稱觥知交競勸勉徇衆情曠昔秋九爭賀公兄今茲夏五爲公續行近聞賢助亦慶坤庚佳兒佳婦雙爵齊擎賓朋滿座公賦鹿鳴羣興俯學願惠宸衷何以額手竊比老彭商校教職員恭祝

張南通先生榮哀錄

榮哀錄二

壽詩

虞廷咨工垂教。胄惟典樂。稷棄粒蒸民。未聞躬疏鑿。四岳變六官。九流分七略。誰歟百世下。神功歸一橐。嶽嶽張晉叟。奮跡由童勺。刷羽羣雛間。側眼青冥廓。三十困經生。鵠鋒葆針鏌。一朝天門開。九宇驚龍躍。制科肇隋唐。百年幾剝朽。得公若瑤光。輝天見昭燦。承平有故事。玉堂職清約。迴翔禁闈中。玄髮劄黃閣。公琬測天璣。撓亥誰能度。置身鑿坡巔。怛然懷民瘼。南通江海交。神漢輸百壑。地靈所含負。廢棄成鹵薄。緬維成周隆。王道始鄉曲。翩然晚舊邦。日歸事天爵。同光號中興。橫海來鯨鯨。東南杼軸空。國本憂厓削。公也覩先幾。滿持黃間。曠師夷還制。夷牙牙萬機作。吳棉朝如陵。夕晚絲在鬢。蒸汽雜海雲。百里波光灼。衣被徧神州。經綸在寸籥。遂令賈胡羣。相風成貽聘。爰闢海墾田。于于來錢鎛。蘇肥百畜蕃。列陌紗綺錯。魯叟昔憑軾。富教資商權。衣食禮義間。相頌如衡俞。乃爲啓黌宮。俊髦恣搜額。師資化所先。有如酥出酪。乃爲制鄉校。弦誦徧郊郭。教澤被裙笄。扶迪到嬰弱。淮海神禹奠。千載失排綸。維公修操攝。安流息方割。鄭衛播淫哇。神人達和樂。維公詔伶倫。正始復韶濩。凡公所經劃。一一醫國藥。

掣取官禮精神奇出糟粕比歲邁陽九中原若沸鑊南通海一隅夜  
戶乃無鑰我聞古大人挽道齊神虜出爲在天飛入極恣揮霍處爲  
醜淵蟠儲霖蘇枯涸道喪嚮千祀斯人邈芳躅微公間世生軒裔今  
何託是知玄黃處天運無終剝有如碩果存不隨羣卉落陽春還六  
合保此百昌朔公今躋七十矯矯雲中鶴益面太古春不問還丹藥  
四月攬揆辰華堂開瓊酌門子各粲粲白華間朱萼薄海簪髮人晉  
酒稱喬嶽靈椿入百秋洪浮期拍握賤子拙言詞一觴公勿却願公  
駐沃丹生民要先覺元會有往復昭爛在邱索黃虞儻可還相期追  
四岳

熊希齡

早從廷對識聲名晚辱憐才接老成三策治河真小試一垓扶海足  
躬耕未忘飢溺身逾健卽論文章世已驚南極此星關運會待迴瑕  
穢見昇平

張超南

龍光當代曜禎符領袖東南大國儒幹地斗杓羣宿拱宗天海鏡萬  
流趨甄陶管晏崇新軌漢績班揚絕古模二十年中神所寓獨開風  
氣化柔愚

閱歷滄桑老鬢絲端躬朝野繫安危論兵小試強藩策擢第深邀舊

帝知恒上龍爲青笠友。虞山鶴是白頭師。頤居常爲蒼生計。每出名言誦一時。

觀鄉知道樂義軒。富濟田間日碩蕃。士倚公超成鉅市。地供會隱得名園。伶俜燕麥俱懷潤。窈窕鴛華各載暄。近唱雅音圍鞠部。笙詩按譜手親繙。

太平仙慶古稀春。同展中閨象艾辰。彭澤琴書偕絃佩。霸陵耕織契經綸。兒如荀令能文早。孫似員郎學語新。況有卯君持壽劄。尊前披穎鬪吟身。

施肇會

霜鬢今教四海知。依然譚笑卻能罷。藝文傳子斜川集。耄耋恭兄諫水規。但望民蘇忘出處。獨憑儒效起瘡痍。漢家蒼壽關元氣。亭育羣生不自私。

王式通

萬化從來始一方。先生有道致民康。力征豈爲一家業。海納羣尊百谷王。論世初知儒有效。計功早樹國之坊。待摠懷抱無窮事。且爲蒼生數舉觴。

羅惇儀

先生長壽自有在。豈必斤斤論歲年。北斗原爲列宿極。南通轉作神

州先惜惜令德自獻佩歷歷良  
祝吳江邊

江海之交孕奇士籍甚南通張  
長史斗大一州冠天下就中兀  
湛避金馬我年八八君七十南  
遲重使修名立主僑賓奉啓芳  
笛極目成連海上船

騫息無二致達者慎行藏道力  
顧羅廟廊先生實領袖高名擅  
紫霄翹不與凡鳥翔返褐號峻  
麻桑智慧易機械荷負溢道旁  
及歐米與頡頏東南食其德民  
建國二三載致工闡宏綱握手  
名累羈縲益復遠相憶衡門獨  
久寥寂歸殿瞻我鄉壽日盛酬  
壺觴願詔珠履客聽廣南山章



周自齊

照眼榴花映錦堂。海東欣祝魯靈光。文章一代推椽筆。事業千秋奉  
辦香。座上名流來異域。階前令子繼諸王。王路公今日猶年少。肘後應  
多辟穀方。

三山烽火照三韓。曾把吳鉤帶笑看。草檄陳琳寒敵膽。上書賈誼掛  
朝冠。徒薪曲突誰先見。沸鼎危巢盡苟安。幾度滄桑勞望眼。蜻蜓洲  
畔起新瀾。

一卷風煙記昔遊。革新政治挽橫流。亞東首建共和國。海客能超博  
望侯。聖教經綸傳許子。人才教育仿歐洲。鉤探二策今推美。跨竈居  
然有仲謀。

西塞山前舊弟兄。不因農圃廢功名。卅年郡國書俱在。一雨江淮歲  
又成。矍鑠自關人力勝。艱勤彌覺此心平。微吟欲譜南飛鶴。併與何  
戡唱渭城。

李宣龔

景星照堂。光明顯揚。赫誼君子。天所祚昌。千秋起舞。長樂行觴。辭祈  
萬歲。長生樂鄉。

五嶽四瀆。東鄰西國。周匝萬里。論仁議福。常德自如。仁智隱伏。高而  
不危。南山松柏。

德教尚中無所不通陳力就列民得安從精誠所在以成厥功樂我君子功德大隆

江河海澤覆幬無極從容長閑日新其德榮路並處仁不相賊道德神仙君子是則

亂政無常長思憂嘆微視千里履踐危難鳴鼓逐狐脫執去患頌聲並作東山拯亂

合縱散橫豪雄等名七十隱處望尚阿衡據德不殆天下歸仁諷德誦功陳辭達誠

集易林

齊國琳

世變有相乘損益視文質達人貴觀時道在忍執一矇矇鍵關世漫漶用苟益彼鄰握勝算圖我巧爬櫛衆人徒束手溝猶但勦說神州淪空虛積久成痼疾我公盧扁手獨起救以實貨惡棄於地漁恐竭其澤孟晉持導迷健行利扶蹙洪之若川陵細之若毫髮無不羅意中次第爲施設梓鄉其發型將躬與之率推之周解宇遠欲被垓北其豫補幽風其勤躋無逸賈子語治功事有至繼悉公爲天下計道與昔賢埒餘益建文壘光輝矧橫溢上天閱斯民公壽世則活神明靜以完期頤理可以善慶翫易語撰著得元吉

林炳勳

健行忍志兼儒墨。放意夸辭薄老莊。荆棘萬重雙臂掉。雲雷百轉一身強。

與兄二老海之濱。養及凡民不待文。史重伯夷殊列傳。氣隨呂尚冠三軍。

東傳日本西歐美。說著南通斗大名。無限中原村落好。獨留尺地待先生。

字嬰息老亦艱哉。況爲聾盲掇廢材。不向化城分乞施。直從平地起樓臺。

少作如毛散似煙。南州三十萬人傳。而今九錄書成後。取次殘餘降外編。

多士壽公如壽己。公仍以壽壽諸人。華林更在賓筵外。魚鳥寬然倍可親。

廣幕朝看士列營。通衢夜走校燈明。誰知舞蹈遊行地。寸寸由公準度成。

去年梅熟雲開壽。今日棉苗雨是蘇。天若特輸新氣象。爲民慰望三爲公。愉。

曹文麟

五山佳氣鬱芳唐。一老巍然仰冕裳。異域亦知有人在。姓名豈獨震

榮

哀

錄

卷二

四

侯王

四顧天低入五湖。軍山山上闢荒蕪。崇臺百尺觀乾象。不用陰晴驗鵝鶩。

春風最是艷陽天。陌上花開滿目前。七百餘里開道路。幾行新柳綠成烟。

桑田不復成滄海。賴有閔材可造幾。斥鹵移民勤墾殖。何虞土曠並人稀。

山北山南健步行。相扶端不藉輿丁。起巖降世原非偶。上應文昌第一星。

功成不受返田廬。村落經營愛故墟。大富貴兼大壽考。勝他廿四考中書。

金剛不壞證前身。南極尤芒燭老人。更勸天台游半載。子孫七世見劉晨。

黃梅節候律糴賓。早歲憂聲動四鄰。一疏籲天天竟格。立時雨挾怒龍噴。

張鳳年

壽星正應大江濱。北斗之南第一人。鸞掖文章留舊價。鵷夷事業續前塵。租庸鄉里多蒙福。功德平生總在民。偕隱家園臣不得。如公寧

獨善其身

費毓楷

昔歲尊疊錢玉山。明時園綺戀商顏。功縣桐柏津梁外。律倚裝賓几。杖間渡解三神探。壽錄買絲千佛禮。華鬢期頤早。券稀齡始食乳風。流近可攀。

傅增湘

千齡觀草上梁文。喜約今年更壽君。世重穎坡同耄健。國尊潞鄭在憂勤。天殺得解容吾喻。天殺得解為文乙卯秋惠書中語地力能興謝俗紛。舟載經營功待竟。樂郊私語久知聞。

諸宗元

濂亭門下盡時英。卓犖南通獨晚成。耿弇奇猷知北道。陸機文賦敵西京。干霄一鶚呈殊采。大壑潛鱗喜隱名。莫話高勾驪舊事。箕疇今日為公榮。

兼旬甫過端陽節。肆設賓筵集眾歡。照眼尚存榴蕊艷。解醒應有蔗漿寒。禪參玉版高風在。老住尊鄉濁世難。鳩杖不扶年七十。采山常戴籜皮冠。

劉更年

昔聞南通州。范與張同稱。初猶文字耳。後乃張獨能。民生與國計。事

事須準繩。往往困樞府。大利莫能興。痛念自強基。棉產爲樞紐。天然大生名。不脛而自走。予時慕俊才。相欽情何厚。君有兒嚮學。我女喜相偶。載瞻盛德門。觥觥君已叟。由此益親愛。蔦蘿附松枝。相彼墾牧地。擾擾屢瀕危。七年始底成。艱苦惟心知。自是談自治。挹注有其源。更兼師範設。教育開其門。經營廣實業。不息如乾坤。船酒漁鹽鐵。一恣討論。回思廿載前。塾淤惜淮水。曾籌疏導策。當途昧厥旨。乃於師範校。特試測量技。三十有餘人。淮泗縮寸紙。民國成立後。督辦導淮事。明歲改總裁。全國規水利。規成河海學。以爲濬導備。繪測圖已成。工師亦已至。項城議帝制。獨出以詞阻。不聽遂歸田。甘與四友伍。仍爲地方謀。專業宏且優。農工商並重。盲亞亦兼收。其他博物院。巧古無與儔。高臺瞻氣象。館內圖書稠。綜論君生平。識有過人處。魄力自堅雄。論議操遠慮。手創百世業。名邀萬口譽。七十自健強。皇天永錫祚。夫人錦悅懸。海屋添華筵。五十逢初度。鸞鴛福祿全。今歲五月中。酌酌芳樽。俯親朋自遠來。玉樹階前秀。我爲斯民祝。千秋德業懋。願以琅五山。嶺嶼爲君壽。

陳惟彥

矮屋年華卅六餘。歸舟嘔噓集中裾。儒林外史勞君授。喜讀生平未

見書。

丙戌報罷同舟南歸君以儒林外史示余讀之

教稼明農百卉蘇君歸長樂我饑驅華嚴彈指成樓閣領袖東南冠  
顧廚

幕府參軍又一時子雲筆札彌生辭龍蛇大陸風雲起猶抱郵筒作

導師北洋幕中項城與公復書皆余捉刀民國元年余入都公口授函稿以介於項城自是文電絡繹

一樣心期不帝秦鳩媒鳩逝詈申申放還田里渾閑事偏仗元方作

轉輪安會起公以阿兄退庵函電囑余游說數四乃放歸後來書云公亦在風中又云曷不觀梅郎之戲

三日濠南媿授餐南天應作德星看平生風義兼師友松柏相期保

歲寒

刊落尋常側豔文悲懽離合述前聞願公壽與彭錢並長廬江南作

大雲

張一塵

碩望觥觥曠代英耆賢四裔識高名祥鍾象緯星辰燦術闡鴻濛宙

合驚戴德說經常累席沂公蘊略溯和羹平生安攘紆籌策幕府爭

傳倒屣迎

夷吾爭治未能先成史平添食貨篇魚腹千絲蘭蕕昂龍鱗億頃芍

陂田斗南物望人推一方朔遐齡歲紀千臚祝譽髦裳襟接心波合

藉醴醕傳

張志潭

見說溫公奉伯康。家園獨樂引年長。許翁重過前賢處。壽宴偏開與衆堂。

長安棋局換輸贏。只抵樓頭鬪一觥。兄弟自饒耕海手。眼中贏蚌不須驚。

如山壽骨故堅牢。兵歲頻年氣漸彫。遼瀋向安梅雨足。倒瓶且勸盡今朝。

嘉賓不獨盡東南。北譯西觀一例酬。競拜堂階乞年壽。問翁添種幾株柑。

繞壁嬌荷捲碧筒。支棚藤翠列雙龍。往來都覺鬚眉改。齊擁鬼鬼綠髮翁。

軒櫺遙對果然亭。亭在名更歲幾經。同甲少年餘我在。溪風溪水暫來聽。

去年同賞雨潏潏。曉壁詩留墨尚斑。懸景欲摹誰會得好。雲透起檻前山。

得聞何日不千秋。甚欲從翁結社遊。潑眼榴花仙洞杳。可知都是未能休。

沙元炳

八詠裁篇繼晉唐。千齡闢館會衣裳。應攀九老香山白。勝集羣賢內



史王

去年滿地是江湖今日曾無一片蕪  
北部如何猶鬪虎南天格磔亦  
啼鳩

乍過芳香五月天榴紅艾綠照庭前  
老人別有關懷處秧隴棉疇碧  
似煙

支分草本咸區別彈壓山川亦庶幾  
試與周行三百里行行煙樹密  
還稀

海外猶傳叔季名休言兩到與雙丁  
儻從高處占天象數到天南第  
幾星

園中傑觀倚精廬園外新墟接故墟  
四面江淮歸海外一生潘蘄治  
河書

令聞少日已施身老去雄才尚過人  
儘有南樓容逸興來乘月夕與  
花晨

別啓濠南治主賓一時姊妹盡芳鄰  
獨慚卽席無佳句不被公嫌亦  
自噴

顧芹

四傑同光盛三吳韻事留川原通海泰  
人物范朱周斗極張星朗靈

光魯道遺遐思釣鰲日奉杖傍滄洲  
詩前十數年謫公瀝上荷  
公獎借有詩漸蒼老之衰



聽稚鳳清短吟諧競病。嗶引祝長庚。

魯滌平

宣聖崇富教。西哲重民生。經天如日月。斯理亦並行。江南有耆宿。大道寄干城。盡探經史奧。兼通歐亞情。唾手魁天下。置身在蓬瀛。才望詞林重。文章海內驚。公昔未達時。殫心究治平。名揚乃輻輳。經濟等齋羹。不執朝天笏。來從野老耕。九土辨饒沃。百藝競奇贏。大利盡山海。實惠及編氓。拳拳富國策。具瞻普八紘。共和張政體。鼇極天柱擎。中樞資翊贊。農商握鈞衡。山林與廊廟。心詣殫經營。神州懋實業。淮海樹先聲。壽民斯壽世。其功莫與京。一身三不朽。五洲盡知名。懸弧屆仲夏。福星耀長庚。瓊階馥蘭桂。岷玉相晶瑩。齊獻岡陵頌。朱履集羣英。畫扇歡千戶。稱觴累百嬰。遠望碧霞嶺。細數丹芝莖。至寫誠愧葩。采鼓祝松柏貞。

伍 璣

我公不好名。事事務求實。實至名乃歸。未可徵倖得。得名信匪易。要知無他術。祇在庸行間。不必矜奇特。其一曰農林。阜財當務急。勿令地利遺。民足邦本立。其二曰教育。灌輸民智識。男女無重輕。時雨同培植。其三曰工藝。居肆業爭習。巧則公輸同。明則離婁匹。其四曰商務。治生貴貨殖。市隱有陶朱。屢中端木億。凡此數大端。人人應盡職。

無如放棄多。惟公獨致力。早歲逐文場。青紫如芥拾。晚年興實業。通國皆矜式。人重公科名。我重公道德。浮榮僅一時。自彊能不息。公開風氣先。進行誠積極。功業著巍巍。足壯吳山色。哲嗣幸同舟。會逢年七秩。壽世兼壽身。升恆如月日。

俞若會

辭榮簪黻薄。王侯高蹈人。推第一流詞苑。望原尊北斗。黨魁名早重。南州心存利濟。差無負志在澄清。未盡酬。不惜胼胝爲報國。農家事業足千秋。

盱衡世運贊中樞。雅抱冲襟并世無。鹽鐵萬言曾借箸。河渠百利早成圖。耕漁創業稱中隱。章句談經笑豎儒。欲爲史家開新例。龍門貨殖亦區區。

共傳篳路啟南疆。範水模山衆美彰。雞犬不驚真樂土。鳳麀所止卽仙鄉。里稱通德齊高密。名動中朝軼鄭莊。宰世閔謨姑小試。手攜民俗返淳良。

滄桑幾閱鬢生絲。時變紛紜志不移。却外看棋惟袖手。閑中覓句獨支頤。晴窗染翰添佳趣。清夜徵歌發綺思。美意延年原可券。何須却勝學佳期。

何煜

立壁輒文富貴昌。飛檐長樂瓦排當。千齡觀啟耆英會。壽我南通季子張。

名山琅玉甲吳都。秀毓靈鍾自異殊。爭羨聖童聞道早。可知教業過庭趨。

弱冠聲名衆口傳。承師取友益摩研。天人對策鴻臚唱。舉首羣推董廣川。

道不能行羞竊祿。繙然遠引最知幾。寰區難起溝中瘠。畊織當令鄉里肥。

衣食俱饒禮義興。營謀教育苦曾經。而今學校如林盛。合有絃歌莞爾聽。

范堤黃浦藉訂謨。小試經綸出緒餘。江左夷吾儲重望。山中弘景樂閒居。

是翁矍鑠健精神。坐客稱觴祝令辰。子子孫孫引無極。期頤重慶百年春。

金陵往歲寄閒身。奉手相從意倍親。此日江南望江北。願歌天保學詩人。

陳慶年

斯世何論漢與唐。桃源今日會冠裳。香花齊祝無量壽。敬爲光明最

勝王

遠勢襟江近帶湖。憑欄四望接青蕪。嵩牛幹馬天然畫。底用題詩鄭  
鷓鴣。

河流裏下水連天。往歲奇災澹目前。疏濬亟籌長治策。試看綠野有  
耕烟。

俊兄開八精神健。岱華雙峯不可幾。卅載辛勤謀教養。一州利市國  
中稀。

承懽蘭玉看山行。攜手諸孫老復丁。會與雲仍酣宴飲。武彝君是丈  
人星。

五琅佳處結精廬。小市行沽樂趁墟。一醉掀髯開口笑。藏山猶有待  
傳書。

村落能容自在身。紛然蠻觸豈無人。獨醒爲醒塵寰夢。一杵鐘聲夜  
響晨。

名流湊至盡嘉賓。不祇耆英集里鄰。湯餅會開欣飽德。敢云翁恠惹  
翁嗔。

陳祺壽

世宙菁莪啓先生。福祿崇宏規。昌富教上策。叶綬豐博物。知名早。奇  
謀借箸工。南州推孺子。東觀識黃童。明明岷山玉。鏗鏗碣石銅。春雲

龍出海旭日鳳鳴桐。韜略因時裕。文章救世窮。異材呈杞梓。長劍倚  
崆峒。鼎革卽危際。乾坤震蕩中。談言多慷慨。主角利磨礱。滄解掀狂  
鯨。高鳴舉遠鴻。築台登郭隗。投閣取揚雄。尊孟民爲貴。耕莘道本同。  
論才惟幕管。作婦定嗤馮。甯計鮑飢朔。恆憂大小東。閭閻安太僕。杼  
柚嘆其空。補瘠宜與利。宣詞漸發蒙。七襄經緯素。八月木棉紅。曠土  
籌境堉。新機恃變通。務材侔衛燮。鑽核陋王戎。貞固占恆德。艱辛獨  
撫躬。精心分鉅細。毅志貫初終。謙論陳無隱。虛懷聽或聰。如能遵典  
則。直可振頽聾。備職猷頻展。辭官望益隆。羣英方變夏。舊友不登嵩。  
墜壤歌偕作。排淮憚警洪。指揮鐵如意。心透水晶籠。神禹千秋績。袁  
宏滿扇風。用材咸就範。屢省克成功。未屑詞三影。仍謀地數弓。選枝  
棲鷺鷥。播穀靖蝗蟲。頤養松喬壽。新妍蘭桂叢。爲箕承盛業。繩武驗  
方瞳。鶴髮尊元老。狼峯榜遜翁。五洲傳姓字。萬族起疲癯。藍筆滋敷  
我。蒼黎總眷公。風塵形鹿鹿。星斗望熊熊。敬獻長生錄。聊和坦蕩衷。  
稱觥伸下悃。箋句備郵筒。

劉承恩

引首舉天空。俯矚千世界。人治抗天行。人傑實攸賴。立德立功言。因  
時異厥派。宗旨一言蔽。安寧謀社會。伊昔號英雄。立功必得位。政治  
討生活。取徑毋乃隘。素位可行志。此理貫中外。腳踏實地做。誰歟國

真愛古國五千年。山河環兩戒。芸芸庶矣哉。富教加者懈。愛國始愛鄉。模範南通在。南通張先生。碩望齊衡岱。生平建樹宏。眾口咸炙膾。實業與教育。關係籌連帶。物產改斯良。人才出以輩。有人此有用。持盈保其泰。國家果莊嚴。軒冕如土芥。定計必百年。不知老將屆。力驚先生雄。志仰先生大。齒德有兼尊。國民合崇拜。

壽孝天

扶桑日射海門濤。砥柱回瀾策六鰲。樂府新翻仙鶴曲。壽星上映斗牛高。華封善頌陳三祝。蜺圃清謠奏八歌。生佛萬家歌進酒。大江綠漲比蒲萄。

天中節過宴遨頭。甲子重添七十秋。雲漢文章韓吏部。名山事業漢留侯。樾林蔭暍容千乘。瓠葉宜防靖萬流。衣被蒼生功未報。商山芝爲綺黃留。

富國精心四海營。開荒蓋筆冠寰瀛。謝公絲竹多清興。潞國冠裳見老成。行地神仙無秘藥。居山宰相比調羹。老人炯炯輝南極。雙鑠還祈福衆生。

壺天日月等春長。草木欣欣佐壽觴。元老儀型斟雉鼎。明時嘉譽詠龍光。黃柑百饌調鸚鵡。絳樹雙聲引鳳凰。宴敞武夷聊晉社。百年歌頌壽無疆。



高毓澎 陳廷英

并絡天彭東下一萬里。滂溽沖融江海匯。蜀岡迤邐繞長淮。昨嶠五  
山承其委。龍蛇抱珠重淵下。虎豹韜采浮嵐裏。地靈蘊積不知年。肯  
任幽巒隱神偉。志程狼山之隱者英俊一出豁鴻濛。光氣髣髴當洛嵩。科名  
祿位悉塵土。文化勃興暢春風。學校紛林立。闐闐並墉崇。棉田雲田  
野。機廠雷當空。一邑將爲世樞範。當時盛稱張南通。隆隆中國聲洋  
溢。西通日入東日出。絕域傾風幾名流。梯航踵至闕一一。嘆許每覺  
動權忻。游揚且復資譯述。海內安得如公數百輩。爭新區寓大同列。  
顧公績高心益卑。美備追求靡已時。羣才陶鑄各適用。童鹿廢疾勢  
棄遺。斥鹵曾無寸土荒。交衢方軌趨坦夷。矧值水旱憂勞迫。導淮治  
江一身並任之。此功之成直欲補造化。風霆不驚鬼神叱。心期禹稷  
跡城市。三徑一邱陋陶謝。豈無絲竹娛性情。亦有園林適休暇。皇皇  
七十不倦勤。大齊定知天所假。壽祝出自華封人。其辭辯矣義待伸。  
任職必得任才選。一夔足濟元愷倫。分財何如分業備。九功咸賴府  
事循。就閒厭世託仙道。亦奚當于君子壽世之仁。走也敢以私請爲  
先生祝。俾先生其壽而臧兮。昭示乎子子孫孫永以似。而以續俾先  
生其壽而富兮。恢張乎事事物物胥交成。而交足。俾先生其壽而康  
兮。矜式乎邑邑都都恆相望。而相屬。先生方當策扶老。攜醪醑。迎薰

上千齡觀揖客奉觴疇百福高攬南山松柏雲側聽西院梅花曲

潘蔭東

出潛離隱見于田萬里風雲在眼前已滯已飢思禹稷民勞民困望  
仁賢興酣草聖成餘事肩拍洪崖卜大年洪崖先生姓張  
堯時已三千歲況復今茲  
逢閏五固將天縱美綿延歷家以閏  
爲天縱

勝事紛紛說李唐兒孫戲舞綵衣裳使君壽考今猶昔不數當年異  
姓王

英姿奇氣滿江湖學士歸來復到蕪今日何曾輸萬象滿村新雨喚  
鳴鳩

今年不是去年天浩浩洪流退眼前旨酒千鍾飛過去一心猶在萬  
家煙

七十從茲開入秩智能高美孰堪幾老兄老弟尋常少豈獨尋常古  
亦稀

何必西隨李耳行榴花紅頰獻園丁晚來試向賓筵望座客多于天  
上星

長策依然是舊廬蘭薰麝越小村墟他年儻有相思意雙鯉能傳尺  
素書

與君共度百年身絳縣疑年笑晉人管領羣英歸足下看花最好是

清晨

滿前誰主更誰賓自在嬌鴛為洽比隣未敢近前輕著語匆匆題口印恐

花噴

顧錫祥

壽星神降六如唐相國歌商錫酒裳

與衆堂六如壽星真蹟松禪爲相國時壽潤之公八十聯語

今日畫禪傳道子

觀中吳昌碩壽畫像髯翁論並朝王川一千餘觀

望見南山對鏡湖小兒千佛辟蕪蕪乳飛千道如時雨喜雨亭中聽

鶉鳩

體育場師範各會操二觀

百築范堤接海天有時振寓酒筵前

宴遊興造以餘財惠貧貿易飲食工技服力之人仰食公私日

無慮萬數荒政之施莫大

斜風細雨都無妨指授村農入暮煙

農場三觀

城餘古木新家在濠水東西悟暇幾人世事親兄嫂久青燈傳說慕

今稀

濠陽小築四觀

昔歲英賢滄海行朋來海外聽丁丁錫諸爾類南堂上羅列兒孫仰

極星

濠南別業五觀

異僧野寺亦山廬儒釋相參社不墟見說老翁來洛下偷閒稷下檢

奇書

西寺六觀

萬花影裏現真身小字仙壇紀美人

麻姑

世界名伶誰第一桑田東

望綺清晨

更俗劇場梅伶獻壽七觀

榮哀錄

卷一

卷一

七

畫戟清嚴宴衆賓。詳吧時禁西鄰歡笑問東鄰。久聞蠡賜真先覺。貨殖遠勾踐強權以教民七策之二賜之貨殖通例國富厚以尊師多識能贊史遷神而秘之冠諸貨殖又以貨殖傳爲黃帝以來史事之結論焉孔氏胡爲未斷噴。商會實疑其辭焉。

顧元弼

恆沙歲月浩無涯。海甸經營與未賒。小部笙歌能化俗。南山亭館遍栽花。名園勝景依濠水。環境長途走羽車。地位若同華盛頓。二千萬里盡桑麻。

劉文輅

鄉邦爭說我公賢。今又欣逢杖國年。籍隸南通稱樂土。樽開北海會華筵。少時已上籌邊策。晚歲咸欽陸地仙。任爾紛紛陵谷變。靈光一殿尚依然。

曾向金鼈頂上行。更依虎帳夜談兵。人間元老如公少。海內諸侯倒屣迎。半壁東南端藉力。九州士女盡知名。婺星耀彩文星現。雙照天空分外明。

浮沉宦海最心驚。恰喜功成早乞身。天付全才娛暮景。時當五月慶長春。畫堂璀璨芝蘭秀。別墅經營草木新。如此清幽如此福。平分清福到夫人。

鴻案相莊共舉杯。視將軒冕等塵埃。感時賈誼猶憂國。避世陶朱善

理財學養英才儲械樸。詩徵壽考詠臺萊。從今不拜新朝賜。待看文  
郎衣錦回。

過鏡涵

看將利祿等塵埃。一老巍然東海隈。富教先從村落起。勛名非自制  
科來。江淮疏導平生志。棉鐵經綸治世才。黻佩相輝眉壽永。南州歡  
頌到輿臺。

梁傑才

介壽躋堂拱北辰。南弧聚照海陵春。昔參戎幕多籌策。近卸朝衫早  
乞身。萬類包涵謀富國。羣倫陶鑄作新民。文章經濟彌寰宇。不讓當  
年馮校邠。

榴紅艾碧正芳菲。嘯傲南山雲滿扉。村落經營成美範。河流疏濬燭  
先幾。喜看杖履留春在。雅集壺觴祝古稀。蘭茝長偕松柏茂。一堂歡  
笑舞萊衣。

許人傑

首唱鴻臚第一聲。鼇頭雖占薄功名。故鄉子弟分齋教。當路公卿倒  
屣迎。北海文章多實用。東山出處小蒼生。箕疇五福躬皆備。朋酒躋  
堂酌兕觥。

綠野堂開介壽筵。絳人甲子古稀年。儒家貨殖師王烈。帝制嚴詞仗

魯連項城縣帝時先生陶猗治生鄉祭酒劉樊偕老地行仙稱觴祝  
嘏尋常事難得兒孫盡象賢

陳廷銓

扶海東南氣浩唐巍然者碩偉冠裳千齡萬壽爲公祝合是金剛不  
壞王

十年生聚策江湖東海成田辟舊蕪一角耦耕招隱地只聞鳩喚不  
聞鳩

萬言意氣沮回天睥視侏儒飽食前惟有歲星長在野當時朝貴等  
雲煙

河濟二叟歸來日未及縣車已見幾百歲提攜有兄在不愁犀角眼  
中稀

百善封翁累義行豫言尺籍注千丁一門兼有陳荀盛濠上高樓聚  
德星

西奧桑村自辟廬當年游客付荒墟灌園便是長生術請讀先生種  
樹書

千秋不朽鑄金身村落謳歌起萬人攜手弟兄游釣處南山五老共  
宵晨

拳勝歲歲我來賓菊水城南許卜鄰但願掛冠隨杖履故山猿鶴莫

相眞

習良樞

經天偉業祝康強。七十年華鬢漸蒼。一代高文光典冊。千秋樂利普  
農桑。江淮並洽師神禹。道德長生學伯陽。高絕紫狼山頂塔。海邦並  
峙魯靈光。

萬言椽筆上書時。憂樂關懷天下知。盤谷序成官作隱。嵩山雲起友  
兼師。平原書法傳衣鉢。謝傅風流賭奕棋。四皓由來天所眷。好騎白  
鹿採青芝。

曹舜臣

欣聞江左有夷吾。德業無疆壽考俱。造就師資宏教育。經營斥鹵變  
膏腴。萬家樂利歌生佛。一代勛名仰大儒。更羨筭珈同福祿。青山偕  
隱永康娛。

蕭耀南

屢辭鶴聘結鷗盟。盟藹藹幽堂畫錦成。清德自能風百世。陰功詎止澤  
羣生。翼旗壽世今方駕。文富耆英負重名。獨善更宏兼善量。坐聽笙  
曲繞瓊觥。

極星光氣映江濱。孤悅同懸壽宇新。一代富強存實業。平生憂樂見  
儒真。東山絲竹供吟草。香社春秋紀大椿。我欲揮衣來介社。載賡華

榮

哀

錄

卷二

十四

黍慶長春

龔心湛

紫琅峯峙大江東。當代耆英仰我公。道德羣欽殊世俗。文章競羨號  
儒宗。多興實業資模範。不尚虛榮重事功。孤悅今看齊煥彩。老人王  
母壽常同。

范毓靈

曲江風度魯靈光。壽域宏開綠野堂。燕喜迭陳千日酒。鳧趨共進九  
霞觴。鄉爨福地圖書府。錦繡仙鄉禮樂場。經濟文章皆第一。年華杖  
國祚靈長。

歸來海國眼垂青。備位粉衙頌德馨。燕寢齊眉鴻舉案。兕觥介齒鯉  
趨庭。箴箴時錄進千秋。鑑利國書成十事。屏極力提倡。惟實業。萬流鏡  
仰斗南星。

周英杰

自古崇川地。汪洋接海濱。五山毓奇秀。一士非常人。才爲救民出。政  
因改革純。聞名爭倒屣。慷慨作師賓。南極星輝朗。西池氣象新。閭閻  
進歌頌。天地啟昌辰。福與蒼生共。仁期海內均。虎林翹企切。願祝萬  
千春。

蔣邦彥



吾觀於鄉王道隆疇其當之張南通南通老人氣象宏經綸草昧開  
鴻濛盱衡全局羅心胸務財訓農兼惠工先生壯年已不同黃金白  
壁斥牢籠先生曩致先君書有云近世黃金白壁斥牢籠豈畜士爲棄如長者風義胡可得也抵掌能佐武壯公維  
時吾父障海東從兄弱冠卽從戎謝家幼度輕羣雄軍諮祭酒度雍  
雍與君伯仲禮益恭吾時總角年方童片言拱壁什襲重回頭三十  
餘年中往時歷歷若飛鴻遼左屏蔽已成空追懷海上剩刀弓賤子  
讀書慚父風四十無聞何適從十年願修弟子容辦香嘗拜會南豐  
生平不羨萬戶封心傾範老與晉翁橫流滄海逐舵篷教育實業天  
下宗斯人木鐸警贖孽安得舉世皆登龍華府會議光熊熊孰謂教  
育不爲功魯陽揮戈此先鋒羣策羣力能折衝願公雲普泰山拳手  
挽銀河斗牛冲春秋責備賢者躬更祝先生徹始終導淮大計洽水  
洪四省樂利沾無窮大禹神功渺蒼穹湘鄉救世誠與忠君家兄弟  
齒德崇大開壽域啟顛蒙願向南通三呼嵩家家悉植南山松

袁世傳

大魁天下士徧讀古人書借箸陳籌久回槎織錦餘雲雷窺造化世  
界闢華胥南極星長耀東山問起居

耿道冲

艱難國步仗扶持七十仙翁松柏姿事業元勳垂碧史文章正氣炳

丹曦別開海上新天地羣仰江東大矩規用舍無心功一致  
代有宗師

蓋世功名糟粕餘超超浩氣澈空虛才華坡老仙中品逸趣  
上書大德無勞餐妙藥引年有諦養真如義軒歲月知何極  
山奏誦初

涂熙雯

唐虞禪讓局禹稷契維持治水兼教養實共憫蚩蚩憂勤佐  
功未竟施同入虞廷後乃措世雍熙一身兼二聖惟吾南通  
天下重民生念在茲大魁南通籍文正擁臯比講求政治學  
始基導淮首建議無異禹胼胝樹藝燒后稷墾牧民無飢與  
教師範次第推己飢復己溺先覺亦先知拯民幾昏墊起民  
教民幾學校養民幾公司其他工商學皆為實業資培成需  
自出匡時師所擘畫者斯民實賴之崇川模範地頓為天下  
遭國變與世相推移一念救民志不忍棄如遺農商偶一試  
孜孜事定仍南返村落大可為本無利祿意勢位宜固辭自  
國觀鄉道在斯為民數十載成就白髯髭江東容獨秀偕老  
後起能繼志克紹裘與箕餘慶徵所積弄孫喜舍飴今夏躋  
海念續眉億萬所託命天錫師期頤門牆侍卅載高深莫能

崧嶽降聊申泰岱思龍門高海內庶侑介壽卮

翁長芬

東南有耆宿天挺淮海英大雲不出岫其澤被蒼生瞻彼狼山側斗  
大一孤城百業咸樂利萬象胥昌明新境日以闢閭左無游民工廠  
如櫛比璀璨壯飛騰學校復林立良材樹邦楨士無廢書數農有先  
疇耕商擅貨殖利工用規矩精四民皆食德維公所經營聖者胞與  
量發揮在精誠自來魁天下徒以文章鳴公獨顯洪烈出處不敢輕  
所志豈溫飽王會薄科名網網萬言策憂國心如醒奇謀動朝野偉  
論驚公卿河渠與鹽鐵柱腹書縱橫紆籌談治術改革當權衡良法  
仿歐美一息羣喙爭所期萬世利康衢泰以亨窮檐蘇鳩鵲強鄰歛  
鯁鯨蘿袞袞無異趣肝膽懷生平譽既中外播身實儒俠并賢子紹家  
學頭角見蟬噪議郎膺衆選早歲蜚英聲公福卽國福物望歸老成  
連天應姓氏奎宿輝長庚願言聲聞壽海內頌佳彭

李錫純 湯 鉅

畫錦堂高瑞靄紅神州民望說南通障川屹作中流柱覺世如聞清  
夜鐘蓋代勳名人共仰滿懷春意物皆融添籌爭上延年曲不與尋  
常頌禱同

開闢良疇立富基綠雲遍野黍禾垂饑寒不迫人情樂雀鼠無爭世

道夷四境同歌公壽考一身常係國安危祝君百歲猶強健盡使中原民物綏

庠序如林教化成頻年事事費經營奇才治國原無異王道于鄉大可行文物東南真矯矯茲歌邑野聽盈盈遙知獻壽香霞裏踰濟一堂日色清

恢恢大度物能涵七十年來福澤覃自昔文章高冀北于今衣食被江南言辭早立兼功德富壽雙多更子男何況劉綱夫婦健瑤漿新熟快同酣

任傳榜

同詠覽裳第一人曲江才調本無倫莘莘學子握衣謁衮衮諸公倒屣迎名士豈因官職顯鴻文常播政猷新長安走馬成陳跡總覺看花景象春

彈指滄桑幾變遷尼山富教訓猶傳天教豪傑開風氣公爲中華鞏利權有子已能成大器抱孫端合樂高年榴花照眼明如許並蒂呈祥敵壽筵

夏啟瑜

莽莽神州道氣充伊誰擘畫代天工嚴光愈老甘遊釣賈誼多才策治隆南極有星仍舊雨中原無地不春風當筵試上華封祝四海羣

欽德望崇

頌罷掄元頌女宗華堂獻瑞喜雍容胸羅錦繡先知覺力挽波瀾禦  
折衝閣下絲綸成大業林間尊酒寓司農古稀介壽人稱健桂馥蘭  
馨福蔭濃

姚志祖

文章專業各千秋不作人間第二流大隱市朝寧獨善微言河漢輒  
先憂樹人桃李新陰徧富國農桑美利收凡百古今何但壽一家福  
慧豔雙修

趙毓焄

鴻案相莊衆所欽好將春酒滿杯斟狼山氣象宜仁壽齋頂文章重  
古今致治保邦經世學力田興校濟時心願隨萊綵躋堂祝祀李臺  
萊子細瑣

人文自昔稱江左家學薪傳紹宋儒經籍湛深阮頤性吟壇耆宿沈  
歸愚難兄譽擅靜恭里有子才推大小蘇七十老翁腰脚健手中竹  
杖不須扶

田步蟾

矍鑠精神七十翁香山結社樂靡窮文星璨璨魁天下實業巍巍冠  
國中秉政農商聞北闕集資紡織惠南通人才培植無雙德水利興

修第一功

密奏樞機誇玉屑宏開淮海濟金融寧垣諮議推爲長  
更崇自治精神堪軌範改良風俗是英雄齊眉內助欣偕老萊綵承  
歡禮益隆

薛明劍

家居平地卽神仙况復聲施儘爛然長揖諸侯尊上客合觴京雒冠  
耆年爲霖望尚虛元輔成兩渠先廣福田翹首雙輝炳南極祝公齊  
算到彭錢

羅廷棟

綠漲葡萄入酒鍾琅山照海屹高峯老就阜帽清如鶴舊對形庭報  
是龍書是古微題積感文成箸議更農宗欲知淑世無窮意要使斯  
民比戶封

庖丁滿志善藏刀會駕扶桑策六鰲樹木都如名節立尋山豈爲隱  
淪高閨中仙侶齊鴻案鄰下佳兒有鳳毛五月江城吹玉笛短章聊  
與和雲璈

高凌蔚

儒宗一代仰才猷况復高年志願酬福澤於今增鶴算功名自昔占  
鰲頭維持駿業先河導創建鴻慈大廈周晉祝霞觴慚附驥大椿永

歷八千秋

姚元峻 熊烈

姚元鑫 陳震

三千珠履引蒲觴。崇海薰風到紫琅。立德言功真不朽。兼儒仙佛壽無疆。治鄉治國宏猷遠。成己成人盛業長。宰相山中殷利濟。廣興教。育勸農商。

文章器識兩純全。嘉話名場萬古傳。國士無雙驚老宿。甲科第一領羣仙。志輕溫飽王文正。學究天人董廣川。徽佩相輝眉壽永。堯篋蘭玉況多賢。

何豐林

江南人物首崇川。屹屹靈光一殿留。年少顏淵附驥尾。老成梁顛占龍頭。蠻夷入貢詢文相。宇宙垂名重武侯。夫屆七旬妻五秩。剛逢花甲兩番周。

往日東瀛欲併韓。出參戎幕倚征鞍。蹠蹠阮瑀為書記。痛哭長沙策治安。平壤孤城增戍壘。橫濱二島遏狂瀾。諸君戮力疆場上。保護朝鮮尚不難。

鳩臚高唱報佳音。一笑辭官愜素襟。心似閒雲徐出岫。身如倦鳥快投林。三台休向歸途望。四友空將故侶尋。造福梓桑興事業。觀鄉奉

作指南針

滿目瘡痍苦我民。詩賡樂土此爲真。變生桑海如無事。路入桃源別有春。地上神仙忘甲子。山中宰相展經綸。一衣帶水終相隔。幸託幷幪許結鄰。

南北交爭國事非。列強窺伺損皇威。出山小草功名陋。填海冤禽願力微。樗櫟散材隨地見。駑駘下乘受人譏。如公身在青雲上。多少賢豪仰德輝。

勸學還將勸業兼。彈丸小邑萬方瞻。陶鎔士女人才出。扶植工商利益霑。沙草平鋪蕃畜牧。海潮盛漲富魚鹽。棉紗入手爲初步。次第花從錦上添。

崧嶽生申負異才。海濱民智一時開。觀摩特闢圖書館。測驗羣登氣象臺。鐵軌興工成坦道。金堤阻水澹沉災。竹頭木屑非無用。俱自陶公收貯來。

選就梨園弟子班。伶工學社設鄉關。優師傀儡流行後。優孟衣冠想像間。款客樽罍孔北海。怡情絲竹謝東山。菟裘廣築資娛老。偷得浮生半日閒。

蟠桃會上祝期頤。伉儷相莊禮亦宜。舉案鴻妻同揖讓。問年牛女略參差。家園扶杖花三徑。海屋添籌酒一卮。遙想風流老京兆。公餘猶



畫細君眉

韋平門第世蟬嫣。共道生兒果象賢。夢繞觚棱戀丹闕。美分瑜瑾產藍田。商瞿子。晚符先兆。彭祖孫多券。後年二老含飴看舞綵。一堂骨肉慶團圓。

宋兆麟

世外桃源豈避秦。別開天地大江濱。當年上第無雙士。曠代高名此一人。憂國熱誠殷願望。治鄉宏業見經綸。齊眉更喜同眉介。起舞階前綵服新。

我邦實業開山祖。冠絕寰瀛第一流。秩謝棘槐歸洛社。仁施桑梓遂菟裘。坐生偉略空青史。偕隱同心共白頭。二老稱觴應互祝。從今海屋日添籌。

田中玉

幔亭新曲南飛鶴。德星萬家燦然呈。瑞經緯彝倫文章華。國標領耆英佳會。承平望治仰尊俎。風流淮甸燕喜綠。遍平疇歌管頌名世。

惟仁斯卜。上壽算。前賢昭訓。純嘏天賜。榴火殷殷。熏風款款。畫錦堂深清霽。延年意美。更鴈鳳聲清。繞階蘭桂。翹首南雲。翠簪鶴髮。翠裏天降中

林寶

我聞山川出入傑熱力蒸騰火山裂火山孕育蓄奇胎變法平議所  
由來南通之學有雄魄不尚芬華尚研覈大生廣生原厚生政綱紊  
亂弗能行我聞老氏追虛墨蹈實先生文家及尚質老氏末流謊神  
仙墨子鑽通造化室又聞墨學之源出禹王禹王水利闢洪荒先生  
導淮及沂泗圖從地繪尺天量開天製造此人物將使震且騰光芒  
大陵鐵升資游牧魚鹽之利加蠶桑釀造天和足心醉濟人苦海仗  
神航博物院圖書開養苗圃觀象臺廢疾院安同懷納無告畜優俳  
六合時在宥油油然與偕但令八荒無曠土要把窮黎都入抱衣被  
蒼生億兆人暨南聲教同熙皞中樞幾度虛前席洋洋萬言臚政策  
南菁大材恢天紘紆籌幾見能爲役嵩山四友安足論嶽嶽南山可  
卸輪噫嘻有道幾翔鳳無道幾癡鸛南山堂竹木茂遠塵囂在斯構  
淨洗三千年腐陋一度風雲一研究我亦徘徊此路人附驥之餘還  
恐後

陳振先

會向金鰲頂上行文章鸞掖舊知名東南物望尊先進桑梓經營惠  
後生京國猶龍沾化雨蘭垓雛鳳著英聲歸峨人仰靈光殿海內同  
傳兩弟兄

王述曾

萬口同聲拜下風。人間泰岱傲呼嵩。高達尊爵德還兼。齒實業農商更  
惠工。北海賓朋瞻北斗。南山壽算屬南通。一身具有千秋想。七十年  
華日正中。

風氣能開舉國先。延齡原不慕神仙。三千世界爭馳譽。百二關山合  
紀年。德配吳太夫人南極壽星輝朗朗。北堂瑞日慶綿綿。家承博望  
乘槎業舞綵。騰歡更象賢。

翁燕翼

山川河嶽毓精英。齒德尊崇朝野傾。杖履優游方慶始。南天星曜炳  
長庚。

引領羣仙上紫微。萬言倚馬吐珠璣。朝衫卸卻歸滄海。爭羨先生早  
見幾。

七省東南互保成。江流日夜靜鯨鯨。羣公帷幄資襄贊。生佛萬家遍  
頌聲。

蒨蕘詢問溯先民。局宇宏開諮議新。附驥有名思季父。宣統年間蘇  
省諮議局成

立公爲議長家  
叔季和副之大江南北重扶輪。涵濡化澤甚丹青。東序西階播德馨。鄭重樹人百年計。莘莘學子盡  
橫經。

世變滄桑局度更。早將軒冕等枯枰。周官禹貢書俱在。樂利先教重

厚生

府海官山鹽鐵儲蠶桑而外有專書要將地利療貧俗淮水圖成百  
二餘

自洽南通實濫觴地方事業共助襄任他四友嵩山擬主義仍然村  
落長

齊芳昆季詒京祁門第清華受祿宜扶杖粉榆都矍鑠地行仙共羨  
安期

美意延年迪吉康孟光舉案樂相莊媿輝南極雙星爛佳節長贏壽  
共長

驥子龍孫迥出羣傳經食德誦清芬踴躍萊綵庭前舞毓秀知爲出  
岫雲

歡臚杖國頌生申詩賜瑞芝值誕辰結實桃池方進獻大椿吾更祝  
千春

蔣宗城

達宦高文兩不居古今人物孰相如發明商戰開藍筆恢廓儒風振  
佩裾橋梓聲華堪接躡粉榆康樂已成書大同可致公應壽民物相  
歸正榻彙

嚴 璩

畫堂擷綵倒銀缸。金鑑千秋頌曲江。杖履優游功壽國。精神矍鑠道  
經邦。階前玉樹枝爭秀。野遍嘉禾穗自雙。富庶崇川惟樂土。伊周事  
業寄南窗。

李士偉

華堂畫錦綺筵開。祝嘏羣仙逐隊來。南國靈光稱泰斗。東方肥遯笑  
輿臺。不須抱朴傳丹訣。揮斥瓊漿上壽杯。承志觥觥有令嗣。熏風弦  
上譜南陔。

歸雲作雨潤蒼生。玉振金聲集大成。海上神龜猶獨釣。空中天馬任  
飛行。善甚自是爭先著。醫國從容靜不驚。胞與仁風饑溺急。會看江  
海衍波清。

農工商學事綢繆。教育弘開普及謀。裕國足民先地方。仁山知水與  
天游。德門雍穆森蘭桂。國老聲施軼亞歐。一任湍瀾狂欲倒。屹然砥  
柱在中流。

鴻案矜莊內助賢。劉樊道侶地行仙。淵源浩淼三江水。風景婆娑五  
月天。錫類推仁籌養老。酬庸盛典紀長年。麥丘有祝同聲音。紺雪麈  
詞意邈然。

蔡莫堯 徐 懋 張 蔚

海內通才一老翁。襟懷的的大臣風。著書獨具千秋鑑。

如政治條議及  
變法平議

開於釐稅官制征推鹽法創業海推百代宗凡農田水利實業教育  
幣制度量衡制諸篇皆是創業者幾不功在國家成砥柱清時日本侵韓公餘陳保韓及自保  
可保指數不無事皆沿江各省得惠流鄉井託併業及築成之縣道七百餘里皆  
足令人驚歎者祇今孤悅雙輝日德配吳夫人今年亦欣看佳兒繼治弓子公  
孝業及自美國游學歸從事實業及自治皆有聲於時

劉寶壽

崇川五山雲氣紫老人一星當中起前有萬古後千秋此星化作先生矣先生降生等鳳麟道在尊孔覺斯民拂衣不肯仕季世躬耕歸臥海之濱一瞬滄桑驚變異自治一鄉成厥志隱居村落作天民蟻視皇王等遊戲小住人間年復年先生有道人中仙手把蒲觴醉五月座中人盡耆英賢去歲巡河適海市遇百歲翁心大喜手書壽語笑贈之預兆先生壽相似我本王喬乘飛鳥真誠奈與天門隔願進延齡酒一杯飛向蓬瀛侍瑤席

王振世

瀛洲  
萬人而傑為時出盛府爭推第一流獨策天人騰異等英雄三百拜  
諮政名高多至計畫江片議賴圖存九州博大風流美大寶莊嚴吾道尊

太平經國除農相。大澤逃名友至尊。小試治生天下式。鄉邦萬彙頌  
恩繁。

天下笙歌詠衆仙。筵開壽宇古稀年。騰詞小薦湖山滌。南極一星光  
大千。

雲韶

茫茫人海浮沈裏。輝映南天望啟明。萬事皆能求本末。一心所守是  
堅貞。曲江風度誰堪擬。燕國文章老更成。自開山堂還共樂。臺萊同  
奏疊雙聲。

王瑚

白雲洞外碧霞峯。海濤江浪盪心胸。中有異人間氣鍾。馨如蘭芷貞  
如松。少年志節棄凡庸。論政疇敢攫厥鋒。一時聲價比琤琮。公卿倒  
屣艷。遭逢庚子匪患忽。憧憧國狗之瘼狂。若蜂我公倡議衆所宗。東  
南互保戢妖烽。棉場千里說吳淞。芊芊白屋堪抽茸。紡織寧憂求過  
供。大興工藝識所從。淮鹵墾殖利歸農。至今禾稼慶如甯。更悵多士  
日。怔忡納諸大冶樂陶鎔。出參國務意從容。矯矯不數高伯恭。忽從  
人海遊奇蹤。今之李耳道猶龍。惠心折物寧辭慵。天眷碩德喜重重。  
綠漪亭畔仰仙筇。壽觴精引興方濃。

楊增新

按天擲地筆凌雲勳業文章迴不羣奪錦蓬萊先標率乘輶桃李受  
陶熏考功法補周官闕治水功侔禹績勤厚德宜增無量壽獻時賓  
客酒同醴

國事艱難任者誰惟君耆望震華夷旁通物力籌全局外溢財源挽  
漏卮課織勸耕宏教養振孽發贖化神奇稱觴繞膝兒孫盛夏令方  
長慶耆期

陳壽琳

門戶超超闢漢唐濠南一老薄冠裳狀元蚤歲安排定尚有詩名不  
讓王

憂時寧是杞憂天且座茶廊滄雨前省識荷鋤真面目丈有荷鋤小  
象各流題詠  
勝他高閣畫凌煙

蘭玉階前觴九行白頭兄弟嬾雙丁幾人得預千齡宴座上文星即  
壽星

福慧雙修佛後身當筵我亦紫裘人澄清請代南飛曲宋紹興二十四  
年五月二十四  
五日滄海澄  
清撰曲以名  
觀名不放蒲牢吼玉晨

徐 璣

長江化酒壽先生天子人間耿啟明蚤歲文章驚海內浮雲軒冕見  
生平一夫温飽興居事四境絃歌几席情婦孺洛陽知姓字瓣香念



佛萬家聲

史廷賜

天地精英積深鬱久名世挺生千鈞握負發爲文章掄元在手扞  
經濟望高山斗教育儲才科學啟牖以興實業大開利藪以導兩淮  
胥灌田畝巍峨功德天下誰偶觥觥著作永垂不朽萬世盛名鶴年  
並壽

閔 璇 馮受祜

第一仙人閔苑居相莊鴻案古稀初虞衡綽展周官法山海窮探管  
子書國計三司常借箸門生四學欲連車阿咸舊亦經堂侍曾領春  
風幾緒餘

何品璋

身是瀛洲第一仙相將黻佩古稀年事功排稟周官裏風尚恢張蜀  
學先北極星辰隆顧問南山竹石愛留連長淮如酒朱顏駐想見榴  
花特地妍

蔣 拯

一老東南仰斗山龍蟠還倚濟時艱學探管子經綸富社結温公杖  
履闕國計久隆前席問藝科會領衆仙班似聞樂利震寰海豈獨名  
高四皓間

榮 哀 錄 卷二

三

蒿目瘡痍遍八垓。司農仰屋費沉吟。欲追耕鑿唐虞治。幾廛憂勞稷契心。朝野何須論出處。海山真莫量高深。樓雲閣畔靈光燭。想見扶鳩勝地尋。

張輝瓚

一老歸然東海濱。蒲濤孤矢健天人。揚廷國士無雙誼。度世金剛不壞身。偉業計陶榮簡綺。大州冠冕應星辰。鹿門借隱貽謀遠。鶴奏江城玉笛新。

沈寶昌

對策當年冠上京。科名曾不當功名。丘樊朝市皆堪隱。經濟文章各有聲。化俗先從珂里起。盟心應比玉壺清。季方還有難兄在。今日相看白髮生。

別開芝閣傍南山。鄉老扶筇日往還。但使絃歌聞里閭。肯將詞賦動江關。地同綠野傳名蹟。天遣朱霞入醉顏。修到神仙雙福慧。繞庭笑覩舞衣斑。

中國製糖公司

香港上海馬玉山公司

功名早歲滿京華。晚逐嚴光向若耶。姬日經綸空跡象。計然餘策到桑麻。先生白首稱玄宴。句漏丹砂屬葛家。叔季即今推二老。同懷耄

臺看荆花

出處分明去就時。嵩山有約漫相欺。文章自是推韓愈。福澤何須讓郭儀。北仰斗樞天軸轉。南來治理國人師。君看博望仙槎返。會報蟠桃熟上池。

袁希洛

新國初元翁六十。唐虞讓德清廷襲。十年時見觸蠻爭。兩字南通與誦翁。狼山秀色滿滄江。經濟文章不可雙。四海風雲似奔馬。一隅樵牧無驚虎。天回斗轉何方指。浩蕩乾坤幾甲子。老人南極有明星。相期中夜聞雞起。

沈恩孚

壽星曾是玉堂仙。海屋籌添進綺筵。蒲艾自依長慶節。臺萊新紀古稀年。東山歌吹春常駐。南極光輝月正圓。艷說兗觥流水曲。石榴紅映藕花鮮。

章平世誼託先疇。致用通經仰壯猷。信是仁人多五福。本來名士足千秋。務材不數文公術。覆物羣推白傅裘。自愧邯鄲空學步。願將大業話從頭。

趙炳麟

頂上金鼇一巨公。輝煌南極照南通。能於滄海橫流日。獨補神州大

造功我有田疇歌子產俗皆儒雅化文翁多慙勸業官閩嶠敢向司  
農拜下風

李厚恩

鼎盛才名國內外震昌元氣天東南孺人稚子家庭樂想見精堂歡  
笑顏

大浪驚濤江海會風雲氣色壯蓬萊書生振迅成雄偉指顧南山舉  
壽杯

袁 鑣

大江以南多奇傑磅礴之氣何疑結不與流俗競勛名巍巍事業獨  
卓絕南通先生兩朝望文壇弱冠稱健將元戎幕客帝者師諸侯倒  
屣皆相向保韓政策震一時奔走東南撐半壁傷心痛讀馬關約撫  
念時艱恆惕惕自強注重在實業農林工商創爲法鹽鐵繼美唐劉  
宴陶漁帝舜風流洽春雨青青陌上桑織織女手飼蠶纓絲象贏餘  
布帛足紡織聲中日月長淮沂泗沐年年水汪洋一望渺無涘測繪  
演成二百圖外人專家皆嘆美輪步釀造次第興地方公益日蒸蒸  
至今珂里歌樂土惠工通商世所稱先生識力遠且大先生學術明  
且哲但期福國與利民不事爵祿見高節博得嵩山稱四友立德立  
功三不朽是真壽世並壽民爭向南山上杯酒今年合詠古稀詩榴

花照眼正及時。蟠桃已熟西池果。更兼鴻案慶齊眉。方瞳玉面仙骨  
迥。耆英洛社香山並。扶國精神瞻仰中。桐老孫枝多秀挺。湘雲吳雨  
兩迢迢。目極月明廿四橋。遙獻岡陵松柏頌。三千賓客珥金貂。

羅先闡

先帝親收第一人。古稀桑海見揚塵。文章小道時先覺。耕織成圖此  
不貧。銘語民胞家學舊。政聲子國力行新。耆英盛會開重五。酬奉懸  
知互主賓。

李鼎新

實業東南一大家。經營締造首棉紗。北闕上書官可棄。南山蹈隱壽  
同遐。嶽嶽聲名動淮海。莘莘學子燦雲霞。徒倚天南歌一曲。休教雅  
奏雜邊笳。

齊耀

瑯琊

九苞文采九霄翰。國老清顏似渥丹。導水尋源修禹貢。考工著錄補  
周官。蔭分橋梓騰時譽。節勵松筠禦歲寒。更有青山偕隱樂。鹿車人  
向畫圖看。

汪士元

德啟述清河。麟牋輝鈿軸。高蹈遠廟廊。大隱非巖谷。巍巍曲江風。金

鑑久傳讀憶昔歲乙酉秋闈附驥足當世數大儒如公信尊宿通識  
曠世變早計駭愚俗冠冕鳳凰池蔚爲顧廚日東征棗筆歸退乃營  
田牧餘事試絲綸怡情樹花木建策挽橫流利用計厚敷雖就稷卨  
官入閣謝枚卜復箋桓寬論臨河沉琮玉羣倫仰宗鏡時事賴轉轂  
今公躋古稀朋儕謀稱祝吉語集瓊琳蕪言慙篇幅振翻文梓賢齊  
眉嘉耦淑獻壽詠南山尊壽盛解屋遙瞻有美堂晉頌無疆福

查爾崇

達尊有三爵與齒德求備一人公無媿色手創南通爲天下式公所  
食報眉壽無極大椿大萱內助尤力南山自娛精神潑國公老而傳  
宏開壽域爭晉弋觴無分南北

李鳴謙

圭臬燭四字張星姓連天指窮喻蒙交杖晚嗤彭篋篋衍種樹書副  
以技生篇世論嚮章甫至德宜大年十六躋頽林二十事戎旃長揖  
向軍門慷慨籌三邊藩輔仗羈縻編紵聊周旋題名簿科第投効謝  
臚傳頰笑北樓言將老南山巔雄父有滄國妙詣非言詮清淮就畚  
鍤黃閣勞敷宣出有萬世策歸無千頃田躬耕盡地力神王由天全  
餘藝屬柔翰老筆逾芊眠平生志飢溺函夏被管絃壽自箕疇陳勛  
當悝鼎鑄閨望重海內人誦負戴賢餐饍更馨潔戒技循陔前子舍

燒顧廚孫枝復延緣樂志就真契引鏡酬華顛無期始稀齡嫩言方  
蟬媽賤子佩盛業夙昔陳祝延嘉會附疏鑿微尚資陶甄鞠騰贊臺  
萊有酒仍如川珥筆待期頤長得依賓筵

陳時利

江左夷吾早擅名木天隊裏冠羣英才雄達氏傳原富學衍魯參重  
治生泰斗印如韓吏部里門爭拜鄭康成願公一拯斯民厄再起東  
山策太平

洪翼昇

南條諸水淮流長奔騰到海何沈洋四千年來話疏鑿神禹以後南  
通張先生平生負奇氣兩地參天神亂費讀盡人間萬卷書經術文  
章自甘既勝衣就傅佩芄鱸冉冉今居古與稽不作聖童涵大器董  
園春草碧萋萋如臯山色江南闕醴醴青衿頓宮萃一朝門籍返南  
通本是先人釣游地無何優行貢成均秋賦賢書席上珍彙筆豪遊  
磨盾墨蒼茫三島海天春先生行年才二十稔經細史相赫翁上懷  
國計下民生鳩儒有作神光香一代英雄袁項城就中師事禮先生  
中原名輩聞風起京維公卿倒屣迎煌煌樺燭如椽筆大對明廷容  
密栗董策天人賈治安金冊書名名第一奎宿前身自不知辟塵釋  
褐玉魚垂十年南國歸來日廿載欽宮訓政時棟通黃海開奇局先

生從此欽遐矚。七陶八冶。廿八人官。桑柔女布。三農粟府。海官山起。風  
沙無羊。詩什寢咈。斜羣倫庶。富學培日。教育農林。兩大家民。譽桃建  
廛。民治海內。紛紛談憲制。先生被選。長農商。勛位崇隆。資代議。好從  
桐柏導淮流。疏濬功高。又幾秋。全國至今。開水利。桑經鄭注。徧蒐求。  
先生冲澹高懷抱。鬢髮眉神。浩浩攬揆。齊眉七秩。開瓊翠。花光對  
晴昊。憶從掾史。寄京華。驥首南雲。樂孔嘉。記得當年寫官日。鈔書堂  
右。醉流霞。暇日從容。陪杖屨。高文名論。聞韶護。曲奏薰風。夏日長頌  
詩。勉做瑤華賦。君不見長壽星。明南斗。南六身二一首。古趁趨。好將轉  
注。祝君子。五福耆儒。太史尉。

郭世紳 張希載

樊石愚 潘仙桂

崧嶽鍾靈有自來。望隆北斗位三台。陶公祇作山中相。管子原爲天  
下才。著述有書皆壽世。栽培無土不成材。當年聲價留鸞掖。曾踏金  
齏頂上回。

大江南北望交孚。隻手期將世運扶。謀國治安濟董賈。富民政策勝  
陶朱。溢行人樂船如馬。得所羣瞻屋止烏。經畫九州興水利。茫茫禹  
蹟按輿圖。

益壽何須飲菊泉。稀齡慶衍福纏綿。孟光偕老齊鳩案。夏啟承家克



象賢並駕聲名難弟譽含飴娛樂弄孫年祝釐不藉琅玕奏儘有風  
徽被管絃

一曲南飛鶴舞旋充間喜氣卜修齡欣看簪盍聯傳侶快引蒲觴醉  
醪醺丰采久瞻御十月壽昌上應老人星躋堂齊晉臺萊頌小雅詩  
廣倚杖聽

趙會鵬

仙班咫尺表羣工靈環傳宜佐鉅公模範當時推李膺衣冠今日愧  
林宗流年荏苒看兒長報國逡巡願歲豐聞道青藜來下照未須樺  
燭映方瞳

攬袂偏宜朱夏長追歡欣覺白頭忙熟梅雨霽三分酒眠柳風吹一  
國狂飲劇好更新幟壽曲喧休羨舊宮商漆園自有長生術不羨青  
精麥飯香

袁璘

高矚南山曉日明海濱風物足怡情文章當代推坡老籌策英年重  
賈生自闢荆榛開世界更栽桃李滿春城修齡茂葉傳千禩介社榴  
華正綻英

耆年杖國魯靈光頌獻期頤日正長利溥江淮春治水惠周隴畝雨  
耕桑荆庭梁案人同壽驥子慶孫樂未央蓬島花穠仙果熟錦堂雙

晉紫霞觴

沈應鏞

蓬水桑田閱幾回。靈光魯殿獨崔嵬。早從南極通冠冕。爭向東林望  
斗魁。衣食本原經世策。江淮利賴濟川才。恰逢滄海澄清日。一鶴南  
飛進羽杯。

那桐

文章自昔鳳城傳。翰苑聲華重木天。廬直頻頒蓮炬燭。衣香曾惹御  
爐煙。羊裘歸釣師前哲。馬帳談經啟後賢。德業事功人共仰。龍門爭  
附跡聯翩。

靈光魯殿鬱崔嵬。薄海同欣壽域開。澤被梓桑經歲月。門盈桃李祝  
臺萊。箕疇五福神仙侶。金鑑千秋宰輔才。頌獻升恆圖耄耋。稱觴合  
舉紫霞杯。

錢應清

五山磅礴入瑞斯。蒸門容駟馬。盛德所興。洪惟我公。天賦厥能。木天  
珥筆。實爲股肱。遭時不靖。翮倦飛騰。言旋鄉里。敷澤林丞。教育實業。  
日益繁增。模範全國。令聞四騰。有兄贊之。白首交稱。有子繼之。青箱  
克承。今屆七秩。景福彌膺。登台瞻望。紫氣東升。酌斗以獻。敬頌岡陵。

軍山氣象臺全體職員

猗歟我公斗南一人宅心醇粹其德孔新偉哉公業利國福民盛德  
弗居百祿是臻人之耆艾集於一身疇得乎天壽世以仁維公壽考  
和神以春紫琅方峻蒼松比貞天眷有隆暇錫於純齊眉相敬長樂  
天倫子孫千禩繩繩振振願進一爵箕疇偕陳

汪龍標

東南互保如前日。擊鼓聲中策治安。賈誼有才終不用。黃梁春夢醒  
邯鄲。

誰說通州如斗大。野無曠土及游民。從知四境桑麻利。都是先生著  
手春。

長日惜陰能運甕。大年學佛愛茹蔬。松風坐領山中相。儒術淵源默  
抱書。

胡僧曾說石麒麟。佳氣充闔有寧馨。書法麻姑矜指爪。絳雲深護老  
三星。

秋葆賢

道德文章百世師。壽民壽國兩兼之。功疏淮泗沾深澤。利盡東南塞  
漏卮。海屋籌添稱艾日。江城曲奏落梅時。魚鹽借箸千秋業。瞻望嵩  
山祝嘏辭。

張錫秦沅

正是蒲黃艾綠時。榴花照眼酒盈卮。降生稷嶽菁華洩。養望山林抱負奇。豈獨文章驚世俗。直教名姓震華夷。曾因變法成平議。一卷書成百世師。

人自金鰲頂上來。梓桑風氣得君開。傳編貸殖關生計。書續河渠澹水災。利盡江淮無棄地。寶藏山海盡呈材。門庭桃李陰陰盛。都是先生親手栽。

爲視河工四出巡。每於矍鑠見精神。一心飢溺關天下。萬姓悲愉系此身。少伯有才能致富。沂公立志不憂貧。嗚呼無間江南北。到處都成有脚春。

弟兄白首話聯床。笑看階前玉樹芳。天下公卿陪杖履。座中賓客進瑤觴。含飴蘭室春逾永。偕老金閨日更長。指點南山壽星見。遙飛一踐祝無疆。

汪源渠

矯矯先生崇山崛起。爭豔國瑞名冠太史。做躡簪笏鼎革桑梓。通商惠工興學造士。艱貞蒙難守茲法。接四裔相望德音不已。邦之彥兮。詒厥子孫。幽幽南山壽芝之稱紀。

應 璜 姚景蘇 曹裕炳

披髯七秩敞華筵。朗曜孤星五月天。海內靈光尊魯殿。洛中高壽拜

耆年才盈庠序參周制利導農商著祖鞭聞道洽鄉成都邑鑄金端  
不讓前賢

一曲南飛鶴正翔壽人仙樂奏琅琅良辰報祝瞻黃綺公子歡承進  
綵觴彝夏知名文潞國神仙衍澤郭汾陽遙飛一瓊歌天保日月升  
恆福未央

黃開文

躋公堂稱一觴恰伶工弟子重誼覓裳舊侶貞元寥落但餘靈光赧  
杖綺雲爲章技太和壺天偏長看徑繞潘花門圍董杏家在五雲鄉  
人間世紛蒼黃且朝簪笑解歸臥滄江銳意明農勸學惠工通商人  
健夏松陰涼頌萬年如陵如岡更梅箋風清花飛日暖玉缸蒲酒香

卷一

向迪琮

天中令節兩經旬正屆通州嶽降辰公等鳳麟關運會我從龍馬見  
精神耆英康節原居首高壽彭錢是後身留有千秋金鑑在槃才裕  
國屬斯人

矍鑠康強羨是翁老人星朗照南通導淮事業師神禹薄海蒼生望  
謝公商戰經營謀教養政聲洋溢重農工鴻臚首唱旋冠掛足見先  
生抱負宏

老子婆婆自有來壽人壽世大公懷須知利國福民事待此經天緯  
地才南極光芒上規斗杓北山頌禱詠臺萊盈庭蘭桂皆繩美戲彩斑  
衣笑口開

富庶須加屬望殿出山甘雨在山雲觀鄉知道崇先覺絳縣高年讓  
使君天與遐齡回世運自來多福遍人羣口碑遐聽岡陵句恰借南  
風遠送薰

龍濟光

運會有推移大儒應時起狼山鍾靈秀迺誕張夫子盛名冠全球實  
業震遐邇兩載任農商立法導先規華組寧足榮棄遺若做屣焦勞  
計民生棉鐵爲宗旨神禹疏江淮軒轅與耒耜海疆天地新斥鹵成  
郵市紡織裕經綸羣黎沾衣被英才樂育中普及伶工技齊年喜連  
枝繼美傳文梓南通日月長遙祝公繁祉

陸灤

昔余年未冠識君文敬室師門執禮恭辦香爲六一心焉儀此材允  
爲夜光璧秋高試棘闈冠軍果無敵歐車時過從文學相咨質三益  
得深資聚久難爲別猶憶棗花時錢君遠行役袁爽沈子朱桂  
徒格酒永朝夕荏苒三十年須頌各如載人事幾變遷猶餘鴻爪迹秋培朱脚灤泉  
君時觀於鄉我游未暖席情懷時復通天邊牘一尺聞道南通州今

之君子國。茲歌徹里閭。桑麻徧阡陌。興養而立教。一夫罔不獲。人游  
化宇中。皞皞皆自得。卓哉名世英。海內爭矜式。辟彼辭馬公。知名到  
走卒。一朝入國門。閣中相與揖。君方長農商。我亦主襄譯。平時稷契  
心。此日蕭曹職。期以匡濟殷。釋茲陽九厄。殷雷起南山。君子敢遑息。  
將歸過語余。撫時多憂戚。天下方滔滔。世變日云急。慷慨歌五噫。先  
知徵慧識。君幸有桃源。名山自怡悅。今歲壽筵開。行年政七十。鈞天  
廣樂喧。臨風聞歷歷。感念夙昔交。躋堂悵路隔。唯北尚有斗。酒漿遙  
可挹。祝君老人星。永永輝南極。

孫寶琦





張南通先生榮哀錄

榮哀錄三

壽聯

元節黨魁橫渠儒範

茂先博物陽武修齡

嚴 璩

民治精神彌滿大江南北

古稀歲月優游當代耆英

陳炯明

壽並松喬惠享桑梓

德齊梁孟頌晉臺萊

齊燮元

老遊濠陽在城之闕

遠承壽考為天所鍾

張文生

機杼千家鳴海上

桑麻萬里裕江南

嚴智怡

同是古稀年。以今歲會此耆英。南極聯輝。幸得明公爲領袖。  
能睹太平日。俾舉世躋于仁壽。東山再起。倘容一老佐鈞衡。

凌鴻壽

舊日科名居第一

卽今德業號無雙

徐紹楨

立德立功。倡興實業。

日臺日耆。預慶長春。

石佳華

名世達尊。維中九老。

厚生利用。斗南一人。

惲寶惠

壽世文章。泰山北斗。

匡時經濟。霖雨蒼生。

沈金鑑

課竹問桑。類桃花源記。

角巾野服。似神仙中人。

孫潤宇

盛德大業利賴萬世。  
木公金母涵育千秋。

蔣邦彥

洛社耆英等身事業。  
海濱大老壽世功名。

翟文選

仁者壽永永無窮期。到七十旬嬰鑠會真率衣冠。潯國耆英今再見。  
老而傳煌煌此實業。就半壁東南造康阜民物。曲江風度古來稀。

吳長榮

德普羣生大江南。大江北。

高桂馨

壽徵無量八千春。八千秋。

博綜羣言開氣象。

甄明庶彙保安和。

徐世昌

聚人日財已收農工商鑛無窮利。  
與子偕老合譜岡陵山阜九如詩。

盧芳張述

福造北垠功垂萬禩  
德被中夏聲震外彝

鄒日燿

天爲國家留元氣  
人瞻山斗重耆年

李紅

利溥東南望隆中外  
富貴壽考政治文章

謝宗華

耆英海內推前輩  
經濟江南第一人

許世英

玉杖扶鳩曲江風采  
瑞籌添鶴渤海星輝

陸守經

口碑四海稱生佛  
眉壽千年祝福星

葉寶珍 鄭蘭芝

大岳雲興澤敷江海  
老人星炳光燭壁奎

王士珍

四岳勳名九齡風度  
百年上壽八座光榮

胡家祺

北斗泰山共瞻仰

南極老人應壽昌

胡翔林

梁案齊眉筭珈偕老  
萊衣繞膝弧悅聯輝

盧永祥

洛社耆英仁者壽

南州冠冕老而傳

楊辰

利國福民萬家生佛  
經文緯武南極壽星

彭熙臣

事業文章壽民壽世

期頤耄耋大德大年

趙會鵬

五百年名世挺生功業曜寰區特早使大魁天下

七十載康強逢吉穹窿錫純嘏更慶衍小宋才高

萬立鈺

惟利民者能利國

建大業即享大年

郭玉裁

聲名施歐美

仁壽被江淮

周燾

當代一人望季中外

修齡七秩頌晉期頤

許沅

駕龍乘鳳飛上喬木

旋斗運樞獲福大椿

潘復

愷解南風。功能阜物。

望隆通國。福備稀齡。

榮道一

大富貴。亦壽考。

蓄道德。能文章。

金衍海

耆英際運會貞元。絲竹久東山。赤縣蒼生望霖雨。

偕老共年華百二。衣冠都北面。黃花朱實奉神仙。

姚浚

具聖賢心。著山斗望。

備箕疇福。屆古稀年。

崔榆 徐承基

大德引年。聲蜚蘭苑。

靈光舉案。瑞應榴圖。

宮邦鐸

事業采殊鄰。國內於今推一老。

文章驚海外。天下同聲祝大年。

李文玉

望重東山唯仁者壽  
輝騰南極乃邦家光

劉鼎

高原峻山壽考長久  
重茵厚席仁智盤桓

齊宗康

玉杖延年堂開畫錦  
金鑪介壽曲奏雲璈

陳昌毅

望重商山綵鶴五月  
名齊洛社金鑑千秋

孫鴻藻

仙賜蟠桃人歌上壽  
國尊鳩杖天與遐齡

陶鍾虎

江淮所居尚有宏願  
德業兼備故能大年

宗嘉祿



模範縣模範人模範在事功勤儉尤為好模範  
壽星翁壽星星婆壽星星有福澤兒孫同拜雙壽星

陸費達

高時顯

在野在朝任天下重

難兄難弟為古來稀

楊清鏞

高世大名符物論

九州重譯頌耆年

洪鑑

碧雲橫太華

皓月滿滄洲

陳澹然

五山炳靈為世所仰

一尊觴壽與德相符

奚侗

滄海澄清日

香山宴會年

陳虹燧

業肇方洲經綸玄宰

國有大老衣被蒼生

誦无敦銘風慕嗣猷

遵海濱處星名老人

芮世第

綠野開筵壺觴介祉

絳帷晉學黻佩延釐

于樹深

名震東坡歲星下讀

光騰南極明月交輝

葛權

興勸教養惟仁者壽

文章德業為天下師

瞿鴻賓

后稷邁種德

神農名上僊

陸宗輿

首書田

西海耆英天人福分

南州冠冕龍馬精神

林建章

大德得無量壽

此老有當世名

黃振魁

壽介古稀佛稱無量

國尊元老人祝長生

張福楨

卓然江左夷吾府海官山興實利

偉哉柱下冊史方瞳玉面慶長生

賈士毅

是實業家亦教育師道學文章稱蓋世

過端陽節屆古稀年木公金母比長生

虞和德

品重珪璋道弘經濟

氣鍾崧嶽綵煥簪纓

李士偉

懷抱不羣有為當世  
修齊相契同得大年

田中玉

慶七百年間生江鄉稱兇  
垂五千言道德此老猶龍

龔心湛

眷屬神僊南通雙壽

文章政事中國一人

侯鴻鑑 秦權

蓄道德能文章緯地經天一時無兩  
大富貴亦壽考震今鑠古千載所稀

狄繼范 查鰲

千齡觀二難并

無雙譜第一流

莊俞 譚廉 吳家煦

立德立言立功理物佐時天下大老  
興農興商興學觀鄉知道中國一人

李澂

圖進邪風。克觥介祉。  
禮稽漢典。鳩杖延年。

溫紹標

盛德闕業。國利民福。  
模山範水。美意延年。

江慕洵

執戟郎官。大隱朝市。

奎垣斗宿。小駐琅環。

孟鐸

香山老是商山巖。

箕子疇開管子書。

嚴家熾

張軼歐

化始雨通。爲全國法。

樽開北海。獻百歲觴。

王亮臣

念五良辰。七十稀壽。

南遙萬歲。中華一人。

盧達吉

人以音名地以通名通則音音則通執兩端以用中涵太湖三萬六千頃汪洋度量

公也七秩母也五秩五而七七而五祝雙星之齊壽媿秦關一百二十重強固金湯

句容縣教育會

導四海實業先河羣欽碩望  
爲一代帝王諍友天錫遐齡

無錫縣商會

蓋世勳名高北斗

稱觴詩句詠南山

顧鳴岡

模範鄭公鄉道本大同權小試

胞與正蒙學天留一老障在瀾

魯滌平

江浙斗牛壽星之紀

淮沂沫泗惠業所推

浙江私立女子職業學校

茂矩闔規爲天下則

修齡碩望並古來稀

林宗濤 李祖植

峻德克明必得其壽

資富能訓惟以永年

管駿捷

豪傑兼福澤爲無量壽

文采與事業均第一流

惲學基

合百二春秋歡承萊彩

集三千弟子壽獻蒲觴

河海工程專門學校校友會

天開新運特誕南通寰海慶澄清千秋不朽欽三立

我愧陳良幸來北學後堂還鞠脛上壽相隨頌九如

盧宗呂

福德盈門台嶺並耀

業功壽世邦家之光

哈 慶

東南有大老

榮 哀 錄

卷二

棉鐵著奇勳

王翊安

桑梓名高金臚唱首

極煥彩耀玉案齊眉

馬家麟

憑胸中一點太和為吾國富彊先導

培海內百年元氣與斯民仁壽同登

史紀滄

道德神仙使君壽考

棟家幹國子孫盛昌

沈彭年

壽世以文濟人以惠

於國曰端在邦曰賢

蔣乃曾

西銘萬物共胞與

南極一星輝江淮

女子師範學校教職員全體

大富貴亦壽考



蓄道德能文章

朱佩珍

名山一老係天下望

上壽百年同萬物春

汪家玉

柱石南鍼名滿天下

泰山北斗光被崇川

姚志祖

七十古來稀稀而又稀難得狀頭占第一

八千無上壽壽上加壽允宜拜手頌多三

俞文耀

酒釀蒲香算符杖國

壽儕林類彩舞萊衣

仇承榮

振興實業德普中原政學紳商祝嘏咸欽無量壽

卓著聲威名傳各國華夷文武登堂齊奏萬年歌

吳鈞

七十歲從心所欲精神歷久常新咸稱社會有功人望重天南輝斗

曜

五百年名世之才。德業由鄉及國。更祝期頤無量壽。壽聲敷海外。慰僑情。

暨南學校全體

惟公爲承三聖名世英賢。天下望神禹大年。疏鑿江淮通舟服。當代有第一流傳家人物。浙中儼陽明才子。瞻依海日進霞觴。

錢麟書

歡喜堅固保我金石。  
福祿祺祉樂以笑歌。

余家謨

不仕不隱立德立功。是中國第一流人物。  
有子有孫亦仙亦佛。祝先生八千歲春秋。

趙汝梅

碩德耆年輝映百代。  
豐功偉業彪炳千秋。

錢崇坡

滌國精神臥龍經濟。  
香山風度司馬文章。

徐秉鈞

士農工商四民推首  
富貴壽考七十從心

劉嘉福

鄉國溯耆英若訓農勸學通商惠工數端無在非根本大計  
斗山欽碩望凡富貴壽考道德文章諸譽皆當與事業齊觀

賈豐臻

浮北海樽極爛雙耀

觀南通地仁壽同登

譚海秋

崧嶽降靈望隆東亞

耄期弗倦式是南邦

張長林

我國有大老

是身得長生

沈鈞業

寧獨高風吾所仰截彼南山其人美且仁爲一大事出世  
莫言七十古來稀惠此中國俾爾昌而熾以八千歲爲春

德劬並年高百年齊眉開壽域

陳綸

猷宏兼略偉萬千士庶頌南通

曹文貴

江左福星天下望

斗南人傑古稀年

李譔

花發石榴紅照眼尤爲多福鏡

酒斟椰子綠開懷合晉古稀年

陳壽琳

東亞斗山南州冠冕

布衣卿相陸地神仙

陳受中

壽世壽人開壽域

南山南斗祝南通

夏斗寅

實業開厥先河縷指萬端舉斯民同登壽域

士林推爲泰斗齊眉百歲合寰宇共祝耆年

陳雲章

經濟文章顧崑山同大節

名德福壽既儀徵後一人

曹汝霖

治路巡河爲全國利

興學勸懇樹自治先

孫錦鴻

立德立功敷歷中外

壽人壽世衣被東南

王闈長

大富貴亦壽考

蓄道德能文章

徐鼎康

本真學問興大事業南國耆英豈獨文章雄蓋代

誦孝友詩晉岡陵頌東山養望遙從淮海祝同春

朱熙

學綜古今功在桑梓

名滿中外壽邁松喬

江海鍾偉人。手扃神州模範縣。

伍廷芳率子朝樞

弟兄同壽考。眉齊僊觀百千齡。

許樹枋

大富貴亦壽考。

蓄道德能文章。

劉鐘

望重達尊榴開介壽。

眉齊大耋第祿來崇。

王莘林

錢冊大齡本之學問。

通海勝地中有神仙。

嚴善坊

茹芝餌黃貴壽無極。

抱璞執玉從容長閑。

周傳經

壽介期頤門牆高峻。

容秀耄耄杖履優遊。

徐廷爵

事業文章輝煌江左

勳名福德伯仲汾陽

王廷貽

名世才高厚生利溥

濟川望重杖國年尊

劉勳麟

清德成家爲時冠冕

文章名世如古鱗彝

顧光德

東奧西廬山中宰相

作民造士天下奇才

陳曉翹

百姓則君以自治

先生有道出羲皇

馬良

天保九如山川日月

洪疇五福壽富康寧

爵齒德開壽宇

岑春煊

江淮海頌福星

丁傳禮

九老成圖香山作會

七旬養晦渭渚垂綸

明心

有文章有事業並世無兩

宜蕃祉宜老壽如日方中

南通中等以上學校第二次  
運動會評判員全體

小宋才名譽魁多士

九齡風度宜享大年

楊毓璜

大德曰生生民咸賴

惟仁者壽壽考作人

周作孚宋應序  
朱昌發錫綸

吳宗彝王允鼎  
俞宗彝于允鼎

學比關雎名高凍露



壽齊華嶽澤被江淮

溫世珍

富貴神僊介眉有慶

文章經濟從心不踰

金鴻翔

孤悅聯輝康強逢吉

筭珈偕老福祿來同

范毓靈

宋南豐清南皮政學皆可傳為數立德立功立言今古祇一人式是

南通娛彼南山山并壽

莊天放屈天問胸懷容未適獨有大智大仁大聖經綸彌六合樂茲

天命順乎天運運無窮

六合縣

自治籌備會商會  
地方公教局教育會

制科三百人獨開大業

寰瀛九萬里共祝稀齡

楊士辰

青城仙客為五岳長

香山高會繪九老圖

榮哀錄卷三

十三

通商惠工敬教勸學  
積善延慶受福宜年

潘盛年

一代偉人萬家生佛  
九如天保三祝華封

王桂林

綵筆昔曾干氣象  
流年自可數期頭

楊汝欽

日下神仙龍頭望重  
山中宰相船背年高

許葆英

普海仰鴻名福國利民首創大業  
高年祝鳩杖奉觴介壽幸附末光

張冕甲

鑿空乘槎實利知非博望及  
輕身辟穀騰游倘並赤松從

陳興樸

吳葆誼

大壽登七旬椿茂蕝榮羣羨芝蘭同戲綵

端陽後廿日榴丹蒲翠詎惟桃李競稱觴

南通市第一國民學校全體

自治成功海內之範

實心爲國江南一人

鍾毓

農圃老人鹿車錦里

平原公子兕酒蒲觴

大濟時

享盛名高壽東海有二老

治長江大淮中國之一人

習良樞

際古稀年祝无量壽

爲實業界立創世勳

陳典瑞

讀司馬五規曰保業惜時遠謀謹微務實拳拳服膺同負責任

辦南通自治興實業教育慈善道路人才曹曹獻壽互助精神

曜德中區克諧一代  
絮瀾千里宜此萬年

馬森

洛社耆英文章宗伯  
曲江風度道德神仙

葉遇春

朝野一身繫天下重

陳協恭

兄弟大老爲古來稀

鄭輔東

海屋騰輝鶴籌添算  
潭門綉綵兕酒稱觥

孫啓秀

洛下耆英一觴一詠  
山中宰相大德大年

何豐林

模範仰南通教育大家實業大家豈僅文章推泰斗  
華筵開北海木公千歲金母千歲無疆壽福祝雙星

楊毓藻

間氣毓狼峯。望重五洲瞻北斗。  
稀齡添鶴算。詞陳三祝頌南山。

徐惠遠

大德大年東山望重。  
如岡如阜。南極輝騰。

許受衡 朱獻文

經濟文章。覺民覺世。  
盛德大業。壽己壽人。

劉式讓

歲紀絳人。碩德大年同潞國。  
堂開綠林。耆英高會繼香山。

朱行中

九老成圖。香山作會。  
七旬養晦。渭渚垂綸。

朱疇

潞國大年。詞林獨步。  
香山耆德。寰海知名。

榮 哀 錄 卷三

五

蘇謙

事業滿梓桑。若論通海聲。各三尺兒童能灌耳。  
積廚開櫻筍。正值榴花時節。萬家生佛祝延齡。

常熟縣教育會

潞國精神汾陽福壽

東山隱逸北海賓朋

李文濱

人傑地靈中國模範

崧生嶽降南極光儀

曾勉濟

學究天人實心實用

惠流邦國壽世壽民

唐在禮

經濟文章高一代

耆年碩德重三吳

王其康

居東海之濱是謂大老

爲生民立命惟以永年

南極星輝兕觥額手

徐翹

東山風邁鶴算齊眉

張懷芝

蓬萊文章建安骨

龍馬精神海鶴姿

范志達

都會數江東貨殖兼營今少伯

光名滿天下鄉朝爭治老夷吾

朱應杓

衣被蒼生真狀首

畫圖白社見詩心

沈成  
式麟

福祿歡欣長生無極

仁愛篤厚積善有徵

申振林

三壽作朋尊杖國

萬流仰鏡式觀鄉

榮哀錄

卷二

六

策畫農商心關實業

李國筠

名播東亞志娛南山

載振

稼祐屢臻日谷富有

黎庶蕃殖身受榮光

李宜偶

功在稷卨年齊任俸

德方梁孟福應劉樊

杏爾崇

江左夷吾斗南仁傑

清河門望洛社耆英

錢思淵

道德文章從心所欲

經濟學問自古爲稀

陸錦

社啓耆英賦詩置酒

堂開畫錦上壽稱觴



徐邦傑

以教育工藝農桑墾牧導天下先模範人材模範縣  
兼道德政治經濟文章爲海內冠古希勛望古希年

劉景山

簪笏家聲縹緗世業

青田酒進絳縣圖開

馮耿光

瑞鶴南通望隆北斗

福齊東海爵晉西崑

蔣雁行

五百年名世挺生展經濟以匡時有猷有爲有守  
八千椿遐齡遙祝建功勳於奕禩壽世壽國壽民

張康培

喬梓異材揚光照世

圭璋令德履道修齡

王克敏

南國耆英偕白首

東山霖雨壽蒼生

榮 哀 錄 卷二

七

潘矩楹

吳下頗生申。世仰大名若山斗。  
閏餘逢建午。天教兩度祝松喬。

周自齊

日升月恆。貴壽無極。  
天長地久。福祿相隨。

袁得亮

功在民生。觀鄉知道。  
祥徵家慶。壽宇同登。

強運開

策用計然。聲蜚家國。  
名高博望。眉介亞歐。

沈雲程

汾陽大富貴。亦壽考。  
廬陵蓄道德。能文章。

方祖寶

萬福聲名。曲江風度。  
百川宗海。七十從心。

明經脩行天下大老

田文烈

開物成務斗南一人

金紹曾

壽域筵開榴花正放

稀齡算滿鶴髮堪欽

蔡鍾珣

九老成圖香山作會

七旬養晦渭渚垂綸

毓明

北海開樽壽筵歡樂

南通聚鼓實業模型

張濟元

其量包瀛海九萬里

有壽如大椿八千年

張國淦

望重江南筵開七秩

功高梓里遙祝三多

榮哀錄

卷三

六

史 籙 徐 雲

詩書之澤比壽貞石  
道德所養用享大年

張嘉璈

工商着手經綸大

梁孟齊眉福壽多

齊耀琳耀珊耀城

匪葛匪姜奮乎百世  
惟桑惟梓綴以萬年

劉式訓

杖國尊榮壽登七秩  
添籌歲月慶祝三多

馬龍標

興學育才惟仁者壽  
盛德大業蓋代之華

王芝祥

蘇氣所鍾五百名世  
至人之壽八千爲春

濮良玉

淮海集千百支流。政治教育實業胥匯於此。  
濠園擅東南名勝。道德文章壽考。吾信可徵。

陳寶泉

實業元勳。文章魁首。  
名齊萬福。壽比九齡。

薩鎮冰

碩學者。年心猶赤子。  
盛德大業。福被蒼生。

鮑貴卿

經濟文章。應五百年名世。  
貴壽康爵。衍八千歲春秋。

羅文幹

弁冕羣材。入爵天爵。  
衣被萬衆。福星德星。

季龍圖

不老瓊枝。共瞻雙管。  
誰書金鑑。藉頌千秋。

榮 哀 錄 卷三

九

海屋籌添壽者相

王懷慶

萊衣綵舞古稀年

楊以德

大椿八千歲爲春數故國世家僉推南山喬北山梓  
蟠桃一萬年乃實隔蓬萊弱水遙祝西王母東王公

謝剛克

德業事功如松喬壽  
福祿歡喜與日月俱

施履本

隻手支天杖鄉柱國  
軍山立馬酌海觀江

王鶚

齒德俱尊東南柱石  
華實並茂中外闡人

王亞良

治水才長功追大禹  
匡時望重壽比老彭

荷國駐華公使  
歐登科

江左夷吾山中宏景

耆英洛社富貴汾陽

司徒衍

福國利民惠比流水

高年碩德朗如朝霞

陳虹

東海謳歌德爲世重

南天星斗壽以人尊

凌霄鳳

讀東坡行卷安蔬自號

侍太丘論道簞飯相忘

楊天驥

經緯萬端四民蒙澤

家庭全福雙曜齊輝

朱鶴翔

化行如流萬民樂業

功顯不伐百世垂榮

榮 哀 錄 卷三

十一

南極星輝天開壽域

張鏡緒

瑤池桃熟爵晉瓊筵

徐祖善

花鏡丹臺家祥徵鳳

功昭青史國瑞杖鳩

徐繼高 周 葵

功濟生民東南一柱

圖高真率伯季齊名

屈 燏

海內景如祥麟威鳳

山中仍是草服黃冠

孫時勛 孫安仁 蔣嘉鈞 張實聲

盛名駕古昔儒林貨殖兩列傳英賢而上

壽世在東南實業教育諸大端經緯之間

羅 翥 吳必昌 田尚志

南通萬歲

中國一人



景學鈞

舊誼屬通家。蓄德能文。尊為父執。  
慈心存濟物。與養立教。奉作人師。

李芳

周禮六官。農工商賈。

殷範五福。富壽康寧。

李保亮

富教宏規。肇於邨落。

江淮瑞氣。蔚為耆英。

朱壽朋

大雲在山。澤流淮海。

仙露如醴。景駐蓬壺。

汪士元

朱夏重光。紀眉壽。

吳江萬頃。養心源。

董康

東亞自強。多事業。

南山高舉。有精神。

榮哀錄

卷三

五

陽武奇齡閨闈有偶

顏惠慶

溫公獨樂杖履從兄

李國珍 孟錫珏

中國奇男子

南通一壽翁

楊廷棟 唐駝

載道立功可師可友  
乘時作事以天以人

趙鳳昌

謀國以教育實業爲本

其壽與江海淮泗俱長

靳雲鵬

剛健篤實輝光日新其德

訓農惠工勸學天下歸仁

袁世傳

獨識衆中巨眼同升大夫僕

雙脩慧福期頤相對曲江天

周家彥

所以爲人謀者至。  
是其享大年也宜。

劉海粟

八千歲春秋二儀同曜。  
七十年事業四海具瞻。

王頌堅心三

天爲神州開特史。  
人瞻淮海祝長生。

馮嘉錫

學術備一身貫辛研七策。鑄敵七略。  
人壽期百歲。述宏景十賚。方朔十洲。

趙秉良

一星瞻北斗。

舉世識南通。

沈琬慶

天下文章第一。

海瀕大老而三。

榮哀錄

卷三

三

東里如聞歌子產

王紹曾

南通何幸樂羲皇

宋康益 湯丙南

是國家地方社會所賴者

兼科第事功壽考而有之

林懿均

六月以息曠搏扶春秋各有八千歲

百世之下見禹稷衣被所及億萬人

孫靖圻

凡事不作第二人想

爲公常誦無量壽經

同濟醫工專門學校

時世造英雄英雄造時世

國人壽元老元老壽國人

姚步瀛

事業超皇王帝霸而外

功德在聖賢仙佛之間

劉仁航

見諸行事寧託空言。實父任專爲別孔蔑子賤之功。要由時會。先天下憂重。匹夫責。吳邦獨殊異。繼希文亭林而後。又有斯人。

南通縣教育會

海濱大老山中相

江左夷吾天下才

姚祖詔

使所言盡行。胥華士已成樂國。

祝公壽無極。爲蒼生永作勞人。

南通師範學校

天下有達尊三。爵齒德獨公兼備。

斯民之分職四。農工商惟士爲能。

朱廣石

大造億萬姓蒼生。我聞諸淮海揚州。僉曰福我。

蔚起五百年名世。人之有德慧術知。是爲壽人。

袁長春

謂天保九如此地。有南山當戶。

媿太公大老。其人居東海之濱。

吳榮萃

先生唯置言可範。立行可模。中外以大老相高。子美古稀論尚汎。盛業則累世莫殫。窮年莫究。富教爲一身所繫。我彭竊比願非奢。

陳其嘉

海涵地負。恢恢彌弘。以匹夫兼善天下。

江安淮清。永永無量。開中國歷史紀元。

崑山縣商會

廿餘年庶績觀成。益之虞。垂之工。稷之稽。契之教。千萬人同聲上頌。飢者食。勞者息。老者安。少者懷。

南通縣自治會

炎武著書詳郡國。

溫公高會集耆英。

任祖棻

五千言壽唯齋。是以長生修之於鄉德乃裕。七十縱心安老。遂及朋少。中道而立能者從。

范罕

學派九流尊北斗。

文昌六曜炳南星。

高凌蔚

山斗望歸。肇成鄉憲。

江海交會。特挺人豪。

段祺瑞

德業允爲天下望。

精神更勝昔年時。

單鎮

東方萬彙歸囊籥。

南極一星在江湖。

蔡寅

君其愛體素。

且喜見友于。

黃炎培

中原文獻存江表。

當代聲名見斗山。

范治煥

識時爲天下先。南國尊崇冠冕士。

躬耕本平生志。東山圖寫荷鋤翁。

姚詒慶

周樹模

與宇宙先時俊傑造世英雄並傳南通地圖色彩蜚騰環球不敢輕  
中國

於儒家位育中無憂樂天下宏願東山霖雨勤植康阜至人奚俟頌  
長生

陳銓

裕斗運樞貴壽無極

被珠懷玉動作有光

邱保漢

得一爲貞壽身壽民以壽國

持三不朽立德立言而立功

勤業女子師範

東海波平期世大洽

南山石壽祝公永年

蔡鈞樞

實業大家開大壑

文章華國慶華筵

洪政本



一生通士農工商之郵洵美且仁洵美且好  
大德以孝弟忠信爲本必得其壽必得其名

黃昌林

山中宰相神仙福

江左夷吾幹濟才

黎元洪

觀鄉徵要術

經國稱魏科

溥 侗

耕桑王者事

松柏歲寒心

吳昌碩 夏敬觀



張南通先生榮哀錄

榮哀錄四

頌詞

美諺曰：擴已成之事，固難創未興之業。尤艱南通棉織之振興，工廠之設立，道路之建築，皆自無而有，自小而大，使人民無失所之患，縣治有模範之稱者，公之力也。凡吾美僑，欽遲無已。今逢七秩大慶，敬祝福壽康寧，而事業策進之是期，將與日月俱無窮也。是為祝。上海美商亞洲建築公司。

張季直先生耆年碩德，利用厚生，科學昌明，羣資先導，同人敬獻生物研究所，以志紀念。中國科學社同人。

左列各字皆鑄於銀鼎或銀盾上

壽 黎元洪 譚 翼 河海工程專門學校 滬東南通同鄉會

駐滬英國總商會 駐滬美國總商會 駐滬英美煙公司

德僑愛哈德高翁替爾夏德門盧德維何益壽齊美克

南極明星 華商紗廠聯合會

實業壽世 王正廷

道德神僊 張宗昌

眉壽萬年 何豐林

通祿永命 中國銀行董事會

眉壽無疆 杜 特

南山之壽 田邊輝雄

壽業無疆 蕭楚南輝南乃麟 徐 桂

天下達尊 蔡鈞樞秉樞

沖融醴粹 徐世昌

壽比南山 盧成章

左列以書畫致祝

書 朱素雲 姚玉芙 程豔秋書無量壽經

畫 江銘明松鶴 梁慕韓松石 陳衡恪山水 凌文淵松籐

吳昌碩達摩 梅蘭芳佛象 呂 瀛壽星 龔廷鶚山水

陳 華牡丹 姜妙香花卉 楊白民壽桃 胡先庚壽桃

盧國俊百壽圖 王寶槐山水 蘇人權松柏

其他以古人書畫或物品致祝者悉不列

張南通先生榮哀錄

榮哀錄五

唁電以遺到先後爲次

張孝若督辦鑒梗電駭悉尊公晉老先生遽返道山同深悲悼先生東南耆宿海內典型衆望所宗全歸無憾執事真純至性悲痛可知唯有順變節哀爲國珍重杜錫珪有印

張會長孝若禮鑒得電驚悉老伯騎箕歸去山頽木壞薄海同悲吾兄天性純篤自必哀慟尚盼以禮制情爲國保愛張國淦江天鐸叩有印

張孝若兄禮席前閱報紙卽誌尊公抱恙正深馳念噩電飛來大星隕謝懷老成之遽逝切殄瘁之同悲特電奉唁顧維鈞夏仁虎有印  
張孝若先生鑒敬聞老伯大人噩耗緬維文章泰斗邦家磐石人亡國殄中外同悲謹電奉唁並請禮安羅文幹孔昭焱同叩有印

張孝若督辦鑒接電驚悉晉老伯大人仙逝之耗哲人遽萎朝野俱悲我兄責在承家毀無滅性惟望節哀順變勉襄大事專此奉唁孫潤宇有印

張公使鑒驚悉晉老歸真至深悲愕卽當趨唁乃文

張孝若先生鑒奉電駭悉遽隕靈光蒼生安仰雲霄萬古默相國家

尚祈順變節哀為國珍重耀琳耀珊嘯

張孝若兄禮鑒接條電驚悉耆老作古世亂哲亡痛惜者當不止豹靈一人吾兄純孝性成遭此大故自是痛不欲生惟望勉節哀悲繼成先志切在愛末敢乞採納弟豹靈巧

張孝若世兄奉電驚聞耆老長往哲人其妻舉國同悲矧辱契舊能不失聲世兄繼志述事責任綦重希節哀順變以慰先靈道遠未能撫棺竭誠除郵寄誄詞外謹先馳唁啓超

張宅治喪處轉孝若世兄接電駭惶悲感良深緬想遺勳允堪千古希節哀順變以慰先靈餘函詳周學熙徑

張孝若世兄鑒條電驚悉尊公仙逝薄海同悲瞻望濠南怒焉如擣世兄繼述任重萬望節哀令伯高年尤祈珍衛並希代稟嚴修巧

張孝若兄禮鑒頃奉電耗悲痛欲絕道遠未克躬自叩奠尤深抱歉謹先電唁宗輿叩嘯

張孝若兄大孝聞電驚悉老伯大人仙逝老成凋謝至為感愴伏乞節哀順變為國珍衛至企鄭洪年者

南通張會長孝若兄禮鑒驚聞尊公之逝元老云亡邦國同悼喪務辦畢仍祈到京就職萬勿固辭吳佩孚有印

南通張孝若公使禮鑒師座之喪舉國所痛矧在庶澄敬在此間道

觀設位誦經遙哭特先電唁第畢庶澄叩首叩

南通張退老孝若兄喬老竟逝哀悼至深特電張一磨

張孝若兄苦次尊公薨逝驚駭萬分尚望節哀以承先志芳

張孝若先生禮次國柱摧折愴懷欲絕唁慰之私尚祈勉節金其堡  
有

張孝若兄苦次驚聞電耗年丈薨逝曷勝愴悼吾兄大孝自必悲痛  
逾恆尚希順變節哀勉襄大事上慰先靈諸維珍重千萬謹電奉唁  
談荔孫

張孝若兄鑒昨電詢尊翁病狀計達頃奉噩耗無任震悼吾兄純孝  
性成務須勉抑哀思以襄大事至深盼禱克敏耿光嘉敬有

張孝若先生鑒奉電驚悉尊公棄養老成凋謝遐邇同悲祈節哀思  
爲國珍重謹此奉唁惠慶有

張孝若先生苦次頃接尊府敬電驚悉世叔大人偶嬰小疾遽謝人  
間奪我老成中外駭悼尚望節哀順變以禮制情是所企禱專電大  
孝張志潭叩

張孝若先生禮鑒頃接敬電駭諭喬老仙逝噩耗曷勝悲悼海內名  
流又弱一个既傷耆宿兼痛斯文執事純孝性成哀毀自當盡禮仍

望節悲順變珍攝國家有用之身是所企禱一俟訃葬有期再當致

賻先此電。官順候孝履。王懷慶歌印。

張孝若兄禮鑒。聞耗悲哽。望節哀以重。繼述另函詳。莊蘊寬宥印。

張公使禮鑒。噩耗乍傳。薄海同悲。卽南下奠祭。伏乞節哀。閱。

張孝若先生鑒。太翁仙逝。至深哀悼。謹唁。梅瀾。

張孝若兄鑒。接計電。驚悉尊甫仙遊。愴懷舊雨。悲惋同深。尚冀勉塞哀思。用襄大事。特電奉唁。朱啓鈞寢。

張孝若先生尊公。耆年碩德。炳耀東南。經濟文章。自堪不朽。頃聞噩耗。駭痛良深。望節哀思。爲國自攝。張弧。

張孝若先生哀鑒。老成凋謝。中外震悼。特電奉唁。周渤。

張專使孝若兄禮鑒。驚傳噩耗。木壞與悲。尚冀節哀。以繼師志。浦拯東宥。

張孝若世兄鑒。敬電驚悉。尊翁噩耗。老成凋謝。邦喪碩人。追念生平。泫然增慟。繼述爲孝。以禮節哀。勉自珍重。臨電涕零。熊希齡宥。

張孝若兄禮鑒。頃接晉老仙逝電耗。莫名悲悼。我兄純孝。自必哀毀逾恆。然晉老一生。望隆薄海。福備箕疇。今雖歸真天上。毫無遺憾。人間尚望順變節哀。爲國自重。肅此奉唁。張學良韓麟春宥。戊印。

張孝若兄。驚聞世伯噩耗。震慟曷極。謹此奉唁。陳承修。

張孝若兄禮鑒。昨聞尊公薨逝。老成先謝。邦國之隕。專電奉慰。大孝。



弟吳鼎昌

張孝若兄禮鑒。驚悉晉公仙逝。悲悼同深。尚希順變。節哀。爲國珍重。弟王正廷叩。

張孝若公使鑒。尊公謝世。聞電。愴懷時局。艱危奪我元老。人亡國瘁。舉世同悲。迴念舊勳。尤爲戚戚。但福備名高。本無遺憾。屬當大事。請節哀思。黎元洪。

張孝若兄鑒。雷傳老伯大人仙逝。震悼異常。兄純孝性成。定必哀毀逾恆。惟念伯母在堂。先人基業。方興未艾。務祈節哀順變。勉襄大事。弟陳仲久李晉李綬叩。

張孝若兄鑒。頃接訃音。驚悉尊甫錦堂。棄養悼惜殊深。足下痛抱循陔。悲生陟岵。其爲哀毀。自不待言。惟念尊甫東南物望。海內推崇。道德文章。足垂千古。尚望節哀順變。以慰先靈。至爲企盼。齊燮元宥叩。

張孝若兄禮鑒。旅京驚聞年伯噩耗。曷勝痛悼。謹馳電奉唁。凌鴻勳感。

張宅治喪處。并轉孝若兄鑒。奉電驚悉晉老仙逝。國喪勳耆。普天共弔。以云私誼。感痛尤深。謹此馳唁。章士釗叩。

張宅治喪處。聞音。頓謝世無任悼痛。謹電。張汝霖。

張孝若兄。古人不意凶變。尊公遽歸道山。承電驚悉。哀痛何極。人亡

國粹豈惟私德。所望以禮節哀。勉襄大事。先此電唁。不盡區區。王寵  
惠感叩印

張孝若先生鑒。大椿凋謝。駭悼同深。萬冀節哀。為國珍衛。王其康

張孝若先生。閱報驚悉。會長仙逝。頓失南針。同人等無任哀悼。謹此  
電唁。鹽政討論會。景學鈞等同叩感

張孝若兄禮鑒。驟聞椿庭失蔭。同深悲感。敬唁大孝。尚祈節哀。弟樊  
發源叩首

張孝若兄鑒。大孝敬唁。葉恭綽叩

張會長鈞鑒。奉電驚悉。尊公棄養。山頽木壞。遐邇同悲。順變節哀。伏  
惟珍衛。陳時利。楊豹。靈周象賢。方維。因董顯光。向迪。琮。同叩首

張孝若公使鑒。奉電駭悉。節座薨耗。為國一哭。謹唁。凌文淵叩

張孝若世兄。苦女。接電驚悉。令尊棄養。曷勝感愴。世兄遭此大故。定  
必哀痛逾恆。惟望循禮順變。勉襄大事。上繼先業。是所至盼。寶琦。必  
印

張孝若先生鑒。閱報驚悉。尊公遽捐館舍。老成凋謝。梁木同悲。執事  
純孝性成。必然傷毀。務祈節哀。順變。仰慰先靈。勉襄大事。而電奉唁

諸惟珍攝。任可澄感叩

濠南別業。張孝若兄。奉電知音。老仙逝。曷勝震悼。特唁。望節哀。惓。榮

森嚴善坊王季緒沈祖偉張希載郭世紳叩號印

張孝若公使禮鑒巧日奉到訃電驚悉尊公仙逝老成凋謝痛悼曷極我公純孝性成哀慟可見惟尊公德業光昭譽滿中外繼志之責匪異人任務乞順變節哀用勦大事養志終天無間存歿正不獨以毀瘠哀號見孝思也福達慕仰尊公已非一日乃羈滯都門不克展奠靈幃南顧雲天徒深愴悼稍緩仍當走弔殯期何時即乞電示特先奉唁不盡欲陳福達叩號

張孝若仁兄禮鑒電傳尊翁齋庵先生棄世曷勝感悼惟大年碩德遺憾毫無尚望節哀順變妥慰先靈馳電奉唁祇詢孝履蔣雁行金紹曾何恩溥必印

張會長孝若先生鑒尊公逝世痛失典型尚冀節哀爲國自重秦瑞玠廖炎邢端陶昌善張軼歐黃藝錫湯一鶚吳鍾麟金鳳鳴印

張督辦孝若兄鑒噩耗驚傳尊公逝世靈光遽隕樑木生悲遠望南天不勝哀悼尚乞爲國自重順變節哀爲禱楊文愷王湘感印

張孝若先生驚耗傳來深爲悼惜尊大人福壽全歸固無遺憾而子欲養親不待古今同情冀節哀思敬理大事段祺瑞勘

張宅孝若兄鑒報傳尊公薨逝之耗大星遽隕薄海同悲特電奉唁百惟珍重唐在復在禮勘印

張孝若先生禮鑿頓閱閣抄驚悉令尊年伯大人仙逝。悲聽之下。悲悼無似。我兄純孝性成。遭此大變。哀痛曷極。惟念年伯大人年逾古稀。福壽全備。毫無遺憾。尚望節哀順變。爲國珍攝。是所至禱。項曠謹言。豔

張孝若兄鑒。請敬電驚悉。老伯仙逝。老伯以當代斗山。作中流砥柱。楷模矜式。無間遐邇。茲忽運厄龍蛇。身騎箕尾。邦國珍瘁。嗚咽曷勝。惟生專葬祭。義重經權。尚乞節哀順變。爲國珍惜。是爲至盼。專電馳言。順候。苦綬弟楊毓珣東叩。

張孝若先生禮鑿。尊甫晉公望。中外舉世同欽。噩耗忽傳。良深驚悼。遙瞻尊靈。益用企叩。周作民。叩。

張孝若兄。苦次奉電。駭悉世伯遽歸道山。三世知交。彌深悲悼。我兄純孝。哀毀可知。惟繼志責重。尚祈以禮節哀。勉襄大事。無任盼禱。張孝悌。

張公使孝若兄鑒。驚聞老伯大人騎箕厭世。傷情莫名。伏念老伯大人德備福至。業重不朽。吾兄望構九承。芝蘭濟美。雖大齊難越。而遺憾毫無。所望節哀順變。上慰靈懷。至爲盼切。專電奉言。不盡神馳。弟邵瑞彭。自明石街永平里叩。

張孝若兄鑒。頃接來電。駭悉尊公於敬日午刻仙逝。耆年碩德。淮海

所宗山斗遽頽震悼曷已尚望勉襄大事以禮節哀為禱特電奉唁  
孫傳芳有印

張孝若兄苦鑿驚傳噩耗遽萎靈柩莫名震悼伏以封翁耆英碩望  
福壽全歸執事堂構相承克紹先業務請節哀順變循禮制情用慰  
先靈勉膺大事專電馳唁諸維珍衛弟劉宗紀叩敬印

張孝若世第大孝聞師死哭失聲乞節哀辦事師伯前並懇奉慰謹  
電唁甘鴻猷叩

張孝若先生苦次頃讀治喪處敬電驚悉尊公溘逝為國為蘇均深  
悼痛先生純孝性成尚祈順變節哀勉襄大事謹電唁江恆源叩印  
張孝若先生苦次頃得電音驚悉尊甫大人騎箕之耗老成凋謝聞  
訊駭愕執事純孝性成自必逾恆哀痛惟毀不滅性古訓昭垂尚希  
節哀順變以襄大事特電奉唁並候孝履陳陶遺敬印

張孝若兄驚傳噩耗哀痛曷極武同舉

張孝若先生禮鑿天不慈遺靈光遽隕遙聞噩耗哀悼同深至希節  
哀順變以慰先靈曷勝盼禱謹先電唁弟同午叩有印

張孝若先生禮鑿昨接敬電驚悉尊公偶患沉疴遽捐館舍山頽木  
壞仰企何從天不慈遺泣涕如雨謹唁徐蘭野有印

張孝若先生苦鑿奉電驚悉天不慈遺喪我國老紹承先志諸冀節

哀鼎康叩唁

張孝若兄苦次頃接篠電驚悉尊翁仙逝駭痛異常尚懇節哀以終大事專電敬唁弟汪秉忠叩有

張孝若先生苦鑒接敬電驚悉晉公騎箕噩耗天不憖遺驟喪元老泰岳安仰朝野同悲矧在知交尤深悼痛吾兄純孝性成悲毀何極但家國兩重尤宜節哀勉膺大事特電奉唁惟垂察珍衛萬萬錫純有

張公使苦次閱報驚悉師座大去木壞山頽吾將安仰心喪茹痛無淚可揮鈞因案累甯不克親自奔問負疚無已特電唁慰藉伸悲忱鈞樞寢叩

張退公孝若先生均鑒聞悉晉公薨逝不勝驚悼哲人其萎遵式何從謹先電唁河海大學楊孝述李協伏金門等叩

張孝若先生素鑒昨得尊翁歸赴道山之耗吾邦隕一泰斗當代少一耆英典坊頓失薄海同悲肅電奉唁諸希節哀珍攝並頌孝履黃申錫卜廣海叩祝

張孝若仁兄禮次驚傳噩耗遽萎靈椿同深駭愕以執事驟膺大故哀痛自不待言第念封翁名播寰瀛神歸兜率毫無遺憾尚冀節哀順禮以當大事而慰先靈特電奉唁諸希珍衛為禱弟陳閻張世銘

劉嗣榮萬鴻圖楊邦藩劉春臺程登科陳錫璋王洪濤叩儉印

張孝公禮鑒。尊翁仙逝。薄海同悲。況受恩知。尤深哀悼。謹唁。奚侗叩。  
張退老尊鑒。接敬電。驚悉。齋公騎箕。噩耗。老成凋謝。家國同哀。山屯崩頽。羣將安仰。況錫純。夙承垂蔭。諸荷裁成。鄉政勉膺。尤多指導。驟失依庇。悲駭倍深。我公抱痛。鑄原感傷。曷極。惟秋炎正盛。況在高年。尚乞抑悲。珍攝。專電奉慰。無任系懷。錫純叩有。

張退老張孝若公使均鑒。接葆初兄電。駭悉。齋老薨逝。國喪元老。卅失良師。哀慟曷極。專電致唁。乞察。江蘇省議會徐果人暨同人公叩有印。

張孝若兄鑒。頃到寧。與馨帥接洽。本擬到通。弔唁。適因事即日北返。瞻望靈幃。曷勝歉疚。除派覺農代致唁慰外。望節哀珍重。潘復葆印。  
張公使鑒。太翁德望重隆。鄉邦共仰。遽聞仙逝。駭悼良深。惟祈勉節哀思。為國珍重。倪思宏錢永銘吳在章胡筠葉薰楊聯綬宋德宜柳斌元楊瑞生唁。

張孝若先生禮鑒。聞報。驚悉。尊大人仙逝。德星忽隕。薄海同驚。泰山其頽。國民安仰。尚祈節哀順變。以襄大事。為禱。周錫恩毓英毓文毓棻敬唁。

張孝若公使鑒。甫自津回。申聞耗。極痛。即日趨奠。務乞節哀。垣。

張孝若先生禮鑒頃聞四先生仙逝悼痛彌甚從此水利界失其泰斗所幸典型猶在足爲後死之式務祈節哀順變以慰尊公在天之靈先此電唁楊子江技術委員會駐滬測量處叩寢

張孝若先生鑒尊公棄養中外震痛乞節哀悲以襄大事謹電馳唁  
篋延芳有

張孝若兄驚聞尊翁仙逝曷勝哀悼謹電奉唁輝德

張孝公禮鑒接通電驚悉總理仙逝異常震悼我公素心純孝伏祈節哀順變以襄大事謹電唁慰滬所全體同人叩

張孝若先生禮鑒頃奉通電驚悉喬公捐館國人失此泰斗實業喪此先河第苦塊餘生聞此惡耗淚枯血竭哭不成聲我公繼述事大務懇節哀爲國珍重神隨電往嗚咽不勝棘人吳兆會叩

張督辦禮鑒刻聞尊公益逝國喪柱石民失導師薄海同悲矧在棉業尤痛先覺特電奉唁乞爲國節哀華商紗廠聯合會叩有

張孝若兄禮鑒驚聞喬丈棄世曷勝震悼祈節哀思謹電唁沈卓吾  
叩敬

張孝若先生鑒驚悉尊甫遽歸道山東南後進失所宗仰現窳窳未安諸希順變節哀上承先志福利社會無任企盼專此奉唁傅銳叩  
徑



張孝若兄驚聞老伯仙逝時世艱危老成凋謝震悼實深尚望以禮制情爲國珍重許世英

濠南張孝若兄苦次計電驚悉尊公謝世曷勝悲愴吾兄大孝望節哀順變至禱惜陰敬唁

張孝若公使鑒電傳噩耗驚悼莫名務祈勉抑哀思爲國自重謹先電唁嚴家熾叩

張孝若兄大孝聞尊公仙逝至深悲感我兄猝當大事仍祈節哀以

張孝若先生禮鑒尊公仙逝薄海同悲乞爲國節哀馬炎文叩

孝若師兄禮鑒孝先承志尚望節哀尚平叩

張孝若兄駭聞哲萎敬致唁忱黃濬

張孝若兄閱報驚悉尊翁逝世老成凋謝曷勝痛悼一切尚望珍攝

張元濟高鳳池李宜龔謹唁

張孝若會長素鑒聞嗇老仙逝不勝驚駭老成凋謝並世同悲屬在舊僚彌深結念還乞節哀順變以安先靈專此奉唁臨電不盡丁文

江有印

張退公暨孝若會長鑒頃聞嗇公仙逝薄海同悲謹先電唁胡爲和有印

張宅治喪處轉退老暨孝若先生鑒。條電驚悉。耆老於十七日仙逝。同人震悼。先此電唁。史量才巧。

張孝若先生尊公噩音。救時增感。請節哀思。為國珍衛。金其源其照。張孝若先生閱電悲悼。祈節哀順變。為禱。盧公勉。

張孝若先生鑒。報載通電。驚悉四先生逝世。同深悲悼。特電奉唁。江蘇省教育會。李濤炎有。

張孝若公使鑒。驚聞噩耗。悲悼同深。伏祈節哀順變。為國自愛。炯適臥病。弗克趨前。謹先電唁。席德炯叩。

孝哥鑒。猛悉師座生天。驚慟萬狀。不勝涕淚。吾哥為國為家。務為節哀。敬唁。袁安圃。

張孝若公使鑒。驚聞尊公世伯噩耗。人亡國瘁。海內同悲。沉久荷殊知。尤懷私慟。謹電馳唁。許沅徑。

張孝若先生禮鑒。耆老仙逝。舉世震悼。我公家國負重。尚祈節哀。謹唁。徐新六。

張孝若先生鑒。尊公當代泰斗。才越陶猗。望高園綺。茲聞溘逝。舉國同悲。謹此電唁。傅宗耀叩有。

張孝若兄鑒。頃得貴宅治喪處電。驚悉尊大人仙逝。不勝悲悼。惟望兄節哀順變。以當大事。專此奉唁。岑春煊有叩。

張孝若先生鑒閱報驚悉尊甫仙逝棟折榱崩曷勝震悼尚希節哀盡禮爲國珍重。虞和德

張孝若先生禮鑒驚聞大故感悼同深尚希順變節哀爲國自重特此唁慰弟何豐林有

張公使禮鑒頃閱各報電傳督辦夫子大人薨逝之耗五內震駭伏念督辦勳高望重德備福全尚祈順變節哀爲國自重肅電奉唁敬請孝履許兆鳳叩有

張孝若先生大星忽隕薄海同悲尚望節哀爲國珍重趙會鵬有

張孝若先生大孝奉電駭悉尊公噩耗不勝悲痛請節哀勉襄大事以慰先靈爲禱乃昌

張孝若先生鈞鑒頃聞驚悉令尊大人仙游之耗曷勝哀悼已電囑陳萃芳君代表趨唁尚乞節哀順變勉襄大事是爲至盼謝天錫敬張孝若兄禮鑒駭聞年伯遽歸道山悲悼何極尚望吾兄節哀順變以繼先志敬唁沈成式

張孝若先生鑒校董季直先生逝世同人不能勝哀悼特電奉唁諸希珍衛國立暨南學校有

張孝若先生鑒尊翁仙逝同深哀悼特電奉唁東洋拓殖會社屬內順一

濠南別墅張孝若公使禮鑒尊公仙逝驚悼莫名老成凋謝溥海同  
悲謹此唁慰伏祈爲國節哀勉繼先志是所至禱徐審義審交省叩  
印

張孝若先生鑒尊公駕返天上哀動人問心殷鶴弔跡阻鳧趨尚乞  
節哀順變因禮制情是禱上海住友洋行經理福田叩省

張孝若學長禮鑒閱報驚悉尊公遽賦仙游典刑在望層涕何窮特  
電奉唁湯千里省

張孝若先生鑒閱報載驚悉尊公遽歸道山噩耗傳來莫名震悼特  
電奉唁大同洋行省

張孝若先生禮鑒驚聞尊公捐館實業先河一日凋喪溥海同悲先  
生素性純孝尚祈節哀爲國珍重藉慰泉壤謹此電唁田冰嚴英陳  
俊伯吳應樞李濟生嚴馨費壽祺叩省

張孝若兄鑒驚傳噩耗痛悼良深嗇丈功業足垂千古吾兄純孝尚  
望節哀順變繼志述事以慰先靈特唁李國杰省

張孝若兄鑒側聞尊公偶爾微疾遽歸道山曷勝驚悼執事純孝性  
成悲痛可想惟尊公道德文章足傳千古務祈順變節哀以慰在天  
之靈除電滬行盛經理親詣孝堂代表致奠外特電奉唁令伯退公  
均此致慰梁士詒盧子溥率交行全體同人叩省

張孝若先生禮鑒。驚悉令尊大人仙逝。深爲哀悼。特此電唁。船津敬叩。

張孝若先生禮鑒。尊公仙逝。同深哀悼。謹此電唁。劉渤蓀何尚平許振殷汝驪殷汝耕感。

張公使鑒。晉老云亡。薄海同悲。特電奉唁。並希節哀。上海法科大學章炳麟董康王開疆鄭斌季忠琛等全體豔。

張孝若先生禮鑒。閱報驚聞尊公騎箕噩耗。人亡邦瘁。舉國震悼。尚祈節順。爲國珍重。張士翹。

張退老孝若兄均鑒。晉公騎箕。遐邇震悼。會辱帡幪。倍增切怛。惟名垂不朽。公可無憾。退老高年。孝兄事繁。伏祈珍衛。節哀不勝翹禱。盛炳紀王承組胡祖同黃啓堯袁鍾秀沈乃浩暨同人等同叩。

張孝若世兄鑒。得電驚悉尊公噩耗。老友遽謝。爲之腹痛。尤望節哀。順變。至禱。令伯并慰。珩。

張宅治喪處轉孝若兄鑒。頃接貴府治喪處敬電。驚悉令尊大人騎箕。天上。曷勝痛悼。老成凋謝。東南失色。安危所關。寧言可喻。執事純孝。性成。知罔極之慟。必尤難自己。但節哀順變。以襄大事。亦人所宜。

然尚希勉爲珍攝。爲禱。專電先唁。餘意容申。陳家謨有。

張孝若先生苦次。頃奉訃音。驚悉尊甫遽棄塵世。老成凋謝。曷勝愴。

悼先生純孝性成自必蓼莪廢誦第念尊甫功名事業震爍古今道  
德文章昭垂中外生有自來歿無遺憾先生盛年碩學正爲國家宣  
力之時尚祈力節哀思以成大禮而慰先靈是爲至要除派代表唐  
慎培前往致祭外端電馳唁並希督照夏超有印

張孝若兄大孝驚聞電訃曷勝悲痛老伯利鄉謀國爲天下安危所  
繫天不憖遺益何酷烈望節哀順變繼承先志爲盼藝有

張孝若先生大孝奉讀敬電驚悉晉老遽歸道山耆年碩德天不憖  
遺國傷之傷匪惟嘆逝哀荀粲之零落弔王弼之瀕流不自知其涕  
淚之何從也尚希順變節哀爲國珍重肅電祇唁伏惟禮鑒陳詞元  
叩者印

張孝若先生頃閱報駭悉尊大人仙逝木壞山頽世將安仰酒墟笛曲  
曲愴悼奚勝世兄素篤孝思務望以禮制情爲國自重特電慰唁肇  
會

張第治喪處鑒鑒葆電驚悉晉老作古悲悼之至請轉達孝若先生節  
哀順變謹先電唁容後叩奠硤石徐光溥叩者

張退庵先生鑒閱報驚悉晉翁考終專電馳唁並乞轉致孝若兄俞  
宗濂叩

張孝若兄苦次頃接尊處敬電驚誌椿庭棄養慘痛靡已第念尊公

壽逾七十旬名高一代象賢繼起遺憾何來尚祈我蓼勉紓無任盼禱  
專此奉唁不盡拳拳弟盧香亭有印

孝若先生聞電驚悼務祈節哀順變南通旅哈同鄉會蔣德明等叩  
徑

張孝若世兄鑒尊公遘疾遽謝塵寰國喪儒宗鄉失民望循誦敬電  
悽惻曷任台端正策疏防忽凋椿蔭呼搶號踊亦何可言惟孝在守  
身喪須循禮尚望善當大事勉抑哀悰特弔電音敬唁大孝張作霖  
楊宇霆鄭謙有印

張孝若世兄禮鑒頃讀敬電驚悉慘耗吾師耆英長德薄海所欽方  
期克享遐年長垂世範何圖不慈一老遽賦騎箕回首雪門爲之隕  
涕特此謹唁順慰孝履弟鄭謙有印

張專使鈞鑒閱電驚悉蘇皖柱石先後同頽數千里間哭聲如接閣  
下才成若父且以孝名哀毀自可想惟宜上慰先靈尚乞順變節哀  
爲禱姻愚弟余誠樞代從堂姪節高叩唁感

張孝若世丈禮席奉篠電驚悉太年伯仙逝純在遠莫由哭奠不勝  
悲抑伏維節哀順禮爲禱純叩寢

張會長孝若兄苦次閱報驚傳尊公哀耗國事方艱老成遽謝慟感  
同深矧在舊屬所幸我兄賢能克承先志惟望節哀順變勉襄大事

道遠未克趨奠謹此電唁令伯大人前並祈此名奉慰弟陳介叩勤  
印

張孝若先生頃悉晉老夫子病歸道山曷勝驚悼謹電奉唁諸維賜  
察吳庭香

濠南別業孝若姻叔鑒篠雷驚悉天不憖遺曷勝痛悼專電奉唁並  
希節哀姻姪劉光謙叩祝

張孝若先生禮鑒年會驚聞尊翁仙逝國喪柱石社失導師無任哀  
悼中國科學社年會同人謹唁

張會長禮鑒閱報驚悉師歸道山不勝駭悼謹電奉唁王子尊勛

張孝若兄鑒總座考終全國震悼望念家國順變節哀謝蔭昌王堂  
暨同人叩

張孝若先生鑒老成凋謝傷悼何極先此奉唁節哀順變餘由專使  
函詳曹鏡印

張公使孝若兄禮次老師仙逝薄海同悲回憶追隨尤深感痛伏望  
節哀珍重顧祖德叩豔

張孝若先生鑒驚悉令尊仙逝莫名哀悼謹電奉唁田步蟾豔印

張孝若公使鑒晉老文星遽隕遐邇同悲現值時事多艱敢請勉節  
哀思是為叩禱冒景璋



張孝若督辦禮鑒師尊仙逝彌切心喪吾兄純孝性成務祈順變節  
哀勉襄大事謹電奉唁沈青山叩

張公使孝若兄禮次遙聞老師仙逝悲痛殊深敬乞節哀珍重胡之  
沂叩陷

淮海銀行張孝若鑒頃閱報驚悉尊大人遽返道山遙望濠南臨風  
隕涕謹先肅電恭唁素履王鉢

張公使孝若世兄禮鑒報載晉公溘逝哲人云亡邦國殄瘁矧承知  
遇尤切悼痛容詰靈前恭奠特先電唁吳志仁叩

張孝若會長鑒篠電傳來驚聞噩耗元老之喪舉國同悲惟昭大功  
於邦國已無遺憾於人間克家承謨尤隆垂裕爲國自愛尚宜節哀  
臨風悽愴特電奉唁周蔭入州叩

張孝若先生鑒晉師逝世薄海銜悲敘在門牆尤深哀痛殯期盼示  
實業廳王範肅叩

張孝若兄禮鑒閱報載悉年伯溘逝老成凋謝薄海同悲小子後生  
將安放仰謹先電唁藉伸哀忱沈頌叩

張孝若先生鑒驚聞尊翁仙逝同深痛悼並頌禮祉吳俊陞江叩  
張孝若如弟禮鑒比聞吾師噩耗慟念邦家喪茲元老吾蘇坐失長  
城舉國聞訊莫不痛心仁雖在遠尤深愴惻尚祈節哀順變以禮自

持除派馬映亭君詣通代表祭弔外特電奉唁如仲馬玉仁冬卹

張孝若世兄鑒驚悉音師仙逝悲痛曷極望節哀繼先志張直生李貳德韓聘魯張文溥宋立教叩

張孝若兄閱報驚悉音師仙逝曷勝悲悼祈節哀順變專唁熊輔龍張孝若先生苦次奉電驚悉尊公逝世元老云亡中外震悼尚希順變節哀爲國自重除另期詣奠外謹電奉唁馬士杰有

張孝若兄鑒頃聞驚悉尊甫大人仙逝之信聞之五內崩裂吾兄純孝性成自必椎心泣血悲痛逾恆惟尊大人勳高望重中外馳名求諸史冊能有幾人含笑歸神良無遺憾吾兄上承先德名位方隆當爲國家愛惜此身哀不踰度是所拜禱弟陳儀叩有卹

張孝若世兄禮鑒接電驚聞尊大人逝世爲鄉邦痛更爲國家痛謹此奉唁韓國鈞有卹

張宅治喪處鑒鑒條電驚悉傷痛萬分請代懇退老珍重暨孝若先生節哀謹唁金鉞暨縣長阮毓麟邑紳蔡嬰廉吳長吉鄒楫劉啓文黃家璘蔡鈞樞葛夢樸楊體仁同叩有

張孝若先生鑒奉條電驚悉尊公謝世曷勝傷感伏念先公五福備膺道山返璞生榮死哀了無遺憾尚冀節情順變以述事繼志爲心是所禱切孟森楊廷棟錢以振于定一江湛敬唁巧

張退公鈞鑒。驚悉晉公仙逝。悲痛同深。惟念凡百事業。悉賴我公主持尚。乞勉抑悲懷。善加珍衛。是所叩禱。陳家實陳康。陳紹年。王振德。黃秉永。宮桂。龔慶餘。沈家勳。叩。

張公使孝若先生。苦次督座棄世。駭悼莫名。尚祈順變。節哀。爲國自重。謹電奉唁。王寶槐。徐鍾令。吳延模。陳宗麟。陳丕平。肴。

張孝若兄禮鑒。遠聞讀禮。悲悼曷勝。惟冀節哀。勉襄大事。專此奉唁。白寶山。叩。寢。叩。

張孝若先生禮鑒。驚聞校董齋庵先生仙逝。同深哀悼。謹此電唁。國立政治大學。肴。

張孝若先生鑒。大椿遽謝。愴悼莫名。祈節哀思。爲國珍重。乃揚肴。叩。張公使禮鑒。頃聞晉公玉樓赴召。大星忽隕。舉國同驚。鈞使孝思。既切。蘇人悲悼。尤深。謹先電唁。容趨奠靈。陶祖典。黃立三。曹舜臣。叩。

張孝若先生禮鑒。報載尊公逝世。曷勝哀悼。謹電奉唁。金鳴宇。叩。感。張孝若兄鑒。閱報知令尊仙逝。國事螭蟻。遽摧梁木。老成典節。景仰。

空懸。驟聞之餘。曷勝駭歎。爲特致悼。並唁孝思。弟崔維堪。泣。叩。張孝若先生。驚聞尊大人仙逝。曷勝駭愕。天喪元老。舉國同悲。尚乞。

節哀。良殷鄙禱。楊紳。叩。泣。

張公使鑒。報傳噩耗。如失長城。孝子間居。同深悲泣。謹先電唁。尚乞。

節哀馬甲東叩

張孝若先生苦疾。昨悉老伯噩耗。駭悼實深。大故遽遭。諸惟珍攝。肅  
電慰唁。陳兆豐叩

張退老孝若公使鈞鑒。前電詢晉丈病狀。頃山中轉到滬報。驚悉病  
竟不起。天憫魯老。國喪導師。屬在舊帙。尤深懼悼。伏望孝兄順變節  
哀。以襄大事。退丈孔懷。勉達珍衛。起居先此馳唁。另函致烈。卿兄轉  
達南強叩

張孝若會長鑒。病中閱報。驚悉尊大人騎箕之耗。函滬果確。慟悼莫  
名。伏念政否學衰。至斯而極。轉樞移紐。端賴耆賢。環顧國中。備此資  
格者。僅此一老。又沉遠威存歿。極荷關垂。池以屋烏。亦承愛注。天靳  
祺福。星隕山崩。公誼私情。可勝涕淚。好在明德之後。幸有達人。續緒  
承謀。相繼家國。扇揚先烈。卽以篤盡孝思。尚祈勉事節哀。爲國珍重。  
池由青返里。輒抱采薪。近雖漸痊。仍艱握管。除俟詳函。掬悃。並詰弔  
外。謹先電唁。伏希察諒。馬鳳池叩

張公使鈞鑒。閱報驚悉尊公薨逝。薄海同悲。尚祈勉抑哀思。爲國自  
重。不勝企禱。吳會湛蔣訥同叩

張孝若先生禮鑒。噩耗傳來。文星遽隕。山頽木壞。震悼寰區。惟念老  
大人經濟文章。邁絕今古。典型宛在。羣推一代之儒宗。模範長留。永

垂千秋之實業。執事純孝性成。自必逾情哀毀。尚乞爲國爲民節哀順變。繼揚先烈。造福梓鄉。彥以職守所羈。弗獲躬趨叩奠。謹先肅電。用表哀忱。敬唁孝綏。百維珍衛。鄭俊彥叩。儉印。

李廳長萬里弟轉張公使鑒。晉老薨逝。悲悼殊深。惟希節哀。爲國珍重。特電馳唁。周彝臣儉。

張孝若君鑒。尊公德望。中國一人。天不憖遺。溥海震悼。謹電奉唁。尚祈節哀。家國倚重。鮑貴藻陷。

張退公鑒。晉公仙逝。感悼同深。江北實業。惟公是賴。尚希珍攝。特此慰唁。東台縣商會任原琨。王振德。周應福。叩寢。

張孝若先生禮鑒。閱報悉尊翁逝世。曷勝悲悼。尚祈節哀。順變。特電奉唁。顏作賓。東。

張公使孝若禮鑒。尊公噩耗所布。溥海同悲。國家慟喪。元老江淮。悵失瞻依。追念平生。道德文章。日星河嶽。足垂千古。尚望節哀。順變。爲國自珍。溥水農紳商學。朱棨。朱鳳來。陳耀庭。鄭賓。

張孝若先生禮鑒。驚傳晉老逝世。曷勝哀悼。特電奉唁。諸希珍衛。趙鈺鑒歌。

張專使孝若兄禮鑒。奉訃敬悉。本月念六日。爲老伯靈柩安葬之期。澄以時局未靜。職務羈遲。不克回通。恭親執拂。至深抱歉。敬電奉達。

聊伸哀思弟嚴慶澄叩陷

張孝若兄閱報驚悉喬公棄世曷勝痛悼尚乞節哀勉襄大事以竟餘緒殷汝耕叩

張孝若先生鑒頃驚悉尊大人薨逝之耗曷禁痛惜尚祈珍重節哀順變專電奉唁澀澤榮一

張孝若先生禮鑒令尊仙逝國失偉人中外同悼尚祈節哀以甸先志大倉喜八郎

張孝若苦次驚聞姻伯仙逝莫名哀悼特電弔唁襟弟史棠豔

張孝若先生鑒電傳尊翁仙逝同深悼惜希節哀順變為國珍重金山龍岡總公所

張孝若世兄苦次尊公喬翁老同年仙逝不勝悲悼謹製挽詞請張之靈次藉表哀忱世年愚弟孫雄黎承種

張雨通先生榮哀錄

榮哀錄六

唁函 快郵代電附入

孝若仁世長兄苦席頃奉電赴誠審尊文捐館舍之耗哀哽彌襟非  
言可喻廿餘年依隨之雅乃墮夢寐五十日刹那之別遂判人天恆  
情且悲何況宗元之於尊文當詣奠以展哀忱尚希順變制悲上承  
先志宗元已掬胸中所欲言謹賦輓詩埃詣通音弔以貢帷下先此  
馳唁敬問孝履世愚弟諸宗元拜啓

孝若仁世兄星使先生足下日前驚聞尊公老師臺遽歸道山不勝  
哀悼然其道德文章功業俱足彪炳千秋雖歿猶生夫復何哀爰修  
蕪函務希足下順變節哀秋涼爲國自愛並敬禮安小弟孟鈞鞠躬  
孝若仁兄先生台鑒在粵聞尊甫噩耗驚痛之餘曾與同人公電唁  
慰想荷照管自返滬後料理先室葬事近日甫畢即打發次兒赴法  
留學不日成行尚未能躬詣几筵一伸奠叩茲先將虔書金剛經一  
扣寄呈厥次乞代恭焚稍緩當來通先此奉慰大孝孟森手上  
孝若先生苦鑒接報驚悉世伯大人於敬午騎箕木壞山頽遽喪耆  
宿驟聞噩耗痛悼莫名我兄孝行素敦今遭此變自必難堪惟望稍  
止哀思用襄大事謹先電唁容再赴通敬奠靈幃藉伸欽仰臨穎鳴

咽諸惟珍衛翁麟孫叩感

孝若仁兄禮次海濱却軌音訊久疏驚聞尊公騎箕之耗引領南天無任惋悼執事至性貞純如何摧剝彌深馳系伏念尊公功在國家名高商洛靈光宿望寰海具瞻何圖小疾遽隕少微殄瘁同悲豈惟私痛弟夙承馨歎尤愴人琴惟是闕規首啓羣倫之沾漑已多絕業覃精千秋之流傳不朽神歸天上共仰完人執事久推時棟克振門風卽論顯揚亦無遺憾尚冀節哀順變以慰先靈至於東南之嚮望方殷堂構之詒謀綦鉅職責攸在續述宜先宏此遠謨更所企勸弟遠在海濱莫由趨奠耿疚方深先此馳唁孝履諸維慎攝不宣愚弟王揖唐拜啓

孝若世兄禮次頃接貴宅篠電驚悉尊大人遽返道山聞訊之下不勝悲悼竊思尊大人生平瘁心國計民生海內景仰忽噩耗傳來莫不同聲一哭況蒞數十年相交將何以堪去歲蒞避居貴邑與尊大人詩酒唱和精神猶甚康強方謂期頤可卜未審何疾而竟然棄世竊念世兄天性仁孝而遽遭此必哀毀逾恆惟望節痛循禮以勉承大事至開弔日期祈先函示爲盼專此敬請禮安諸希珍攝侍生高熙蒞鞠躬

孝若世兄古女前接滬電驚悉尊大人齋公仙遊之耗殊深駭悼弟



羈迹海濱。俗冗蠅集。未得躬親弔奠。至爲歉然。謹派吳君藩。敬備綢幃。素筵前來代表致祭。尚乞世兄節哀順變。爲國珍重。以慰尊堂。專此奉唁。敬希禮鑒。惟照不宣。年世愚弟周學熙頓首。

孝公世長禮次。扈饋痲疴。纏綿藥裹。忽傳噩耗。驚悉年伯大人偶嬰微疾。遽謝賓客。獲訊之餘。震憾欲絕。吾公學嬾會閔。至性過人。大故驟遭。自必哀痛逾恆。感動行路。第念年伯大人崇隆勳業。中外咸欽。福備箕疇。宜下公卿之拜。名登僊籍。應知家國同悲。一枕遊仙。九原無憾。吾公繼述維善。志行足觀。尚祈順變節哀。顯揚爲大。撤支離病體。偃蹇未痊。因之不克。渡江弔奠。茲謹撰輓對一聯。先行交郵寄呈。卽祈懸之靈右。專肅奉唁。敬承大孝。伏維爲國自重。褚德徽謹肅。

孝若仁兄。世大人。大孝金陵揖別。忽忽經年。頃閱報章。驚悉晉老夫子。遽歸道山。回憶數年前。推事南通。朝夕侍從。至由山西解縣解組。後又復追隨杖履。時承訓誨。不料別日無多。竟成永訣。悲悼奚如。竊維閣下。至孝性成。遽當大事。哀毀自不待言。然念夫子大人德隆鄉國。年逾古稀。享一世之榮名。成千秋之大業。文章經濟。冠絕羣倫。固已生有餘榮。歿無遺憾。尚望節哀順變。勿過悲傷。是爲至禱。弟山川遠隔。親奠無由。謹具輓詞。聊申慟念。伏祈代懸靈右。肅此並請禮安。諸希珍重。不盡。弟徐嘉清謹上。

孝若世仁兄苦女猝聞尊公棄養震悼莫名尚祈順變節哀勉襄大事以慰先靈專此馳唁藉請禮安王清穆拜啓

孝公鈞鑒久隔芝儀時殷葵悃上月間會肅寸牋亮已早登記室日昨披閱報章駭悉老大人遽赴道山不勝驚悼伏念老人大魁鰲占高享鶴齡勛勞彪炳乎千秋德業昭垂於寰宇象賢有子繩武多孫而乃天不憖遺實爲人所共悼我公至孝性成驟遭大故哀毀之忱固非言辭所能勸解惟望執禮之餘稍自強抑以慰在天之靈是所深禱肅此奉唁敬請苦安弟李鍾敏謹肅

孝若仁兄苦女昨閱報端驚悉老伯大人遽爾仙遊山頽木壞痛悼良深吾兄純孝性成何敢以節哀順變之辭遞書勸慰惟念老伯大人數十年來慘淡經營爲吾國教育實業開山之祖今遽馭鶴西歸則仰承先志責在吾兄尚望讀禮之餘勉自珍攝弟情殷執紼奈官事羈身不克躬臨至爲歉仄茲特陳上輓聯一副祈代懸靈几爲叩專此奉唁卽頌孝履愚弟陳威頓首

孝若仁兄世大人禮鑒秋風淒厲星隕東南噩耗驚傳曷勝悲慟嗚老四叔大人江淮領袖實業先河方冀克享遐齡宏茲偉績乃以微疾奄棄塵寰行道之人莫不相弔當此艱難時會者宿凋零木壞山頽斯民安仰閣下純孝性成蓼莪廢讀終天之戚自逾恆情惟毀不

滅性禮有明訓。況榮親莫過於繼志救國。卽所以承先尚希勉抑哀思以完成四叔大人未竟之業。則閭閻雖盜應無遺憾。千里拳拳伏維察納。晟夙荷四叔大人青睞。許爲國器。祇以性成迂鶻。廿年悠忽。無所成名。有負期望之殷。彌切知愛之感。悲思陳迹。痛不自勝。奈職守攸羈。不獲躬親執紼。謹具挽辭。恭獻靈几。藉伸哀悃。專此奉唁。孝思不備。世小弟楊晟頓首。

孝若使君仁弟慧鑒。接十七日雷。驚知師尊謝世。悲愴何極。況天倫至愛。胡忍別離。惟願兼體儒佛之意。深究真妄之歸。節哀念佛以助生西。報深恩於萬一耳。哀至而慟。亦以念佛號聲出之。非但資親冥福。亦且自種深根。蓮池大師法語云。親得離塵垢。子道方成就。蓋以致親淨土。永脫輪迴。究竟成佛。方爲完全大孝也。願賢者勉爲之。七期內爲中陰期。修作佛事及諸功德。尤爲得力。飲食祭品均宜蔬素。各團體追悼會及養老育嬰殘廢各院均宜請其念佛助道。亦令各各皆種善根。結淨緣。此其功德影響所被。真不可思議矣。謙三十年來受師恩至深。無可爲報。除每日念佛回向外。當謹函懇普陀淨土大士印光法師建設一佛七道場。於七日中延淨業比丘十餘人。輪替念佛晝夜之間。佛聲不絕。俾助靈爽。一心不亂。專往西方。去歲師與印光師嘗一通函。互致渴仰之誠。以是因緣。上承佛力。所願當

不虛也。附奉輓聯乞懸廠次以誌哀思。專達敬唁孝履。江謙稽首。  
孝公先生大鑒。弟爲水利事在皖邊數日。昨歸閱報始悉老伯大人  
西歸之耗。驚駭無狀。弟受恩有年。飲水思源。鰲戴知重。就食在外。無  
非仰託。磨輝悲痛之私。非可言喻。大星之隕。全國震動。是中土無清  
平之望。豈僅通海之不幸。惟念老伯大人碩德巍名。繼志述事。擔荷  
有人。極榮哀之盛。近世名賢無此善果。尚祈爲國珍重。勉節哀思。是  
所叩幸。順請禮安。弟沈鈞頓首。

孝若先生閣下。敬啓者。讀報驚悉尊甫季直先生仙逝之耗。莫名悼  
惜。名賢凋謝。中外同悲。竊念執事孝思純篤。哀毀自必逾恆。惟望善  
承先志。爲時自愛。鄙人此次避暑威海衛。近甫回滬。不及躬詣弔奠。  
良深歉仄。謹修寸楮。藉達唁忱。並候禮祺。矢田七太郎頓上。

孝兄先生禮鑒。頃讀報端。驚悉齋師大人棄養之耗。山頽木壞。薄海  
同悲。弟忝列門牆。淒愴尤甚。矧以吾兄純孝性成。哀毀更難言喻。惟  
念師座文章道德。震爍寰區。遺澤孔長。典型猶在。吾兄鳳毛濟美。克  
紹箕裘。尚冀節哀順變。以禮制情。用慰國人。而續先緒。專泐奉唁。不  
盡區區。祇敬孝履。諸希珍衛。弟王敢再拜。

孝公學長世叔大人禮鑒。前上寸楮。正盼覆音。何期噩耗傳來。驚悉  
太老師大人騎鯨西去。文星遽隕。悲動江南。私心悼痛。莫可言宣。我

公純孝天成哀毀自不待言惟是我公繼志述事所負甚重且尊慈在堂尤須我公善加勸慰務望以禮制哀爲親珍重是所至禱乙本當卽日回里聊盡執紼之誼叵奈賤軀感涼伏暑臥病兼旬今二豎雖退而腿軟如棉頭尚畏風致未如願愧疚無量家母聞耗亦欲前來唁慰因無人護送未克成行尤爲歉仄尚乞恕罪除另郵寄奉輓聯祭幛外先此奉唁敬請禮安世姪周應乙謹上

孝若仁兄閣下頃披閱新報乃悉尊嚴大人仙逝不勝驚悼兄台純孝性成丁此大憂其痛悼之情不言可喻但尊嚴大人壽臻八秩爲中國實業界之重鎮聲望馳四海鸞馭雖遙無復遺恨矣足下旣爲門戶支柱之身仍須節哀順變萬勿過事悲感有傷玉體轉致先靈抱痛於九原也專泐奉唁卽請禮安弟永野修身鞠躬

孝若先生苦文昨奉電訃驚悉尊公騎箕天上震駭莫名當卽覆電致唁諒蒙答及伏念尊公名垂宇宙功在鄉邦吾兄幹國承家繼述爲重務祈節哀順變是爲至禱弟等遠羈滬濱不克趨叩靈筵無任歉疚容俟虞奠有期再當奉申敬意先此布唁祇候素履弟張元濟高鳳池李宜龔謹啓

孝若先生苦鑒敝校前經公推令先君爲校董辱承不棄踰越兩年庠序增輝斗山仰望方冀以南州之冠冕啓北地之文明昨閱報章

驚悉偶嬰微疾遽歸道山瞻箕尾之星辰魂歸天上澤江淮之草木名在人間執事親受楹書感懷風木恪盡慎終之禮夙持純孝之忱早飲食德服疇克承家訓尚其節哀將事冀慰先靈茲因道遠不及詣奠用特修函奉唁並請苫安畿輔大學校長關廣麟謹啟

孝若先生禮文敬啟者前悉耆老委化悼哲人之永逝軫孝履之銜哀噩夢頻驚愴懷曷極人之云亡邦國殄瘁固不僅一家一邑之痛也執事純孝性成遭茲大變其哀禮交至當復如何森適以處理俄款事奔走京華不克匍匐以救束芻以奠歎悚莫名伏念耆老言爲世法行爲世則先知先覺卽知卽行半世經營均足模範全國所施雖囿於一隅其人實已不朽於千古而其享壽之高又逾尼父極三生之樂事備五福以考終亦可少慰曾子之心減臯魚之痛矣惟願勉抑哀思爲國自重此又耆老在天之靈當深以森言爲然者敬佈微忱至希亮察幸勿以爲失晨之鳴而棄之感甚肅此祇頌禮安張嘉森頓首

孝若公使閣下別後忽將三載未嘗定居一日江湖浮沉人事衮衮自甲子離通而上海而天津而京師不皇上聞愧仰深矣忽聞令尊嗇公偕爾違和遽然棄養哲人其萎舉國同悲憶昔教以術數之言以匡不逮則不第私情銘感卽公誼亦承賜多多矣追思之下悼惜

良深執事天性純孝一日遭此大故自必悲痛逾恆惟孝先承志禮  
重守身國事鄉里責任綦重遺業有繼來日方長務希節哀順變上  
慰親心下慰鄉里之望此子蓮馨香禱告者也猥以千里遠隔未能  
躬親叩奠五中歉仄莫可名言除在京城追悼外謹備錫箔四肘紅  
燭壹對業已轉託韓奉翁代爲獻上藉表哀忱肅馳唁順頌禮安  
周子蓮頓首

孝若世仁兄禮文閱報驚悉尊甫年伯大人捐館噩耗駭悼莫名伏  
念年伯大人棟梁國家鉅鐸鄉里豐功茂績載在簡乘比年養志林  
泉累徵不至每有大事輒得一言爲行政諸君之準的東南黎庶復  
賴以殖業阜生海外資鏡羣倫宗仰又親見足下克家述志及身顯  
揚易簣之頃骨肉環侍鄰里哀號所謂備福九疇歸真一德者已以  
足下至孝性成定逾流輩然毀不滅性昔賢所詔況年伯大人名山  
事業經緯萬端尤賴善爲承繼尚希爲國節哀順時自勵設禱良殷  
驥暫返滬埽地違帶水致稽躬弔先肅馳唁至乞垂察不盡哀思世  
愚弟楊天驥頓首

孝若先生有道前在都門獲接清光渥荷垂青恭聆雅教感殷勲之  
高義早篆結于五中別時過蒙獎飾囑時通書竊以高貴不敢以鄉  
俚之言致瀆清聽惟江天翹首未嘗不神馳左右思得長侍以爲榮

也。乃滬報傳來山海崩裂。驚悉彪炳千秋之南通老人。星隕江頭。千里後生。能不悲悼。嗚生也。晚問世甚淺。于老大人座右。殊鮮晉接。會因墾地事。一度趨謁。得老大人循循善誘。和藹近人。乃不期爲所感動。事隔數年。猶常私頌。不料一見之後。竟成隔世。哲人其萎。小民何依。嗚又安得不臨風灑淚耶。伏念貴縣乃濱海之一縣耳。地非沃土。財賦險要之區。得老大人經之營之。匪特爲全國之楷模。抑且爲外人所讚美。是老大人之名。已隨南通不朽。先生其亦宜稍節悲哀。留康莊之軀。他日謀萬民之福利。盡老大人數十年之餘志。家國兩賴之。先生之責。不綦重歟。此嗚之所以不揣謏陋。必欲馳書以慰唁先生也。題糕節氣。嗚必南遊。屆時定擬趨闕叩奠。一罄愚忱。先生愛我。當不以微賤而擯棄之也。臨風淚落。不盡區區。百維珍重。不宣。孫劍鳴竭誠謹頓。

孝若先生大鑒。銘自美歸國。卽到通擬訪存耆老。後晤紡校諸先生。皆言耆老病篤。以是中止。返家後讀報。驚耗殊深。哀悼僉謂中國實業前途影響匪渺。茲特附輓聯一副。以寄惋悼云耳。尚希節哀。忍痛以維國是。專肅卽頌。公綏教晚。徐銘謹啟。

孝若先生禮鑒。憶辛酉之春。與足下在淮海實業銀行晤教。一見如故。盤眷在胸。倏已六載。乃近得尊大人愕音。悲風頓至。如柱石倒。如



藩屏撤。知公素孝。哭必更痛於他人。惟大器甫成。繼志有責。而地方人心屬望尤重。萬維抑哀。爲國自惜。則異日顯親正所以孝親。想明哲如公。當不以斯言爲迂也。綱適旅滬。又以感冒。未克親奠。又遲遲慰唁。甚歉甚歉。謹寄呈拙著輓聯。聲律莫辨。特聊表愚誠而已。可否賜掛靈幃。尚希尊裁。再如惠示。乞寄南通劉橋市宋存濟轉交。是幸。不勝臨穎哀悼。順頌幕安不一。李師綱頓首。

孝若鈞使崇鑒。閱報驚悉。耆老騎箕之耗。哲人云亡。邦國殄瘁。不僅私情之慟已也。乞節哀順變。爲國珍重。謹言孝思。并請苦安。龐樹松孝若仁兄世大人。苦次。憶自辛酉秋。由都南下。繞道珂鄉。敬叩尊翁。嗇師年伯。大人福安。回詰實業銀行。獲聆雅教。頓慰渴思。別後流光。電駁。瞬經四年矣。樛輝在望。翹企爲勞。沂鬻伏梅溪。於今三載。空山飢走。徒喚奈何。頃閱報紙。驚悉尊翁。偶抱微疾。遽歸道山。老成凋謝。悲悼殊深。伏念尊翁。鴻才碩學。大魁天下。顯親揚名。奢願已遂。況甲午而後。力圖自強。提倡實業。創辦各廠公司。成績昭然。民國肇造。榮授農商總長。公忠體國。大道干城。厥後辦理地方自治。盡心規畫。卓著勛勞。綜其生平事蹟。罕與比倫。且年臻上壽。福媿汾陽。而吾兄又夙具經世才猷。遊學歐美。位躋學士。學成歸來。襄辦實業。組織新政。鳳毛濟美。名播寰區。今老大人跨鶴西歸。俯視人間。毫無遺憾。然我

兄純孝性成自必踴躍逾恆有不能自己者務祈善體親志以禮制情節哀順變以慰先靈勿過哀痛是所切禱沂素承垂注理應趨叩靈幃躬親弔唁祇以關山修阻兼之大病初癒元氣未充弗克如願寸心歉仄莫可言宣惟有位供高樓燒香化楮朝夕跪拜聊報師恩於萬一也拙撰輓聯及贈儀節後到通親詣靈前祭奠肅先專唁並候孝履伏希珍衛弟程宗沂拜啟

孝若先生苦次頃閱報載驚悉令尊大人於昨日棄養山頽木壞駭悼莫名執事純孝性成大故遽遭不知若何哀痛惟念毀不滅性古有明言尚祈節哀順變以禮制情是所企禱蔣蓉生會務羈身不克躬申芻蕘良用歉然專此奉唁敬希芘察諸惟珍衛不宣蔣蓉生謹啟敬啟者昨因令尊季直會長遽歸道山當於寢日代電奉唁計荷鑒察同人遠處春申會務殷繁未克躬臨祭奠至深歉仄茲特託本會江蘇隊隊長沈君卓吾代表趨前祭奠並陳白綾輓聯聊表哀思至希察存為荷目前國難方殷端賴賢達定亂扶危尚祈節哀順變為國珍攝以慰令尊在天之靈尤為至禱此致本會調查部主任張孝若先生禮祺中華全國道路建設協會謹啟

孝若仁兄鈞使世大人苦次前歲趨赴南通晉謁令尊大人適我兄因公赴滬致未獲親丰儀時引為憾正深懷想忽閱報計驚悉令尊

大人偶爾違和道山遽返再三展誦愴惋莫名吾兄純孝性成痛遭大故自必形神骨立哀毀逾常惟念令尊大人齒望優尊躬膺福祿雖歸真於天上無遺憾於人間尚祈順變節哀是所深禱捷以于役微差未克躬奠靈幃謹呈輓聯一副卽乞代荐聊表哀忱專此奉唁孝履惟希自衛世小弟沈乃捷頓首

敬啓者異僻處草野與世無交而對公橋梓雖乏平生之雅實深景仰之思茲聞封翁溘逝歎惜殊殷謹撰聯語藉表感惜肅此奉達敬請孝若先生禮鑒毛羽異頓首

孝若仁仲大人禮次頃閱報章驚悉老伯大人於前月廿四日棄養山頽木壞駭悼莫名素藩執事純孝性成大故遽遭不知若何哀痛惟念毀不滅性古有明言況窳窳夫安不獨責重承家尤當勉終大事還望節哀順變以禮制情遠切翹馳無任軫抱達關河迹阻未獲躬奠生芻萬分悵仄言念影堂典刑猶在謹具祭幃一軸輓聯一副用展微忱至乞代懸是所跂禱肅此敬唁孝履諸唯素照不宣如棠瞿鴻達謹啓

孝公先生禮鑒猝遭大故中外同悲哲人其萎邦國殄瘁聞耗之下愴悼實深雖然老成凋謝尚有典型善繼善述以後幸賴傳人務希吾公勉襄大事強抑哀思并乞珍攝爲重除翌日躬親叩奠外謹此

先電弔唁管駿捷叩

孝若會長禮鑒頃讀滬報驚悉耆老作古悲駭莫名道五年以來承  
耆老垂青訓誨時加優禮逾格私心感激圖爲蟻報今遠仙遊驚痛  
曷已且遠游萬里叩弔無由扣衷自問罪戾滋深敢即電祖法兄代  
表趨通叩唁以盡寸心惟願鈞座順變節哀亦所以慰耆老在天之  
靈今兵禍未已政事疾變還宜靜處抑憂爲他日戮力邦家之備道  
懷恩未答誓效馳驅此間棲處未忘舊施也謹函奉唁祇請禮安伏  
惟亮察祕書朱忠道謹肅

孝若先生苦次敬啓者讀報驚悉尊大人仙逝噩耗無任哀悼尚希  
先生爲國爲親善自珍重茲寄上輓聯一付聊表微忱乞勿以禮非  
見棄則幸甚矣手此敬請禮安趙恨天敬唁

孝若大孝子禮次前者上書敬賀長江水利新任之喜計登記室二  
十五日忽聞尊甫晉公薨於里第之耗遠道乍聞將信將疑繼閱申  
報證明大星果殞輝不禁頓足鎚胸痛哭流涕者久之在吾子孝思  
純篤尤必哀毀異常惟念我師名世挺生旣擢巍科卽辭顯仕事業  
冠時功勞在國凡此皆由道德文章經濟學問所發揮故能福邁羣  
倫壽登大耋豈第當今第一尤爲史冊無雙毫髮無遺九京含笑矣  
惟冀大孝子節哀順變珍重關係最大之身以繼志述事敬承大業

爲重。以慰吾師在天之靈。宜聖所謂善繼善述爲之達孝矣乎。此所  
生故吏所馨香禱祝者也。願吾子勉之。勿以人微言淺而忽之。昔孔  
子之喪。門人爲臣。輝本擬卽日來通。撫棺一慟。因前次回漢。在途感  
冒暑濕。今腹泄雖止。元氣未復。正在調理。一俟調理稍可。卽當詣通。  
共襄大事。以報師恩於萬一。而服心喪三年。先此奉唁。大孝伏維珍  
攝。不宣。世小兄余篤輝頓首。

孝若先生苦次。前閱報章。驚悉齋老先生西遊。聞聽之餘。不勝駭異  
之至。究係何疾壽終。錫恩未能侍前。殊深罪甚。齋老一身治國有方。  
文理博學專家。實業專家。則國不幸。則民不幸。素識先生純孝動天。  
當然哀痛。祇以窳劣未安。尚希勉襄大事。切勿哀慟超之過甚。是所  
切禱。錫恩有志送齋老先生徽祭一堂。不知先生能否賞收。如蒙賞  
收。請卽賜回示。錫恩准於接信後一日。赴揚。邀請祭友。至邀請祭友  
之費。由錫恩負擔。祭友赴通。由南通招待。是否有當。不勝待命之至。  
專此敬請。苦安。黃錫恩頓首。

世叔大人苦次。日前郵上寸楮。計已早登記室。茲特寄呈綢幃一軸。  
聯語一付。雖言之無文。不足以彰盛德。而區區思慕之忱。藉此表示。  
伏祈代懸靈右。是所企禱。姪由常熟回寧。銷差謁見某公。面承嘉獎。  
但恐事過卽忘。終抱向隅已耳。謹此布臆。恭叩。苦安。伏乞垂鑒。世小

姪劉銘彝謹上

孝若仁兄先生苦次前見報載耆老夫子遽歸道山駭悼莫名仰式  
典型愴然屑涕竊思夫子名滿天下年登大耋貽嘉種於芝蘭播芳  
馨於桑梓吾兄孝惟承志禮重守身尚祈順變節哀是所至禱弟分  
應執紼徒以關河迹阻不克躬申芻奠謹寄呈輓聯一副用展微忱  
至乞代懸是所歧禱肅此敬唁孝履諸惟珍衛不宣弟李宏增謹啓  
孝若先生禮次久欽雅範未接芝儀上年秋間敝廠以孺慕之忱派  
員趨謁令尊道貌荷蒙謙光俯逮接見殷勤並承垂詢賜教飭司導  
引參觀藉廣聞見良叨裨益闊別迄今企仰靡已昨閱滬上時報登  
載驚諭尊老大人騎鯨西去瞻望仙塵曷勝追悼在令尊福壽全歸  
原無遺憾而先生誠孝克盡允妥仙靈謹撰俚言藉伸哀悃尚希賜  
懸靈几冀邀冥鑒肅泐敬頌禮安宜昌平民工廠啓

孝若先生賜鑒弟於本月十二日由海門宋季港乘輪來申與友人  
接洽要事於十四日讀報驚悉齋師忽患暑濕病勢危險當時迭延  
中西名醫診治收效極微竟於十七日午刻逝世弟在上海大達局  
得此信息本欲即刻乘輪到通親至齋師靈前祭弔奈爲大風所阻  
輪船停開三日故不克如願爲特稟明待後數日弟當躬詣齋師靈  
前補弔以盡弟子之禮肅此順頌禮安弟倪不嘉謹上

孝若公使台鑒敬啓者。月前尊公仙逝。鎮聞耗之餘。頓失瞻依。五中摧裂。伏以齋公文章道德。經師人師。友邦奉若斗山。全國資其模楷。一朝委化。萬衆啣哀。不獨鎮一人之私痛已也。本擬趨前叩奠。作秦失之三嚎。祇以軍務倥傯。不遑偷暇。現已五虞期屆。理宜一束申忱。用託舍親左漢起君代表靈前。敬謹致奠。并祈吾兄勉抑哀思。爲國自重。臨穎神馳。祇請孝履。弟張鎮頓首。

孝若先生苦次。都門一敘。瞬經多年。南北參商。時以不獲。請益爲憾。近閱報章。驚悉尊甫大人騎鯨之耗。斯人斯德。悲悼殊深。在先生之孝思純篤。自必哀毀逾恆。百身莫贖。然尊甫大人功名事業。彪炳寰宇。軀殼雖損。精神猶在。尚望節哀順變。善繼善述。是所至禱。冠英屬在鄉誼。雖無書札之頻投。而私慕之忱。似難無一言以爲言。爰具一聯聊誌哀思。伏祈鑒納。是幸。肅此敬叩。素履陳冠英拜啓。

孝若先生苦次。今春到通。與尊大人杯酒言歡。幾度聚首。不料噩耗傳來。遽歸道山。老成凋謝。全國失此柱石。哀悼實深。足下遭此大故。自必哀毀骨立。尚希仰體尊大人在天之靈。節哀順變。勉盡人事。特此致唁。並請孝履。吳家駒頓首。

孝若先生禮鑒。在滬驚悉。令尊大人偶膺微疾。遽返道山。悲聽下風。同深愴悼。遙想閣下純孝性成。驟遭大故。自必哀痛逾恆。惟念令尊

大人聲華蓋代中外咸欽一日西歸諒無遺憾尚祈以禮節哀勉襄  
大事是爲至禱茲謹具紉幃壹懸伏乞代薦靈幃爲荷專此謹言孝  
履並頌素安高翁頓啓

孝若世兄禮次連日閱報驚悉音師不諱想是無訛但下筆之間頗  
覺心境恍惚不甚信吾師圓寂如此之速如有正式通知務祈見示  
至盼月前尚有拙著大同學案書二冊寄呈師閱不圖化去也百感  
交集無可能說卽頌禮安劉仁航再拜

孝若世兄禮鑒憶自壬戌之歲端陽之月爲公民之祝射策師門鈞  
誨遙承如凜當頭一喝金鍼暗度業已服膺五秋今歲夏間小兒北  
上迺敘歷年學況運實於虛並期反經興民修辭進質雉水狼峯之  
上舊夢時圓黃山白嶽之間中心若結孰意秋風噩耗紛至沓來始  
僅暑濕恙沾幸聞略愈繼乃危迫狀現猶報轉機終則平日昏迷冀  
清明或可復後竟當陽大覺御炎精以騰天嗟乎泰山其頽舉世安  
作梁木其壞小子何依長歎一聲夙夜有如迷醉側身四顧天地爲  
之低昂嗟乎節屆中元曾見大星之隕光騰箕尾宛同傳說歸真豈  
吾師之生有自來而其逝則固有所爲耶嗟乎輾轉中宵神明來告  
盱衡當世德業難忘先器識而後藝文補秦火以來之闕籍由藝文  
而反德禮振飛鷲所慕之好音願世兄繼述將來節哀順變庶靈爽



憑依有主。裕後光前。揮淚含毫。聊表心香。一瓣素箋。白簡。敬請禮安。  
世第程秉昌郵唁

孝若委員長素鑒。伏處草茅。久疎箋敬。昨閱滬報。驚悉尊公督辦大  
入指館。深爲駭愕。素仰鈞座大孝性成。當此大故驟遭。自必逾恆哀  
毀。惟念督辦文章。泰斗海內。咸仰宗風。實業大家。歐美亦欽重望。一  
旦功成身去。繼起有人。可百年亦可一日。無罣礙。並無遺憾。尚乞爲  
國自重。以禮節哀。是所叩禱。選璋遠隔。鷺埃未申。鶴弔痛懷。山頽木  
壞。徒切心喪。遙瞻白馬。素車。謹此奉唁。順候孝履。諸希珍衛。黃選璋  
鞠躬

孝若仁兄禮次。近已觀各報詳載。嗇師喪事。及恤典。證實確已仙逝。  
披覽之下。震悼曷極。微事羈身。目前亦不能飛來親弔。至深悚愧。謹  
具輓聯一副。隨函寄上。聊申微忱。所願南通模範縣精神。永遠常在。  
觀音慈悲事業。與日俱新。卽吾師光芒常昭也。專此布達。卽叩禮安。  
弟劉仁航再拜

孝若先生足下。閱報知尊大人季直先生於前數日仙遊。國失老成。  
海內外咸爲悼惜。張老先生功名勳業。舉世皆知。自必垂諸青史。惟  
其遺聞軼事。亦有不可湮沒者存焉。俾在友人處。得閱他所珍藏之  
張老先生微時手澤原箋。乃是致惲莘老手書。其中璧返。何某觀察

所贈乾脩洋錢十八枚一層足見尊大人未顯達時其廉正之氣已確立後來事業之基偉以爲當此尊大人棄養之時正足下當表揚其一生盛德之日因勸使敝友將原箋璧返尊府便足下於白雲瞻慕之餘得此以爲把玩示諸親友使知先尊大人功業彪炳之由來固素有誠意正心之功夫在也敝友具成美揚善之心察其意倘得相當代價亦必肯爲割愛偉特乞得該原箋照片一張夾呈尊覽倘足下有意購取原箋偉必樂爲奔走也如何之處乞便示復爲盼敬問道安

頓首

孝若專使大鑒敬啓者

另有張老先生前數年手書一通證明該件確爲其親呈覽劉寰偉

日前驚悉令尊老伯大人偶染微恙遽歸道山噩耗傳來曷勝悲悼我兄純孝性成驟遭大故自必哀毀逾恆竊維尊公文章經濟薄海同欽今雖捐館舍而碩德令聞昭示來許可謂無遺憾矣我兄夙受庭訓將來繼志述事所以光大之者至重且鉅尚祈節哀順變勉襄大事則尊公在天之靈當怡然更慰矣專此奉唁敬頌禮安弟王正聿謹啓

孝若世叔大人素鑒手畢久疏心旌彌系茲者驚悉太世伯大人騎箕應召跨鶴仙遊聞信以來莫名哀悼伏惟世叔大人趨庭見背陟岵傷心當大故之猝遭定逾恆而毀瘠第念太世伯大人望崇碩德

壽逾古稀遺澤敷徧夫江淮大名昭垂於中外在天靈爽缺憾無留尚祈以禮節哀爲國珍重是所至禱姪鷗踪間阻鶴弔未親祇遙仰夫崇幃心香謹蒸撫微忱而增戀手奏先陳專肅奉唁恭叩禮祺世愚姪孫元方謹上

涇啓者頃閱報載驚悉季老先生於夏七月十七日午刻遽歸道山國瘁人亡殊深悲悼尚祈台端節哀順變以禮制情專此奉唁卽請孝若先生禮鑒榮宗銓謹啓

孝兄惠鑒昊天不弔奪我元老舉國震驚矧在門人兄純孝性成其哀毀自非楮墨所可言喻惟南北風雲日惡鄉里實業待興後死之責至艱且鉅尚乞節哀順變崇禮制情以慰先師在天之靈語短心長務祈鑒察專肅奉唁敬請禮安弟季新益頓首

孝若公使禮鑒斐煥因事返里正欲馳書問候忽閱報驚悉夫子大人偶櫻微疾遽歸道山仰式典型愴然膺涕竊念夫子大人躬膺福祿齒望優隆貽嘉種於芝蘭播德澤於桑梓況爲全國仰望一言而興邦定國今哲人其萎萬民震驚我公純孝天成自必哀毀逾恆然禮重守身尚乞勉節哀忱用襄大事是所至禱斐煥因僻處鄉陬交通不便不能卽時趨叩靈前殊爲耿耿未悉窳安奉安何日倘蒙賜復斐煥當親來執拂以盡弟子之禮專此奉唁孝履並候素祺張斐

煥謹啓

孝若先生苦女。頃讀申報。驚悉尊公齋老先生。於夏正七月十七日。作古。曷勝悲恫。伏維齋老實業先導。國家耆宿。嘔心血於和平。統一。瘁精力於利國福民。而辛亥一役。斡旋南北。共和之政體。克成。癸丑。用兵。苦心維持。東南之蒼生。攸賴。凡所設施。功在民國。噩耗傳來。中外同愴。先生至性。過人。猝遭大故。能不哀慟。惟既以身許國。尚祈節哀順變。繼承齋老未竟事功。以慰在天之靈。大孝之道。其在斯乎。肅此奉唁。祇請禮安。沈冲再拜。

孝若公使鈞鑒。忽見報紙。驚悉尊公謝世。曷勝傷感。伏念先公五福備膺。道山返璞。生榮死哀。了無遺憾。尚冀節情順變。以述事繼志。爲心。是所禱切。肅此敬頌禮安。陸嶺謹叩。

孝若先生世大人苦女。山崩木壞。天下震惜。弟以恩知。尤深痛悼。恨羸疾在身。不能踰往。會殮。相與痛哭。先生純孝性成。猝遭大變。摧毀自不待言。然慎終追遠。後事彌重。繼志述事。達孝所崇。尚望順變。節哀。念茲負荷。上慰夫子在天之靈。下副海內知交之望。隕涕馳言。尚希賜鑒。弟黃祖謙頓首。

孝若先生大鑒。久違塵儀。瞻企無從。自秀三二月初旬回國後。原擬前來晉謁崇階。藉聆教益。既到滬上。身爲事務所羈。現又就法公廨律

師職務籌備正極忙碌未克如願悵甚歉甚近閱報載驚悉令尊大人遽歸道山莫名震悼尚祈閣下順變節哀以禮制情國方多難需才孔殷願善護惜爲國宣勞幸甚特此馳唁並頌道安鄭毓秀謹啓

孝若仁世兄先生素鑒頃閱報載驚悉尊公大人遽歸道山知遇之恩未報感傷之心無極執事純孝爲懷自必哀毀逾恆惟思執事一身關係於善繼善述者實至遠大尚祈一本禮制以爲民望以慰先靈專肅奉唁祇請吉安林承炯拜上

孝若先生苦次前見報端驚悉年伯大人棄養駭愕莫名定知至性哀過恆情惟念年伯望重主璋慶綿蘭桂大年克享殆無遺憾尚乞節哀順變以禮制情遠切翹馳無任軫抱雪以校務羈身又患小恙不獲即日躬申芻奠至深歉仄言念昔日慈誨殷殷精神矍鑠典型宛在悲悼莫名會快函奉懇范老伯母暫爲致奠當蒙俯允俟賤軀稍寧卽當束裝就道先此敬唁孝履謝雪謹上

孝若仁弟禮次霹靂一聲驚聞尊大人捐館之耗疊披報紙並悉病狀醫治詳情風雨飄搖之國摧此棟棟民將安仰實關國運愴歎何窮然自古之大聖大賢亦莫不以形骸爲暫寄異於人惟此道德勳業光照世界耳尊公盛德大業近無與比卽其緒餘言論亦足爲後世研究之資不朽有二對之無愧老弟膺茲大故重寄千鈞凡關喪

葬典禮在在皆恃精神貫注慎重參詳亟宜勉抑哀思以妥先靈而  
光鉅典不勝切禱專肅寸啓恭唁孝履並祈爲國珍重愚兄鄭壽仁  
敬啓

孝若仁兄世大人禮次正深企念忽聞哀音驚悉師大人錦堂棄養  
山頽木壞中外同悲丙然感師門之深恩更傷慟而無極然回念吾  
兄孝思純篤大故猝膺自必逾恆悲痛惟以吾師福壽俱備德望兼  
隆吾兄爲國賢勞務乞順變節哀是爲至禱丙然遠羈職守不獲趨  
叩靈几臨風隕涕悵結曷勝謹具輓章一付略伸寸忱請祈管入肅  
此奉唁禮席敬祈葆衛並希垂鑒世愚弟蔣丙然頓首

孝若先生苦女尊翁仙逝薄海同悲噩耗傳來尤深悽惻執事純孝  
性成自必哀毀逾恆惟禮隆飾終法重守身尚祈爲國珍重勉抑哀  
思以當大事弟因事阻迹不克躬趨弔奠歎及莫名專此函唁敬請  
禮安並慰孝履不戢弟楊錦龍頓首

孝若先生閣下久不見念念今晨披閱報端驚悉尊大人已於昨午  
逝世曷勝哀悼日內擬來通一弔端此敬請秋安錢昌照頓首

孝若仁兄公使禮次江天遙隔時切馳思每擬趨候起居輒以人事  
牽率疾病糾纏未獲成行至今悵悵日昨病起驚悉老伯大人鶴馭  
西歸震悼無似閣下仁孝性成遭此大故哀毀可知尚祈勉節痛思

爲國自珍引領遠望曷勝禱幸謹布區區藉伸旨意專泐敬頌禮祉  
弟李祖年頓首

孝若仁兄世大人閣下驚聞師耗無限愴懷沐培植之深恩愧涓埃  
之莫報撫躬自疚如何可言閣下純孝性成講此大故諒必哀毀逾  
恆惟念繼志述事古訓昭垂處變達權哀思宜抑敢望爲國自愛無  
任依馳郵奉銀屏一方刻以聯語用誌悲感不盡萬一專肅敬言禮  
安教弟汪承煊頓首

孝公會長苦次前上快郵敬賀榮膺特命計達典籤頃讀報章驚悉  
尊大人嗇老督辦於夏曆月之十九日溘然長逝逃聽之餘殊深慟  
悼鈞座純孝天成乍違色養必有哀毀失度者伏以尊大人仙游天  
上功在人間彪炳千秋毫無遺憾尚祈勉抑哀思用襄大事上慰在  
天之靈此則毓果所私衷企望者也茲由家嚴處薄具奠儀到時乞  
代呈靈几以當束芻之獻毓果都門株守道阻且長躬弔未能神傷  
曷極肅箋奉唁并候素履統維垂察不莊徐毓果謹肅

孝若專使大孝昨閱報章驚悉尊大人倏經仙逝得信之下曷勝悼  
痛想吾兄至孝性成定必哀毀逾恆痛不欲生弟念尊大人德高配  
天名垂不朽凡有血氣者莫不尊親況一切模範事業績緒有公在  
尊嚴當亦含笑於地下伏望我兄節哀順變勉襄大事是爲至要良

自二五月間到南通三次。屢見尊大人精神矍鑠。倍越尋常。在良私心竊冀以爲東南老成。必臻期頤。上壽詎料天不假年。竟棄後學而長逝耶。前日聞染清恙。早宜詰前請安。乃以脚氣不克行動。以致遲遲不果。致深抱歉。追悔何及。改日當登堂拜奠。送葬。敬先奉唁。並頌孝思。愚小第趙秉良頓首。

孝若仁兄大人苦次。遠闕芝輝。方深葭溯。頃晤汝閔兄。駭悉老伯大人易簀人間。騎箕天上。痛老成之見背。嗟道範之云遙。瞻望雲天。曷深愴悼。我兄心地肫誠。情天純孝。其爲摧剝。詎有涯量。弟念老伯大人福備林千。壽臻大耋。澤周桑梓。樂樹之德在人。秀啓桂蘭。畢萬之家。必大允無遺憾。諸冀節哀。弟遠阻鵬程。莫親鶴弔。愧執紼之未襄。具束芻而待寄。專肅敬唁。素履。弟馮培駿頓首。

孝公賜鑒。晨在吳宅。驚悉督座於敬午遽賦仙遊。噩耗傳滬。震悼萬狀。尚望我公節哀順變。用襄大事。華因庭務所羈。一時不克成行。謹先奉唁。祇頌禮安。諸希珍衛。不莊。邵樹華叩。

孝若先生苦次。久疎牋候。正企與居。頃于電局驚悉太老師念四日棄養。悼惋曷勝。我公至性過人。嬰此大故。自必悲痛逾恆。惟念太老師高才碩德。名重寰宇。騎鯨西逝。無少缺憾。我公爲國宣勞。尚祈節哀順變。是所至禱。應子遠編職務。不獲趨襄執紼。深歉下懷。專此佈。



慰孝履諸惟葆衛不宣周應壬謹上

孝若吾兄禮鑒前聞年伯大人仙逝之訊無任震悼曾致電慰唁當  
經營及伏念年伯人倫碩望舉國同欽一老不遺曷勝典型淪落之  
感吾兄純孝性成忽遭大故將何以堪仍祈順變節哀至為盼禱茲  
遣人奉寄聯幛兩事乞代致几筵以表微忱設奠之日當更買舟致  
祭英美煙公司董事部諸君亦表同情之矜惜曾公送幛屏一方並  
屬弟代致慰唁伏祈鑒及專肅即請禮安弟沈成式頓首

孝公節座大孝昨夕展讀申報驚悉尊公恩師遽作古人哀耗傳來  
不禁痛哭失聲匪特省運由是減色抑且中國之不幸也峯生平受

知切恩最重者前惟王先生壽萱宋先生遜初民元二在滬投嶺民  
立民權等報由是受

後惟尊公恩師竟不幸先後凋謝悲傷萬分謹先撰哀詞一首乞

鑒并望公公少抑哀痛勉襄大事為禱謹此唁慰上叩禮安受知支一

峯叩

四妹夫 苦女昨閱滬報驚悉老伯大人遽歸道山木壞山頽曷勝哀

悼吾妹夫 純孝性成自必逾常哀毀弟念老伯大人名震中西望隆

山斗福全德備子孝孫賢固已榮哀備極遺憾毫無吾妹夫 責在承

家守身義大尚祈勉節哀思以慰慈闈而襄大事不勝企盼照病處

寧垣勿忽聞惡耗恨鳧趨之迹阻徒鶴弔之情殷先此致唁敬候孝履

陳汝熙拜泐

孝若世大兄苦次江關迢遞時歧清標乍得電音驚悉尊大人偶抱微疴遽謝賓客報紙謂以飲食致疾有杜陵牛酒之誤回憶木天翔步仙侶優游曾幾何時皆成夢幻五中惻怛匪可言宣賢者上稟遺型周行騰譽凡尊大人文章經濟暨所手闢大江南北美利之源爲萬民之所飲食衣被者必更有以充實而光大之以成績述之孝若哀號踴踊或致逾情非所望於賢者亦非賢者所自許也附上輓額聯語至希飭張藉當哀誄祇言孝思不盡徐世昌啓

孝若姻叔大人左右奉讀條電驚悉四太姻伯遽捐館舍愴悼曷勝當復就電諒已上達伏念四太姻伯學問事業彪炳人寰固不特國人之欽佩已也我叔純孝性成一日音容頓隔哀號踴踊自屬靡旣姪更何能以世俗譬喻之浮辭陳諸左右第思地方事業正待策畫進行國家政務亦需籌襄展布我叔承先啓後自宜強抑悲懷宣述遺緒使之發揚光大以慰四太姻伯在天之靈況三太姻伯年事高邁友愛天生乃隕池塘之春草落庭院之荆花傷感又必無已尤賴我叔從旁勸慰以稍釋老人之悲懷是則我叔更不以毀形滅性爲盡孝矣專肅奉唁並頌禮安姻姪劉光謙拜

孝若先生閣下昨披滬報驚謠老伯大人於月之廿四日棄養山頽

木壞痛悼莫名。伏維老伯大人國家泰斗。海內沾恩。宏業宏功。邦人共仰。固非齡等桑梓情關。而悲懷莫展也。素仰閣下純孝性成。大故遽遭。不知若何哀痛。惟念毀不滅性。古有明言。況窳窳未安。不獨責重承家。尤當勉襄大事。還望節哀順變。以禮制情。遠切翹馳。無任軫抱。關山修阻。陳逐公私。未獲躬申芻奠。悵及萬分。遙肅蕪箋。敬唁孝履。伏維珍衛。諸懇素照。不宣。殷芝齡。戈公振。仝謹啓。

孝若仁棟公使大人禮次。日暮江東。正切樹雲之望。秋高塞北。忽傳薤露之歌。閱報驚悉。嗇師大人安居珂里。遽返道山。想吾棟天性過人。更不知若何哀戚。然事親之道。繼述爲先。事亡如存。尊逾乎養。若毀而滅性。轉無以安泉下之心。此所以望風悲感。翹企素幃。而匪敢以尋常函唁者也。聞耗理宜肅具瓣香。踵靈敬奠。奈月餘病足。不良於行。迄今未見痊可。爰謹敬焚香端肅拜書。大乘金剛般若波羅蜜經全部。爲先師祝冥福。卽爲弟子表微忱。尚祈俯納愚誠。賜焚靈前。藉申蟻篆。俟執紼有期。會當趨前叩奠。并唁素履也。出而肅致唁。敬請禮安。同學兄胡馥元手啓。

孝若公使禮次。英於月之十三日。盪回沈家門省親。因俗務冗繁。未曾閱報。昨日回滬。始閱報載。驚悉老伯大人薨逝之耗。梁木泰山。忽頽壞。悲惋失措。中外僉同。伏念老伯大人。巍才碩德。功在東南。耄

養廉強精神不倦。溯其平生事蹟。辦理實業教育。如恐不及。各工廠公司地方自治。始終不懈。國家社會倚爲安危。胡不憇遺。大星遽隕。海內震悼。靡有已時。我公使瞻戀庭闈。遽遭大戚。何敢以節哀順變之辭。郵書勸慰。惟是萱蔭在堂。承家責重。敬祈讀禮之餘。勉自珍攝。是深翹禱。英服務滬局。依舊應勞。稍緩詰靈。而展拜先申。悲痛於私衷。而肅素簡。恭言禮幃。諸惟珍衛。弟王灝英頓首。

張先生苦次。敬言者。刻駭悉尊大人。倏捐館舍。遠去塵囂。驚悼莫名。涕零曷禁。山河迢遙。不克趨弔。惆悵何似。尚望節哀繼志。以慰先靈。肅此寸啓。奉言素履。統維自衛。不備。倉知鐵吉拜啓。

孝若大兄禮次。弟避暑牯嶺。於前日回蘇。閱上海轉來尊處條電。始驚悉尊甫大人之喪。梁木泰山。忽焉傾頽。悲惋失措。中外僉同。伏念尊甫大人。偉才碩德。冠冕一時。經濟文章。垂範後世。至於提倡實業。開中國風氣之先。則功尤不朽也。此有志之士。所以聞耗。嘆息不能自己者。而弟猥以平生之雅。同處患難。過荷期許。居恆追憶。不忘今者。人往風微。借鏡無資。言念及茲。可勝一慟。吾大兄孝思純篤。遭此大故。何敢慰解。以言辭。惟禮適於中。哀無過毀。尚祈勉承先志。善自節宜。是深盼禱。道遠莫致。芻奠容後續陳。先此馳言。敬請禮安。并希珍衛。不宣。弟劉樹森頓首。

孝若仁兄先生苦次敬啓者驚聞令尊喬老先生遽歸道山曷勝悲悼伏望節哀順變以慰在天之靈弟遙阻雲山不獲躬親祭奠謹撰輓聯一副藉申哀悃至祈訖收爲荷謹此奉唁順候孝履弟徐百揆鞠躬

孝哥有道接通雷悉查師仙逝曷勝震悼陰八月初卽束裝就道到通祭奠專此致弔餘容面談順頌孝履弟凌霄鳳頓首

孝若公使仁兄大人閣下閱報載驚悉年伯大人偶染微疴忽謝賓客人亡國瘁哀悼曷勝執事純孝性成突遭大故定自哀毀逾恆惟念先伯大人文章事業震鑠人間名在天壤歿無遺憾茲雖長逝而典型猶存足爲後世矜式執事繼志述事職責匪輕尚祈節哀順變以成大禮謹此馳唁伏乞垂察附呈輓聯并希薦懸靈右肅泐奉達卽頌禮安愚世弟項肩敬啓

孝若公使苦次驚傳噩耗痛哭典型感託此於亂離增難言之愴悼吾公乍違色養悲痛可知尚希爲國節哀益光先德不勝禱幸敬先奉唁祇候素履弟許銘範稽首

孝若會長苦次導江揚子方賀提綱頽木泰山遽聞失怙以蜚聲之雛鳳爲銜卽之皋魚回憶義方定深瘠毀惟念尊甫喬老先生富教經給問明魁傑於大廈將傾之日汲汲謀新而橫流既決之秋復復

存古魚鹽山海自視較管氏爲難禮樂河汾物論駕王通而上嗟茲  
一瞑獨有千秋四海同嗟九原何憾我公箕裘早紹堂構善承尚祈  
稍節哀思勉襄大事二年無改豈徒利賴鄉邦後起有人且冀阜通  
民物禮廬引企軫念莫名專肅布唁諸惟善衛不宣鄉愚弟張中立  
頓首

孝若表弟大人台鑒判袂以來彌殷馳系月之二十四日驚聞表叔  
大人騎鯨之耗曷勝痛悼老表弟純孝性成值此錦堂棄養定必呼  
天搶地哀毀逾恆但以表叔大人富貴壽考蒼集一身道德文章流  
傳萬古生前已絕無遺憾矣老表弟正宜善述善繼修前人未竟之  
緒以慰在天之靈尚冀順變節哀勉襄大事越自幼承表叔大人教  
誨培植期望情深厚誼隆恩五中銘刻聞耗後本應尅日赴通聊伸  
奠醊奈因暑濕侵尋足疾驟發望風痛哭傷與悲俱一俟步履稍舒  
卽當趨叩靈階略展敬禮先此奉唁並候孝履愚仲金越頓首

孝若先生禮鑒頃閱報載驚悉耆老仙逝噩耗傳來舉國震悼山河  
失色神州黯淡尚祈節哀順變爲國珍重以慰尊公在天之靈專此  
奉唁諸希珍儀何仲威頓首

孝若仁兄先生惠鑒弟此次爲泗水華僑代表旅京日久擬將南歸  
突於八月二十六早閱北京晨報登載令尊翁仙逝一節不禁五

內崩摧流涕弗已。念大去歲弟到府上。辱蒙令尊長者厚情招待。贈題扇葉。並囑向南僑招實業股。惜因僑商不佳。該事遂擱。以致未有著落。報命者。番禺旋竊欲再至府上拜候。令尊等安。不料弟福薄。竟不能如鄙願之所欲言之。實傷心矣。但仁兄孝行素著。舉國共聞。節哀順變。善體親心。似無待弟之多贅也。謹此奉唁。敬候吉安。順請潭府均吉。弟葉逢寅謹上。

孝若先生世大人。苦鑒閱報章。驚悉尊老大人。齋庵四先生。棄養之耗。不勝愴涕。伏思尊老大人。艱步建業四十餘年。中外咸欽。朝野集譽。勳名至此。崇榮極矣。順天歸真。夫何所憾。況先生孝行素敦。明允克諧。又老大人晚年。心慰繼志。述事有人也。在先生正當勉節哀思。力肩先業。庶文武之政。永奠丕基。而老大人益安養天上矣。鈞分際雲泥。原不敢妄辭瀆唁。第緬想少壯侍硯之初。魚龍共幕。當時老大人文光俠氣。如在目前。即早歲侍通。備荷視察。會幾歷年。遽成電影。俯仰今昔。如何勿傷。此情感由衷。不以人爵。昧天爵耳。謹唁敬請禮安。世小弟費鈞三頓首。

孝兄公使苦次。昨由工友回濟。見滬報載師座違和方謂吉。人天相可復健康。不意今日報載師座遽歸道山。五內震駭。將信還疑。深冀傳之非真。乃檢閱他報。消息相同。為之痛哭不已。伏念師座偉才碩

德曠代難逢。天不憖遺。山頽木壞。尚忍言哉。吾兄瞻戀庭闈。忽遭大  
戚。哀毀更何可言。惟是偏蔭在堂。承家責重。必宜順變。節哀以當大  
事。庶可上慰先靈。區區之私。不勝切禱。弟以防汎吃緊。急難乞假。容  
俟稍緩。再趨叩靈前。藉伸哭奠之忱。先此肅函。敬唁素履。百惟珍衛。  
不宣。弟談禮成頓首。

謹啓者。嗇老作古。薄海同悲。此間各機關各界。均以輓詞相諉誦。敬  
祈將嗇老年譜見賜一冊。爲禱。肅卽請禮安。弟鄒律頓首。

孝若公使鄉長大人禮次。未親築範。時切蟻思。敬稟者。月前兩上蕪  
函。曾瀆尊公老大人清聽。諒蒙曲鑒在案。頃聞噩耗傳來。尊公於日  
前受正道山驚悉之下。曷勝法愴。追念枌榆蔭遠。桑梓同悲。耆英碩  
德。何處再奉楷模。公使仁孝純篤。奉養南陔。一旦頓隔音容。定然躡  
踴哀號。傷毀逾恆。伏維尊公老大人享壽古稀。福德功全。薄海望重。  
舉國推崇。況公使承先啓後。遺憾毫無。尚乞禮節哀忱。用當大事。惟  
冀惜金自玉。爲禱。晚立世以來。親故家貧。志貞赤手。無計可圖。異鄉  
株守。前程堪虞。倘蒙不我遐棄。務求公使垂念情深。成全一枝之棲。  
藉獲靈階。叩奠願効前驅。想一言九鼎。發跡何難。則終身啣結。感德  
靡涯矣。肅此致唁。諸維鑒諒。是幸。臨穎於邑。敬叩孝履。不備。鄉晚王  
宗耀謹上。



孝若先生禮友。頃閱報章。驚悉令尊世伯大人。偶撻微疾。遽赴道山。仰式典型。愴懷曷已。先生仁孝性成。遭此大故。自必悲痛逾恆。惟禮重守身。尚祈順變節哀。是所至禱。第關處海隅。不及趨助挽歌。無任歉仄。一俟弔期有日。自當躬詣靈前。敬申拜奠之儀也。專此奉唁。孝履維希。自備第翼。廷鶚謹啓。

孝若先生禮鑒。頃閱報載。驚悉季直世伯。偶染微恙。遽歸道山。噩耗傳來。悼恒萬狀。伏望先生節哀順變。以禮制情。遠切翹馳。無任軫抱。特此奉唁。並請禮安。弟張孟平謹上。

孝公鈞長。苦次。端禱。月來又患暑温。甚劇。日昨稍清。閱報驚悉。夫子大人。遽歸道山。一慟幾絕。頃將祭文擬就。正在覓人清繕。繕就即奔。赴靈前哭奠。聊盡哀忱。我公純孝。子乞爲國節哀。襄大事。而慰先靈。至叩至禱。伏枕上言。恭唁大孝。毋任神馳。萬求勉抑悲痛。善保鈞體。端禱。上言。

孝若賢世。台苦次。去歲奉尊甫大人手書。并承惠詩。有鷗邊一壺待。君温之句。本擬秋涼踐此良約。何圖天不憚遺一老。竟作仙游。凶問傳來。何勝驚悼。惟念尊甫年踰七十。旬名垂千古。塵寰撒手。遺憾毫無。尚望順變節哀。勉承先志。是爲切禱。茲因斐叔奔喪之便。草草泐此。敬唁大孝。不盡所懷。世愚弟江瀚再拜。

孝若先生禮鑒日前聞尊大人病訊會具函上詢以爲天相吉人定  
占勿藥何期竟傳噩耗遽賦仙遊誦泰山其頽哲人其萎之句薄海  
有同悲者況辱在愛末更深人琴之慟耶宥日一電奉唁想達左右  
先生純孝性成遭此大變撫楮楸而傷心廢蓼莪而泣血固孝子之  
常情惟冀節哀順變勉爲國家保此有用之軀上以慰在天之靈下  
以副嗚呼之望至盼至禱壽祺雀環有願鮫淚長流他日領帖時自  
當躬詣靈幃放聲一慟以致哀悼之忱先肅寸箋敬唁廬次臨穎無  
任主臣弟費壽祺拜

孝公先生禮次尊公薨逝薄海同悲矧列門牆猶增切怛祇以末職  
羈遲未遑趨奔哭奠抱憾莫名一俟開弔有期卽當北歸恭詣靈幃  
聊伸孺惻惟念師座千秋事業照炳寰區繼起發皇端惟我公是賴  
尚乞顧念國家相需之亟與鄉邦仰望之殷勉抑哀思以襄大事竟  
不朽之業卽所以慰在天之靈幸甚幸甚專肅奉唁敬請禮安諸惟  
垂察不悞徐曄謹肅

公使賜鑒遠睽駿宇恆企鴻裁頃閱報載驚悉季老錦堂棄養不勝  
悲憫功德在世中外同傷我公孝思純篤驟膺大故自必哀痛逾恆  
惟念季老貽謀遠大福壽兼隆我公國家干城務祈順變節哀爲國  
珍攝是所至禱銘遠隔山水不克趨奠靈筵悵歎莫名日前隨玉帥

南返道過鄭州。因家伯父去世。回汴探視。不久即赴漢。昨接漢電云。玉帥於二十七日晨已赴汀泗橋督戰。知注奉聞。肅此敬唁。禮宜。諸惟葆衛。常勤銘鞠躬。

孝若公使鈞鑒。聞老大人於月之敬日午刻仙馭。山頽星隕。寰海震驚。國失砥柱。民乏導師。謹具蕪詞。用申哀悼。張南邨叩。

南通揚子江水道委員會會長張孝若先生禮鑒。頃見報載。年伯總長棄養返真。山頽梁壞。寰宇震驚。我公純孝性成。愴呼曷極。惟年伯德高望重。歸受皆全。尚祈勉體先意。稍節悲懷。藉襄大事。莫名企禱。秦中行叩。

南通張孝若兄。篠電驚悉。惟節哀順變。勉襄大事。是所企禱。冒廣生景璋叩。

南通濠南別業張公使孝若兄禮次。閱報驚悉。尊翁耆老。頓歸道山。曷勝哀痛。謹電奉唁。鮑觀澄叩。

孝若兄禮鑒。昊天不弔。慟失我師。我兄至性純孝。哀毀定逾恆情。但繼述大志。維護鄉邦。卽是兄責。尚祈節哀順變。善自珍重。并祈轉稟退師。萬弗過傷。老懷臨電。隕涕不知所云。馬則民曹廷榮叩。

孝若先生禮鑒。頃閱報載。驚悉令尊季直會長。偶染微恙。遽歸道山。國瘁人亡。莫名震悼。執事純孝性成。自必逾恆哀毀。惟念令尊者年

碩德勛業炳麟功在人間名垂天壤昔年發起本會迭勞贊助今甫  
五載成績昭然方期克享遐齡長資提挈遽聞溘逝十萬會員同聲  
哀感尚祈台從節哀順變以禮制情遠切翹馳無任軫抱專此奉唁  
諸希荃察中華全國道路建設協會會長王正廷副會長許沅總幹  
事吳山叩

孝若先生禮鑒驚悉敬日尊公仙游噩耗傳來國瘁人亡悼恒萬狀  
尚祈台從節哀順變以禮制情遠切翹馳無任軫抱謹此電唁李鎧  
叩

孝若先生禮鑒頃閱報載驚悉尊公晉老先生於敬日偶沾微恙遽  
賦仙遊噩耗傳來莫名震悼尚乞先生節哀順變以慰尊公在天之  
靈謹電奉唁諸希荃察嘉定侯兆圭叩

孝若先生苦女昨閱報載駭悉老大人歸真道山曷勝悲愕惟念晉  
老體氣素強期頤可操左券胡天不憚遺大星遽隕事驚朝野哀徧  
東南閣下繼志述事肩荷正鉅自宜節哀循禮勿過毀傷謹電奉唁  
毋任扼腕江陰吳廷良叩

孝若先生禮鑒得敬電駭悉業師偶嬰時疾遽歸道山噩耗傳來莫  
名震悼惟念業師爲全國偉人江南碩德有三不朽名著寰球執事  
純孝性成異常悲痛尚祈節哀順變勉襄大事無任禱切謙培率於

職務不獲憑棺哭殮歎及尤深謹此電唁諸惟珍衛張謙培叩

孝若公使苦占文驚悉老伯仙逝愴悼曷勝我兄仁孝悲痛可知尚希  
勉抑哀思爲國珍重專電奉唁祇候禮安弟王桂林敬啟

孝若先生鑒驚聞尊甫噩耗梁摧棟折國失蒼龜既哭其私且爲國  
感臨風南望嗚咽無窮謹唁王家裏敬上

孝公世叔大人禮文報載太世叔大人於敬午仙逝天不憖遺國柱  
忽傾遠道傳聞莫名駭痛敬祈節哀繼志爲國造福專肅奉唁容伸  
芻奠虔叩禮安世愚姪黃炎昌叩

孝若先生禮文接電驚悉尊大人仙逝爲之震悼東南一老慘歎淪  
亡木壞山頽吾將安仰先此馳唁藉慰孝思仇繼恆啓

孝若先生禮鑒報載尊翁於敬午逝世噩耗傳來咸爲震悼執事篤  
孝性成自必哀毀逾恆惟令尊者年碩德名垂人間尚望節哀順變  
用襄大事同人等除聯絡滬上各團體籌備追悼外謹此唁聞崇海  
旅滬工商學會代表葉冠千陸鴻儒暨全體會員同叩

孝若先生素鑒殿撰公爲國家元老開實業先河敝會同人久深景  
仰驚聞噩耗悲悼曷勝謹電誌哀并唁禮幃伏維鑒察北京華僑實  
業協進總會會長謝復初暨本會同人叩

孝若先生苦次四老仙逝薄海同悲我公至性過人哀痛自必逾恆

尚祈節哀順變以當大事并祈爲國家格外珍重專此奉唁敬請禮鑒張援叩

孝若先生禮鑒聞報載尊公於敬午仙遊噩耗傳來同人等深爲哀悼追溯尊公提倡民權舉國崇敬敝會年來倚重方殷遽聞仙逝如奪長城除由敝會下半旗誌哀外特此電唁務乞先生節哀順變以禮制情略慰尊公在天之靈中華全國民權後援會委員長薛鈺杰等叩

孝若會長禮鑒驚悉尊公謝世瞻岱云遙海內同深震悼謹電申唁中華全國商會聯合會陷

孝若兄鑒篠電駭悉尊公棄養靈光殿隕鄉國同悲尚冀勉節哀思以當大事至所企盼特電奉唁趙椿年叩寢

孝若先生道鑒噩耗驚傳全國震悼通人感於切膚悲傷尤爲滋深天何不福中原老成繼以凋謝惟竊念老先生在世名績功勳昭如日月當秋耄耋壽考福若江河先生英哲賢明尚祈爲國珍重節哀以禮慎毋過事悲傷以致哀毀骨立則莽莽神州蓬蓬蘇政前途倚畀之重有甚讀禮之日謹此肅唁諸祈珍重不宣蘇皖贛公團聯合會總務主任李鎧文書主任徐義魁交際主任胡濟生叩

孝若星使鑒喬老國家柱石桑梓靈光先甲夙荷垂青殊鮮建白驚

聞星實震痛森淒我公悲深風木慘值較我惟斬稍抑哀思勉襄大事是所切禱程先甲叩

南通張孝若先生鑒尊公東南物望實業偉人驟聞捐館震愴曷極執事繼繩有責先業克肩尚祈勉抑哀思用襄大事做會除公推盛會員竹書代表赴通致奠外謹此馳唁上海銀行公會會長倪思宏孫元方暨全體會員叩

南通州張公使孝若兄苦女前以令尊感冒暑疾敬電慰問旋聞逝世之訊疑爲道路訛傳繼見閣議明令優卹噩耗傳來愴懷曷既我兄純孝性成一日遭此大故自必悲痛逾恆惟當國事大難地方多故之秋尚祈節哀順變秉作述之大義爲中流之砥柱弟浪客他鄉關山間隔除囑一舍弟蘭生恭代弔奠外特電奉唁諸祈節衛弟郁梅生東

南通張孝若兄禮鑒驚悉老伯西歸碩德淵謝薄海悲悼尚希爲國節哀繼竟先業謹唁周椒青叩

南通張孝若先生苦女噩耗傳來者宿遽殞感悼良深執事純孝性成自必呼搶倍至惟尊公文章經濟爲一代偉人已無遺憾執事克紹箕裘尚祈稍節哀思勉膺鉅任無任盼禱退老并慰上海輪船招商局股東維持會有

南通張孝若先生苦次。閱報驚悉。奮師於敬日。溘逝不勝哀痛。吾兄孝思方殷。哀毀自無已已。惟念國家多事。端賴賢者。措拄其間。伏冀以禮節哀。有以繼令先君未竟之志。肅此致悼。并敏禮安。歎縣呈坎羅長銘世。

孝若哥台鑒。報載老伯仙遊。曷勝悲戀。謹電奉唁。弟唐慎坊叩。

南通張公使崇鑒。方自皖歸。驚悉太老伯遽賦仙遊。駭悼萬狀。一代聞人名垂天壤。老成凋謝。舉世全悲。敬祈勉節哀思。贊襄大事。無任企禱。并乞珍衛。附呈西報一。張督鑒為幸。總部秘書劉雲舫叩。

孝若世兄鑒。尊公養望斗奎。歸神箕尾。文章道德。名邁夫沂。公鐘鼎山林。業隆乎晉國。萬流失仰。四裔同悲。繼美方宏。節哀為重。專電馳唁。諸惟葆衛。趙爾巽有。

南通張孝若先生禮鑒。報載尊甫四先生仙逝。人亡國瘁。溥海同悲。執事至孝。性成自必。哀毀逾恆。尚祈節哀。順變以禮。制情為國。珍攝謹此。奉唁。上海鍊鋼廠籌備處處長胡庶華叩有。

南通張督辦孝若世長禮鑒。噩耗遙傳。驚審師座。偶示微疴。遽返道山。木壞山頽。中外震駭。矧辱陶甄。彌失瞻依。吾兄責承大業。尚希勉節孝思。藉慰先靈。翼遠羈燕。朔不克躬。奠謹先電。唁并候素履。譚翼有。



南通張孝若先生禮次。驚聞尊公騎鯨噩耗。神州泰斗。乍爾凋零。追念遺徽。彌深痛悼。尊公文章事業。宇宙同留。伏希節哀。爲國珍重。歎  
縣俞煥興叩冬

孝若吾兄禮鑒。昨奉到治喪處電。計驚悉四伯大人於二十四日升遐。裏讀竟。哀痛何極。自維弱年。迄今過蒙恩覆。一旦天柱傾折。四海同此哀忱。縱過滅八音。終身心喪。何補鴻施於萬一。惟期吾兄順時節哀。勿過毀瘠。致傷堂上之心。且爲國自重。光啓前人之烈。尤爲大者。裏以貧故。不能卽刻南歸。躬親弔祭。負疚良深。特先唁慰。伏希鑒宥。卽頌禮安。湯裏頓首。

南通張孝若世兄苦次。上月二十七日嚴親見背。本欲馳電佈聞。嗣於報端見師座病體沉重。未敢造次。頃奉篠電。驚悉夫子大人於十七日成佛。曷勝痛悼。吾兄純孝性成。哀毀自難。言喻伏念夫子大人一身繫天下之重。此後紹述。端賴吾兄。維祈節哀。順變以慰在天之靈。弟等感念師門。倍深銜痛。臨風泥首。不盡悲懷。專電奉唁。敬候禮安。世弟王霖基寅基寬基驥陸憲基宏基稽首號代。

南通張孝若先生苦次。昨閱敬電。驚悉尊公喬師偶病。維摩遂騎箕尾。山頽木壞。國瘁人亡。心喪孔哀。私衷尤慟。執事至性天成。定必異常哀毀。惟念窳窳未安。百端待理。繼志述事。責在我公。尚祈善自節

哀用襄大事兼慰節靈謹言章鍾祚叩省

南通張孝若先生禮鑒音老西遊薄海同悼星沈箕尾天不憖遺北望崇川曷勝悲感肅此布言奉慰孝思愚弟劉鍾璣叩

南通張大人孝若鈞鑒頃閱滬報載有老大人薨逝之耗震駭莫名。梁木泰山忽焉頽壞悲惋失措中外僉同伏思老大人一柱擎天萬民被澤經緯區夏再造鄉邦胡不憖遺大星遽隕海內傾嘆庸有已時。嶽糜於官致稽叩奠謹附百察之禮先陳一介之書爰肅哀忱敬言素履浙江孝豐縣知事李鍾嶽叩

孝若仁兄大使禮鑒頃閱報紙驚悉尊大人遽返道山何我蘇之不幸柱石崩頽逃聽之餘曷勝悲悼執事天性純孝自必哀毀逾恆特先電唁尚希順變節哀勉襄大事是所至禱靖界稅所所長楊彬璋叩

南通張孝若先生哀鑒喬公世界明星實業元勳遽聞逝耗曷勝悼哀惟祈節哀順變繼公之志慰公之靈蘇省民衆實利賴之謹此電唁伏乞垂察泰輿民氣報主任張人偉叩

孝若先生偉鑑遙隔雲山聆教久疎前聞尊翁噩耗中外誌哀國事多故元老遽奪天胡不弔悼惜良殷惟稔先生孝思純篤尚祈節哀順變以襄大事茲特郵呈輓聯一副聊表敬意至乞台收並盼玉復

專此順頌孝履。世弟胡介昌任學謙朱宗濂謹肅。

孝若仁兄禮鑒。久未奉候。馳想何極。台從南旋。家易園舅來函附片。囑持名刺。趨候台端。祇以暑期多病。不克抽身。殊爲悵悵。近閱報載。齋師仙逝。噩耗傳來。親僚戚好同聲一哭。況弟回首。能不悲傷。矧在閣下。孝順性成。情關骨肉。遭此大故。哀痛逾恆。惟念死者不可復生。齋師德碩。年高本屬當壽。又得閣下後起之秀。揚名顯父。福壽全歸。也。應含笑赴泉臺。先函奉唁。二數日內來通敬弔。聊以盡意。輓聯輓詩。日後寄奉。藉表哀思。諸希珍攝。節哀。家易園舅想聞信亦必哀痛。弟洪政本再拜。

靜園啓言。讀七月十八日滬報。驚悉齋翁老先生遽爾往生佛國。迴憶握手起居時。纔數日耳。哲人告萎。風範遂遙。不覺飢風隕涕。五內爲之崩裂。時丁晦盲。正道不塞。一日智炬斂耀。南針息指。凡在有心。疇不銜卹。所幸我大先生承徽繼起。國之楨幹。尚祈節哀順變。以禮自飭。毋過毀瘠。庶有以慰老先生在天之靈。與蒼生嗷嗷之望。併附薄資銀三圓。用備香燭清酒之奠。虔誦彌陀佛號十萬聲。往生淨土。陀羅尼十萬遍。謹爲老先生上品上生莊嚴。藉報向日知遇之感。靜園不勝悽悵。慙慙之至。此上孝若大先生苦次。觀音院退院衲靜圓。

叩

孝若仁兄先生禮鑒。昨肅復函，想邀台覽。喬公騎箕後，本應親趨祭奠。乃適值先室之喪，瑣事纏身，未遑如願。一俟料理完畢，當躬赴靈帷，敬伸叩拜。茲先送至綢幛一懸，輓聯一付，尚乞代獻靈右。是所感禱。肅肅祇候，素履不一。李錫純拜。

孝若先生禮次。尊公薨逝，曷勝震悼。二廠全體職工，因路隔不克遍弔。茲由職員及醫院學校警團機匠工人等發起籌備，擬於二十七之期，自念八日起至三十日止，全體茹素，諷經三日，聊表哀忱。茲請季蘭舫君來通請訓，尚希賜治為荷。專此敬唁，孝履施仲渠陶友竹謹啓。

孝若先生禮次。噩耗傳來，驚悉尊公偶染微恙，遽爾仙遊。凡屬同人，咸深震悼。想執事純孝性成，驟膺失怙之痛，自必哀毀逾恆。惟念尊公功在國家，澤周社會，音容雖隔，典型猶存。尚祈順變節哀，毋作過情之毀。用襄大事，藉慰先靈。至所企禱，專此謹唁。素履諸維珍重，不宣。上海基督教青年會啓。

孝若先生苦次。久仰鴻名，未通鯉素，歉甚。前月驚悉尊大人仙逝，震悼莫名。伏思尊大人經濟文章，海內第一。而又提倡實業及教育慈善諸大端，成績昭著，以為全國模範。不意先生膝下承歡，而老成凋謝，為人子者，悲痛迫切，不能自己。尚冀以外交之學識，為國家之捍

衛是所切禱。甲子歲會乞尊大人法書。彼時戰雲彌漫，關心桑梓，兼及翰墨，追念前情，良用潸然。謹呈輓聯一副，藉抒下忱。故未句用簡齋輓沈凡民之詩，如不以爲鄙，俾代懸爲幸。遲遲之愆，尚乞鑒原。專此敬候孝履。諸維珍衛。李紹迪再拜。

孝公使座大孝前月拜一書附呈哭師座哀詞一首，亮荷垂答。比讀滬報載公上書政府懇辭各職，顧是舉在公篤以孝思，不忍奪情，其至性誠有大過人者。所聞之欽佩無量，但展轉思維，愚以爲期期不可恃公恩知較深，輒冒進一解，幸執事於節哀之餘，少加答焉。蓋所近歲困處岩間，默數數海內英豪，幾寥若晨星。如公實當世第一流家，學淵源才不世出，中外引重，其前途建樹，良未有艾。國人之企，亦所私望。此就公誼言，似未可遽辭者一也。師座曠代賢才，學貫天人，道冠羣紀，邦之典型。在昔則爲合肥李文忠，吳軍門筱軒。在朝鮮所

肥嘆黃叫絕稱爲千古大才吳學甫先太岳張廉卿公所推重，稱道集中載及所在東京於林琴老處見過。

至不容口。當時士夫爰是而共仰若上仙，咸冀乞一言之獎借，恤乎惟恐其後。蓋其見賓敬於某公也。迨晚近則愈爲朝野所欽，遲更冀出一言以拯鄉而拯國。皇皇若不可終日者，詎天不永年，克享期頤。一病猝至不起，使吾師座竟不獲展其蘊抱，豈僅所頻年忝列門牆，飲食教誨受恩深重，寧後於人，乍聞哀耗若大星之遽隕，其悲悼痛

哭一若不欲生也耶抑亦舉世之所惋惜弗置也顧念中國四十餘年實業之振興水利之濬修皆吾師座一人之先覺傳稱太上其立德其次立言其次立功爲三不朽師座以一身兼全之所謂炳日月而名褒簡冊上下千秋繩祖武而克紹箕裘繫公一人度必能以承未竟之志而慰在天之靈矧晚歲珂鄉各業經緯萬端如大有晉鹽墾暨大生三廠等處規復之計或添招新股或改良臻善俱屬刻不容緩之要圖吾師座在時日繫於懷所雖遠在省門但精心默參自謂差能窺測高深萬一此就私情言似未可遽辭者二也肺腑之言尤願公誓納不罪不罪幸甚幸甚支懋忻百叩

世叔大人苦次日前馳抵南通敬唁素履匆匆告別未盡欲言竊觀尊座居喪哀毀過甚雖純孝性成亦非節哀順變之意況太世叔壽逾古稀榮哀備至騎箕而去遺憾毫無自以箕裘紹業爲重毀傷滅性爲輕惟冀保重身體勉當大事以慰在天之靈實所盼禱敬請苦安伏祈垂鑒世小姪劉銘彝謹上

孝若先生禮次前聞元老抱恙電達典籤頃運局電話傳來驚悉尊公元老業已騎箕仙逝駭愕實深伏以我元老鉅德大名聲欽寰海中外士大夫莫不同情震悼況親承訓炙至二十年如令者乎追惟遺範與世長辭誠全國政治教育實業各界之不幸非僅令輩少數

人之私衷哀感已。執事庭傳詩禮彌厚彌深。一日失怙興悲自必更增痛切。第執事克承堂構。早著令聞。實爲國內不可多得之政治家。亦足仰慰元老之期望矣。尚祈節哀順變。爲國自珍。俾遠邇觀禮之人咸有以慰藉也。至禱至禱。令維揚羈跡。衰病侵尋。一俟元老發引。有期。敬當趨詣靈前。虔申奠醑。卽以預於執紼之列耳。專肅奉唁。祇候禮闈。並希珍重。徐鍾令謹啓。

孝若世叔大人禮鑒。頃閱報章。並得家兄來信。駭悉晉公太老師於月之十七日午時薨於濠南私邸。元老云亡。全國震悼。世叔猝遭大故。當更哀毀異常。惟念老人一生事業。功在人間。晚年守道歸真。想無遺憾。我公才堪繼武。爲國宣勞。尚祈順變節哀。留以有待。他年植表滿阡。傳爲佳話。老人在天之靈。當亦含笑點頭也。曼君今春蒙老人函介。奉天交行陳漱六先生。前月由哈奉調來此。有懷鶴弔跡。阻臆趨謹藉一瓣心香。南向雪涕而已。除另函家兄致祭外。謹此奉唁。并候禮安。世愚姪孫曼君謹叩。

孝若鄉兄禮次。前月杪閱報。驚悉老伯大人噩耗。祇以南北睽隔。未克臆趨致奠。至以爲歉。茲承伯唐秉三任公思緘。諸老發起追悼會。於京師西城之廣濟禪寺。聚得附驥。聊抒望祭之愚誠。并綴蕪聯略表紀念。伏惟老伯生平功名勳業。卓著宇內。年邁古稀。考終珂里。子

輿氏所謂爵齒德三達尊。悉已具備。視富貴壽考之郭汾陽。何多讓焉。回憶前清德宗之季。榮在淮中肄業。會老伯偕許九香先生爲籌築江北清徐等路。蒞淮勸募。始於會中得識荆儀。嗣民國初出長水利。榮以導淮芻言附圖。冒陳。猥承容納。其後復以江北水利商榷書一編見遺。謙虛下逮。令人益深誠服。方冀老成長存。爲枌榆小子矜式。乃凌秋遽然溘逝。豈惟我兄重蓼莪之痛。在榮尤深。桑梓又弱。一個之悲。并同感靈椿失蔭之痛耳。榮於客夏先嚴見背。雖曰哀毋致毀。然以榮之舉發宿疾。纏綿經年。乃克小愈。前次台從蒞京。所以不克迎迓。又未悉稅駕之處。遂致積歲傾慕之忱。未由覲面。一致其殷拳。好在長江水利討論。正須主持。後會有時。惟千萬節哀珍重。不。一。鄉愚弟楊榮頓首。

孝若先生尊鑒敬啓者。駭悉太老師大去。不勝悲哀。吾國實業界偉人。又弱一個矣。先生仁孝性成。自必哀毀逾恆。惟念太老師克享遐齡。此日西歸。亦屬順受。其正尚祈勉爲節哀。以襄理大事爲重。專此敬請禮安。晚張綏方敬啓。

會長夫子大人鈞鑒。敬稟者。昨閱報端。痛悉晉公太老師大人遽返道山。不勝駭悼。夫子憂心愁懷。哀痛可知。竊念太老師望重老成年。登上壽。已備五福之陳。疇亦將九原含笑矣。伏祈免釋軫懷。以保健。



康是爲至禱生忝立程門宿聆孔鐸理合趨前贊襄一切祇以職責所在望鴻郵而彌遠因此奔馳莫遂悵鶴弔之難伸敬具代楮一稟伏乞轉太老師大人靈前專此恭問孝履生張元謹稟

孝公先生大鑒尊翁作古未能聊表哀忱撫躬自問負疚良多頃奉如臯沙王宜人哀挽錄乃有感於令公爲江淮領袖默而無言未免有輕賢忽長之尤中心益覺感感爰綴俚言一聯敬求尊翁哀挽錄發刊時代列賤名無任惶悚敬此順頌大安後學叢其穀頓首

孝若先生台鑒尊銓自商校第一屆畢業卽蒙先生介紹至無錫申新第三紗廠供職修已數年未克趨謁私衷仰慕莫可言宣茲閱報載令尊季老夫子於夏曆七月十七日逝世大星遽隕海內同悲竊思令尊者年碩德位望崇隆振興教育實業規畫精詳成績昭著正期克享遐齡爲國宣勞忽聞溘逝愴悼殊深爲特專函奉唁尚祈台端節哀順變以禮制情摺誠布達統希亮察并乞指教爲荷敬頌禮祺世愚弟虞會銓拜啓

孝若學長專使大人苦次不瞻道範忽三載於茲矣祇以身困梓鄉教育未暇函候抱歉奚似頃閱報章驚悉尊大人齒公老夫子偶爾違和道山遽返聞耗之餘涕悼無既先生純孝性成痛遭大故自必形神骨立哀毀逾常惟念尊大人齒望優尊躬膺福祿雖歸真於天

上無遺憾於人間尚祈節哀順變以顯先緒是所深禱其心民人負笈南通師範深蒙尊大人暨退公三老先生指誨栽培得盡所學前年畢業旋里濫竽地方小學教育追憶尊大人德我迄今猶未去懷茲聞仙逝能不仰哀其心以關河遙阻煩俗多羈未克躬奠靈幃謹呈挽聯一付卽乞代薦聊表哀忱專此奉唁孝履維希珍衛教學弟耿其心頓首

孝若尊世兄苦女適省聞晉公大師仙逝之耗至深震痛晉師其生榮其死哀一世劬瘁萬古昭垂希節人子之大哀順天道之異變遙瞻南山不勝涕雨專泐特唁并問禮祺幼專學生王佐才拜啓

孝若吾兄偉鑒大教拜悉城於五月中回滬意欲來通晉謁聞兄方作燕趙之遊自後城亦滬寧蘇常等處遇事勾留一昨回舍聞兄卒遭大故理宜親來弔唁但恐兄當讀禮之際不能晉謁只得權爲落後萬祈節哀順孝爲時珍重伏念老師以濟世之才營一邑之事爲世楷模今當遞蟬之際知兄之責任綦重城風受知遇愧未寸報倘念及山中之李泌作白衣之宣召則有所驅策不敢畏勞專此上聞佇候明教日內不至出門賜教卽寄本縣川港鎮爲盼并頌禮安不一第湯城拜手上

張第治喪事務所鈞鑒今見報載有發起贈送張公事蹟成功史廣

告因恐濫送則文名不尊起見故有規定凡有奠禮者當贈以中以西合奠之成功史一冊以示限制並有以報仰慕張公者之紀念品也今鄙人平素企慕張公生前之道德文章自當奠於靈右但以遙隔南北又復山水修阻不克以身親歷追祭張公靈前爰特寄奉禮券一紙藉作奠儀至乞察收區區旨意聊表微忱想亦為籌備諸公所許可者乎而成功史敢請惠賜一冊俾可珍藏以作永誌紀念史讀也敬此虔請台安並候玉復鄙人俞鐵霖拜上

南通張晉公治喪事務所轉孝若先生禮鑒縣境各團體梗日假敝局議定古曆十月十七日在縣議會開追悼會謹此奉聞如臯縣教育局叩儉

張委員長禮鑒頃讀通電驚悉耆老於本月十七日長逝鄉里聞訊同深震悼敬維耆老耆年碩德功在千秋有口皆碑應無遺憾至希順變節哀為國珍重專電敬唁順頌禮綬許洪綬王道平敬唁

南通張公使孝若兄鑒奉敬電驚悉尊公騎鯨噩耗一代泰斗乍驚風木神州黯淡舉國同悼我公孝行夙著值茲善繼伊始顯揚方長尚祈節哀順變為國珍重除派陳知事簡文前往代表致祭外謹此奉唁傳疆叩徑


孝若先生禮鑒頃聞尊公噩耗同深悲悼家君以臥病屬代致唁詞

其悲之深非言可喻而與尊公相知之素尤非尋常誄詞所得盡其  
悲也家姊藤和聞耗亦同望海天而屑涕也專此奉唁並頌禮祺西  
谷一男敬啓

孝若宗世兄先生左右濠陽一別倏忽六年每憶風儀時殷雲想去  
冬得讀川報轉載滬聞驚悉令先君福壽全歸薄海人士同深慟悼  
吾兄仁孝天賦膺茲大故情何以堪伏冀爲國爲民節哀順變勿過  
哀毀爲盼爲禱森楷情深道遠無可將意特抒鄙臆作爲挽聯浼書  
付郵藉伸追悼而政爭方始黨戰無休郵局不受包裹經春涉夏無  
改此度臨歧束手未可如何祇得錄呈聯款附如別紙至時代告尊  
靈乞予昭鑒雖冒宿草不哭之戒尚原蜀道難至之情想不比于東  
藩嬰齊見叱後至也此布即頌禮安諸惟惠照不錫弟張森楷頓首  
孝若仁弟苦次驚聞尊公騎箕之耗於國家哀喪元老於私交痛失  
摯友寢門一哭百感交并惟望大孝節哀順變勿致過禮以慰九原  
是所至念拙書誄語一懸特派劉中將文巨賚奉靈筵代申酸奠并  
唁素履臨楮悵悵不盡欲言專此即頌禮祺曹鏡手啓

頃聞張公逝世哀悼之下鄙人代表上海日本商業會議所敬致唁  
詞噩耗乍傳上海日僑驚悼無已張公熱心增進中日親善而兩國  
合作之說亦嘗爲公所容納公乃無愧日僑之領導而事業之保障

者也。公之名。日僑所不能忘。日僑之敬公者。敬公偉大之人格及高尚之行爲也。公于日僑在華之經營。所以扶助者甚力。而敝國上下之舉措。因公之指導而利賴亦溥也。公能得日僑之崇敬與善感者。亦固其宜。公之死。乃全社會重大之損失。不獨日僑爲然也。謹宣上海日本商業會議所主席田邊輝雄



命令

大總統令國務院攝行 勳一位前農商總長張謇者年碩德體國忠誠位望崇隆邦人所重民國肇造於建設因革諸大端多所贊助嗣後總筦農商及督辦水利導淮商埠各事宜籌畫經營效績昭著比年引退尤復振興實業造福邦家方冀克享遐齡共謀國是詎意偶患微疴遽爾溘逝老成凋謝愴悼殊深著給予治喪費三千圓派陳陶遺前往致祭生平事蹟宣付國史立傳並交國務院從優議卹用示篤念耆勳之至意此令 中華民國十五年八月三十一日





張南通先生榮哀錄

榮哀錄七

祭文

惟中華民國十五年九月十二日。汪大燮。熊希齡。梁啟超。莊蘊寬等。謹以清酌庶羞。致祭於齋庵先生之靈曰。嗚呼。神嶽頽峯。大星隕地。巨壑舟遷。尺波電逝。遺範空存。德輝永闕。相向失聲。奚能制淚。繫公誕降。劭德通門。吟鸞綺歲。辨馬髯辰。神禪無飾。枕藉彌勤。神鯨跋浪。瑞鷗儀雯。才備九能。學通六藝。沂公薙科。信國偉器。以第一人領職。中秘密勿敷陳。出入調議。遭時多故。海水羣飛。哲人遠識。觀變沈幾。共和極軌。郵治可希。殫智竭慮。起衰振微。入總農曹。實參大政。濟濟名流。一時稱盛。肅立教條。嚴持規禁。秩秩壯猷。彰施未竟。公之珂里。曰惟海涯。俗尚樸塞。大利未規。公紆籌策。外域是師。振民育德。以植之基。濬其畎澮。教以樹藝。趙過代田。白公水利。厥人爲梁。繼師呈技。戶習絃歌。俗起凋敝。宏總羣任。道與時隆。令行法立。人和政通。臚茲嘉績。更僕難終。寰宇之式。百郡之宗。杖履優游。得天洵厚。弓冶貽謀。撫篋疊奏。神理難知。美疢忽遺。鵬集徵凶。鴛巢告咎。大燮等論交同。詣奉職同舟。羨公解組。尚爾淹留。南雲掩畫。江樹凋秋。棟摧梁折。疇不涕流。腹痛回車。感懷疇曩。霖雨東山。繫公是望。狂瀾滔天。非公孰

榮

哀

錄

卷七

障存歿百年。吾道安放。史牋能記。緒論夙聞。述公風義。豈藉無文。椒  
漿既薦。蘭藉載陳。靈兮來格。歆此茲芬。尚饗。

維中華民國十有五年太歲丙寅夏正八月初六日農商部故吏廖  
炎洪翼昇林大閻關文彬翁文顯張煥曹寶江陶昌善夏循增俞鏞  
羅蕺司徒衍郝樹基梁津李崇典章祖純蕭柱中林先民張際春秦  
瑞玠惲榮森陳匪石黃藝錫李激張軼歐顧琅周維廉湯一鸞郭鳳  
鳴吳鍾麟湯襄等假京師廣濟寺謹具清酒庶羞致祭於前農商總  
長南通齋庵先生之靈前詞曰

黯黯秋月。淒淒秋聲。寒蟬嗚咽。白雁哀鳴。雲天南望。忽隕大星。噩音  
北來。薄海震驚。嗚呼我公。泰山北斗。道德文章。空前絕後。公少岐嶷。  
家風式微。才名二十。崛起布衣。江關庚信。挾策遠遊。江南河北。傾動  
諸侯。延陵招攬。帷幄運籌。筆札元瑜。章奏馬周。周傾倒侯官。折節常熟。  
獻賦明堂。貢諸黃屋。對策第一。揚溢京師。物望所歸。迺贊樞機。敝屣  
功名。翩然高蹈。考工疇人。惠及井甕。海宇內外。翕然嚮風。咸頌大業。  
萬方攸同。鼎革以還。結符水部。商賈懼怵。郎曹鼓舞。裘葛二遷。解組  
歸田。功成不居。口碑萬千。優游泉石。頤養琴尊。山中宰相。不浼煩囂。  
胡天不弔。哲人其萎。農輟於耕。商停於市。豈惟工師。以及庶士。忝屬

故史哀傷靡已。炎等或屬故舊，或屬枌榆，感念舊君，躑躅啼嗟，未獲躬奠。一束生芻，南瞻靈旂，縹緲虛無，神其如在。來格來蘇，嗚呼哀哉。尚饗。

中華民國十有五年，太歲丙寅夏正七月七日，張喬庵先生薨於南通里第。近識悲悼，遠知傷情。嗚呼哀哉！粵八月甲辰，京師故舊，假城北花之寺開會追悼。于時纓綉紳佩，素軒紫蓋，望風憑弔，水龍塞途。莫不追頌功德，咨嗟歎息。斯可謂存榮歿哀，死而不朽者已。瑞安郭鳳鳴海濱下士，早辱殊知，拔擢於魚鹽之中，日月冉冉，已二十年。啣恩覆露，切怛尤深。惟憾羈職即官，在疾未省，於亡未臨，不獲撫棺一慟。藉伸生死永訣之情，中心負疚，傷何如之。茲因斯會，竊從衆賓後，謹陳芻奠，哭祭其靈之前，並系以詞曰：

嗚呼我公，爲光爲龍，弱冠厲異，誕膺天衷。文章德望，一代之雄，策名清時，宜享鼎鐘。懸車高蹈，蔑彼寵崇。肇開水利，志先興農。繼啓藍筆，疇人考工。廉頑立懦，振躓發聾。豐功偉業，于于嚮風。夷吾江左，宏景山中。如何奄忽，神歸太空。吁嗟痛惜，九牧攸同。猥受顧錫，憫傷靡窮。粵稽光緒，歲在乙巳。德人汽船，漸海內駛。侵我漁權，囂聲震耳。我公憂之，遍告志士。涼秋八月，集於滬市。上言清廷，抗議制止。緝網製舟，

僉謀力抵孫師播膏有事鄉里命代側席識公之始折節下交擁篲  
倒屣韋帶布衣謬許知己富海魚鹽其利莫比漁政漁書稽我古史  
東西新法須采諸彼公謂不才堪任遠使迺極扶桑載窮歐美博訪  
周咨涉足萬里歸餉國人纒給針指輯譯著錄設校授徒改善漁法  
藉具楷模奈我漁民僻居水隅惟事舟楫河海江湖蠶食海采曠陋  
蠢愚非笑騰聲俗吏文儒浩浩煙波云何利圖困難錯迕維持誰扶  
騁力効節奔僕徒呼公尤勩勉遠大前途有志竟成斯謂丈夫迺北  
上書條陳樞府廷議俯從海邦鼓舞慘淡經營冀堪建樹武昌發難  
軍書旁午清祚將移虞衡誰主倉皇出都歸棹黃浦鼎革以還公結  
水部漁官分職追隨步武勸導漁人遠海網罟政令獎勵蕃長捕取  
遠涉瓊粵近走齊魯期挽海權鞏我門戶且箕相煎連年鼙鼓兵凶  
頻仍四民困苦微管功虧十年虛度爲國爲身茫茫前路日暮長安  
辜負知遇秋月蕭索秋聲淒其寒蛩夕咽涼雁宵飛故人不見天末  
雲低海內知識寥落星稀平生久要一老慙遺回憶前歲修禊良時  
南通訪舊執手關垂並承嘉宴傾樽賦詩憐我亦老相對嗟唏崇朝  
聚首黯然別離歲月不居二年於茲今歲孟夏尺書遠貽殷殷卷念  
情溢乎詞會遭陽九遠爾長辭緬懷身世我心孔悲中原鼎沸羽書  
交馳餉糈囊括國帑虛靡上林飢鳥有巢枯枝青袍白髮秋風吹衣

良友既歿我將何依雞肋一官京國羈棲忍揮老淚泣望雲旂宜南  
古刹厥名花之假茲營奠聊表哀思瓣香一炷清酒三卮感今懷昔  
攬涕陳辭伯牙絃毀賞音誰知人間天上來世相期人爲天下我哭  
其私嗚呼哀哉尚饗

維中華民國十五年九月十二日鄉後學莊蘊寬謹致祭於季直先  
生之靈曰嗚呼公今遂長往耶當寬馳書起居之時正公易簣之際  
不意精神之相通有如此者莊子曰方生方死方死方生以公之達  
識宜無死生之足云惟瞻對遺容追思往事不無棖觸用寫予懷猶  
記己未之秋寬以省墓南歸公寓書招要拏舟見訝信宿精舍劇談  
無倦公倚柱而數字予曰思緘人生縱有百年卽此一隅亦烏能竟  
其業也予謂百年彈指賴繼續以長生公曰何謂也予因言業者卽  
障惜公未研佛理祇可以世間法相告公志在教育普及並農工事  
之發舒當各擇其才智之相當者而俾分任其責不以一身爲限凡  
人志願無盡必又以再世續之不以一生爲限是天限之以年而我  
不以年限也公訥然舉觴許寬能廣其意奄忽八稔音塵遽逝平生  
風義未之能忘度公尚在轉輪中爲憮大悲發公深悟魂兮不昧入  
夢謠予嗚呼尚其來格

維中華民國十五年九月八日。木業公所全體職員金仁濟等謹以清酌素羞之奠。致祭於張喬公先生之靈曰。嗚呼。昔蘇氏之祭歐陽公。其詞曰。民有父母。國有著龜。斯文有傳。學者有師。君子有所恃而不恐。小人有所憚而不爲。譬如大川喬嶽。不見其運動。而功利之及於物者。不可以數計。而周知。以昔揆今。如我公之器局與事業。殆亦殊塗而同歸。自公之締造南通。凡實業教育。水利道路。慈善諸大端。其經營而擘畫者。蓋三十載于茲。使天假以歲月。則其所施設者。寧遂止於斯。天胡不弔。而一老之不憇遺。嗚呼。可哀也已。五山蒼蒼。曩萬年兮。永駐公靈旗。淮水湯湯。流千里兮。永念公遺規。公之遺風曠絕。今古兮。民悵望而極乎天陲。山之高水之長兮。乃繫國人後此之思。維嗚呼哀哉尚饗。

維中華民國十五年夏曆八月初七日。軍山氣象台職員劉渭清陳潘趙日升蔣鍾濂等。謹以清酌庶羞。致祭於喬公總理先生之靈曰。我公德業。屢指難終。計其大者。焜耀國中。明農訓士。通商惠工。俯察疆域。仰覘昊穹。氣候不齊。陰晴風雨。宜測端倪。宜告萬戶。遠考歐西。近徵歌浦。爰立崇臺。大江之濤。江流浩浩。軍山峨峨。名物器數。措置

繁多賴公心力。幾經研摩。公今長逝。傷如之何。愧吾同儕。無能爲役。特有南鍼。遵循規畫。功效甫彰。風徽遽隔。佇望靈旗。晨斯夕斯。夙欽碩學。森無津涯。於天地人。靡所不窺。張衡博奧。鄒衍恢奇。公重實學。敬授民時。締造經營。迄今十載。旣聞訓言。勉旃勿怠。妙蘊無窮。擴充有待。橐萬函。三三規模。在繼志述事。幸有後賢。獨懷往哲。趨承歷年。模楷猝失。相顧泫然。靈兮不爽。鑒此豆蓬。伏維尚饗。

蓋聞古之聖賢豪傑。其生也必有自來。在天爲星辰。在地爲河嶽。陰陽成理。一闔一闢。然則如公之爲人。殆卽所謂聖賢豪傑。以應星辰之威重。與河嶽之奇佹。當公之未達也。其爲學經經而緯史。其爲器闕中而肆外。四方諸侯。爭相羅致。壹奉若逢掖章甫之通才。及甲午廷對。大魁天下。而其名乃益震乎八垓。公於此時。宜可以出而仕矣。而公則高蹈遠舉。不屑塵埃。此蓋淵智默照。谷神悲運。深慨夫衆瞽之不可以見日。羣聾之不可以聞雷。亦豈公之絕意於斯世斯人也哉。然公之一身。雖蟄處於江淮。而經營自治。若教育。若慈善。若交通。若水利。若農工商業。均莫不正。民隔俗。豐物阜財。遠道聞風。而興者。執柯伐柯。謂於是焉取材。而其道高望重。輿情翕集。正如蘇軾祭歐陽公所云。民有父母。國有著龜。斯文有傳。學者有師。近之爲一代盛

妻所孕育極之且得天地萬物之根莖嗚呼天下之哭公者爲天下  
憫而吾人之哭公者又不僅爲天下憫返顧一邑且以自致其哀伏  
維尚饗南通縣議事會

維中華民國十五年九月十三日即夏曆八月初七日乙巳南通保  
圳會副會長陳琛經理宋希尚各股主任劉偉羅銘鐘鞠同善暨全  
體職員謹以清酌庶羞之奠致於齋庵張公之靈曰慨江水之浩淼  
兮恆橫流而變遷苟狂瀾其莫障兮羌肆囂乎桑田我南通之瀕江  
兮賴保固乎五山稽陳迹於歷史兮山亦屢淪夫深淵覽卅年之江  
勢兮趨山後而涵濞地日蹙而日急兮山右逼夫江邊距城徑不及  
三里兮民將其魚之可憐矧沿江田舍墳墓兮歲漂沒其萬千公曰  
溺猶己溺兮是予之仔肩陳疆吏其充耳兮謂庫空如磬懸叩閭闔  
其無聞兮徒傍徨乎九天貸外資而以難值爲任兮又苦所任之不  
堅殫精竭慮兮劬瘁十九年案歸公兮乃始着鞭度流審土兮慎于  
事先考圖課工兮策其萬全謀于邑衆而僉同兮試于蘆涇之前既  
成效昭著兮天生任姚繼焉閱十一寒暑兮克成十有八捷中經用  
絀斯挫兮惟公大力之幹旋論工兮方逮半兮公何館舍之遽捐憶  
七月九日之夜兮十七捷忽告崩齋公竟十七日長逝兮寧有數存



乎其間。知公精神之所萃兮。先示兆于上玄。念死者不可復生兮。望山斗而泫然。生者其何以任此艱鉅兮。若無舟而陟大川。共褰裳而揭厲兮。失精衛之終填。永保茲土不入江兮。庶仰答夫先賢。惟公靈其陟降兮。江之埃山之巔。日監在茲兮。孰懈而不虔。有酒盈尊兮。俎豆惟獨。敬奠一觴兮。淚湧如泉。神其來格兮。鑒此拳拳。嗚呼哀哉。尚饗。

維中華民國之十有五年。夏曆八月十一日。天生港宗之瑜傳步青。陶長源等。謹以香楮庶饘之儀。敬祭於晉公老先生之靈位前。曰。嗚呼。今日何日兮。層陰構秋。斯世何世兮。狂飈滿樓。我公忽厭棄此塵寰兮。騎箕尾而上游。縱親朋之攀戀兮。曾不可以少留。論年齡非不高兮。於家國實多殷憂。盡狂瀾而誰挽兮。空佇盼夫九州。其事業固載在國史兮。誠經明而行修。夫何待乎。我曹之撫拾兮。更侈述其嘉猷。第其功德所被於故鄉兮。偏萬類以咸周。卽論築榭而保坻兮。羌足禦夫奔流。仰隄柳之多陰兮。擬蘇范而同傳。諸民時感激而未忘兮。忍壽星忽落夫山頭。憶當年之擘畫兮。成往事以悠悠。魂在天而不可招兮。愴欲報而無由。此恨信茫茫其終古兮。泣涕泗以難收。合立社以報樂公兮。聊上答夫神庥。我亦白頭之咸邁兮。迺垂暮而益榮。

此悲愁看仙鶴兮翩翩聽晚蛩兮啾啾痛登堂而僅瞻遺像兮悵人生原似夫浮漚感奉幃而泣奠一觴兮問靈爽其來嘗不嗚呼痛哉尚饗

嗚呼今日竟逢齋師作古之辰乎溯民國甲子五九國恥紀念九週齋師敦促我輩謂互助之真諦在人人自由而不侵人自由宗旨純正卓犖無言亦啓予與所撰校訓堅苦自立忠實不欺二語之主義互相發明身體而力行之可以修身可以齊家可以治國可以平天下匹夫一言能爲萬世立之極洵共和國之領袖也我輩食德餘年應思木本水源所來有自得毋相嚮而哭痛春風時雨之不可再耶史乘傳師銅像撫師名重一時功垂萬世中山而後懷懷斯人馬森

維民國十五年九月十五日大生第一二三紡織公司通海墾牧公司大有晉大豫大賚大豐大綱華成大祐通濟通遂遂濟新南同仁泰各鹽墾公司廣生榨油復新麵粉資生鐵冶阜生染織大生織物大達輪埠大達外江內河輪船大達公碾米澤生水利通達駁運大中輪載大山采運通明電汽翰墨林印刷各公司同人朱慶瀾等謹以清酌庶羞之儀致奠於齋公先生之靈而弔之以文曰嗚呼齋公

人倫師表。吾道儒宗。志在天下。發軔於通。神州赤縣。願納幘幪。一言而羣喙。懾一動而百利。蒙其德音。所彌滿。聲譽所塞。充窮四海。不能盡。豈更僕所能終。今大星之遽隕。實地運之厄窮。國人且同聲一哭。矧我艱辛。早共所涵濡。所卯翼。盈千累百之朋。惟我實業。慨溯初逢。拮据枵始。謠諑風從。其君子則普然爲扛鼎之誦。其小人則悍然爲簧鼓之攻。究之公業。累進而累勝。道不因之。而汗隆。倡衣被於一邑。治紡織而惠工。推食息於全國。衍墾植而勤農。他若油麵鐵冶蠶桑。各業務踵起。以至輪軌交通。無不與難兄合撰。期并轡而同功。日新月異。左股右肱。復以餘潤。惠及疇。孽殘廢。各安其宮。凡百利賴。厥德實闕。今商農各業。痛全功未竟。而有賴於我。甘苦同嘗之退老。及箕裘克紹之長公。嗚呼。公志未竟。公將毋恫。後賢翼戴。羣矢其忠。公神未遠。幸解其忱。竹青茵綠。蕉黃荔紅。維此時品羅列上。供恍惚。睽蠻翊翊。有融。嗚呼。嗇公庶其來饗。而來。玆。

維中華民國十五年夏曆八月十四日。新育嬰堂余得功等。謹以清酌庶羞之儀。致祭于嗇公先生之靈。曰。吾儕嬰兒。兒情然無知。聞公之歿。如失其慈。有生之初。不幸流離。賴公叔季。維護及時。以乳以哺。載笑載嬉。冬不知寒。歉不知飢。勝衣就傅。教之誨之。涵濡之恩。泱髓淪

榮

哀

錄 卷七

六

肌公長往兮。悵惘瞻依。音容想像。罔不傷悲。同聲一哭。設奠陳詞。香馨酒旨。神其格思。尚饗。

嗚呼。公之志量在天下。公之功德在郡縣。吾輩童駉。何由而知之。矧童駉而及於無知之女子乎。顧天下郡縣之不及知情也。亦勢也。而吾等得飲之食之。教之誨之者。詎能一日忘之。原斯所之成立。距今一紀。學生得完全畢業者。已十有一屆。畢業後應贛皖浙閩蘇滬四方之傳習。而藉以謀生者。不知凡幾。噫。非公之倡辦。而能有今日哉。奈何。天不慈遺。中外震悼。卽吾人焚香一瓣。絲繡平原。又烏能起既死而生之耶。伏維尚饗。女紅傳習所學生全體。

維中華民國十五年夏曆八月二十一日。南通農科大學主任郭守純。紡織專門學校主任馬鴻翰。集兩校教職員暨全體學生。謹以清酌庶羞。不腆之儀。致祭於張裔公先生之靈曰。嗚呼。衆人所欲。莫甚於富貴。而聖賢豪傑。獨殊於衆人者。以能舍衆人之欲。別有所期。故范文正繫憂樂自秀才之始。顧亭林責與亡於匹夫之微。若公精神之博大。志識之高遠。與其規模之閎偉。固當世所奉爲大師。方其少也。吳武壯公以能得士。稱天下。天下士亦多歸之。公嘗往參戎幕。適

韓不辭文章氣節傾倒一時蓋不待致身通顯而聲名早中外皆知及夫廷對第一振翻鳳池將有事於大用佐廊廟而館樞機顧獨薄而不取村落自爲豈媚嫉者衆出於憂譏長議抑悲憫者深本諸天理民彝乃不惜犧牲小己以東海裔夫躬倡天下作之砥而植其基夫教育實業兼營並奮本平生之成規而滄民智裕民生從未憚於盡人力而相土宜農與紡織兩校之成立既十餘年於茲農自附設而獨立由甲種而大學且日進而未疲而紡織時於唐蘭尤爲發展棉業之所需援如犄角當若旗鼓時相與並策而共馳問何以其有是壹賴夫公之策畫與網維然則公之高名盛業寧時賢之可擬殆將與顧范殊塗而同歸使天再假之年被澤蒙庥者且在天下又豈惟一隅之江淮嗚呼一病奄忽遽賦騎箕人亡國悴天不憖遺念吾儕之安仰空陳詞而涕洟尚饗

維中華民國十五年九月某日受業于枕顧公毅曹文麟王崇烈等謹以清酌庶羞之儀致祭于齋庵夫子之靈曰至仁所感極他州遠塞之悲各哭其私分介甫子瞻之祭附海內而傷太邱集門下而思有道恭維夫子望重東南譽隆中外生歿有關于國家贊揚無間於親疏素精水石故人念餘迹猶存茂德鼎彝墓府感少年不再效左

省更衣。朝賢踵至。爲羊公罷市。巷哭相聞。異國告哀之使。備見書方。窮居被屏之徒。亦嗟左袵。忱等久忝師門。樂居廣廈。贊治譜而未罷。升講堂而痛哭。溯自癸卯。建校城南。以師資在學。立範莫取。於諸材。謂邦本惟民。成俗寧期。夫大吏重農工。以厚其基。尊聖賢以端其嚮。出豫章之私祿。大澤溉乎江淮。著安定之前規。朝令傳之郡縣。蓋蓄徒既及於三千。而小學並衍爲四百。會遠使而觀光。共尊上國。信通方以設教。且被流沙。今者聆我豐鐘。雀猶旋繞。媚汝花竹。鶴尚哀鳴。滿樓圖籍。半微時披覽所資。出屋松杉。亦昔日精神所寓。營苑之詩。可誦。衰草浮煙。始建之記。未可蒼苔臥石。言念往躡。舉目含哀。是舍若吾師舊宅。縱附廟於禮何違。隔川列累代殯宮。識明神有時來止。宮牆高兮。莓積斗酒薄兮。涕零嗚呼。哀哉尚饗。

天下滔滔。中原鼎沸。攘奪是急。彝倫罔恤。四維不張。策等自滅。幸有齋公憫焉。矯正函電。頻馳息氛。敦禮設公。言用國早。大治羣雄。環伺商戰。數侵漏卮。不塞膏血。四淋不俟。加戈已飽。蠶鯨幸有齋公懼。菁外溢實業。開先厚商戰階。人盡公效。利權早回。異端邪說。灌輸青年。義與行謬。毫差里千。民未寸益。先殉烽煙。幸有齋公校規崇孔。誨蒙以正。化血氣勇。校盡公規。福幼無窮。由仁義行。自由真傳。競堯舜格。

平等真詮蕩檢踰閑共和之叛幸有嗇公七十從心未稍漓矩未渝胞與自由平等公始稱旨革命標題革及家庭背父兄訓自翊人權凌長加大家政搗亂幸有嗇公注重孝悌彰父隱德成兄壯志末世綱紀自公講始女權名詞誤盡閨媛不嫻婦職不式母儀詎許嬉游游饋不事幸有嗇公刺繡多校棉作幼穉課桑未并斂以四德悉公教之庸醫殺人方不師古拉雜丹丸庸師殺人訓不師古過激蔓傳幸有嗇公醫明以學醫國亦然師端其範不溜性天醫精師純賴公選遴共產澆風殘民以逞肥己瘠人新潮口禪狂譏迷信侮佛慢神幸有嗇公人飢猶己澤及啞盲戒惡誘善崇觀音像慈航殘疾鎔公佛陽舉上大端概見勳偉上培國脈下納民軌紗冶諸廠皆公細事鹽墾漁牧皆公緒餘苗圃果園牛刀小試伶工豔曲非士應藝矜以嬉戲礪士知恥童試艱貞直書不諱標模大任困心橫慮大魁天下不增公榮三年一科殿試所同文章喬皇不陳公穀西山多才豈惟九錄元首總接部省師長代表摩肩素車擊鼓奠詞文積絡繹東帛不爲公耀耀德在民余尤重公救災恤鄰王港竹港次第規劈水利農田防災昕夕西減淮患東禦滷斥勉我前驅根公公仁策淮海安瀾公謨孔急竹港開工公嗣紹績華洋義賑四萬輪將鹽餘關餘發自中央刑印缺角斯予仁聚有支無給開需疇償花園飯店言在耳鼓

慨許交涉。仁言利溥。一言九鼎。仁勇可賈。墨經從戎。曾文功樹。苦枕澹災。公嗣澤敷。他年闡竣。謳歌萬戶。他年闡碑。芳名永書。他年闡祠。生佛歡呼。矧有退老。龍馬精神。相助而理。竹林餘能。胥竟公志。表率衆擎。何災不弭。何闡不成。公靈默佑。闡利彌永。職是馨香。虔維尚饗。  
沈霖森

維中華民國十五年夏曆九月初二日。南通農科大學全體學生。施華慶等。謹以清酌庶羞之儀。致祭於張裔庵夫子之靈。曰。嗚呼。公之生平。天下所知。國史有紀。寧待贅詞。在農言農。亦何孟晉。課日程功。積尺由寸。往建師範。兼附專科。農之有學。此爲先河。自於其西。闢疆作舍。更殖以田。射陽之左。浸灌滋培。基日昌大。其始學級。甲乙攸分。進而大學。百輩莘莘。風雲旅食。於茲爲羣。堂承訓詞。勤苦儉樸。謂徑雖殊。此其歸宿。罄無不宜。農尤受福。嗚呼。懸額猶新。歸真何速。爲國家慟。爲吾道傷。安仰安放。莫勝心喪。陳詞薦酒。萬古蒼涼。尚饗。

維中華民國十五年十月八日。如皋縣議事會汪慶沅等。縣參事會潘肇元。沈礎田。煥光。黃家瑞等。商會祝光。機。劉寶琳等。縣農會冒傑。方家珍等。縣教育會郭衡等。教育局沙元。集等。實業局許憲基等。水



利會沙元炳黃文濬俞銘德等清文局陳其嘉張相叢達昌款產管  
理處郭雍南等公立醫院黃家政等省立第二代用師範校潘樹聲  
褚秉鐸石重光田無疆等自治協進會祝光熙盧福保等謹以清酌  
庶幾致祭於張喬公老先生之靈曰世厄陽九綱紀淪斁所冀匡危  
起敝者惟賴於鴻德碩望之耆英矧先生教士興業勳績燦爛人皆  
謂起元貞下胥繫先生旋運而支撐奈何天奪之速而不竟所欲施  
固宜九牧震動幾如海竭而山傾昔讀先生之文章信會張之有代  
興繼則親接風采稔神凝氣遠卓然偉異而淵深若夫德澤被於江  
淮之間又熟聞士人氓庶謳歌嚮往紛紛萬口而同聲吾縣百政步  
趨南通譬諸經程千里而以先生爲南針今先生往矣吾儕將隨國  
入而同悼亦且永戚戚於中心肅陳辭而奠酒望山雲與江霧尚髣  
髴公靈之或格於微誠尚饗

維太歲在丙寅秋九月己巳朔越二日辛未受業門人莫棠謹以清  
酒庶羞祭於張公喬庵夫子大人之靈曰嗚呼江淮洪流指海匯歸  
襟帶五山鍾毓儒魁其少壯也文章動卿相之慕而受天子之知老  
而處也方九州鼎沸一時雄長莫不致敬盡禮望而若載其武威若  
夫並代文學有夙昔之懽有氣類之應更無不欽其述作挹其言采

而尊如太卜之神。著及其沒也。四海之內咸仰天歎息而閔一老之  
不遺而弔祭之。使哀誄之文重譯而至者。且遠及於外夷。嗚呼。非先  
生其孰能堪之。溯惟朋初先生。豈無意於世。度世莫能用。而又默察  
乎運會否變之機。於是絕意進取。發皇事業。而以本州爲樹始之基。  
蓋將以濟古今之變。而開其創。故其所自處。正不必泥古人之迹。而  
徒獨善夫身之所爲。然請立憲也。爭帝制也。先生之志。何嘗不彰隱  
而顯微。顧人或不諒。乃引端於紀年之譜。昭告後世。而大成敗之戲  
歎。今天下來觀於通者。覩乎學校藏修之地。林立而廣廈商賈百工  
之肆。櫛比而銜。樓以暨園。園藪澤。橋梁道路。繁於四郊。闢乎四境者。  
皆足縱一日之澤。而騁瞬息之馳。又凡老老幼幼。起廢扶病。諸所構  
立。亦各以歸以養。部居分列。而招攜。此皆海內郡縣之士。力征經營  
僅得其一二者。乃悉肇造於江南山海之隈。善夫班氏之書曰。食足  
貨通。國實民富。而教化成。先生洞其故而審其宜。首考工於布縷。棉  
則土風所產。器則取乎歐西。收鹵濱之廣斥。既漸包於草木。遂經界  
以成蹊。蓋其智慮深。故見幾早。而用志決。亦其講求至。故衣被衆。而  
大利開。率能累致千萬金。爲田億萬畝。鄉州建設。始一一卓立。而爲  
舉國表景之主。觀者但見其宏纖畢張。駭貽震愕。豈知三十年之精  
心毅力。載以學問。溝乎中外。利不自謀。功不自計。然後乃獲此庶幾。

嗚呼先生以此享大名峙千古縱聰強天授安能不緣此而漸衰然先生年踰七十同於孔父其所就若是已矣夫抑又何悲維我薄劣少承先君之命實奉舉業之師迄今四十載中多隔闕而亂來就食尚蒙拂拭之光輝近歲重覲先生固蟠然既老弟子亦宣髮無絲惟相顧之厚則視昔以加彌春秋嘗會山水追隨張樂命酒寄感抗懷微言善謔雅笑輟眉或燭跋而未竟或日旰而猶遲賓儕三五偶倦不支先生則絕無欠伸徒倚欲去而常復徘徊僉謂神明之固必陟耄而登期詎意劍山禮佛林谿侍坐已屬當門負手之時疇者走示山居消暑諸作卽爲逍遙曳杖之詩嗚呼高詠未終衣冠遽渺墨痕胡照眼而淋漓從此經行游覽之處何往不腹痛而心摧雖先生英魂靈氣不借異物腐散仍長在乎平生心力所瘁之山顛與水湄而我行將他適瞻望且遠豈曰惜別實傷永離蓋哲妻人亡之慟遂將互終古而依依陳觴一奠泣涕漣而嗚呼先生其鑒於茲尚饗

維中華民國十五年十月十日世姪黃崇威謹以清酌庶饗致祭於  
晉公張老世伯之靈曰維公博學起鳳騰蛟大魁天下翔步螭螭維  
公槃才經營商政百貨駢闐工廠是競繫維公德中外所欽勸善興  
學秩秩其音繫維公壽彭錢之侶天與厥福壽倫攸敘昔趨珂里旋

謁滬濱式聆教誨和氣當春在再十年未奉杖履魯殿推尊高山仰止歲星忽見神歸帝鄉眷言邦國靈焉心傷一束生芻以通有昊灑淚陳詞以申哀抱伏維尚饗

昭適往以文就正於張先生寒叟先生曰凡少年者宜遊大人之門吾友張君喬庵碩學閎文負天下重望子曷以文往質乎昭適聞其言心嚮往之因請先生修書紹介既得師筆削遂求著弟子籍引鄉賢全謝山師方望溪之例師答書允許獎借備至于是昭適與師始定師弟之禮凡有所質證師輒盡心評騭曲爲審定睽隔千餘里而聲氣之接若在一室尋昭適屢至滬訪師師皆不在故昭適雖受知于師者深而始終未見其顏色嘗欲濟海抵南通一侍杖履行未啓而師遽以疾死矣嗚呼昭適安知終不能一見師也念自寒叟先生歿戚戚寡懽若有所失幸尚有師在引以自慰不二年而師復繼之以其新悲觸其舊痛悽然不自覺淚下霑襟也遂粗述梗概聊以抒哀若夫師生平事蹟當詳載國史茲不具述云馮昭適

維中華民國十有五年孟秋之中浣南通喬庵張先生考終里第時棟遽失薄海同悲既從都門諸時賢之後遙致追悼之微意茲更刺

取先生與個人夙有淵源之端一略述顛末以罄其哀挽之忱曰維先生爲吾華當代實業界首出之一人尤爲吾蘇現世耆老中首出之一人其道德學問政治文章粹然炳然凡有血氣莫不尊仰正無俟費辭贅說惟可惜者導淮一役爲先生救國救民之一偉大事業有志未竟殊不能不爲之扼腕也蓋淮乃吾華之福水其流域爲黃河長江兩大流域之中權凡蘇魯皖豫之農田水利商業交通在在胥資其津潤且自三代以後每間世孳毓偉人撥亂反正平治天下而統一之其靈異所鍾福利所及關係全國者至大一任其久塞而不通惡惡可是以自前清咸豐之際河流北徙吾淮丁夫子西圖卽建白當道倡言復淮計畫略具設局袁浦時曾文正督兩江頗贊其事然功卒未就暨光緒丙午江北洪水先生憫淮域人民之淪胥乃奮然引導淮爲己任己飢己溺亟圖其成甚至以國內鉅款難集勉於共和三載與美利堅紅十字會訂立借款草約雖曰茲事體大藉重他贊然導淮鉅工至是乃庶幾有望黎時亦竭個人管見凡爲導淮芻言九篇附圖如數頁之先生至蒙容納私以爲神禹第二及今復生方爲淮域及全華人民極其慶幸詎意歐戰暴興前約畫餅浸假閱牆費起擾擾十年迄今先生賁志以歿嗚呼傷已雖然詩不云乎雖無老成人尚有典型矧哲嗣長公孝若續承家學素有研求卽

今長江水利討論方爲中央所倚畀他日海宇澄清洵可繼續先生  
之志重振導淮之業倘後死者得拭目克觀厥成幸也何如斯則於  
哀誄之餘又不免有最後最大之希望者在倘亦先生在天之靈所  
默佑而深頷之者乎其誄詞曰維江淮之炳靈兮誕紫琅之一老大  
名孰早魁於天下兮幹略且宏施乎邑造務棉鐵以厚民生兮集貲  
雄達於億兆企業既蒸蒸日上兮仰食者奚啻數十萬竈乃爲仁之  
不富兮所盈曾不當所少歲丙午之沈災兮江北坐困於潢潦慨淮  
流之否塞兮曰余志存乎振導會他山之援手兮契約已具其成草  
乃歐役之焱興兮又鬩牆之自擾飢溺未及盡拯兮臨秋先來其噩  
耗仰南極之掩耀兮星沈乎狼曠近島里罷社而肆轍市兮遠近爭  
赴其來弔維哲人之云萎兮素志其賴有不紹嗚呼欽箕裘之有不  
紹兮後死者其又何悼嗚呼悼一老之不慙遺兮聊草茲以代清奠  
之蘋藻楊榮

維中華民國十有五年某月日浙江私立女子職業學校校長謝雪  
暨全體教職員學生等謹以清酌庶饗之儀致祭於張晉公之靈曰  
東南天墜淮海絕流赤烏几几公不少留廷議錯愕遽失諮謀士商  
走哭爰逮童騶矧我學子航駕無郵哀茲下女悵斷雲此公之挺生

實爲世哲。先覺先知。伊孔齊轍。志不溫飽。迺載鼇極。玉步潛移。台星未坼。弘景高樓。陶朱泛宅。粒我南邦。農商舊職。商館芝馨。爲世羽翼。東海之瀕。實維斥鹵。旣富乃教。彬彬鄒魯。願受一廛。僉稱樂土。曰庠曰校。櫛比而輔。榛苓彼美。亦眷西顧。不棄蓬萊。晉材徵楚。沂舟而東。謁公於通。公謂可教。命事彪蒙。舍田而芸。公監厥表。貽書浙吏。毋廢簣功。斯校疆立。是併是幪。鉛槧機杼。造士以工。萬家生佛。傾祝我公。鵬鳥閑閑。集公几筵。山傾鐘應。鶴語堯年。龍蛇走陸。公去猶賢。公去不復。綱紐泯焉。導淮之澤。應及絃埏。歛越同調。曷勝淒然。載瞻靈馭。願執前鞭。嗚呼痛哉。伏維尚饗。

夏曆玄月二十六日。爲齋公先生歸窆之期。預於二十一日。主祭周匯瀛。達壽增。顧循基。顧倓基。徐安仁。趙景熙。王佑祥。姜鏡蓉。李元俊。王兆麒。趙暄白。鏡銘。王樹芬。楊詒劉。渭清。劉匯清。金徽。榮黃。衍熙。孫桂攀。顧英。孫啓。楮徐。蓋袁。文星。周鼎。蘇保。謙錢。冕孫。匯。蘇。周。京。侯。于周。胡介。明。周之。冕等。謹以清酌庶饗。致祭於先生之靈。而繫之以文。曰。維先生自掇大魁。弗求顯爵。平生志不在溫飽。一第奚榮。匹夫責與有興亡。萬言空上。名高赤縣。思拯貧弱。於中邦。望重蒼生。小試經綸。於一邑。水火金木土穀。庶事孔修。剛健篤實。輝光日新。其德觀鄉。

而道知易在野而譽益隆未屆八旬遽悲千古。雁瀛等同參舊學愧  
乏新猷賴有鉅儒雪處士虛聲之恥矧觀大局有斯文將喪之憂追  
溯風徽曷勝感歎伏維尚饗。

維中華民國十有五年十月某日省立水產學校謹以清酌庶幾致  
祭於季直張公之靈曰嗚呼公以耆宿爲世所宗名滿天下功高寰  
中盛年好學志廣才豐不作第二冠冕羣公通籍以來志度淵冲道  
高身隱侯門絕蹤民國肇造一度長農擘畫具在近悅遠從物與民  
胞憂樂在躬致身社會迹異功同魚鹽富國教育正蒙經之營之無  
間始終夸貨充斥自西而東挽回利權紗鐵興工茫茫禹域水旱交  
攻勤求水利成竹在胸南通僻地鬱鬱葱葱人無賢愚靡然向風嗟  
我水校卜地吳淞經始艱難公有大功維持調護時賴熱衷卓識遠  
謀更異庸庸大盜亂國匝地烟烽憂心孔多咄咄書空伏居衡門蔽  
明塞聰何是非一任癡聾胡天不弔降此鞠凶星隕山圯頓失儀  
容塞寒暄雁秋老悲蛩疇其拯之無首羣龍嗚呼尚饗。

維歲次丙寅秋九月念五日年世再姪楊定遠謹具蘭陵酒陽羨茶  
松花菌香稻米西齋蟹東坡肉青魚變蛋白芹烏菜致祭於張公季



直太老伯之靈曰我公兩間正氣一生奇骨北闕無多南州第一備  
嘗艱辛專攻學術少日學成長年名立一鋤並耕萬卷羅列朝野同  
欽中外共識文傾東魯工高西域弟子三千故舊萬億經營擴大聲  
望顯赫繼禹導淮同民改日移山換水改絃易轍壽邁古稀志同金  
石暮春把晤新秋永訣乃爲歌曰悲風慘慘兮樑木折零露瀼瀼兮  
芳草歇濠梁茫茫兮形影失江水泠泠兮波聲咽松楸蒼蒼兮寒烟  
滅魂魄渺渺兮狼山側追悼哲人兮腸欲裂一束生芻兮奠短碣於  
戲哀哉尚饗

嗚呼吳山之精江水之靈其氣磅礴浩瀚以狼山海門爲歸東也特  
挺生蓋代之菁英惟師軒眉廣額玉質金音國學淹博智識激清文  
章駿偉幹略恢闕得其一已足經世而傳遠況合專家衆效以成名  
然此吾師顯著者也其所以聲被四裔名震中原者恆眎師言論臧  
否而爲彝夏所重輕秦岱崩於前而不變其色雷霆震於上而不聞  
其聲值主少國危而氣不餒極羣疑衆謗而神不驚充其量將合天  
下爲一家中國爲一人謂始足同我太平昔師張堪夙慧麟士筆耕  
策對萬言弁冕諸生言水利則導淮入海論鹽法則就場權征固爲  
學使擊節所數賞已極儒生垂古之殊榮旣而將軍揖客終于請纓

榮 哀 錄 卷七

入幕侶應劉陳阮執贄羅將相孤卿文字磨崖於平壤交游弭蓋於東瀛泊序雞林還旆鹿林食苹開學校培成師範興實業扶濟編毗紡織程功於夜午魚鹽生殖夫煎丁將使匹夫匹婦無不被之澤小成大成妙不讀之經行自治爲一邦模範普慈善爲通國典型蓋師久已薄富貴功名如敝屣而隱抱范希文先憂後樂之心然而吉甫生崧降嶽殷宗卜繆圖形果也大魁多士脩譔史成終愾歎羹沸蜩蟻之國勢而不免縣車戢景於山林嗚呼師愛才若饑渴稱物如權衡卽如賤子之散材陋質猶蒙先生之送抱推襟索著述貢諸天府隆獎飾薦之明廷謂三年足以最離政謂百里庶以得賢稱是以辛亥初夏從遊遼左屬車會陪奉清塵癸丑仲春試吏淮南鹽筴復辱荷師承獨媿小子數奇不偶命與時并其愚慙倔強猶昔者不獲逢時輒化而大負師門狂簡之裁成嗚呼哀哉師之行比張仲孝友而不獲長存千古之形師之才卑計然貨殖而不能不困一豎之嬰師之節足超嵩山諸友而不能謝玉樓長吉之徵師之名足繼臧孫不朽而不能尼騎箕傳說之行羊曇痛哭於州路子敬愴絕於人琴繼自今德容邈矣而豐功偉業令聞令望不與浮漚泡影俱銷滅者前有史乘之麟麟炳炳而後有子孫之繼繼繩繩獨念泰山其頽天柱誰擎祚之上爲天下勸而下以哭其私者卒不能爲太上之忘情嗚

呼瓣香一炷敬薦明裡靈其有知來格來歆章鍾祚

橫渠胞與二語論者以爲欺世之談而亦不盡然顧第見諸實行否耳若季翁可以當之而無愧矣清同治戊辰年益隨季翁同籍校官且名次蟬聯輒見氣象崢嶸於疇人中猶具英特輾轉廿餘年間爲諸侯上客姚聲海內甲午年成一甲一名進士膚淺之士尠不以爲試差開坊寵榮無極而季翁視之泊如蓋沉幾觀變知天之所廢不可強支惟教養大端頗引爲己任自遜清末造以至於今全縣建設學校千萬間廠肆數十處墾牧數萬頃其他慈善事業不及觀縷竭生平精力慘淡經營稱南通爲海內模範縣橫渠之語不可證耶例以人爵時榮所勝孰多耶今者駕返仙龕倚裳白傅在天上毫無遺憾而文郎悲慟逾恆行見克家有子允表前徽是可券已敬爲誄云山川孕育磊落欽奇森森蓬直麻吳扶持吳公武壯奉若賓師虞山瓶叟器以鼎彝身踐大科素志不移觀象察事傾廈疇支以教以教扶海之湄萌蒲撥禳都市堅肥橫舍鱗次多士是資竭精提倡一肩任仔模範全國榮譽身施山斗忽傾天胡不遺青衣來引識儷不其有子純孝名父善貽東南一人敬爲誄之劉益

惟中華民國十五年丙寅夏曆九月朔越廿三日江蘇實業廳長鄉  
愚姪徐蘭野敬以清酌庶羞致祭於前農商總長喬老張先生之靈  
嗚呼我公中華泰斗蓋代偉人儒林祭酒應運而生空前絕後環五  
大洲垂三不朽志業未半天斬遐壽一朝蛻形長眠廣柳昔公翦髮  
天賦特殊聖童張堪幼學仲舒淮嵯一策水利三吳書生舌橋宗匠  
口譽作秀才特爲君子儒才名藉甚江左夷吾面壁十年目營千古  
通天地人登選貢舉公卿倒屣將軍開府衛青揖客范朱儔伍磨盾  
天山吳漢府主勒碑三韓名馳臣愈將星墜落公還海門鄉薦京兆  
弁冕羣倫都講鍾山弟子如雲文宗難埒文中河汾門儲將相房杜  
魏徵大魁多士額慶得人公之志趣寧靜淡泊睥睨腐儒蒼生難託  
不耐朝參不縻主爵徐庾文章卿雲台閣卑無足觀脫略羈縛胞與  
民物後先憂樂公之行誼敦篤孝弟東哲笙詩姜肱大被伯兄仲兄  
叔也友季不私己財倍豐養祭張仲宗風於今未替九世同居庶幾  
公藝公之培才首倡教育保存國粹直任先覺學科致用文史是足  
小成大成師範豫蓄校舍如林風馳電速農工商醫模範可法公之  
自治注重實業鹽鐵書成墾牧戶給衣被北民縲車紡緝廣廈庇寒  
女紅鶯集垂三十二年立人人立國無敖民窮黨感泣公之愛士味甘  
於醴曲藝必庸長材滋喜大宋細柳胥歸任使推諸待友無間生死

生者存問。死者卹子。今之古人。古亦無此。公之著述。經世文編。江淮  
行省。諮議鴻篇。流播四裔。國有人焉。一秉鈞軸。退友嵩山。賦詩課子。  
釣濠觀泉。天不憖遺。奪此耆年。小子不才。承公顏色。學成歸國。曾謁  
几席。蘭膺代議。公在朝籍。時長農商。欲利吾國。訓迪殷殷。富強是策。  
曾幾何時。愴聞易簣。狼山蒼蒼。江水泱泱。棟折榱崩。琴在人亡。公有  
大勳。竹史輝煌。公有遺業。驥子恢張。元方未邁。代我季方。公宜瞑目。  
棲神影堂。所憾吾國。頓失人豪。朝野震悼。士夫悲號。爲位而哭。私祭  
崇執。矧鄉後進。宜賦大招。隻雞斗酒。敬薦溪毛。靈儻有知。歆此清醪。  
哀哉。

維中華民國十五年十月廿四日。嚴春陽謹以清酒駢牡。蘭香椒糈。  
不腆之儀。致祭於嗇公先生之靈。曰。嗚乎。我公。唯天之命。盛德大業。  
匪言可罄。三十高名。聲聞帝京。天人三策。文章老成。方歌喜起。遽謝  
金紫。思古聖王。唯晉重耳。乃啓鴻濛。通商惠工。敬教勸學。務財訓農。  
遂以一邑。爲天下範。滄海無深。泰山絕巘。我遊無方。士載戎行。司鐸  
申江。一葦可航。敬恭桑梓。公聞而喜。進與周旋。振振公子。立身當官。  
勤政在民。公嘗詔我書紳。佩綸仁言。丹抱邦國。瑰寶庶幾。遐年永爲  
民保。遽遭凶災。木壞山頽。誰非赤子。嗚乎哀哉。河嶽動搖。山川震駭。

名滿乾坤悲彌四海我來陳詞云哭其私精誠若接神其來思尚饗  
時維中華民國十有五年秋九月朔己巳越二十有四日壬辰謹具  
清酌庶饗致祭於季直先生之靈曰公功蓋環球名揚四海一朝成  
道全國皆驚睿自慚不敏聊撰俚言九律以挽之嗚呼竊念偉矣大  
哉張喬翁龍飛鳳舞組南通文章經濟魁天下言行規模蓋世中盛  
德巍巍尼父仰豐功累累禹王崇考查列史誰堪比古往今來唯我  
公溯念乃尊爲寓公起家商業善持躬詩書訓後家聲振仁義施人  
陰德崇先志景從皆俊傑賢昆食報盡英雄平空放出擎雲手補綴  
乾坤未了功人人崇拜四先生先生奇材出大名仗義疎財宗管鮑  
深謀遠計比良平鰲頭雖佔功名薄戎幕多勞富貴輕退惠地方公  
益舉精神會聚飾權衡鴻大規模實業多中華吐氣壯山河名揚四  
海民心順聲震全球國勢和宰相山中唐李泌圖收秦府漢蕭何共  
和柱石仰公撐勳勳旂常永不磨隆業多端負一身鴻圖推廣展經  
綸創興未有生財事教育皆爲愛國民端木經商心濟世陶朱謀利  
計施貧經天緯地昭銅像慮後空前第一人旺地宏開百世基同心  
手足共維持弟兄情洽金如玉伯仲偕吹埴與僦兩宋狀元分大小  
二程附聖有先選何期四弟騎鯨去忍令三兄失侶悲文星遽隕衆

驚憂萬緒千端。少主謀幸，賴賢兄常保衛。還期令嗣，紹箕裘音容雖渺，功猶在事業長存。名久留，却有一般深痛惜，可珍墨寶永難求。哀音接續發濠南，衆挽文聯日奉函。孝子心傷詩哭父，親朋惋惜慰孤男。榮哀生死原無憾，衰盛關係長負擔。最痛晨昏無處奉，庭闈空冷剩靈龕。憶念年前賤降辰，羣來慶祝集嘉賓。承情手撰屏聯賀，數僕生平事蹟真。論理正誠多獎勵，措詞溫厚重心仁。昔時盛舉成今古，遺墨驚看淚灑巾。嗚呼耆英會散，老友分離。述公德行，禿筆難罄芻蕘聊獻，稍盡懷思。如在仙靈，伏維尚饗。施徵睿。

維中華民國十有五稔，夏正九月二十四日晚生楊之廉，謹以清酌庶羞，奉奠于南通張齋公之靈，而告以文曰：維我齋公，江東生佛，海內文星，折桂一枝，作羣僊之領袖，運籌九地，佐鎮國以參軍，累積勛勞，屢辭銓敘，既排帝制，肇建共和，任職司空，五材並飭，兼官水部，四瀆無留，瀕海築堤，闢就桑田，萬頃納民於軌，式安雁戶千家，仿崔實以建寮，大興紡績，鍊東方之啖鐵，廣啓鍾鑪，可謂道不厲民，事堪裕國者矣。念民智之未開也，興文翁之教，則澤遠於盲，哀民榮之宜恤也，廣少陵之廈，又日供其膳，其經邦謀野，振溺亨屯之績，有如是者，以其餘緒，成爲絕詣，匠心獨運，則文似昌黎，椽筆橫揮，則書如長史。

輦金山積諛墓無聞戶限鐵穿孽窠足寶方冀歲壘長炤何圖梁木  
湔摧悲黯慘之風雲斗山失仰歎飄搖之家國管樂難求所幸哲嗣  
孝若先生能三珠耀彩聯壁騰輝博望星槎遍遊萬國依僑牋奏溥  
利三吳讀晏氏之楹書英聲遠播紹賀琛之門業美譽長蜚賴有替  
人定挽狂瀾之魚蒙收散木未申結草之恩於邑陳詞惆悵無地於  
虛尚饗

大江東來迄海而止濱海之民朴野易使其土斥鹵庶食日艱工商  
之智蒙昧莫殫惟公挺生爲民之則通商惠工以盡地力閱二十年  
家有蓋藏衣食既足乃多善良士習其教人薰其德施被一鄉君子  
之澤嗚呼哀哉志任天下手無斧柯坐視狂瀾滔滔奈何立德立言  
盡其在我孰毀孰譽無可不可天乎此醉哲人其萎邦國殄瘁云胡  
不思嗚呼哀哉況在卓吾鄉里後學歷承獎掖親炙先覺棟折榱崩  
覆壓是懼徐泗蕭條斯人竟去爲天下痛匪哭其私長懷無已泣涕  
將之嗚呼哀哉沈卓吾

昔道光中通如學者陶承煦曾輯有文峯閣卷宗一表其老輩如陳  
默齋紫垣沈蘭泉猷諸公咸以身親其事而作爲序文述厓略及是



輯之可存其間最錄。雖塵建閣一小故。蒲上一小鎮。地方微末瑣瑣耳。然自今讀之。頗不能謂偉大。鍾毓無幾希。胎孕於前輩之毅力。明識也。我通州張晉公。并世孰有不承爲教育實業之泰山北斗者。其道德事業文章。亦正如其語。君所具哀啓中言。早予國人以共見。則國史私集。世能文。較胥有詳備。紀載發揚。鄙人不文。亦惟漏略。滋愚姑據希本之言。以就通言。通則恍然。我公生有自來。亦舊學典型。不可泯也。沈公序謂文峯閣之建。州人士惑於風水之說。阻撓其間。陳序則云。果於大波未平時。通如報捷者。相望於道。州人然後泯其爭心。此閣始得安如磐石。沈序又曰。通如俗尚禮讓。敦詩書。塵市賦畝。安居樂業。無險健習。各等語。據此。孤文粹義。殆可證通如雖海鄉偏僻。而老成卓越。民物盛懋。及今而文獻有徵。我公得以負荷山川育靈。挺生斯世。仰承先輩遺情。樹鄉邦億萬年絕特殊尤之業。於不敝。示世模楷。卽形成家國一代不可多得之至人。今於我公願成神往。全受全歸之際。而慟生四海。尚欲於文字哀歌之末。藉達其一日留挽之誼。卽陋如鄙人。亦思援引叢殘。以大通於世界之林。并志居恆。交公之摯。被愛之深。書癡癡又不可竟矣。惜陶輯小表。未付棗梨。止觀初錄。世未多見耳。公今往矣。精神長在。亦正不僅如陳沈諸賢。一小閣之裨益枌榆。是又足景我公之能擴前哲之大務。同永鎮狼峯。

也。謹爲詞曰：海若不公，恢淪瀾亦滌法。巖嶼奚肆，高奇異成。絕巖鬱  
爲偉崇，器末俗得冠冕。亦如杞楠材，專布域樸選。琅嬛襲萬函，根氏  
在墳典。蒲濤生白英，自足表聖善。世無樊宗師，韓潮豈云淺。無量功  
德多，有限科名顯。神來歎一觴，拯茲生民殄。馮炳南

維中華民國十有五年歲次丙寅夏曆九月壬辰交通銀行總理梁  
士詒協理盧學溥董事長汪有齡偕同董事監事總稽核領股秘書  
各行經副理各庫總發行暨全體行員謹以清酌庶羞之奠致祭于  
故前總理齋庵張公之靈曰：嗚呼！紫琅山高，金沙水潔。毓秀鍾靈，篤  
生人傑。通商惠工，能文蓄德。往古來今，唯公獨絕。稽公學術，藏修息  
游，網羅百世，育核九流。上窺羲昊，旁通美歐。爰有九錄，舉足千秋。稽  
公文藝，凌駕班馬，駢儷商皇。古文樸雅，詩以言情。流風獨寫，大字書  
楹。墨花飛灑，稽公科目。芹藻高舉，優行第一。南士之元，大魁天下。金  
殿臚傳，登科識記。弁首三焉，稽公出處。早爲幕客，始高句驪。戎軒投  
筆，才子從軍。書生挾策，凡所盱衡。興亡大迹，稽公抱負。利用厚生，墾  
殖蕃庶。棉鐵經營，商場開闢。學校裁成，大江南北。疇不觀型，稽公品  
概。制行不苟，養志奉親。恆馨所有，兄弟同心。要之白首，無惡風詩。張  
仲孝友，稽公風義。篤於所親，年家舊誼。朋輩故人，門牆子弟。鄉里族

姻罔不提挈。與讓興仁。念我交行。千端萬緒。公昔總持。從容展布。十年教訓。十年生聚。比及三年。受代而去。公之德望。公之才能。公之事業。公之精誠。河山箕尾。神化丹青。愴懷遺愛。涕淚霑膺。嗚呼哀哉。伏維尚饗。

緬往哲之修學兮。罕措意於治生。世謂儒術爲迂兮。遠於事情而難行。惟先生之傑出兮。超前軌而邁征。幼蜚聲於藝苑兮。文倚馬而立成。陳政事而究天人兮。軼賈董於漢京。向強臺而直上兮。將籍手以致太平。忽返顧而遂初服兮。開甫田而課耕。念東南杼柚之空兮。興紡織以綏黎甿。瀕海利在魚鹽兮。集羣策以經營。以一邑而植富國之基兮。萬物相慶乎。由庚。昔龍門之傳貨殖兮。孟堅猶肆其譏評。長貧賤而高談仁義兮。國將積弱而危傾。識時斯爲俊傑兮。實旣大而聲彌闕。作四民之矩範兮。差等伍於公卿。業富有而德日新兮。惟斯人足重乎科名。過濠上之故居兮。望南山之崢嶸。仰流風之不沫兮。恆山高而水清。馬玉山巖直方。勞敬修。

宏惟我公。三吳名世。跡紹子房。文章泰斗。邦國棟樑。翔步金闕。冠冕玉堂。經綸大展。中外瞻望。泊乎晚近。莽晦身藏。夷齊操守。禹稷心腸。

捍災禦患。恭敬梓桑。惠工創校。流澤孔長。不憊遺老。羣叩彼蒼。東芻敬奠。降鑒洋洋。曹運鵬。

維中華民國十有五年歲次丙寅九月己巳朔越二十有五己癸巳宜祭之辰。世愚姪楊壽楮謹以清酌素饗之奠。昭告於嗇公。世丈之靈曰。嗚呼。星沉北斗。月落南通。哲人其萎。舉世何從。憶惜我公。功在幕府。倚馬萬言。軍書旁午。澄清攬轡。驥首登車。名滿天下。重見夷吾。雷雨經綸。蒼生共仰。惜不逢辰。中原板蕩。退而論道。爰務治生。至纖至悉。慘淡經營。首闢富源。功在實業。棉鐵絲紗。咸來取法。繼興學校。功在樹人。達材成德。百卉皆春。復擴憲權。主章民意。彪外彌中。功在清議。民國肇造。遍地干戈。一言定鼎。功在共和。胡讖龍蛇。涼秋告夢。風陳江天。哭能無慟。荻花風葉。笳鼓心驚。中流砥柱。緬想老成。謹掬瓣香。用侑明酌。公其有知。來歆來格。尚饗。

維中華民國十五年十月三十一日。嗇公將歸窆南郊。受業龔徵桃。謹設位於貧民工廠。率職員歷屆工徒。李春揚。周灼湯。三清。吳福海等。以庶饗清酌。奠公之靈。並送公之輿。而哭之曰。嗚呼。家可貧而社會不可不富。志可窮而未嘗一事干求人。視天下之飢若己飢。視

天下之溺若己溺海內如公於今有幾人耶公主鹽政於是有吾貧民工場主鹽政者不獨公而吾場獨賴公力以維持不求官廳不捐私人而吾輩百千貧民子弟均能以技自活無凍餒之患公之加惠於吾輩者豈沒世所能忘耶公創紗廠而周唐閘十里不見衣破衣之人公闢鹽墾而海濱瘠民得以耕種爲食者數萬戶公治河閘而地方無水旱之爲災公倡保甲而沿江之民免淹沒漂徙之慘公之造福於吾淮海吾中國者又豈可以數計而周知耶桃自國外學歸承公命來斯場學習得常侍左右者一年十一月念公屬望之殷訓誨之摯尤多私痛以桃之愚不知於社會事業有無供獻縱或不負期許稍有成就亦爲公所不及見此恨又安窮耶憶公在時嘗語桃南通自治費幾許經營規模略具發揚光大賴青年後進真正人材不多做事求速是汝之病閱歷由漸得來學我只可學到三分不可全學又因事請辭職公不許詔我曰我爲社會犧牲年逾七十飽受艱難年來不少刺激未嘗稍有退志常存活一日爲社會犧牲一日之一念故此心泰然我於生死已能了解以存此念故雖今日生明日死無尤悔刺激磨練青年爲用至大汝不能耐刺激我偏望刺激常加汝身嗚呼肯擊之情金石之語此後從何處得耶公得病之前十三日猶執杖來此視橋工道路好否計畫拆場廢屋建設市房看

工人造汗衫。做桌椅。譚笑甚暢。精神殊矍鑠。留戀三小時始去。臨行猶以家事瑣屑爲問。後因事滯東。如此聞公病。馳歸省視。則已困迷牀褥。不曉人事。嗚呼。孰知城西留連之日。卽此生最後獲聆警咳之時乎。此皆印象之深。胸際最易浮起者。言猶在耳。此情如昨。吾哀其有盡耶。昔者陟彼南山。登黃泥之坂。讀公爲瞻虞墓上虞樓之詩。悄焉興感。此後過濠陽小築。入曼壽之堂。陳設猶新。音容不接。其悲感亦復如是。公有知耶。斯場爲公遺愛之一。又七十日前杖履之所過。橋梁猶是。草木猶是。仙馭應留神。其來格尚饗。

自古張氏累世發祥。齊家公藝。治國子房。騫使絕塞。巡守睢陽。公生清末。啻破天荒。子孫繼美。昆季聯芳。力興學校。廣務農桑。安老懷幼。至聖心腸。果然奪錦。爲龍爲光。蔚爲人瑞。觀國之光。宜臻耄耋。壽考不忘。胡遭大故。七夕身亡。聞者涕泣。見者心傷。稽顙再拜。洒淚恐惶。老成凋謝。如見羹牆。名滿天下。德被四方。不揣愚昧。謹獻詞章。班門弄斧。不自揆量。毋譏蕪穢。書味同嘗。我弔先生。山頽木壞。我願先生。山高水長。措詞切近。出語精詳。英靈不沒。百里聞香。嗚呼。季公伏維。敬饗。丁巳日章。

維中華民國十五年夏曆十月十七日如皋縣議事會參事會縣農  
會縣商會縣教育會縣教育局縣實業局水利會清丈局路工處款  
產經理處縣警察所縣警備隊參議會戶籍事務所縣地方自治協  
進會城市議董會江蘇省第二代用師範校全縣公私立各小學校  
公立醫院全體職員暨全體會員等恭設南通張晉公先生神位于  
本邑縣議會正廳銜哀致奠並哭以文其辭曰何大造之不仁兮摧  
濟世之元功嬰微疾而示化兮傾天柱之穹窿羣氓況其失據兮增  
哀感於鄰封酌行潦以將敬兮潔蘋藻而摠衷衆物紛其並陳兮希  
誠意之潛通靈倘恍其來格兮乘飛天之白龍翳變變之雲旂兮發  
嶢巖之狼峯睨雉皋而命駕兮尋游釣之前蹤撫靈車而延佇兮嗟  
閭闔之長風于彼此而左右兮徹上下與西東百樂迭以入奏兮要  
神聽之和融荐馨香以達情愫兮竭五內之所崇感人亡而邦瘁兮  
益緬想夫宗工嗚呼哀哉尚饗





張南通先生榮哀錄

榮哀錄八

誄詞

存歿濠陽老。相關豈一州。苦心全實業。絕筆障洪流。公子才能繼。前病

計畫江淮水利。撰文示誥。嗣孝公。

吾生泪以酬。消寒隔年會。憤不續南慶。

徐 鑿

文章光燄動星躔。經濟聲華邁往賢。江左霸才當亂國。淮南正氣柱中天。畢生艱苦留村落。百世謳歌屬鐵棉。大業垂成天際去。狂潮夜壘海西田。

左衽披髮事堪危。宣教勤民未許遲。安定學風求世用。材宗弟子作人師。幾從經席窺心法。未惜神斤斲鼻端。踴躍至今應涕淚。曾排衆口識憂疑。

易作霖

區區詩句受公知。此日何圖淚報之。痛哭惟應焚筆硯。從今吾淚卽吾詩。

夢回乍覺風成海。推枕驚聞雨似潮。天亦欲酬人涕淚。天人悲恨兩難消。前日大風

吳 楫

一陣西風撼薜蘿。壽星下。隕雨滂沱。公今棄世逍遙去。天亦如人涕淚多。四海同聲悲泰斗。千秋遺恨定山河。狂瀾從此誰能挽。忍唱當年瓠子歌。

精英舊炳五山靈。知得東坡是歲星。帥節曾隨吳玠出。臚傳欣共蔡齊聽。在天霖雨恩威被。亂世風雲變屢經。用舍不忘憂樂計。一身一邑總模型。

老輩風懷篤友于。故園歸憩兩相娛。百端合力籌桑梓。三徑濃陰滿竹蒲。高會耆英雙壽者。大江南北一名都。後賢更有乘槎客。萬里煙波聘壯圖。

我戀名山未肯拋。七年小借一枝巢。每乘佳會陪旌節。不棄庸才算斗筭。人到秋初驚忽逝。詩成月下更誰敲。感恩從此惟餘淚。忍再闌遊出近郊。

蔣炳熙

等霸期王負俊才。應龍飛處一聲雷。縱無鄧禹奇功在。足試瞿曇活手來。

昌黎雲與孟郊龍。文字狂歡卅載中。今日都來成一錯。奈何淮月奈江風。

金澤榮

列宿會依日月光。兩朝白髮老滄桑。東山伯仲聲名大。西漢文章筆力昌。未許經綸包宇宙。尚留衣被徧江鄉。平生空願酬知己。獨立蒼茫淚萬行。

張峻

道德文章薄海欽。世風頽墮嘆而今。一州草木都沾澤。萬里苗裔會若霖。桃李含芳矜寵渥。芝蘭毓秀仰喬蔭。箕裘有紹堪娛老。七寶三垂耀上林。

吾生何幸出南州。得坐春風廿一秋。辭接顏承勞夢想。詩清名噪賴公收。樊遲稼事徒呼負。龔遂襟懷未願酬。更欲程門重立雪。倏驚斗落滿腔愁。

俞吟秋

記我初識翁。翁年五十二。快若平生懽。相勗四方志。讀書在有用。但戒不習吏。馮依皆自爲。侃侃日論議。本州苦經營。聞亦及國事。我懷翁所知。許不爲物累。乙卯翁在都。南歸警宵寐。呼鐘起寫詩。晨發出相示。合眼此十年。愍亂若五季。翁歸不再出。邱壑頽自恣。五月翁生朝。觥祝我一至。猶言養高德。庶可息傾詖。咲慰雜嘲弄。爰居鐘鼓避。國非不可爲。貨賈惡棄於地。別來甫聞病。凶問遽愕眙。論定在蓋棺。詩成未收淚。有材舊蚤施。垂暮蘭旁嗜。此語可長生。勸哉今永闕。

諸宗元

巍巍德業冠時流學術經綸世莫儔巷哭人懷羊叔子豈徒惠愛在  
南州

討罪會盟深奇慨幽居國是未能忘獲麟竟絕春秋筆遺簡重繙倍

感傷公避暑南山梅坨琳以近作呈正中有感時一章公為易一聯

事也始公之絕筆矣遺書重展感痛易已

斥鹵經營廿七秋從公非角服田疇敢當海上詩人譽杖履春光慟

不留

謳歌欲採輿人誦計報驚傳多士哀白馬陽侯亦來奠連朝波浪聽

喧公履之日海潮洶湧連三晝夜而不

齊國琳

天河牛女別經旬南望文星隕海濱梨棗待編耆舊傳璠璣頓失廟

廊珍勳名死後堪垂統著作生前況等身晉國彌留無所憾午橋軟

碧念游鱗

廣平才調賦梅花風度端疑擅物華豈與凡禽爭枳棘但歸故里課

桑麻十朝取士君為最千佛名經世所誇宰相山中推李泌浮榮早

已薄烏紗

遺書致官慕鴟夷此意人間恐未知桑桑萬家沾厚澤漁鹽四海立

宏規牛羊不失肥。日養龍馬能權子。母宜自媿步趨成。一蹶五湖何處載西施。

諸儒秦斗拜昌黎。聲價由來重五題。海內菁莪尊領袖。門前桃李雜冠笄。懸知私謚皆心服。差幸名言已耳提。元禮典型今忽失。南州祭酒有餘淒。

虎觀談經萃議郎。三山旗鼓憶相當。公卿折節收輿誦。黎庶聯鑣籲憲章。鼎革應聲來草莽。陸沉橫涕感滄桑。授餐適館羅羣彥。情話依依意更長。

摩挲元祐黨人碑。時與溫公杖履隨。十郡不才分片席。千鈞無計續秋絲。羣英漢上曾題集。幾度長安共看棋。復社衣冠星散盡。河房燈火不勝悲。

五材並飭。司空貨殖農桑輔考工。啖蔗故應甘到老。種棉多感惠無窮。未遑煖席偏高蹈。早遂初衣有苦衷。問道於盲慚愧甚。蕩蕩倘許鑒孤忠。

博望乘槎探斗牛。長風萬里逐浮鷗。何輸茶馬通邊境。豈羨神仙訪十洲。同軌恍如車輻輳。譯觀不廢話鈞鑄。春申有約游羣島。過眼都成水上漚。

回首吳淞惜寸陰。禹功千載試追尋。五都闐闐謀售璞。萬國梯航議

獻琛爭柰烽煙猶四起。無端風雨竟相侵。愁遷百願都成負。流水高山孰聽琴。

風雅三吳獨主持。選樓曾許借鶴枝。元章移舫裝真蹟。信本停鞭讀古碑。無那壺觴荒社事。不堪杖履失花時。摩挲學士登瀛集。騎鶴徒縈去後思。

一紙家書論治河。古今原委戒偏頗。政逢新貴商傳硯。及取殘年看止戈。大地蛟洪驚肆虐。南天薤露愴聞歌。獲麟絕筆緡遺墨。文正湘鄉不足多。

佳兒頭角最崢嶸。海內文章負盛名。陟岵幸能親侍奉。旌閭羨煞備哀榮。一秋草木皆含淚。千里絃歌亦輟聲。遙奠且傾燕市酒。寄詩怕觸蓼莪情。

施景琛

百六速貞元。雲雷象尚屯。誰人踰日月。吾道繫乾坤。文武九經政。德年三達尊。新民同壽富。歌壤海東村。

師以村落模範為主義收句本此

吳鳴麒

十年教訓稷壇圖。荀禮言行景大儒。遺像清高天始肅。傳薪村落地誰徒。滄桑秋禊遲三日。啟母嵩陽闢一孤。會有兩楹陳國奠。永瞻獨立世全蘇。

顧元瑞

范隄烟柳賜分題楮墨先生手自攜會記年時春節過一船明月醉

西溪王欣甫大令嘗聘公為東台都講館殿初為門下士

行年四十贛中游風雨江天兩鬢秋博得司農親手寫彩牋嘗鑑到

山舟銘獻權樂平縣篆公派部員至樂平簿辦糖業公司時以梁山舟墨迹奉呈公賜題句

桃花侍坐斗星明玉碗西餐七寶羹酒綠燈紅秋樹晚白頭媿煞老

門生上年晉謁蒙論詩集公與退處世文同作主人召宴於桃華館獻香首座公以老門生呼之銘獻時年六十許矣

題圖惠及小入母大楷超然常熟翁晉播秦書傳世寶孫孫子子拜

南通家慈山衙調子圖承題語於卷首願承保之

乘風破浪海天涯旄節張騫萬里槎王謝對之有慚色翩翩公子賦

黃華陳子星南以士學集且語讀之信有家法焉

功業文章寰海範泰山梁木我哀思豚兒亦解感恩澤淚灑西風母

里師兒子紹棠嘗受教於母里師範學校

戈銘猷

名滿乾坤事滿肩半身粗糲傲時賢江淮憂樂關天下朝市滄桑感

暮年一代八才青史冠五山風景白雲眠文章經濟均千古更有南

通兩字傳

沈恩孚

十年有願接公顏。欲見終成一面慳。明允未曾堪世用。希文忽已去人間。大江皓月照千古。喬木秋風空五山。家隔崇川才百里。揭來怕過故濠灣。

宗孝忱

天階月冷山鬼泣。玉樓有詔催何急。文星一日返瑤闕。五山草木憂咸集。生生死死原有因。晚年好佛自娛春。栽得梅花三萬本。儘就詩酒作高人。少年辛苦京華走。隨營閱看青青柳。果然奪得錦標歸。第一文章冠牛斗。不戀功名不愛錢。還家爭說二疏賢。江湖鼎沸時局變。傷心末世多烽烟。地靈人傑從來說。手培桑梓腸獨熱。不教孤負好山川。猷爲一一無完缺。兄官江西亦乞歸。庭前棠棣相交輝。二老俱爲天下望。蠶桑滿飼禾苗肥。功在一邑名在世。東南保障勛難替。文公才調足扶衰。起挽狂瀾占利濟。霖雨何須定出山。老輩身閒心不閒。一言一策時皆重。平生懷抱切痼瘼。年華忽忽東坡老。嵩山名望長安道。明德之後有達人。重洋豔說乘槎好。我父江南久客遊。會提鐵弩射潮頭。趨庭猶憶當時語。心香一瓣屬留侯。昔農公名今列侍。小章盤根欣得地。不圖蔭暘未三年。入夜壽星驚忽墜。狂風四起愁雲霾。酸心豈爲一人哀。萬方多難遺老死。瘡痍滿地誰救災。其存其歿關天運。蒼生從此更誰問。我來仰涕感慨多。萬山風雨含悲韻。



龔杰

曾躡金鰲頂上來。何人不道謫仙才。少時憂樂關天下。老去心情寄  
鶴梅。淮海魚鹽成利藪。門牆桃李遍春臺。中原元老凋零盡。救國誰  
燃劫後灰。

李炎庚

人生感知己。知己實難得。獨坐每思公。涕泗沾胸臆。豫章翳衆草。徒  
有排風質。人方賤蓬蒿。誰取擬樸械。公乃斗星辰。岱華猶纖礫。先容  
投夜光。按劍不遭叱。公非采虛聲。拂拭多悃悞。初見紫巖下。方袍獨  
長揖。促鄰頻相語。開襟進翰墨。機鋒絕蹊徑。函蓋泯蹤跡。發端雖瀾  
翻。歸墟要一嘿。花鳥芳春晨。風月涼秋夕。胡床與麈尾。往往相叩擊。  
自揮散花手。爲灑語梅頰。至今白玉花。凌厲映霜柏。公常和而溫。我  
實慙以直。周旋兩寒暑。唯阿所羞出。驚俗由角主。招魔信孤僻。香火  
傍盤陀。黑風動潮汐。公惜察無徒。我悲道寡翼。鵬飛自負天。安得整  
六翮。紛紛腹下毛。此輩意在食。苟飽懷異圖。固難望其力。九萬苦培  
風。去年六月息。引退我自甘。遠離公所惜。風雪有詩筒。親寄江天驛。  
七十公大慶。四方嗟壽域。瓊琳極煙馳。冠裳沛雨集。而我偃空江。竊  
貢南山什。忽忽不稱意。海濱訪奇蹟。深踏雁湖雲。屢忘裘葛易。感觸  
客裏多。愁膺每結緝。緘寄遊山編。散木笑社櫟。歸來又三年。一徑掩

藜藿警效恍在耳。景行恆思卽空外。忽傳音招邀。味迫急。納履登崇  
艦。夕照晚山碧。倚欄獨對月。霄迥心惕惕。未曙報入港。候館聽蟋蟀。  
起居臥榻傍。握手儼疇昔。陰陽氣有沴。无妄疾貞吉。誰信坐冥夢。竟  
絕春秋筆。管子天下才。豈僅一鄉邑。立達秉尼山。公又深入室。堯舜  
病博施。談者多難色。思飢猶己飢。思溺猶己溺。公獨用其心。淵然見  
禹稷。通海百里間。模範垂良式。村落苟還醇。大同此開闢。經營二十  
年。苦心並歲積。國多不均患。戶鮮可封樂。蒿目睇四荒。風煙方慘戚。  
娛情藉詩酒。慷慨彌悲激。此意少人知。秋風起蕭瑟。但求一方肥。不  
惜一家瘠。坦蕩告令終。哀榮備五福。痛悼貫中外。老成凋倏忽。文采  
照人心。精誠淪肌骨。婦孺掩面啼。泉石竦毛髮。克家欣有子。堂構煥  
丹雘。楹書千百卷。卷卷康民術。坐讀起而行。公歡降且陟。綸緒本先  
謀。藝穫在後述。華屋仰風徽。邱山俯精魄。何必定羊曇。始爾西州泣。  
思公若大江。浩蕩滄海溢。好勸墮淚碑。置諸五山側。

靜 圓

風流頓盡一洲空。豈獨東南失鉅公。功罪蓋棺應論定。卽論實業已  
稱雄。

少年書記已翩翩。老去吟懷更欲僊。公自關心饑溺事。承裘猶有後  
人賢。

陸學煥

昔我年十六，謁公濠之陽。公獨許我詩，置之弟子行。北面五六年，人事多倉皇。嚴命授室歸，春風一葦杭。是時月在辰，孟冬復登堂。流涕別公去，公也爲我傷。竭來又三載，熒熒走四方。坐此念知己，卽事何時忘。今年山中旱，秋至氣不涼。俄傳大星隕，草木咸歌商。老成見凋謝，國家誰紀綱。江左失夷吾，良史應能詳。世味真如茶，幾人容我在。俯仰天地間，沈痛迫中腸。作詩投黃泉，憂來不成章。此事久拋棄，行已懼怠荒。在天常默禱，願得全愚剛。他年過南州，再拜墓道旁。庶從孺子張安世字遊，復攬名山藏。林谿開精舍，東奧憇舊莊。田父日荷鋤，滄海看成桑。功成身則退，此理有固當。百年如轉轂，來日添思量。諸葛真名士，公見最語無爲負此望。

羅會銖

半壁摧天柱，江淮黯夕陽。台星淪斗極，魯殿圮靈光。下士千秋感，中原一鑑亡。南山聞樂渺，揮淚復登堂。  
紫琅留信宿，逝水惜年華。佳俸神仙骨，章平宰相家。蒼生沐霖雨，綠野傲煙霞。兜率真歸去，嘯攀雲外車。

許兆鳳

齋公親家治行文章負海內，望去年三月南旋爲仲兄祝七旬。

生日與公一晤於如皋再晤於南通私謂龍馬精神眉壽未  
艾忽忽十餘月豈意纔哭仲兄又哭公耶撰聯寄輓意猶未  
盡復成四律用寫哀思

鷄首天心醉雞羣物望空如何大星隕不障百川東  
棉鐵紆籌策松筠晚耐冬孤寒多少淚掩袂慟終窮

水繪池塘燕先生策杖來二公縱談笑賤子獲追陪  
英氣騰眉宇名言數闔枚差教吾魄壯懷抱一為開

乙丑仲兄七秩侍先王夢寐素日

和仲歸神後樂城道益孤讀君方朔傳並見魯公書  
豈料斯文喪誰為衆說郭五山遊賞處轉瞬已黃壚

仲兄之喪先王撰書像實氣足神旺羣推壽徵

劫後秋容淡書香帶草長卅年唐氏開千載鄭公鄉  
但使吾謀用寧教國脈傷九京悲予作何處召巫陽

陳惟壬

風雨燈灤陽騎麟下大荒魂招梁甫館師表鄭公鄉  
蒿目偏多淚蓬心用久喪浩然精爽在寧復有堂堂

鳴嶠秋陽慕勳庸勳鼎彝聞笳歌楚此三杭葦啜梁噫  
遺愛思羊祜憐才說項斯失聲天下慟匪獨盡吾私

越歲傷陳迹樞衣快進趨碎徵遺賤子哀挽競諸儒  
雲札猶存藁山居未補圖天乎喪吾道文物黯東吳

負笈余生晚春風感沃聰萬流空仰鏡三立敢歌功安石因時作伊  
川竟道窮如來最小弟終古拜南豐

袁 樊

近看宏景山中隱嶽嶽須眉四海知天下幾人共憂樂斗南此老繫  
安危百年世運悲沉陸千古文章孰起衰至計至今說農墾江淮無  
盡大名垂

冷 通

一夕秋風起哀音動四溟山中哭謝傅天上失張星名世關時數橫  
流孰典型不堪梅垞月猶照五峯青

寰宇聲華藉貞元運會乖才高彌管葛力絀阻江淮大任天方降中  
原亂已甚南州一郵落憑眺愴人懷

孔門籌富教夏后奠山川衣被東南浹絃歌庠序傳借柯權不屬障  
蕢計終懸行水非常事悽涼戒子篇

世皆惜元老我更憫經師舉國盲於學斯文繫在茲劫劫同秦火燒人  
不伏生遺縱有恭王宅空聽竹與絲

幼歲居同里中年次及門文章知己感風誼友生敦驚俗慚東野尋  
秋憶北園篋中詩藁在重讀欲銷魂

問字兼旬隔徵醫晦日聞爲傳謝親故未敢謁昏昕妖夢殷楹踐靈

光魯殿焚人亡邦亦瘁私痛復何云

劉偉

江海盤紆發地奇神功匹禹志同伊飛書絕國馳枚筆射策明廷擢  
董帷尊繪先迴季鷹棹耕蠶競泣猛龍碑傷心萬二千場語為罷登  
高竟古悲張一萬二千  
張公九日詩也

夏寅官

博望星槎四裔傳勳名畫閣燦凌煙導淮賈讓籌三策胡漢留侯手  
一編鶴駕徧詞黃竹子狼山歸伴赤松僊心營八極身千古翹首龍  
門輒黯然

曩於父執憤追隨問字門牆感受知萬軸極書原有託九秋莼菜更  
誰思耳鳴陰德徵容駟志繼長材聿奮譽莫為椿彫過哀毀蒼生霖  
雨衆相期

沈鈞

祭天遺像達精純淚眼矚眙奕奕神萬朽終存三不朽一身可贖百  
其身赤烏所謂今無輩白馬會知音有人曙後孤星明再啟佇看千  
國軌車輪昔者聯學獎普白馬忽  
登堂同輩早日君異人

顧錫祥

勳業文章動九衢萬流齊匯仰冰壺祇今惆悵風徽遠大廈傾危孰

輿扶

海上神山桂一枝。家聲奕奕仰宗師。曲江風節乖崖量。無限低徊動

古思。

生爲河嶽沒星辰。旗鶴相迎返太真。無那飄搖風雨夜。橫流柱石失  
斯人。

蒼生霖雨望猶殷。忍令哀音四海聞。極目霜林殘照晚。萬山紅淚灑  
秋雲。

王開疆

仁義豪爽著生平。獨據蒼頭矧耀瑩。畢露鋒銜倡變法。初奏奇功創  
大生。無心利祿專棉鐵。有志終須事竟成。翰墨詞章驚龍鶴。唾咳揮  
灑盡瑤瑛。

多能博學重理財。締造艱辛偉業開。精心效古成時傑。立志能迂真  
大才。全國駭聞公謝世。通民流淚慟樵摧。寂寞狼山雲深處。草木含  
悲風雨哀。

張綱甫

早向濠陽繫釣船。江東忽貫老人星。世尊魯國靈光殿。天圯元家野  
史亭。聰訓有文貽子弟。耆英寫像上丹青。琴徽已斷風流寂。回首粉  
榆失典型。

金鼈釣罷老江頭。械撲菁莪次第收。桂棹遠通蛟蜃市。萊衣高拂鳳  
麟洲。采芝已蓄千年餌。種橘真輕萬戶侯。草野謠思殊未已。四時歌  
舞古神州。

丁步周

紫琅文星耀。駭賦作幽韻。竺生一世豪。萬流仰明鏡。念翁昔掛冠。風  
德久云盛。吾謀適不用。嚶嚶屏譚政。創迹悉邱園。淵抱到畦町。江淮  
叢紗課。賸濁沒泥脛。殫精勤墾牧。先畜粒我隱。九衢奠坳蕩。歎飲臈  
輪聘。金風翳皎日。懷烈摧衰病。人生匪金石。扁盧術窮竟。元儒今云  
亡。震悼動咽哽。偉哉命世才。莫燭不可秉。述此抒哀慟。殫瘁歎不競。

方椒伯

神州歷史五千年。利濟都憑上位賢。一個奇人超往古。生平教養在  
歸田。

南國高賢志大同。觀鄉知道仰宗風。歸來寤寐求相應。欣納生徒化  
雨中。

重遊江海四年前。爲我諄諄話樂天。最感臨歧含淚送。滿腔心事未  
能宣。

創原不易守尤難。一世經綸況百端。會記當年多感慨。而今撒手爲  
淒酸。



紛紛救國起羣英。何故中原盡哭聲。真爲吾民謀樂利。人間可復有先生。

倒海翻江萬衆驚。鷺鷥猶自說民生。淮南遺愛人何在。悵望乾坤哭老成。

亞歐風雨助潮流。駭浪滔天捲地球。老眼看穿新世界。西歸極樂也優游。

隴山高臥夢羲皇。國計民生仔細量。半世安懷空志願。追維先哲更淒涼。

楊漢公

軍山之英。淮海之靈。生我哲人。羽儀八紘。蜚聲重譯。互市寰瀛。樞機在握。六轡無驚。

巍巍夫子。百世之師。木鐸振聵。斯文在茲。都講穆穆。學子熙熙。椎髻鬢首。服卉歌夷。

巍巍夫子。實業大家。模範百代。衣被幽遐。鞅悝無色。歐美咨嗟。於萬斯年。大我中華。

吁嗟泰山。忽乎其頽。吁嗟哲人。忽乎其萎。昊天不平。使我心悲。乾坤莽莽。我安適歸。

榮 哀 錄 卷八

許洪綬 王道平

九

環海具瞻矍鑠翁。大星忽復隕南通。治平虛抱伊周志。疏鑿未全禹稷功。濟世文章江海大。應天德業斗山崇。飯生忝附門牆末。一慟先驚魂夢中。

陳崇禮

台與曾胡共比肩。文章經濟媿前賢。遙參朝政推元老。淨晤禪機在暮年。村落經營聊小試。濠陽幽曠足清眠。妍精實業勞專使。喬梓聲名海外傳。

顧應蓀

憶昔棲雲館。曾停長者車。文章驚海國。貨殖出儒家。王劭誇雛鳳。康成應歲蛇。定知無罣礙。妙法證蓮華。

李九獅

盼長江於南通。今有偉人生而特異。崇尚正學。今道未嘗頌。與離文章。蓋世兮。遂大魁而及第。行義以達其道。今隱居已求其志。竭其力于實業兮。誠民利而且國利。士農工商。今百萬賴其蔭庇。張狀元兮。真民生主義。騎鯨去兮。喪其考妣。無二。幸後起之有人兮。繼志述事。

魏蘭

齋庵張先生逝世為敬書。披一切業障。根本得生淨土。陀羅尼用資超度者。

曩謹阿彌多婆夜哆他伽多夜哆地夜它阿彌利都婆毗阿彌利多  
悉怛婆毗阿彌利多毗伽業諦阿彌利多毗伽蘭哆伽彌膩伽伽那  
枳多迦利莎婆訶

周肇祥



張南通先生榮哀錄

榮哀錄九上

輓聯以遞到先  
後爲次

季直老兄於乙酉同試秋闈始獲訂交公學問經濟照耀當世  
治河尤能洞見本原規畫遠大世變方亟蘊蓄未宣良可痛  
恨

共秋闈親見掄元憶當京國蓋簪直諒喜聞揮塵論  
談水利羣推第一驚看中原沸鼎憂傷誰奏斬蛟功

孫寶琦

澤留桑梓功在國家青史勳名遺愛永  
慟絕人琴感深風雨黃墟涕淚故交多

李盛鐸

昨歲枉新詩江上清樽空待我  
秋風聞惡耗天涯悲淚共思君

江瀚

白下動秋風尊鱸無恙人何在  
黃墟懷舊雨車馬來臨我獨悲

汪大燮

咨汝治水咨汝明農咨汝弼教咨汝共工虞廷雖奮庸熙績古無能  
兼何期時丁標季名世挺生海濱獨創艱難業

祀之郊廟祀之明堂祀之曹宗祀之鄉社祭法以崇德報功公皆弗  
忝所嗟數阨貞元一老不憚邦國同深殄瘁哀

熊希齡

一老不遺失慟豈惟吾鄉

萬方多難招魂怕望江南

梁啟超

萬言營路傾心生際昌期相業肯隨翁陸後

三傑惟公闡世文猶未事詩名合讓范朱先

邵章

政事文章作一代橫流柱石

布帛菽粟是中華救世明星

坂西利八郎

士農工賈公皆堪作大師國故尤多勞且宜教都邑鑄碑湖山配祀  
成住壞空人固難逃此例天涯頻洒淚忍追憶論文假榻問政書紳

莊藹寬

絕業在躬行禮樂農桑事事真符顏李學

宏規期後起。淮黃江海繩。繩好續。直僑書。

趙椿年

善且薰其鄉。從知名。擅八區。當代王侯齊。頰首歿而祭於社。竊幸書成七錄藏。山著作自編年。

梁士詒 盧學溥

文章道德爲海內物望所歸。豈獨大魁多士。水利農桑是儒者經世之學。定當不朽千秋。

汪有齡

務財訓農通商惠工。開中國實業基礎。頻年導興水利。朝野咸欽。何異漢廷崇賈魯。

道德文章科甲經濟。爲當代第一名流。此日正值時艱。老成遽謝。如聞江左失夷吾。

陶家瑤

大名垂宇宙。經師入師。早歲忝升堂。學業幸聞洙泗道。養士滿東南。亦富亦教。孤寒齊下淚。悲聲應壯海門潮。

陸宗輿

爲宇宙間儒者特立事功。前不見古人。後不見來者。與歐美洲專家同垂竹帛。在下爲河嶽。在上爲日星。

顏惠慶

華路起宏規。曠代難傳砥柱共。尊經國手  
矩型懷宿德。哲人先萎。天河猶望洗兵時。

顧維鈞

鄭寓高密。馬居茂陵。遺愛在鄉邦。籌策動關天下計。  
遷論河渠。賈言溝洫。傳書檢行篋。愴懷不盡我心悲。

江天鐸

舊夢冷鵬搏。緬懷當代奇才。賸有農書傳粉署。  
晚年耽豹隱。猶講齊民要術。永留典範在家江。

孫潤宇

大魁天下。宰相山中。知公棉鐵紆籌。夙懷富庶。經綸宣室。偏慳虛席  
問。

館閣前型。年家後進。記我巾車造謁。乞得淋漓翰墨。墨脂樓猶見。九擘窠  
書。

項 曠

名業自千秋。至竟舍東懷葛相。  
衣裳思九合。可堪江左失夷吾。

夏仁虎



公似歐陽生推學者師死有傳於後  
我慚蘇軾上爲天下慟下以哭其私

惲棨森

有開必先千秋業及身已定  
以死勤事百世下聞風猶興

趙元成

當代傳人千古垂名青史錄  
萬方多難一朝厭世赤松遊

談荔孫

實業導先河一代完人衣被海濱推大老  
靈光頽魯殿萬方多難心傷江左失夷吾

湯襄

長江恨洗盡英雄名重九州驥子蘭蓀堪繼武  
珂里曾親瞻光壽時更七載狼山木葉倏驚秋

于寶軒

卅載經營樹基未固何圖天南星隕遂教井里悽惶庶業維新疇繼  
志

積年慕仰修謁無緣他日濠上車過徒感門庭清冷潔身欲進失瞻

榮 哀 錄 卷九上

三

依

黃澤伯

望縣範中邦可謂願宏於事卽對政本對教化懷才小試已見萬派  
朝宗門高海曲

狂瀾奔北陸或云死得其時但爲國家爲地方來日大難不禁同聲  
掬淚哀滿江南

凌文淵

公本自有千秋道德文章傾冠當代功名事業震耀寰區尤鷲早賦  
遂初看離亂風花綠野堂中餘宰相

我亦相從廿載鄉邦服務曾獲追隨虞部分曹復多親炙詎料一朝  
溘逝望蒼茫雲樹青山江北失瞻依

吳鍾麟

文章政治爲世模型公所設施諸端萃亞歐列國賢豪合鑪而冶  
澹災灑沉此心悲憫天不憖遺一老問江淮百萬生命託庇何人

郭世紳 張希載

臨絕猶揮憂國淚

一生長抱濟時心

孫詒澤

冠冕重南州。富教兼營。一代救時推鉅手。  
聲名尊北斗。江淮載德。千年遺愛拜穹碑。

關廣麟

曰釋曰道曰儒。仰我公探教化源流。歸極究真。大法本無異趣。  
而宦而工而賈。悉社會重生活需要。振興創作。中國尚有何人。

中華全國商會聯合會

立德立功立言。過化存神。平生落落大端。景式南天一柱。  
曰庶曰富曰教。苦心瘁志。至老孜孜不倦。楷模中國羣倫。

王文典

惟公植實業教育之初基。古稱鄉先生。可祭於社。  
令予以繼志述事爲大孝。傳言明德後必有達人。

金 還 張嘉璈

自治一州。獨創獨居。深念纒容百餘里。  
兵填全國。誰興誰蹶。孤瞻已過七旬年。

周大烈

工商樹富國之基。念經始維艱。千載大名垂宇宙。  
棉絮爲齊民要術。募紆籌盡瘁。萬間廣廈折棟梁。

孫廷釗

受我公主璋特達之知識陋才輕報稱至今慚范岫  
負當代黼黻太平之望志乖道沮永齡無術起王通

周家彥

劉真長素昧生平涕泗無端人哲云亡邦國瘁  
王濬冲爲時羈繼山河同遊雞鳴不已兩風哀

梁正麟

國家損失此爲大  
中外推尊誰與儔

張軼歐

勳業勝科名望重東南人第一  
酬知虛建樹策餘棉鐵疚殊多

秦瑞玠

吾鄉以僻壤遐陬賴有公聲聞四海  
舉國正閱牆啓費更何人鼎重一言

李芳

天子不臣諸侯不友出處與伯夷相同是大老是遺老  
星殞南國業創南通福壽繼汾陽而後爲一人爲二人

楊蔭喬

虎榜昔蜚聲。以碩學早掄大魁。展經綸宏富教。隆壽算歷公卿。允稱德業文章。具臻厥盛。

狼峯今隕秀。惟至神如水在地。自北闕望南通。際中元悵西逝。遐想江淮湖海。長炳其靈。

楊 棨

經濟文章。一身兼備。功垂邦國。澤溥民生。蒼天胡不憖遺。痛此日騎鯨竟去。

勳名事業。千古長留。前結農商。後綜水利。小子夙承訓誨。歎今後附驥何人。

陶昌善

通文學政治。經濟之郵。大江南北。物阜民安。井竈萬家。頌生佛。台名宦儒林。貨殖爲一。海宇東西。德高望重。斗山千古。是傳人。

徐毓果

名滿天下。謗亦隨人。惟有黃花香晚節。皮既不存。毛將焉附。尚留皓月照長生。

洪翼昇

功名事業足千古。

經濟文章此一人。

實業震寰中。拓食貨一書。小試鄉邦能化俗。  
文章驚海內。繼治安三策。大魁天下幾傳人。  
司徒衍

蘇恩培

南州冠冕。洛社耆英。緬生平富國良謀。自有大名垂宇宙。  
滄海成田。西風動地。聽野老同聲痛哭。常留遺澤在江淮。

陳匪石

識拔賤子於魚鹽中。西窮歐美。東使扶桑。遠大劇相期。深慚碌碌不  
才。萬里還雲。祇贏得郎署浮沉。垂老空勞青眼顧。  
驚聞我公赴巫陽召。既痛知交。復悲賢者。國身已無策。太息茫茫吾  
道。餘生朝露。更誰念平原故舊。傷心最是白頭人。

郭鳳鳴

末學仰耆英。經濟文章堪鳴一世。  
中原方擾攘。守真抱樸自足千秋。

章祖純

作邦人士之良導師。農家者流艱難創造。  
與先王父爲莫逆友。手澤是寶俯仰哀思。

嚴宏植

望重一時是劉晏經綸令公福澤  
名垂千古有韓琦科第庾信文章

吳乃琛

歸佛甫三年朝聞道夕死可矣  
願公懷九有我已度衆生奈何

胡瑞霖

功業輝煌光典冊  
風雲慘澹失明星

謝學霖

士安學業孝先文章聲譽滿江南咸許推鄉里望  
天澤年華曲江風度噩耗來冀北頓悲失老成人

周 茨 徐繼高

文章魁天下

功業著江南

嚴陸安

備齒德爵一老東南萬派共朝宗况更龍門身上  
傳農工商數行貨殖羣倫期救世如何箕尾秋騎

劉崇年

南州千百人中。有王謝功名。兼擅陶朱事業。論文章。論經濟。論才望。黜歎前不見古人。後不見來者。

通籍三四年後。以世界眼光。經營模範區域。若教育。若農桑。若市政。水利。公之真魄力。公之真精神。

黃藝錫

診療設珂鄉。築範時親遠。近咸沾仁者澤。哀音聞京國。臨風出涕。丰裁慨想古之賢。

金子直

紙貴洛陽鹽鐵論

星沉海角古今才

湯一鶚

文章事業冠絕羣。倫東壁。賈奎光。仰望斗山空。太息出處行藏。飮聞謙論。朔飢增客感。沉淪宦海。悔蹉跎。

俞鏞

松柏後凋哭元老

滄桑歷劫記靈光

顧寶善

與計然管子共千秋。付託好加文度膝。



以晉帖唐文名一世流傳猶愈阿瞞風

沙彥楷

乾坤龍戰惟悴斯民四海澄清虛壯志  
風雨雞鳴商量舊學千秋著述待明夷

單鎮

博物成書寰中名滿  
乘槎貫斗天上神歸

葉慶祜

識皇圖兩戒坐帝後七車念漢世之力田異等茂才剎那騎箕歸天  
上

享康寧大年擎穹廬一柱證佛果于忉利夜摩兜率低徊偉業播人  
間

馮閱模

利澤遍江淮八觀師承齊尚父  
文章盛魁斗百年人感魯靈光

羅文幹 孔昭焱

儒林耆宿實業明星泰斗領東南邦人長想衣冠古  
元老云亡梓桑多故江淮悲弔官遺愛尤令中外欽

榮 哀 錄 卷九上

七

萬秀嶽

天不遺一老

人已足千秋

錢應清

救國有奇方。惟棉惟鐵。

畢生留遺憾。治水治鹽。

景學鈞

育德振民。四海楷模。李元禮。

先憂後樂。一生志業。范希文。

莊年

四海起居相繼。以天下憂樂。並係老成。身逝自應。關氣數。

一官遷調何常。於公道是非。獨持正義。心喪豈爲感私恩。

盧鴻鈞

能守法。卽是好官。得公一字之褒。榮於華袞。

讀遺書。無非救國。願我萬方有衆。奉若金科。

劉仁裕

受知於五載以前。烽火滿京畿。聞關萬里。待教幾時。絕筆示先機。病

榻投書增激屬。

勉學以六經爲本。慎旃游海外。致力千秋訓。言在耳。樽材蒙特遇。重瞻遺墨。倍傷心。

楊令第

名業世難侔。素位千秋抗尼父。追隨年最早。白圭三復愧南容。

束日培

及門以侯師聖相期。屬耳敢忘言在昔。當世失韓昌黎重望。傷心寧獨哭其私。

章亮元

序功業則李郭同度。論文章則韓歐兼長。自田間奮起。尤難當朝右。變局尤創偉矣。斯人四海九州共崇拜。利天下而斯家可貧。富地方而處己能約。以魁士大廷非達。至投老荒江非窮。傷哉吾黨後生小子。失依歸。

習良樞

幹國老成。又弱一個。念中華興革。方殷。將來教育農商。誰爲模範。及門親炙。於今二年。痛小子步趨未盡。此後文章道德。僅有典型。

張祖受

所學能達時變。結念常在民艱。環顧域中。野外憂勤。竟難釋。

進莫奏禹稷功。退僅爲管國治。考終隔下。平生志願未全償。

王康壽

是江淮靈秀所鍾。具達尊三。天下大事公可屬。馳模範郡縣之譽。與難兄並。君子沒世民不忘。

許樹枌

天錫以名。國尊以禮。民盡以哀。此生庶幾生公無遺憾。文存爲教。言在爲規。業利爲義。雖死猶未死。世有餘思。

趙良錦

臥老一隅。無武力。無事權。而負天下重望。若此。動存百世。有文章。有樹立。試數近代抗手何人。

莫棠

寄封書七千里外。保身之訓。若接溫顏。自昔高情照東海。裒文學三十年來。就列之徒。尚非具體。有生並世。負南州。

曹文麟

公繫寰宇。重輕憶殮時。正大兩傾盆。國喪老成天亦泣。勅使婦孺悲悼。矧往日訪雄風。表海身經。擘拂意良深。

王昂

致慨黍離。斷句長懷公擊節。

欲焚焦尾。實音惟覺。世無人。

吳 栢

從游三十年。有家人骨肉之親。視予猶子。  
遭疾廿一日。爲暑燥溼風所厄。喪我良師。

江導岷

國步艱難。賴碩德。  
救危持正。缺耆賢。

陳文瑞

感知遇數十年。翼我軒翬。左右彌慚。不舞鶴。  
抱沈疴廿一日。漫天雨泣。東南痛失啓明星。

周爾忻

大地莽風雲。公已逐世界潮流以去。  
神州方沈陸。我不爲感恩知己而悲。

劉 垣

氣運系東南。大野墮星說淮海。  
師承數傳輩。當年入洛愧機雲。

郭文翰  
敬誌

如坡公奎宿。效文翁。郝巴蜀。學堂未比。及三年。此後遮莫推諸先植。

榮 哀 錄 卷九上

九

培最先乃傳厥子。

有嵩友鼎名。繼瓶叟屬亞洲貴器。不憚遺一老。以上無寧爲天下悲。慟在下當哭其私。

孫錦標

逢滄海澄清之日。以降生魯殿賸靈光。方幸國家有元老。先泮水重游二年而仙去。臺星驚隕石。長教里社祀前賢。

高肇楨

英聲千載。

斗南一人。

趙爾巽

往三年荷書招游。展世誼視猶子。濠陽小住。勝景重探。每於教誨之餘。話到家國艱難。能知公意。

先一日尚電問起居。和緩竟無靈。天上使迎。人間星隕。留此功業不朽。爲聽江淮嗚咽。豈竟人悲。

呂美蓀

平生志業功名。一邑已爲天下範。餘事詩歌文字。千秋獨與古人爭。

袁思亮

衆失馮依誰不追悼  
子能繼述師可無憂

黃士高

有九錄累百萬言。顯其政績。著其文辭。尚待編註。貽後學。具微長侍十五載。考以庶功。試以醫理。謬蒙知遇。感平生。

金石

七十年兄弟孔懷。經營合趣。患難同扶。造成一地方民治。難型模範。博虛名。畢世心。情瘁矣。

廿一日陰陽焉。診直到彌留。猶提時局。此不僅吾姓家庭氣運。縱橫彈老淚。他生緣分何如。

期服兄答

才華蓋世。事業驚人。汗簡定千秋。豈僅楷模留海甸。荆樹聯芳。梓材繼美。箕箒添五福。倏傳河漢泛仙槎。

馮士造

功業本無雙。憶當年。列國兵臨。獻策時賢。半壁尤資保障。科名舉第一。張昔日珂鄉。墾牧追隨杖履。菲材並効馳驅。

陳儀

實業振興。名垂天壤。

榮哀錄 卷九上

十

文星隕墜，功在人間。

吳楚楨 蔡瑞年

合當代元勳而論，惟公能衆醉獨醒，矢志勿移，全國九宜尊大老。於革命離亂之秋，示我以應退爲進，名言不朽，他生猶願隸兒曹。

楊懋榮

二十年來追隨於師友之間，步實業後塵，公自泰山我邱垤。廿四日正嘯傲在雲烟以上，得仙遊噩耗，夢縈崇海哭匡廬。

徐國安

前夢太離奇，曾屬畫圖留幻境。長公能繼述，更無遺恨到重泉。

呂瀛

飲食教誨與家人何殊，梁木泰山門下淚。盛德大業非稱述，可盡箕裘弓冶後賢思。

管國柱

廿年知遇視若家人，實業經緯萬端愧我未盡涓埃報。一身安危繫乎全國，碩德遐邇共仰惟公永垂宇宙名。

鮑誠培

十年詩酒追陪，從今披杜老遺篇，句好也應和淚讀。



兩世死生交誼此後過晉公別墅梅開只合斷腸看

劉煥

九錄炳千秋等是門人慚李漢

五洲喪一老寧爲學者哭歐公

陳邦懷

門牆回首近三十年百感觸悲懷往事難忘創西校

中外傾心遍九萬里一時傳噩耗哀音豈獨在南州

孫沅

畢生諤諤嚴義利之防霖雨在山萬流鏡仰倏爾騎箕野哭豈徒門

下士

垂暮勞勞爲江淮設計決川障海舟載辛勤遽暹乘化傷心猶有老

年兄

龔慶餘

爲百萬戶開食息場原莽莽周昀覃懷底績

更數十年話書生經濟湯湯淮水誰奏敷功

大豐公司同人

士農工商無使一夫失所公真是名教完人獨樹楷模遺後死

言行事蹟自應百世流芳我豈爲感恩知己長含涕淚哭先生

身世證法輪夢裏衣冠童子佛

趙秉良

賓臚喧使節江干車馬九州人

曹文鑿

染疾逾兩旬醫無效藥無靈中外知名咸灑淚  
悼音傳頃刻學停課商停市地方人士總傷心

李寶尤

招隱圯橋仙改南通草木山川從事畊桑貽燕翼  
探源星宿海揚中國聲名文物非關姓字噪鴻臚

劉啓佑

紡織開基先君曾與大計不幸館舍早捐藐藐茲孤感公面命耳提  
卅載裁成視猶子

干戈滿地國人正望慈雲何意梁木遽壞茫茫前路問誰障川挽海  
一肩擔荷柱中流

陳琛

公與先君爲布衣交幼識公顏長飫公惠從西郊執禮北第分曹而  
後以通家子弟列私淑門牆垂老竟無成竊抱微言付終古

世有大人開平民治輔世用儉避世用勤溯東海說鹽南河導利以

來本愛國精神規大農事業。謳歌今有繼。仍持熱淚哭先生。

范罕

功德在人間。三代下無此完人。立體祇從誠意積。英靈返天上一霎間。喪茲元老傷心豈爲感恩深。

蕭謙

嗟哉吾黨失山斗。瞻依三千年志業親聞。一本禮表記坊記以著。久矣斯文爲江淮潤澤。五百歲名賢間出。上承宋胡公范公而傳。

費師洪

勸以學問錫以文辭。萬里遠歸來常仰泰山依北斗。志在江淮功在鄉邑。千秋嘆長往那堪砥柱失中流。

宋希尚

百世後自是傳人。有國史存無待繁詞揚盛業。卅載前忝同年譜爲天下勸。更揮老淚哭私交。

夏啓瑜

名垂宇宙功蓋家邦。令德千秋綿子舍。泉石撫摩園林指點。愴懷念載哭師門。

孫鉞

於世爲法於鄉爲師。出處退居敢忘名訓。

不以利私。不以官貴。盛德大業。長在人間。

錢沐華

平生惡爲達官。早有盛名通萬國。

大業允無遺憾。忍看哀淚遍中原。

錢其琛

大陸撼秋聲。山斗傾頽。使家國與地方同時震悼。

長淮謀實業。規模宏遠。願後人念我公締造艱難。

呂道象

公爲曠代名賢。木壞山頽。痛哭鄉邦失民父。

我本伶官弟子。歌衫舞袖。傷心臺榭感悽涼。

戴衍萬

是曠世天挺之豪。綜其所成。若工藝。若農田。若教育。若自治。並垂大

法。

爲舉國民生所繫。聞公之逝。無親疏。無遠邇。無賢愚。無少長。各竭厥

哀。

易作霖

南通學製。奉教者有年。何期捧檄重來。忽聽騎鯨先入島。

岱東遠頽。欲仰兮無日。竟使撫棺一慟。不堪陪鯉再趨庭。

瞿鴻賓

天不憖遺一老  
公乃自有千秋

江恆源

承濂亭薪火之傳能以文章弁科第  
載端木胡連之器豈因貨殖損清名

章炳麟

是文星是壽星萬丈光芒射牛斗  
興農業興工業千秋鄉味重鱸莼

張廷珍

溯功業於松坡中山而外別有千秋豈獨文章驚海內  
論情誼在姻婭弟子之間尤多異數空餘涕淚灑濠陽

于振聲

造全縣竟成模範無與匹儔知功業鑠古今胸胸利人毋自利  
爲地方共濟艱難幸留一老况聲名播中外英英公子又如公

錢 冕

歷代狀元不少名世有幾先生蓄道德能文章蘊經綸著事業令聞  
越東西瀛海譽萬古雲霄斯人難再

全國大縣孔多。模範者誰。南通盛學堂。廣墾牧官機。廠紛輪舟小試。垂教實母儀。夢兩楹。俎豆於我焉依。

葉遇春

名滿天下。功在人間。方茲滄海橫流。更無手障。民懷盛德。士哭知己。後此濠濱。偶過彌切心喪。

孫啓基

卅年事業。豈徒文史。過人憶自昔。狀頭惟有先生當首屈。十載追隨。不以武夫視我。問從今報德。祇應諸子共心喪。

張仁奎

文章政治足永千秋。大績著隨刊。還欣豐水貽謀。儘有啓賢能繼志。朝野耆英痛翁。一個衰時難補救。從此眉山題句。獨餘軼在可勝悲。

蔣炳熙

憶當年贊襄公益。悉賴賢能。毋苟臨財。毋苟臨難。誰知數日違和。撒手竟辭桑梓去。

嘆此日追悼英靈。空酬德化。於國失望。於家失望。可謂千秋遺恨。傷心仰見泰山頽。

江仲亮

歲寒三友。嵩山四友。

文學名家實業大家

李鳴

謹

韋扶陽勳名事業累世殊榮接武嗣音寵命新承賢會長  
韓昌黎道德文章千秋正學起衰濟溺羣流空仰魯靈光

徐肇鈞

橐筆廿年強侍從諸城鉤畫微長亦嘉許  
抱書羣士後維持湖學丹鉛舊跡盡珍奇

單

道

芘覆總無形欲報恩情惟涕淚  
經綸難盡述但知事業異尋常

吳煦

我生孤露卅載鉤陶更加惠推恩乃至干菰蒲十口  
公本儒修四方模範卽論文談藝亦自是淮海一人

袁貽生

侍宦作賓萌樂土爰居忘歸去  
謫子猶弟子德門從此失瞻依

許彭年

勳名冠百世

榮哀錄卷九上

古

德業足千秋

王漢禮

受師範深恩難忘沒世  
痛國家多故又失元勳

耿其心

泰山折住薄海濤襟何况師生三十年來恩重  
觀音大緣彌陀宏願今當回向十萬億土神通

江謙

蚤歲締神交每驚絕世文章出手忍看朝局變  
晚年丁厄運爲念平生風誼拊心遙望寢門哀

林開蕃

晉庵老伯長諮議局時于先父爲同事每一論及熱心毅力備  
極欽崇嗣與孝若先生共事省議會多年燕翼貽謀尤深景  
仰時局未平文星遽隕老成凋謝悵悼奚如謹誌數語以銘  
哀感

是教育家是實業家家嗣成名殷付託  
爲鄉里望爲邦國望萬方多故失瞻依

吳輔勳



名揚寰宇。功蔽江  
謳在小民。身遊上  
末職蒞淮南。感遇  
大星落江北。哀田  
于大生步武規。堪  
以小試經營村。蒞  
養育徧寰區。億萬  
經營新世界。千百  
于先君爲中表。余  
問近代孰頡頏。功  
元首何足奇。項城  
碌更莫比倫。論民  
公薨真不朽。工廠

榮

哀

錄

昭均堪模範。數專家實業。在西歐亦慕公名。

周恩緒

謂必爲諸賢助。詳示以養生方。擔荷神州。反顧一隅。期後輩。昔嘗與大父游。近且勸小女學。莽蒼人世。縱懷四代。哭先生。

顧公毅

主持清議。爲中國一人。立德立言。更有事功。堪不朽。錄及庸材。襄教育廿載。亦趨亦步。愧無建樹。答殊知。

于忱

春初隨家君晉謁慈顏。溫諭親承。悔不十年侍公讀。海上有諸老。並驚噩耗。大名遠被。豈惟一邑繫人思。

于德宣

毅力洽南通。全國稱模範。先生切績誠偉矣。聞耗萬家齊蹙額。畢生營壘牧。斥鹵變膏腴。小民衣食多賴之。緬懷大德倍傷心。

陳沅

話五十年別。乞一百歲言。復結法雲緣。爲仰天親拜無著。勳廿二省悲。增三千界色。且將如筏喻。載瞻履障。續能仁。

鄧際昌

世重公表文。考同情。爭仰望。魯殿靈光。亘奈一朝圯矣。

友視我援昌黎成例。嘗潤色孟郊聯句。猝驚千古悲夫。

陳祺壽

狼奔豕突。傷心盡屬偉人。寂寞荒江。疇肯作村落經營。爲乾坤整頓。虎逝龍亡。張目更無餘子。摩挲遺蹟。我徒負十年知遇。付百感蒼茫。

郭守純

雲雷事業。幾徧東南。是五百年名世。挺生豈徒學問文章。足魁多士。泰斗儀型。久欽中外。經廿一日病魔侵擾。頓使國家社會共失完人。

章熙愈

大生爲通海百業之母。先父曾任其勞。數十年苦志經營。頓使江淮成都會。

暑溼亦秋令。各證之常。諸醫竟窮於術。幾萬里哀音。悽切更無柱石。奠中原。

劉光泰

料天下有數人才。幾個似吾師。經濟文章俱卓絕。哭眼底無多知己。百年如逆旅。海山兜率總茫然。

沈其光

試回首廿年以前。長趨藩府。片札愧親承。落月靈堂。見風義。先遭疾五日之夕。恭謁南山。名言遺教。誨飛輪大道。戒奔馳。

樂 哀 錄 卷九上

十六

孫 祀

論七四壽不爲不高祇緣大志未終歸真猶惜早  
得千百國相親相敬豈獨中華以內聞耗哭先生

王邦彥

濬川墾地爲明公絕世經綸重到謁濠陽千里縱橫數方罫  
寶樹香雲見我佛垂光了悟最終遇梅坵萬花寥落讚文殊

呂祖綬

公爲當代文峯學業超羣三載園林新教益  
我卜鍾山塚上精魂戀舊九原杖履好追隨

饒鐵僧

富貴壽考比汾陽哲嗣尚青年星使宏才著歐亞  
道德文章超永叔名園依綠水奎樓終古仰儀型

吳讓之

與史遷管仲以同傳經濟文章生死於人關休戚  
合昌黎眉山而共祀馨香竹帛宣勞爲國享褒崇

許慎修

道德文章經濟內外成功願南通遺訓永垂全國具瞻模範縣  
豪傑聖賢佛仙人神一體想觀音靈感加護十方安住寂光天

寧獨爲一代大儒。邨落經營皆成不朽。

劉仁航

此後留五山陳跡。煙雲日暮再謁無時。

袁劍侯

先生望重德高。在鄉言鄉。一代施爲傳罔極。

小子家貧才拙。知我用我。兩重恩誼報何由。

周金印

建設事業成廣廈千萬間。不僅寒顏庇風雨。

教誨自立仰梁木二十載。每翻遺墨動滂沱。

陸勤

遭時非常所感不一端。誠哉斯言。十五年道義締交。每憶壯遊傷往事。

實業壽世。令名垂千古。後者誰繼。卅九日睽違永訣。遙揮老淚哭先生。

盛炳紀

深知教育本源。端在師資。宏開學校。造就多士。

貫澈棉鐵主義。特設紡織。愧叨培養。未成材。

馬哲民

南通海隅僻處而爲一國楷模非具堅忍卓絕治能烏克臻此  
夫子山野屈居竟受全球崇拜統觀中外古今歷史誰與相衡

張師湛

溯前代之相埒人壯蒙正而老叔裕  
吾從來最思傾者昔東坡也今先生

沙仲炎

邦國之師江淮之望

梁木其壞泰山其頽

姚登瀛

南通五季卽唐虞歷宋元明清以訖今茲公平前無古人後無來者  
當年三士共朱范超胡王孫徐而冠儕輩允矣生爲河嶽死爲日星

姚步瀛

其宏謨雖海客能詳但看擘畫經營一邑久爲天下重  
有奇績付史官立傳此後緬懷典範五山並峙大名垂

木業公所

承下交已閱廿年鑿垣歸依畢世素心惟私淑  
際此日同聲一哭高山仰止千秋青史重公名

金仁濟

是震日曠代者勛膏澤萬方何止數百千里  
率淮海貧民子弟同聲一哭不知幾億兆人

貧民工場全體職員

三年許効馳驅於我公實業淵源愧未略窺門徑  
兩月前會晉謁對小子教言懇摯誰知竟棄塵寰

王錫煥

放巨眼窺世界事憑隻手建天下功踏金鼇破駭浪動山嶽泣鬼神  
昭日月列門牆惟泰婁福得是期高山仰止景行行止  
爲四百兆民衆生變五千年專制局倡立意興學校導鹽墾啓棉鐵  
治河渠論德業邁湘鄉合肥而上淮海一人中國一人

龔徵桃

奉職列門牆湖面訓常承梅垞猶留一席話  
呼天罹厄罰痛心喪甫服麻衣又被不祥人

朱國銘

居恆勸我以實業林國遇艱導我以禪理養心開篋檢遺書服義懷  
恩令我欲生隨逝感

侍公談學終日無倦容憐公濟世百年無了願仰天看浩劫匡時拯  
難盼公還作再來人

吳兆曾

偉績在人間。飲水思源。歌頌詎徒吾實業。  
空言羞紙上。醜金范像。籌謀願共衆同胞。

高源

垂老猶念師門。力返枋田。再造恩情感存歿。  
施惠豈徒吾黨。功在家國。千秋事業係興衰。

宋鏗

儒林山斗。國家棟梁。畢生濟世功高。一腔憂樂  
天下達尊。海濱遺老。此際蓋棺論定。萬古榮哀。

李九文

實業創興。中國利權。防外溢。  
人材作育。兩江子弟。沐餘恩。

徐百揆

山中宰相陶弘景。  
唐室能臣劉士安。

南京江東鄉江東文社

公爲當代儒宗。星隕南通。咸墜淚。  
于是近時權使。名傳西域。共傾心。



南京上新河木業公所

宇宙大名垂中外同欽好模範

工商遺澤在士民齊悼失儀型

南京祥茂源木號

識占鵬賦痛起鵠原憶頻年忝荷深情不遺弱弟

鴛鴦漸衰豚兒已逝問此後誰憐晚境只賴叔兄

蘇謙

齋庵老友於丙寅七月逝世郵言以哀之首二句蓋公於通籍

後不應合肥南皮之招嘗爲還言之也當公年六十有八時

嘗謂還曰學不給用七十後入山讀書矣還曰出洋游歷三

年歸必復作一番新事業頃六年耳曷勝愴悼

北不走李南不奔張一老歸然教養獨行匹夫志

公曰入山我曰航海千秋已矣雲霄終負此心期

方還

生也有自來逝也有所爲

下則爲河嶽上則爲日星

陶祖典

虎年鷄日劫運在天舉國同情念民父

榮哀錄卷九上

九

鐵馬金戈戎機愧我建功何計報先師

張元

擅漢唐宋明諸儒之長而總其成大業尤在於力行模範美名垂千古

經朝野中外巨變之餘究弊直追排爭恆持以正義東南碩望第一人

雷士俊

先知先覺

有守有爲

王正廷 許沅 吳山

值滄海橫流大道終淪疾首如公此恨應難泯地下  
登嶸山絕巘南天遙睇痛心有我自維何以答師門

蔣丙然

公爲國元老而望重斗山五百年名世挺生遺緒幸能紹弓冶  
我忝門下士又勉供驅策廿一載素餐自愧撫躬何以報涓埃

王崇烈

創實業本屬致富之策公意逸衆情反自散財謀地方許多福利自  
後芳名垂百世

造園林無非娛老而設國事仍煩惱更作精神砥世界一切橫流從  
今東亞悼偉人

楊邦楨

一身繫中國安危弭兵禍障學潮未了卻莫年心事  
十載承明公獎借誦詩歌摹書法永奉爲先哲儀型

盧國俊

風度長論千載上

謹思應徧大江東

徐世昌

其生也榮其死也哀北斗具翹瞻得壽得名洵無愧色  
大雲在山大澤在野南州遍遺愛所聞所見蔑有異辭

尤屏翰

念尚湖魚鳥慨大澤龍蛇極同門分校之勞九錄遺書徵運會  
啓揣日羣盲警迷方七聖增豪傑自強之氣一人毅力振東南

尤金

教人如往古大師矢志不欺入室猶思公在日

據世本先生宏願鞠躬盡瘁騎箕尚及國亡前

繆又功

三載列門牆授以農學策其樞材回思高誼雲天未報涓埃餘痛淚  
萬方尊泰斗實業偉人羣黎生佛試聽悲聲江海豈徒桃李愴遺型  
遺誨不敢忘以自助力養成自立性  
哭私胡可盡有名世者奉爲百世師

汪承焯

王鎮

曾魁多士無媿名流實業耀全球真空前富國經綸鴻識遠逾劉晏  
智  
哀我下民喪茲元老噩音驚薄海幸此後傳家弓冶象賢還有仲謀  
才

胡銓

是中朝第一流人做屣魏科椎輪實業經緯極萬端國史應開新傳  
例  
與先子有同年誼梧棲猶存杖履久別追陪忽十載春明難覓舊巢  
痕

項肩

公師範學校始建記有二云廣之萬國以求其同還之二三代以存  
其獨濠陽小築聯語云當門臣叔親栽柳隔岸公園取次花

謹撮名句藉表哀忱

列肆度中夏西域圖書存三代所獨廣萬國所同曩有良箴依法流  
通徧村落

同人多親炙私淑弟子傍隔岸之花仰當門之柳悲吟舊句臨河相  
嚮弔濠陽

南通教育用品社

聲譽及東西萬國爲當今物望所歸沛然者長江流公之名昭示無  
極

治道準富教兩言於師範裁成尤亟已矣哉吾黨凡我有今非本曷  
思

南通師範學校校友會

德望重東山文采炳南國政術陋西京矧發皇民治前古尤莫與比  
隆使千八百縣盡奉公爲模範豈惟坐致富強直可上躋三代盛  
耕織蔚農桑貨殖著鹽鐵城郭溢市廛而絃誦膠庠師範實先端大  
本歷二十五年以能有此成績但願快張志業庶幾下慰九泉心

南通師範學校職教員

折節與田父周旋蒨服樓鞋會以荷鋤留小影  
報功爲國人鼓舞雲車風馬寧惟立社載英聲

南通縣農會

立己誰與倫。不着廊廟江湖色。相報公期有在。寧獨教誨飲食恩私。

哀其傷

偉略震中西。人存政舉。人亡政息。大名垂宇宙。其生也榮。其死也哀。

徐安仁

與先嚴爲昆季。布衣交。溯當年公車東。道下榻南城。暨分袂遠隔沅湘。輸悃竅而郵筒盈篋。綢繆逾卅稔。許爲生死交。期天上有知。料想大羅逢老友。

負盛名以實業。大家始。數生平學采西歐。文高北斗。更紆策上符管葛。紀事功則野獲成編。謳頌可千秋。况得郎君繼述。其人如在。巍然終古。此靈光。

嚴道洽

令子具李杜詩才。哀陳學識。廖周風度。山川秀靈。體國增光。一代聲名留北闕。

我公有管陶功業。韓蘇文章。顏柳書法。乾坤誕育。爲民造福。千秋俎豆祀南州。

施滋培

公以實業倡天下

我爲中國哭先生

嚴慶澄

治水本遺言。奠定江淮功不細。

勝天在努力。綢繆桑梓望尤深。

南通縣水利會

大好模範村。公何遽迫桑榆。請益重來怎忍見。寒林秋草頓失山斗望。我亦分榮桃李相嚮而哭。最難忘時雨春風。

徐蔭桐

享壽七十餘。愛國愛鄉畢世精神留萬古。

問疾八九日。卜夜卜晝傷心涕淚哭先生。

李復真

謀公益忘私。愛鄉國忘家。素願未全償。幸有哲嗣能繼述。襄教育十年。侍疾病十日。不才無建樹。空餘痛淚答殊知。

李希賢

識公甫暮年。每逢下榻傾談。東浙不忘孫氏子。

侍病逾旬日。但恨奔勞無補。文星竟落大江濱。

林國祥

本五山靈秀所鍾。有猷有守。有爲大任。知從天所降。棄萬方瞻仰而去。立言立功立德。沒世猶教民不忘。

耿長廷

爲斥鹵特樹一鄉。因地之宜。盡人之力。奪天之權。凡此諸端。已足與海門先哲著錄定庵遺集。

卽文學亦堪千古。傷時最蚤。得第最遲。負創最痛。欲求知己。信唯有昭陽輝叟可當季老神交。

李詳

天子不得而臣。諸侯不得而友。一言而天下法。匹夫而百世師。

陳時泌

以實業固教育基。刻苦經營。不盡春風。培弟子。乏長策。挽造物忌。驚傳噩耗。無端秋雨。哭先生。

戴傲賓

大德莫能名。憶昔奔走識慈顏。多蒙不棄。菲材有時承教。文星竟忽落。當秋淒清。聞噩耗。近仰所書遺墨。無限愴懷。

崔潔塵



乃兄堪競爽。有子克象賢。世澤常新。北斗名高。符素望。實業救國貧。教育膺民智。儀型宛在。東山不起。哭蒼生。

李寶章

胡來通。縣有模範稱。伊誰與之。有難兄。有難弟。既以殿撰爲科名冠。尤足羨者。公爲鄉子。爲鄉

袁文星

生聚教訓。功在一州。豈徒令弟子心喪。驚秦岱崩。頽梁木摧壞。締造經營。校成廿載。此後無先生手澤。既杜陵廣廈。白傅大裘。

南通女師教職員暨學生等

志趣與王沂公相似。學術以顧亭林爲歸。覺民治規模。抗衡萬國。儒生事業。彪炳千秋。瀛海繫觀瞻。不徒造福鄉邦。功德昭垂。齊感頌。早年於師範校從遊。近歲在氣象臺襄事。知名物器數都。寄精神。寒燠兩陽。動勞關注。斗山失攀仰。差幸承床堂構。典刑型紹。述更恢宏。

劉渭清

自十年來。締造經營。新器疊增。吾輩勉遵先哲訓。知千載下。仰觀俯察。崇臺聳峙。先生永繫後人思。

軍山氣象臺全體職員

謹論爲中國安危所關。寧獨一州資月日。

大計與平民利病相切要當百世見風規

南通報社同人

推本州大業開全國先河為政在人借箸勳關百世利  
以東海嗇夫作中邦元老從公于野歸農翻悔十年遲

朱慶瀾

大雅云亡在昔儒林稱巨子

老成凋謝從今邦國少完人

鄒守玉

時通不仕時亂不隱名譽播寰球偉烈豐功垂後世  
其生也榮其死也哀噩音傳海甸焚芻掛劍弔耆英

華成實業警衛團第十七隊

士林巨擘實業專家大斗仰高懸薄海蕘芻沾化雨

子克肯堂年逾杖國入琴傷並香滿階梧葉泣秋風

阜寧千秋港商界

大業建設荒草木桑麻沾潤澤

文星歸上界士農工商總悲哀

阜寧鮑家墩商學界

國家大計重農商歷載經營手澤猶欽遺典在

鄉里哀思遍淮海。秋風嗚咽淚痕都。逐逝波流。

張正炷

人同仰止風規觀廟堂。九德

天不憖遺耆舊隕江淮一星。

胡光連 江祖岱

文章經濟惟江淮。大師問先進與吾儕孰窺崖略。

草木平泉憶濠陽。小築願後人補我公未竟勛名。

湯 鉅

昔吾母之喪。辱荷題褻。紀實使死無所憾。勸養俾生致其嚴。得逢當代儒宗。拜賜我同會子固。

值國步方艱。遽凋元老。憂樂與天下後先。功業繫域中。想望試數東南人物。從今誰是范希文。

何祖澤

十載感殊知。上壽回思如昨日。

百年能幾見。傷心不獨爲吾私。

丁文江

偉業震東西。論經濟文章一代名儒誰嗣響。

悲風動江海。念達人盛德。五山秀色自長青。

胡爲和

勵孝弟力田而始。歷富貴壽考而終。蓋代仰斯文。萬丈光芒瞻北斗。  
抱經營八表之思。成利賴一方之業。大名遂悼史。五山風物感西州。

袁國鈞

邦家多難。方恃耆勳。當代失完人。涕泣悲懷遍全國。  
校事惟艱。自傷寒劣。助子賴將伯。維持繼續到嗣君。

楊孝述

文章經濟。百世可師。豈僅模範。交推藉其聲。稱滿當代。  
事業勳名。一生無憾。所恨早潦。爲厲繼將。疏鑿託嗣君。

河海工科大學教職員

不朽有事業勳名。善繼似嗣君。模範愈堪垂後世。  
遺愛在國家社會。無才若賤子。悵懷益復念平生。

伏金門

持籌握算。勉効馳驅。山斗忽傾頽。長慟門牆失依怙。  
盛德廣譽。莫殫稱數。箕裘能繼述。永仰模範著江淮。

習廣淵

享壽七十四。齡公常勸學。惠工自治有聲。振天下。  
識荆二十餘載。我適采薪。撒瑟夢魂終古戀。中元。

章邦直

四海仰聞人。天下皆以爲模範。  
長江悲逝水。國家不幸喪元良。

瞿鴻達

藥鑄延殘歎。尚惓惓將校務商量。一息稽遲。心血自能貫終始。  
杖履得餘閑。輒諄諄以詩文教誨。三年奄忽。悲哀庸詎問親疏。

羅鴻璇 范蓋晉

功在千秋。允稱邦國光。非徒祭於社。  
分居半子。旣爲天下勳。并以哭其私。

侯鍾滂

合同門十餘人。差足言其緒。餘從政未能請益。並慚生性魯。  
策鄉校八百所。業已及於中半。推行有自。遵聞還望後賢多。

南通縣教育局

負君師望。時不可乘。故令村落閑居。勸學興農。清醒苦標模範。洽躬禹稷事。願猶未已。回憶座隅承教。立言垂訓。毅誠足起懦頑心。

楊瑞生

厚生正德。是神州實業大家。同懷東道主人。空自隆名。瞻北斗。  
訓農惠工。爲現世救貧要政。公竟西歸佛國。憑誰美利溥南通。

雷炳林 李炳郁 許狀柏  
以大料選別具經綸迨遭時鼎革實佐元勳殖業振淮南在昭代儒  
林應首編一傳

於高商學久承訓誨比從事金融益蒙摯愛哀音驚白下仿孔門師  
法服心喪三年

浦拯東

本聖賢資作士民範事業滿江淮七十年戮力苦身數吾師教養兼  
培飢溺總關懷擴地已成三萬頃  
期以名儒勉為循吏典型邁濂洛六千里春風化雨愧小子追隨無  
狀敬感思曩德哭公沈下一重天

盧宗岳

富而後教具世界眼光村落經營每見綢繆關大計  
天不憖遺失東南領袖邦國殄瘁豈徒扶植哭私恩

王勳

讀書起三墳五典入索九邱足能搜括邃初服筭未遭秦劫火  
自治根通商惠工勸農興學正可連蹀歐美中朝忽圯魯靈光

顏作賓

鶴駕返蓬萊溥海同聲哭元老

鴻名垂宇宙，仁風普遍福羣生。

沈乃捷

南通由公著，公亦以南通稱。一老云亡，邦國殄瘁。先哲導我前，我忝附先哲後。匹夫有責，步武艱難。

張震西

動天地發樞機，衣被精神及全國。始飲食則祭祀，報崇功德此先河。

大生第一紡織公司同人

名傳天下，德被羣生。萬端發軔於一隅，絲縷陰陽心血在。事以勤成，業因情敗。此訓服膺垂冊，載謳歌哭泣並時哀。

秦濟

登大魁建偉業，溯之先達誰似之。曰惟尚書胡氏、方伯王氏。外五洲內四海，聞者皆哭。尤慟者更有賢師高公、老兄退公。

馮熙宇

過東海濱迤邐而來，見工商發達，政學休明，提起國家民治精神，衆望所歸，有口同稱，模範縣。

與中山輩後先代謝，痛廣廈遽傾，狂瀾莫挽，縱覽世界潮流趨向，萬方多難，傷心又失老成人。

秦縣胡家集輪局同人

惟夫子是一代賢豪道德文章東亞洲允推巨擘  
爲地方造百年幸福言行經濟南五省咸仰遺型

李 譔

金殿掄元名滿天下

玉樓赴召劫脫寰中

丁日章

於革命爲鉅子於實業爲名家於政事則淹貫中西通才曠世孰如  
公况思少日聲華曾得大魁誇海內

其自洽重鄉邦其文章重天下其書翰定流傳久遠便面新詩纔寄  
我詎意秋風寥落竟成絕筆在人間

沈同午

大名垂宇宙文章經濟樞府推崇方期愛日長留青史丹旌齊著績  
福蔭徧鄉邦國計民生通盤籌畫詎意慈雲頓杳黃童白叟盡含悲

張其典

受知歷廿四年久承庇覆近於遊子弱女教誨尤殷兩世坐坐春風心  
喪曷已

著聞及七萬里卓絕古今惜乎鹽鐵河渠措施未竟九錄炳星日手



澤常存

羅逢吉

本橫渠弟子。作南軒賓師。隆禮親承。適館難忘。扶海坻。廣平仲飢寒。抱希文憂樂。宏規待展。鑿楹猶有。導淮書。

黃彥升

芬精舍以安。徒衆割腴壤以植基金。駿舉雲興。一日觀成。蒙厚澤。命教授而重文言。主訓練而持嚴格。梁摧哲萎。從今建設。失方針。

南通公立初級中學校

痛我公邁疾廿一日。

與先君論交三十年。

孫啓楮

魚鹽紗布利挽江河。定論自與微管感。

經濟文章望隆泰斗。不才滋愧阿蒙期。

張中立

清代狀元郎。偏不作清代官。甘退居草野。淡泊一生。懷曠代宏猷。正爲前代遺民。竭力能懸易代後。

張家宗少婦亦來沐。張家化痛攝影羅陰。依稀二月。撫大家垂範。應共自家外子。同心取法。進家初。

榮

哀

錄

卷九上

七

張黃碧隄

拜別甫匝月。遽隕大星。知後史雖以關係運會言。事要亦由乎人。憤憤直欲割刃庸醫。麻醉幾針傷國脈。知遇感暑年。資遣留學。在當時原爲救亡人材計。我獨膺其後。厚落未着先鞭。祖述飄零一劍負公心。

徐潛

勳名震全球。不以其位而以其德。一身安危繫東亞。賤軀困一豎。未省公病與弔公喪。三主摩拂泣南容。

徐善基

自甲辰集屬縣耆英。遂數會於斯。創湖學宏模。出海朝曦啓中土。矧賢誥徇同儕。公意嘗兩爲之長。感杜君至慟。臨濠悲淚溢東流。

南通縣教育會

自治導先河。蘋藻一州流惠澤。儒修成絕學。風雲九錄著文章。

南通縣議事會

與先君同遊在五十年以前。細柳新蒲更向門前沾教澤。痛吾師遺疾經廿一日之久。淒風苦雨竟陳雞黍送哀音。

朱啓寅

地有傳人足使五山重江北  
文能壽世長留萬卷在濠南

吳錫昌

英靈稟間氣挺生初不以大魁天下動其心溯平居文章經國政略  
匡時聲望炳千秋直欲邁王沂公韓魏公而上  
謨畫關博施素抱實能本興起斯民任諸己看此地庠序盈門絃歌  
比戶儒宗師百世固應與荀卿子文中子俱傳

張蔭穀

國難正亟忽喪元老靖亂拯民復屬誰  
嗣賢甫著遽哭諒陰展才濟衆更何年

李師剛

子弟誨之田疇殖之子產而死誰其嗣之今所聞於與人者乃亦類  
是  
泰山頽乎梁木壞乎哲人其萎將安放乎此豈獨其徒黨也而始云  
然

徐昂

闢萬間廣廈開萬頃上田大業清操身後只餘桑八百  
爲一代名儒稱一國元老人亡邦殄心喪何止客三千

事業勳名千秋萬歲

汪銘恩

文章性道當代一人

道賢  
模頌

作人以活人一日云亡痛哭同聲天地慘

盡己不利己畢生匪懈彌留猶念國家危

醫院全體職教員

卅年師事端欲鑄金介壽憶登堂獲奉溫言猶妮妮  
兩月睽離驚聞易箘銘幽感題碣回思清淚更潸潸

王祖懋

季直仁兄同年與先杏惟兄爲乙卯舉貢同年與余爲甲午會

試同年同受知於常熟翁文恭公文恭薨余弔於常熟師門

君挽章有公如命何世不足論之句戊戌夏余客京師君造

廬過訪並集坡句泥深厭聽雞頭鶻天廡新頌玉鼻駢二語

見贈一別垂卅年矣回憶舊遊竟成永訣痛可言耶

燕市識人豪聽鶻泥深十四言竟成曩迹

蜃樓驚世變化幾秋冷三千里相哭同年

桂 坵

久依函丈。志在鑄人。實業裕基金。從此宏開新教育。  
曩忝講壇。知哲嗣才堪華國。孝思歌永錫。自然推廣舊規模。

葛懋昌

虞坂許良材。伏櫪頻年慙伯樂。  
海陵遺偉績。肯堂有子慰蘇瓌。

楊晟

其生乃地方國家世界所關。是嘗在野。  
列傳合儒林貨殖文苑爲一。前無古人。

滕壁

人才關氣運耶。慨國體變更。廿二省紛爭不已。賴江淮重望。保大局  
和平。在野名流。狀頭有幾。  
舉邑彈丸地耳。溯光榮歷史。千百年遺愛常存。范文正築隄。胡安定  
講學。我公興學。鼎足而三。

劉堃

從長淮以及吳淞。撰杖多時。瘴拂春風來座上。  
由人痛而感天哭。蓋棺一日。淋漓秋雨灑濠南。

王廷臣

教育實業。模範寰區。創業貴守成。世澤自存。繼志有人。寰區共載。

民治專功。開宗萬世。撫像傳史。乘由山別派。行止定論。萬世銜悲。

馬森

卜居珂里。恆庇粉陰。自從解甲歸來。每荷薰風。嘘未座。九錄告成。一朝恒化。此後欲圖晤對。祇將薇露奉遺書。

李炳榮

慌氏本考工所傳。衣被有資。大業不隨滄海變。留侯以辟穀爲戲。神仙何說。高懷應笑赤松游。

大生織物公司

惟我公位望俱崇。允無愧色。百年感衣被。溥惠閭閻。方期締造艱難。偉業大成。真是天生爲社稷。念小子漂零失所。雅意優容。十載賴維持。仰承蔭庇。詎料風雲變幻。驚傳噩耗。竭來何處哭長城。

褚德徽

公於爲學。以君子責己。以衆人望人。蓋斥老釋耶回之偏。獨尊儒統。竊所得聞。本實業救貧。本教育振味。直駕歐美。非澳而上。一闡華風。

翰墨林書局

功業之盛。文章之美。無埃敷陳。獨感兒時。荷殊遇。大江以北。長淮以南。失此屏障。豈惟吾黨哭其私。

陳堅

驚質列師門。教澤常親。多少恩情頻付我。  
噩音傳。戚里道山遽去。愴懷飢溺。復何人。

吳鑑春

大名爲中外同欽。碩學宏猷。海國長留師表。  
噩耗驚報。章傳載山頽木壞。江天遙望。感傷。

徐嘉清

中天正氣留淮海。

半老宏猷重鐵棉。

孫發緒

經濟文章名聞萬國。

門牆雨露心喪三年。

徐銘

同年異祿念先子平生。經濟文章公不朽。  
折節下交。賴長君厚庇。淵源風義我尤悲。

章昌鐸

以名進士才猷爲幕。爲官爲農爲工。實事求是。雖及暮年。猶惟日孜。  
孜無敢逸豫。

具大丈夫魄力。治江治淮治湖治河。厥功未成。遽登覺岸。悵在瀾汲。汲誰與挽回。

錢光治

不與仕途親。要使一州成萬範。重爲天下慟。豈徒三載感心喪。

徐延復

一州顛顛與海鄰。得公遂暴著乎吾國內外。先達雖多方斯蔑矣。庶政炎炎如日出。繼長則無間於其人存亡。後死有責。願共勉旃。

南通縣參事會

德業貫江淮。今古相資傳奕世。棉鐵倡天下。剛柔能濟足千秋。

陸肇錫

射策居大廷第一。組閣推名流第一。碩望重寰瀛。砥柱東南宏幹濟。學行仰經術無雙。事功昭相業無雙。珂鄉遺模範。旂常俎豆極榮哀。

許人俊

憶幼時便荷垂憐。成人拜教誨之功。立業感培植之力。悠悠蒼天。畢世應難酬大德。

歎往事不堪回首。施澤遍吾族之深。期望及後起之切。依依白日。九



泉何以慰尊親

金 越

爲邦家之柱石開教育之先河功德莫能名羣頌者英關國運  
壽慈母以嘉言被兒曹以厚澤恩情慚未報願隨諸子服心喪

施仁政

文章千秋道德亦千秋薄海同聲無復英豪能過此  
功名第一事業更第一萬人痛哭徒勞夢想冀重來

王國燦

能以身繫天下安危匪先生莫可當何大禍橫流此老不遺憑誰更  
作迴旋地

最致力在郡國利病於小子多所取痛長淮依舊斯文重檢尚有從  
前商榷書

袁承熙

當前萬惡天奪長城局外更誰系中國  
最後一言石沉大海夢回驕恨別西山

徐振中

爲鄉邦開衣食之源廣廈大裘豈直兩珠兩玉  
有史官書事功於冊南山北斗永垂令德令名

榮 哀 錄 卷九上

三

通如海棉業公會

脫軍籍歸來能六七伐不愆。卽此微長猶我錄。  
數哲人安放。溯五千年以往。有誰清望與公同。

陸鴻達

年華易盡。事業無盡。  
體魄云亡。精神未亡。

孫傲

商戰縱橫。命小子遠道尋師。敢謂學成。臻實用。  
與歌。漢楚念我公。耆年卽世。不隨物化。晦榮名。

徐祖同

南通二老是天下之大老。爲國家爲地方。忍見老兄哭老弟。  
當代一人乃千古之傳人。立德言立功業。允孚人望。表人倫。

顧蓉鏡

保安世才略。具博望聲威。值茲國步多艱。恬退自高。無愧山中名宰。  
相。

守橫渠學說。紹曲江風度。不幸哲人云萎。道遙赴召。遽爲天上修文。  
郎。

李瀛

名魁翰苑功被農商豺虎滿神州毅然拓財富奧區萬古雄風表東海

身廁併曠生全鼎鑊猿蟲嗟浩劫詎料剩滄桑遺老九秋涼雨泣南天

姚榮澤

波撼五山搖十七捷薦地沈淪梁木壞乎精爽若乘風雨去  
名高四夷重九萬里環瀛稱述村落俱已規模獨創古今來

馮廷杰

謀猷持大局艱危國有棟樑豈獨縣成模範  
哀悼達中央政府千金歸賻竹看一字榮褒

張 綦

英雄造時勢

經濟大文章

馮 激

衆母云亡豈但我廠懷厚澤  
哲人其萎料應天下哭先生

大生紡織二廠同人

小子心喪有訃

榮 錄 卷九上

三

先生學爲人師

歐陽育恩

觀民國紀綱外有患內有亂正賴大老扶持孰意天禍中邦竟使神州摧砥柱

考先生功業傳於史載於書何須小子追述獨悲星沉南極頓教梓里失長城

席邁羣

萬姓輟砧聲天上星沉人間棟折卅年經世業鐸鳴衆士衣被羣倫

大生校教職員

周孔以來性道文章誰與匹范韓而外人倫師表獨推公

張鼎和

稟五山靈秀建東亞殊勳經緯奠邦基教士勸農通商惠工垂不朽爲天上列星作人間泰斗馨香流萬古淡雲涼月淒風慘雨總成悲

通泰海實業警衛團第四連

痛政治疲癯退閑十畝興教育創實業令聞溢九州論科甲得人公其傑者

爲文章宗匠。法兼八家。禴龍門。禘蘭臺。盛名垂萬世。驚魁巨。失曜我。復何之。

吳 贊

撰陳功德。萬言不能盡。感發寤寐。畢世莫可誼。

周 瞻

自別講堂廿載。事事尋常。慚愧師恩無駿展。縱觀年譜一篇。皇皇勲業。本源祖澤在魚灣。

凌國榮

曠世難逢。經濟文章誰代霸。

五山無恙。榮樽花鳥不勝愁。

王紹曾

商學農工。實業專心。事事推爲奎首。功業聲名。全球無出其右。通如崇海。經綸濟世。人人倚若長城。規模言行。百世難望此公。

崇明外沙堂

會 聯志校 同善堂

策實業以安全。設團保衛。

感併懷之恩澤。共表哀忱。

通如崇海實業  
警衛團第四連

蓄道德能文章是江淮間氣所鍾曠代宗風更誰嗣  
闢草萊興庠序俾海國蒸民立食治平事業獨公多

大生二廠全體機工

天上一大星沉人間慈母失

連年沾化雨今日泣春風

大生校全體學生

辦師範以擴教育寰宇羣推良楷則  
興幼穉而培後進寸衷猶冀繼起賢

林柏青 陳秀如

隨阿兄後入母校別科法參新藝道集公門準望亦開諸郡始  
斥錢氏書有省垣舊事學獎後生辭窮當路情懷早感廿年前

曹文瀛

創三高校悉賴大謨嘉訓甫題書詎料竟成絕筆  
著九錄篇並垂良法晨星多寥落何堪又喪斯文

劉芹生

先生誠偉人哉爲恐苛政施行實業摧殘貧民苦力無從代向首都  
以請命

大造惡作劇矣若使壽星不老佛光普照衆庶具瞻所及豈獨蘇境

足增輝

江蘇火柴廠十數萬男工民  
聞公之德慕公之才兩月中疊趨崇階上達下情仰承體恤商艱亟  
代馳書阻當道

既得其名又得其壽一病後遽歸蓬島哀傳噩耗想見感戴者衆潸  
然含淚遍通州

王敬甫

兄事卅年來雖出處語默殊塗驩樂金陵夷會共谷風追盛典  
友聲一時競念存問起居如舊談詒殫殫痛隨斜日墮虞淵

劉世珩

本農桑鹽鐵之庸進以治國退以治邑  
開事業功名之烈生也何榮死也何哀

陳冠英

校訓以服習家政爲教靈爽式憑永佩良箴等金玉  
屏詩引樂育英才自慰聲聞不滅長留高詠照江山

南通女子師範校友會

五百年間氣所鍾是民國元勳是東南砥柱發軔策源在蕞爾彈丸  
之地

念四日大星忽隕或西方接引或上界真修歛和食德咸欣然續緒  
有人

唐開市糧業全體

樹人興學至德可師太史策殊猷鑄鼎銘鐘紀彪炳  
木壞山頽後生安仰使君看續武神鉤英蕩自綿長

東台母里師範校全體學生

昌黎文廬陵詩詞翰九儒宗一代高名齊泰斗  
河渠書食貨志謳歌布方策千秋遺愛在江淮

東台母里師範全體教職員

數當代經天緯地之才舍公誰屬  
灑平生注海傾河之淚知我者希

譚功禹

生聚十年教訓十年慘淡經營衆口競傳模範縣  
科名第一勳位第一老成凋謝百身難贖棟梁材

薛蔭田

絕筆痛千秋吾道其衰泗水風微淮水冷  
安車徵四皓斯人不出商山雲黯泰山頽

王汝琳



西塞爲家。大夕大星驚隕地。

南軒講學當年小。宋許登堂。

王廣棟

以漢宋名儒興富彊實業。才學識橫絕古今。百世可師。豈僅及門沾化雨。

養東山譽望。扶南國紀綱。功德言交推中外。一辭莫贊。空瞻遺像泣秋風。

劉啓徵

志節自殊倫。揚子津盈遺愛涕。交期仍兩世。甘陵黨感幼時聞。

沈成式成棟成武

公真文務夢驚遠。誰家雞博學莫名。立功不朽。平日性天至善。猶憶亥年晉謁。屢賜燕談。蒙爾時法眼垂青。題額署端。驥尾附行。致千里。俺是藝術留鴻。有翫筆虎。纂成覆盆。書娘操板。比年道誼。上交何圖。寅歲驚聞。悠騎疆逝。慨今夕圖懷。欲白呈言。脫稿鳳才。作敘少一人。

嚴履泰

公自冠齡精藝。初夢乘龍。知九章溯原八卦。僑文學家。僑教育家。僑企業家。兼萃衆長。事蹟洵超前軼。後擴環球觀念。聯中外感情。統財

榮

哀

錄

卷九上

三

政農商交通司法等部曹彙廿二省光明灌輸允無慙殿撰先聲是  
治世完人是亂世奇人是叔世偉人劫輿公益之多端賞心共鑒昔  
日褒揚模範氣壯山河印尊北斗成七百里縣道遠謀猷續緒長君  
早立高名垂宇宙

我縣亥歲識荆下詢野鶩解四體根據六書讀儒林傳讀獨行傳讀  
貨殖傳諸緣咸集才猷推繼往開來從上海旋歸向崇川憑弔欽亞  
歐澳利阿非美洲各代德愾數十年慘澹經營應筭曰支那元達爲  
一鄉善士爲全國善士爲天下善士依附生存者萬戶有口皆碑今  
時噩耗然疑身騎箕尾喪俺南鍼恫五千載勳功首唱欽淵思鉅子  
永留大著賑華夷

嚴履泰

師以道得民看平生冠冕人倫不愧狀元兩字  
禮有功則祀聽海內謳歌衣被更應俎豆千秋

陳鑾

在當日高掇巍科隻手早定大廈  
使此公不辭首座國本永固苞桑

王蒼虬

掇巍科登顯仕傳宇宙大名平子茂先何足數

興學校闢商場負江淮重望儒林貨殖定常昭

如臯商校職教員暨學生

地爲舊遊一盞寒泉薦秋菊

天助哀思萬里南雲度塞鴻

陳端

盛德被江淮數十里鄰封頻勞北顧

餘恨留婦孺五百年名世早讓南通

張桂

江淮重道義文章唯一大儒端推此老

通如爲兄弟姊妹於兩師校尤見懿規

江蘇第一代用師範校全體

與先君至契歷冊載如新昔年止宿荒齋有道經過丰采已能傾下

邑

挽叔世在瀾於一州示範異日書勳良史殊方矜式烈光還欲眇前

賢

陳宓

與列強而爭商戰挽回利權人品科名均第一

培寒士以執教兼注重國學文章道德兩無雙

榮哀錄卷九上

美

朱龍祺

經濟文章大觀天下

勳名事業永留人間

陸樹榮 張金魁  
馬繼良

公知吾父最深是文字交是肝膽友  
天奪老成以去爲斯人哭爲地方悲

陳 寓

開教育實業之先河江淮獨稱一老  
垂典型盛德於後世史冊應留萬年

公立第十六小學校職教員

學貫古今功垂百世丕烈遍江淮中外聲聞傳卓績  
情關胞與澤及羣氓芳音留海嶽東南砥柱更何人

許峯魁

取昌黎韓子雜說憑依自爲古昔渺論功公有大名垂遠裔  
讀象山書院記言感發興起門牆未親炙我承眷問愧平生

項本源

儒行兼學問事功未獲大施乃託辭村落以老  
校訓惟堅苦忠實應體斯意各効力父母之邦

潘樹聲

正氣蓋華夷。生有自來。南通縣中支砥柱。  
英名垂宇宙。死且不朽。大羅天上作神仙。

姜鏡蓉

公居一邑。惠及萬家。論裕民福國。允宜六五。岳而四三。光道德文章。  
餘事耳。

望重環球。功垂百世。推霖雨蒼生。洵足駕中西。以跨今古。山頽木毀。  
益淒然。

如皋縣戶籍總事務所全體

令子夙稱天下才。名滿中外。  
我公雖棄人間事。澤及江淮。

叢其毅

鹿門無復龐公跡。  
鴻寶長存范蠡書。

薛岸橋

木壞山頽。天不遺一老。  
行坊言表人。其足千秋。

雲南省議會

榮 哀 錄 卷九上

三

立德立言立功先生千古  
有猷有爲有守中國一人

趙世銘

憶京宦追陪雲泥略分風義聯交紫霞軒拜讀宏文冊載離懷千里  
夢

痛老成凋謝泰山其頽哲人安仰黃歇浦驚聞噩耗一杯遙酌九原  
知

包延祺

民治開新基豈知元季一意經營年來底事關心甚  
筆端饒古趣誰論鍾王千秋珍重是我同時得亦難

李紹迪

育英才以濟國困倡實業以濟民窮維新以前有何人能見及此  
匹夫而爲百世師一言而爲天下法昌黎而後非先生孰克當之

楊傳敬 童溪石

名滿與天天下仁人悉  
驚傳世地地上良民悲

鄧鑾

以文章經濟橫絕一時老境數與亡四十科名非晚達

賸根矩幼安痛深孤調新亭誰涕泣三千風月盡同年

孫雄 黎承種

國且飄搖視狀元宰相爲何物

世方建設賴文章經制一流人

楊青

憶我公生而爲英死而爲靈正氣獨光明何消說骨抱九仙疇臻五福

維繫鄉校哭不憑棺奠不親弔同聲惟頌禱無非併世播三立國張四

灌雲縣公立第一小學校

萬物育百工成熱心世教推先覺  
泰山頽樑木壞仔肩道統有賢郎

王發明

辛苦艱難已三十餘年實業振興名滿天下  
依賴生活者數千萬戶耆英溘逝哀動江南

陸學煥

幾度報鸞書先覺先知歸上界

頻瞻殷想像秋風秋雨弔南通

榮哀錄 卷九上

天

省國同悲。哭老成逝世。  
箕裘克紹。羨繼起有人。

王發荃

宋鈞培

氣誼海東親。記會館過三江。話連數夕。因相憐同病。遂南鍼錫我。更  
北府成予。回首卅年餘夢影。

事功天下重。聞已公能佐國私。足承家特遙望各天。祇一謁濠陽竟  
羣離海上。傳心千古失神交。

張森楷

感舊傷今。卅年爲世  
人亡國瘁。四海同聲。

吳敬修

創實業三十年。根本之資。爲社會圖治安。爲人民謀幸福。經幾番鐵  
血精神。勞矣勞矣。

遲壽考廿六載。期頤之數。喜厥務皆發達。喜傳家有令子。無半點塵  
寰思想。仙乎仙乎。

湖北宜昌平民工廠

而竟喪元良。蜚譽詞林。領袖實業。早立專業文章。經綸煥前賢。偉擘



允宜光史乘

不憊遺一老南中耆俊功著國家常留德範宏規謙恭延後輩小子猶許入門牆

張一志

記省中議席開時言論風采朝夕親承十五年寤思未沫值國內沸羹烈候老成典型膏育莫挽四億衆巷哭同情

朱家駒

廣廈萬間開飲水思源拜公賜

禮堂三日哭斯文將喪奈天何

平潮市公立小學  
職教員學生

學問從源頭上得來事業由棘手中做出  
生榮祇數十年之久死哀及千百世而遙

顧鴻圖

九錄誦遺書事業文章秉曜寰中輝史筆

一州驚折棟後生小子指迷海上失方針

南通通社同人

屬一州望屬一國望並屬天下望

為萬民悲為萬方悲更為百世悲

榮 哀 錄 卷九上

五

孟津

師乃江淮異人胡變故須臾半壁東南驚柱折  
我亦橫渠弟子念裁成高厚廿年知遇痛山頽

宋翼

玉尺數當年睥睨不羣一代人文推泰斗  
珠崖漸舊澤悠游卒歲半生低首拜門牆

馬玉仁

南通已千古

中國有幾人

馬甲東

那堪一代人文未容謀面  
最痛千秋事業誰可繼公

吳鴻璧

是超然派之領袖是實力派之斗山物望信攸歸生平砥柱中流碩  
德耆年息影濠南垂道範

在教育界為明星在政治界為元老沈疴嗟莫起甫過于血蘭勝會出  
頽木壞寄身淮北哭經師

邱福庭

是教育家。是實業家。是政治家。是文學家。運世具全神。立體祇從誠  
意積。

為濠陽哭。為崇川哭。為江淮哭。為華夏哭。呼天長。灑淚傷心。豈獨感  
恩深。

陳琨

海內震陳同甫。登上第。名入中之龍。文中之虎。平生抱范仲淹。為秀才志。後天下樂。先天下憂。

張國淦

事業本文章。啓後光前。澤被東亞。私恩兼公義。山頽木壞。淚灑西風。

李宏增

左臺舉主。徒負循憲。殊知剡水。憶重過。愧我乃江南俗吏。同榜少年。每懷九齡風度。東山竟終老。哭公為天下蒼生。

張超南

入表仰丰裁。通商惠工。胸開萬古。十年蒙教澤。感恩知己。泣下數行。

譚翼

教育救亡。實業救亡。非先生莫提倡。非先生莫踐行。方期民國前途。

佑啓賢郎來步武

家庭模範社會模範惟後起乃尊崇惟後起乃傾慕詎料中元翌日  
催詔學士赴修文

趙恨天

實業啓南通有爲有守有猷時難年荒不遺一老  
靈光仰北斗可止可行可久文章經濟允著千秋

胡介昌 任學謙 朱宗濂

國事問誰腹痛先生天不憐遺一老  
文章知己心喪弟子我應報答二年

吳鳴麟

公抱濟世長才行兼夷惠志在伊周江表士民爭額手  
天不遺我一老諸葛沈星仲尼夢奠海門風雨泣招魂

陳威

爲吾華實業導師教育先覺數十年趨承疏附百端獲覩經營全國  
仰南通成績早膺模範譽

至今日望尊元老德被生民九萬里崇拜觀瞻一死原關運會衆星  
拱北極大名奚待史官傳

吳志仁

去來今一刹那。曹子建有云。既痛逝者。行自念。德功言三不朽。韓昌黎所謂必傳於後。可無疑。

孫啓泰

與先世道義相投。追思保護東南。共以偏隅挽全局。得哲嗣聲光繼起。已見折衝樽俎。早知明德有達人。

劉明彝

文潞國立德享年。竟靳期頤。箕尾九霄。驚返駕。陽道州催科。居下考。夙承教益。犧牲一語。永書紳。

李錫純

前念餘年。吾友金君煦生。自滬貽書。謂昨晤季師。云詔筠不凡。因修書來詢近狀。又亡友夏君藹。如在寧教育事務所。促膝談心。輒時時稱道。又對於叔平家兄。及亡友朱君節之兄前。時加激賞。不遑備述。蓋師之所獎進者。不僅在文章。曾面誨予曰。汝能治事。追憶及此。輒用心傷。今而後。不復聞師命矣。悲夫。

吾將安仰。梁木其顛。說項記逢。人難以心喪。酬厚遇。人之云亡。邦國殄瘁。橫流誰砥柱。不因知己哭先生。

孫啓椿

道德文章當代所宗。用則行。舍則藏。十餘年怡志林泉。隱然繫天下之重。

生老病死自古不免。名既遂。身既顯。千百載垂聲竹帛。皎乎爭日出之光。

白寶山

一代仰名流。大星忽隕崇川。太息國人矜式少。兩年承教益。匪電遽傳津海。思量道範感懷多。

崔其樞

盛德我難名。卽茲警政一端。擘畫綦詳。亦播寰中模範。輕材公所造。今日開區重蒞。奮勤自矢。敢忘門下挈提恩。

陳人梓

先君棄世。曠斃焚孤。孀帶跡崇川。頻年仰賴。併蒙異地羈留。依父執元老。居鄉樹種。種模範。蜚聲中外。被病未逢和緩。環球震悼。失斯人。

王文俊

盛德大業。爲薄海所欽。名世何嘗關科第。木壤山頽。豈一家之慟。殊知况復感私恩。

汪慶憲

富教策東南。爲民先導。觀仰繫中外。爲國元勳。德業孰能幾大海狂。

瀾勞手障

江淮籌水利我効馳驅杞梓育師資我忝襄贊涓埃會莫補頽山壞  
木祗心傷

丁璜

是文學家是政治家是實業大家歷史如公能有幾  
爲中國慟爲南通慟爲吾黨尤慟悲歌愧我不成文

周應

謀通海自治二十九年數息未親報告會  
開淮揚官荒五百萬畝功成還望繼承人

馬炎文

愛國愛鄉五十年志願所成方古賢哲何多讓也  
奉几奉席二十載追隨如昨勉夫小子豈不慟哉

薛 毅

勲勞在國模範在鄉公微洪憲潔身民殆殆生聚久矣  
卓苦堪師風義堪友我室瞿思署額銘辭直終身誦之

陳其嘉

年譜述平生國史憑脩藍本好

公才真曠世縣名同永紫琅高

榮 哀 錄 卷九上

望

王禮

開中國刺繡先聲。曰普通美術完全。十載經營。猶慮未能償素願。數列屆生徒畢業。若贛皖浙閩蘇滬四方傳習。深虞弗克。荅殊知。

南通女紅傳習所全體

去吾母逝世甫及九旬。許以勸善輕財。一字誠榮於華袞。爲地方維新業。已卅載。際此人士政舉千秋。當不沒公名。

明洪

盛德大業。非蠡管能探。卽吾儕身受言之。啓廣廈育師資。早已卑湖學成規。陋周庠遺制。

尊聞行知。有典型可則。矧校訓手書。詔我勗不欺。策自立。敢勿蒸心。香一瓣。永教澤千秋。

江蘇第一代用師範校學生

童年屢荷栽培。視我若孫。儕真愧深恩罔報。試仰企通邑宏模。真冠崇如海州。咸趨盛軌。

舉國共欽元老。聞公登仙。任曷禁大慟失聲。非僅關箇人私誼。下附政商學界。同矢哀忱。

郭贊巖

廣廈賴經營。數十年挹彼注茲。寒士顏歡。先生心苦。



英材宏樂育。幾百輩。知源飲水。今時感念。後日追思。

私立教書初級中學校  
實業私立小學校 教職員全體

仲父天下才。大業於今增列傳。

太公海濱老。高樓終古想清時。

凌鴻壽

相從際南州。全盛之時中更艱難。頻仰公言資楷範。

慨助就東海。漫遊所獲未終纂述。遽驚郢斧隔人天。

黃錫蕃

當代一人為民國策安全。為南通造幸福。

大名千古有風雷之事業。有泰斗之文章。

包燮

碩德魯靈光。山林一語安危共。

達尊齊祭酒。事業千秋中外知。

通海高級商業學校全體職教員

碩果昔僅存。始能料北闕以文章。終可宏南通以事業。

哲人今已萎。不僅關一邦之榮瘁。直將繫四海之安危。

胡朝選

人之云亡。邦國殄瘁。

吾將安仰泰山其頽

陳其  
言

辱封非兼收屬望于我有加適館授餐得侍大師復何憾  
索蠶桑近製成書而公不待脫劍懸壘欲效季子殊未能

溫敬甫

文章經濟天挺人豪歷年接席諫光策邁計然欽偉略  
詩禮兼詩諷道高耆舊有子傳新德業門題公藝永遺型

沈元鼎

作廣廈萬間垂老勤儉工部願  
讀農書百輩當秋驚隕丈人星

南通農科大學全體學生

滿清時魁占鰲頭不干仕宦爲榮人品高若絳雲浮霄漢  
民國世誰彰驥尾保護江蘇生命權衡大如碧海靖波瀾

吳思慎

爲地方興教養諸業繼起有人豈惟孝子慈孫尤屬望南通後進  
以文學鳴光宣兩朝日記若在用裨徵文考獻當不讓常熟遺編

蔡元培

辦自治則義主村落創實業則望重寰球惟先生夙著英名不愧東

南元老

駐智利以永奠邦交。濬長江以預防水患。有公子克昌厥後。足稱中外雄才。

孫雁蘇

豈徒舊學爲斯文。北斗可稱名世。可稱十九紀發明家。昊天胡不憖。遺竟於此時。奪民望。

會溯大江請實業。南針告以決心。告以廿五年經過史。愧我終無成。就空言救國負公期。

劉盟訓

模範號南通地。以人傳先生不朽。

勳名高北斗。福爲國造。舉世同悲。

賈士毅

國有興立。賴此管葛。經綸燕許文章。早擅大名垂宇宙。天不憖遺。忍當滄海橫流。干戈滿地。忽驚一柱失東南。

張相文

惠政關懷。模型華夏。

忠言逆耳。力阻項城。

湯鼎

對大廷三策弁冕羣英平生贊絃忘懷專事培才與興業  
拓廣廈萬間招徠寒峻數載置郵託庇那堪棟折又棟崩

蔣鴻一

絳灌愧無文廿七年瀕海隨耕師事忝從諸子後

朱陳欣有託三百里隔江聞耗我來剛值考終時

龔培基

天上星辰蘇玉局

胸中憂樂范希文

方新

海宇多艱江北幸爲完善地

琅峯忽倒老年不與亂離時

卜佐榮

亂世補苴難贖耆碩二三時復凋零牽大局

卑田遺愛在有孤寒八百同聲痛哭感私恩

南通第三養老院同人

患難相攜三世論交逾骨肉

菀枯不異卅年託庇感私恩

趙景福

物望滿東南。名世勛華傳不朽。  
文星隕霄漢。克家訓則付來茲。

丁乃揚

以儒生振起華風。歐美名賢交口頌。  
有令子克承大業。淵源家學衍心傳。

李芳

幸尚為委巷窮儒。快廣未能永念箴言傳記室。  
藉詳識海濱大業。漁耕可樂。祇憐垂老遠師門。

李元衡

一身繫天下。經濟文章煥耀千秋遂博史。  
萬藝赴南州。舞羽鼓瑟低徊七載有餘哀。

顧樹華

學成經世為當代宗師。餘事擅詩歌。朋儕招集秋聲館。  
富有藏書惠一州。子弟層樓聚圖籍。儒流竊比春明坊。

圖書館全體職員

自興學校。稱親炙者奚啻三千人。看及門多才。踴躍涼涼獨私淑。  
擬導江淮。其計畫也。殆將五十載。幸克家有子。繩繩繼繼斷成功。

陳耀宗

公生平事跡奇偉魁偉存歿輕重鄉國故殮之日僅就其經營  
之琅山區以言劍山踞數方褲子港決數丈天雨數次沿江  
大風潮塌地數里是山川爲之共震天地與之同悲也  
魁宿隕東南山崩川決  
哀聲驚宇宙雨泣風號

李閔概

無中外無老幼一視同仁西歐教主  
有文章有經濟隱居行義東魯聖人

吳振

華英亞美

三十年前科舉未停高義並狼峯新籍特開光我族  
一二月內戰爭尤劇哀音來驥渚故鄉無恃哭先生

莫貽生

總角論交見知實業政治歸於教育  
從心有進合鑄名流豪傑範以通儒

顧錫祥

德業功勳往昔過庭聞當代名儒真第一  
化裁覆育自今村落內林廬設位奠尊三

顧元忠

堅苦忠實校有訓宜終身可行嗟我無端感今昔  
倣落權輿手所造非一時之利與人應不共存亡

保思鏡

狂簡列門牆廿載殊知報稱幾會稱若許  
存亡係舉息萬方多難感傷寧獨哭其私

余文蔚

小子瞻德範在十齡時至今日復守身事親之訓  
先生見獨行於三代後舉世民知內聖外王以洽

顧元能

以棉鐵之義誘道民生廣廈費經營廿二省人承雅祝  
宗聖哲遺規視行教育尼山驚頽隕三千弟子共心喪

紡織專門學校教  
職員學生全體

過庭有師友遺聞公望伯夷海右十年喪二老  
業野本體經一義儒林貨殖村廬兩次拜先生

顧元軍

憶唱酬別館爲歡幾何踐後約以無期夢與先生成獨往  
問編訂遺篇是誰之責媿一詞而莫贊心喪弟子亦二年

南通不有先生怎看今日

王鈺

中國已凋元老猶痛彌年

李雲良

卅載勛名凌北斗

畢生心血鑄南通

徐策

航業振殊方無限菁英貫淮海

大星隕霄漢一般薤露徧東南

達通公司

開河渠以導水建船牖而通航大利溥農商海客爭趨模範邑  
具邦國之經綸試端倪於村落英名垂宇宙秋風摧隕丈人星

澤生水利公司

示五山伐石之禁樹長江築樑之功流峙巨寰區千古英名垂不朽  
由東海磅礴而生得西方接引而去存亡關氣運萬方有衆失先知

大山砂石公司

輔世長民應起山中謝安石

先憂後樂不忘天下范希文



趙世榮

是大賢人物格知至。所爲皆本乎新民明德要旨。宗宣聖志。老安少懷。遺愛豈惟在下邑小州之間。

易旭升

自有大名垂國史。  
惟將痛淚報公恩。

王樹森

爲聖賢爲俊傑。爲名士爲詩豪。又爲實業教育專家。貫澈廿四紀新學潮流。出其餘技亦千古。

有經濟有文章。有深謀有遠慮。兼有堅苦卓絕素志。曠覽五百年儒林列傳。似此奇才得幾人。

鄒樹鐸

公懷仲淹志。且負仲淹才。鄉國賴經營。海角文明留楷式。我遭伯樂時。未承伯樂顧。龍光思拜謁。山邱零落詠州門。

陳綱

創業盡艱難。成敗事付之天也。沒世稱名當代少。視垣一窮討論古今人。不相及耶。後生末學負公多。

馬遂良

狀元爲天下英才政事文學慈善教育稱名家化雨時行華夏全球  
同景仰

實業挽國中強富墾牧工廠商務農林推模範仙雲速駕東南半壁  
共含悲

胡沛霖

隣邑樹風聲。弦歌百里。衣被萬家。治國先從州郡起。  
故鄉沾福蔭。稅去煩苛。商輕負擔。受恩更比士農多。

海門縣商會

畢生事業功名。前不見古人。後不見來者。  
似此文章道德。可爲天下法。可爲百世師。

章鍾生

自知樸魯。曾故侍從絕稀。一邑間勉効馳驅。敷教未能慚力薄。  
公善鑒衡。而是非大白。廿載前早膺恩遇。愴懷不僅爲心喪。

湯彬

廿年喪亂。惜未行救亡制憲之謀。邦國可哀。造村落。  
一意經營。竊上探立校。署民之旨。河山在望。著涓埃。

南通補習學校

與先君交。訂布衣。每逢遠道東來。下榻建謀。資利益。

愛吾輩親如子姪忽見文星西墜撫棺痛哭失憑依

丁自慶  
潛  
華

求民智之進化順時勢之潮流策畫經營不愧南通稱模範  
百事爲地方興一言爲天下重老成凋謝頓教中國失儀型

梁毓藻

海邦地接南通遇學校創興既去町畦資巨款  
先生望隆北斗痛國粹淪陷還期靈爽振頽風

海門縣教育局

九錄炳千秋仰泰斗聲名當代應推韓吏部  
五山鍾一老數江淮人物吾鄉又見范希文

海門縣參事會

南州一老憂時繫大局千鈞魯殿遙瞻豈獨故鄉資保障  
東海三桑傳世利高文九錄玄亭忽見誰爲自治導先河

海門縣議事會

善堂創辦締造維艱管理奉肅規方冀南針時拜賜  
滄海橫流挽回匪易瞻依空魯殿驚聞西土遽歸真

海門縣溥善堂

儒林文苑更兼經濟家披年譜新編國史堂皇資載筆  
水利路工並追模範縣造鄉邦幸福秋風蕭瑟痛騎箕

海門水利會

款路工處

是古文家又是實業家溯頻年村落經營願學未能坐羨南州如錦  
繡

爲天下憫更爲鄉國憫歎從此斗山傾圮橫流誰挽長令東海咽波  
濤

海門縣市鄉董事會

治水疏王港保壩守昭關遺愛正多豈獨爲南通實業  
組紗廠立基關運河定案全功果竟更將開東海利源

東何通濟公司全體職員

可稱一代偉人學通淹博志在澄清李不敢籠袁不敢屈獨於實業  
經營萬戶編氓無形受福

豈僅萬家生佛壩成大有民不知乾淮水湯湯江水泱泱從此田疇  
浸潤黃童白叟有口皆碑

趙堅

邨落井井模範名存教救浹民生誰嗣輿歌思子產  
江淮湯湯計畫書在憂樂關天下致齋野哭失希文

能於萬千廣廈之間大啓絃歌容一我  
豈惟八百孤寒者輩同瞻山斗哭斯人  
徐聯素

葛懋修

無斧柯尺寸之憑立德立功立言破除用舍行藏爲千古文人吐氣  
當鼎革亂離之會不惑不憂不懼融貫中西義利與五洲鉅子爭雄

高湘

棉鐵定方鍼三十載毅力經營惟難兄實與公偕初基聯合通崇海  
江淮留治績數萬言精心結撰知中國尚有人在在廣譽流傳歐墨非  
是天下才功業無庸弟子傳  
通崇海泰總商會全體會員  
爲地方哭規隨共道替人難

孫勵清

行藏關時局安危一老不憚遺泰山其頽梁木其壞  
功業與文章彪炳大名垂宇宙雖死之日猶生之年

陳汝

閩溪照忻

興農興學興商勳業著江淮於歷代儒林中獨樹一幟

榮哀錄卷九上

哭

立功立言立德大名垂宇宙在民國史冊上自有千秋

褚秉鐸

神歸天上功在人間溯遺澤兮孔長赫赫大名垂不朽  
身列儒林心殫實業逾稀齡而染疾悠悠我里哭同聲

南通縣莊布業公所

成邑旬月不讓古人記越海皆來吾儕就之如歸市

仰德承風若瞻生佛痛騎箕大去我公名已著全球

關中西菸業公所全體職員

先覺覺斯民大道仔肩合古今諸鉅儒無與等倫是以聲名溢中國

美利利天下羣生屬望卽東西各友邦同深崇拜豈唯模範造南通

許乃秋 增祺 明 諭 韓定安

生前爲天下魁合范文正陸宣公韓昌黎胡安定集於一身八座大

司農高閣元勳耿耿雲霄星宿彩

死後貽國家法分道德經貨殖傳河渠篇平準書譯成九錄五洲羣

弟子望洋興歎年年風雨海門潮

戈銘猷

亂世文章孔北海

暮年絲竹謝東山

陳康

太翁爲當代元老。仰事業勳。謨都屬福國利民。昭垂不朽。小子曾追隨杖履。憶教誨勉勵。祇有修能自惕。無負先生。

孫寶琮

勳業紀南通。青史盛名終古在。  
英靈歸西竺。白頭老友幾人存。

王清穆

爲地方惜。爲國家惜。爲世界惜。  
是文章家。是政治家。是實業家。

楊照文

萬方多難。公不少留。溯生平立德立功立言。霖雨東山人。孰能師翁相國。

十載長辭。吾將安仰。想耆宿有猷。有爲。有守。冠冕南極。天胡遽召。范希文。

管駿捷

營公衆事業。則身爲先。經艱難。創造卅年。成江淮區域模範。縣與此老頡頏者。吾未見。有忠實不欺四字。贈新舊潮流教育家。

江蘇省教育會

教育開全國先聲。自鄉校倡設以來。率男女皆能嚮學。才望爲一方保障。於時局傾危之會。歎東南何可無公。

江蘇省立第三女子師範學校全體

慘澹經營下邑。小州名海內。

棲其風雨。素車白馬會江邊。

南菁學校全體員生

用儒術手策富強。精力瘁生平。慨乎其言。有計畫而失敗。使州邑治。傳模範。聲名滿天下。逝矣何憾。留老成之典型。

張世鏗

多士楷模傳百代。

一生事業足千秋。

李宗鄴

爲儒林大宗師。孟子宜授中國室。是東南真名士。謝敷竟應少微星。

蘇簡

鄉先賢歿可祭於社。

古君子教不出乎家。

上海愛國女子學校



國使將行賢稱後起

狀元歸去天喪斯文

張志鶴

碩德耆年全國共欽泰斗

山頽木壞一朝頓失典型

兩江女子體育師範學校

擅名儒碩學出爲寧省名師士皆尊所聞行所知早有斯文傳一世  
抱政治長才退謀本鄉自治人各安其樂享其利如茲成績足千秋

孫濬源 凌玉成 濮 祜

有邦人君子陳車服禮器以盡高山仰止之思論學折中報祀百家  
心鄉往

自門下諸生商墨經衰麻不勝吾黨安歸之痛尊師恣後哭廬一出  
淚縱橫

南通縣教育會

蓄道德能文章北斗以南一人而已

處江漢思魏闕東華如夢重覩何時

上海縣立務本女學校

以文學起家以模範名縣以實業豐財落落高風屈指塵寰曾有幾

是前清遺老。是民國散人。是吾蘇元氣。汪汪叔度。傷心沒世。不能忘。

徐謙 許達己

不才特荷寵知。先德仰闡揚孝子祠碑。成絕筆。無幸寧惟故舊。後生誰師。法海濱大老。竟千秋。

唐駝

是江左師表人倫。且筆路開基。不避艱難。籌實業。為地方。提倡民治。看典型足式。永留紀念。在鄉邦。

茹義和

講學樹風聲。多士誰知成事苦。蓋棺聽月日。千秋應識作人難。

趙宗抃

傳文苑。傳貨殖。傳儒林。宏達邁羣倫。試觀揮塵而談。為道咸後名流。別開生面。

謀教育。謀交通。謀實業。憂勞關大計。豈但縣車不仕。於鄉里間。公益獨具熱心。

江蘇第四師範學校教職員

一代典型。名垂國史。

千秋事業。譽滿人寰。

中華職業學校

文章勳業兩非常。最感恩是經營鹽墾紡織裕民生。利澤遍施淮海。志事精神原不朽。傳正學有昭垂。堅苦忠實師校訓。英名長留乾坤。

黃善倫

於始建記見當日締造之艱。公不云乎。弗師胡學。弗學胡民。弗民胡國。

此追悼會亦先生榮哀所獨。我尤慟者。泰山其頽。梁木其壞。哲人其萎。

江蘇第一代用師範學校

南通千古

中國一人

章慰高

導教育實業先河。卅載中華開創。

出經術文章餘緒。一言舉國繫安危。

袁希濤

壽逾七旬。方欣魯殿尚存。每羨是翁。真嬰鍊。

病纔數日。何意道山遽返。忍教後學失儀型。

上海童子軍會

通材達識爲中外傾心事功在教育農商百世大名光信史  
碩德耆年負東南重望遺澤被山川草木萬方多難哭斯人

江蘇法政大學

俗易民化先覺先知望重東南稱泰斗

木壞山頽安仰安放悲深淮海失明星

省立第七中學教職員

教育農工偉業競傳海內外

文章經濟遺徽遠播國東西

顧履柱 朱得傳

僻壤留名南通千古

實心勸業中國一人

賈豐臻

南通自治廣譽冠天下

實業教育以公爲先河

中華職業教育社同人

草木江淮知萬福

椽棠耆碩贖元方

姚文枬

是東南諸省有數人才世皆景仰  
痛教實兩界失一主臬吾安適歸

省立商業學校全體

民國偉人弱一個  
鄉邦事業垂千秋

上海總商會

物則棉鐵地則江淮蓋其自任天下之重如此遠處着眼近處着手  
凡在後生宜知勉矣

早歲文章壯歲經濟所謂不作第二人想非耶孰弗我有孰是我有  
晚而人覺尚可憾乎

黃炎培

中朝碩宿感凋零遺愛在人海內同聲哭元老  
半壁河山資保障大星隕地江南忽報失耆英

國民大學全體

有志比王沂國攜翰若楊少師四裔知名東山廬畔我親炙  
講學仿胡翼之論政如吳幾道兩朝抗手靜海鄉中媿昔賢

仇塚

為實業標巨幟為教育導先河千古大名公真不朽

於議席陪副車。於詞林叨後進。九原可作。吾誰與歸。

蔣炳章

歷咸同光宣以迄今茲。鉅感滄桑付吟詠。凡政學工商與夫羣衆。痛聞噩耗失瞻依。

莊俞

重其實業首及農桑。吾黨在江南引領。以大學問發爲經濟。惟公迺海內傾心。

江蘇省立第一農業學校

教育界泰斗。實業界先河。模範南通。大名不朽。清代爲聞人。人民國爲耆舊。從容西逝。遺憾毫無。

吳縣教育會

一代典型。其言行與我願詞規律合。

千秋事業。所計畫均從經濟文章來。

童子軍聯合會

實業者農工。其餘皆足觀也。

大名垂鄉國。於公有何憾哉。

省立第一師範全體

是何襟抱幾于並世無傳。試從後海溯先河。津逮方長毋忘鼻祖。

如許泯楚大可一瞑不視獨惜衆生沉萬劫潮音空發負此頭陀

盧殿虎

領袖南通專業有鹽巖紗河豈止熱心興教育  
艱難吾校始終蒙維持提倡永留紀念在淞濱

江蘇省立水產學校

拜謁師門記當年化雨時霑親聆教誨  
計來客地矧此日戰雲密集無限悲思

程行之

以身繫天下安危麴蘗鹽梅存沒上最關重要蓋棺論此後州失措  
師省亦嗟傷元老況事功卓著全國一人總交行總導淮並先期已  
總農商港埠待經營受命同時膺督辦

肄業蒙校中供給飲食教誨待遇間深荷栽培負笈溯當初公誠子  
盛我愧不若承宮幸品學造成握鞭廿載崇管理崇訓練且推本而  
崇養護斗山今失仰提高任職報先生

徐鳳圖

一代儒宗南通風節

九州民慟文曲星沉

張亞明

一老不愁遺。梁木泰山悲社會。  
四方靡所騁。赤松黃石訪神位。

光華大學全體

昔陪演席議壇。朝野劇關心。總望百年能長治。  
天付文章經濟。東南正多事。胡爲一老不愁遺。

俞復

蓄道德能文章。經綸抒抱負。逃聽曠世風懷。吾輩已心儀君子。  
務農商興教育。擘畫最周詳。爲問當今豪俊。伊誰可及先生。

金山私立尚同女子初中

是天下奇才。豈獨巍科冠多士。  
興中華實業。共欽成績在南通。

金山縣教育局

天子不得臣。無愧嵩山四友。  
名流齊下淚。允爲江南一人。

朱春

偉業滿東南。二代下經濟文章。長此昭垂允矣。名士風流書生本色。  
大星隕淮海。一霎間泰山北斗。末由仰止。悲哉梓桑有淚。桃李無言。

季新益



薄好官而勿爲。開實業教育之宗。是誠先覺。垂法名于不朽。卽書法文章一藝。亦復大家。

江蘇省立第一中學校

合道德文章發爲事功。名滿天下。利盡天下。約政治經濟試諸鄉邑。江北一人。中國一人。

曹炳麟

勳傳國史名留跡。

悲痛長江浪咽聲。

顧堃

中歲策天人。自有文章驚海內。

晚年阜民物。更從經濟富江東。

袁希洛

以文章伯作貨殖巨擘。集游夏端木于一身。伊古殆無其匹。卽教育事亦神州前輩。仰北斗泰山已卅載。至今乃不憚遺。

省立第三師範學校

聞南通女界勤樸成風。輒深嚮往。

看中國實業凋殘如故。無限淒其。

上海城東女學校

遺澤在江南遍地弦歌賴提倡  
英靈歸天上滿城風雨動謳思

楊達權

顧問備明廷統大江南北東西不數教育名家實業名家羣賴我公  
推領袖

仙遊登上界看全國紳商政學豈但在朝追悼在野追悼還須遺像  
鑄模型

上海市立貧民學校

秋水瀟伊入值蝸角又啓兵爭厭看羣塵歸淨土  
春風資片語度弘規而開廣廈劇堪絲繡憶平原

吳淞同濟大藥房

寰宇仰鴻才儒林合傳實業成家爲工商教育放絕大光明望重一  
時名垂千古

梓桑留偉績市政方興耆英遽殞使士庶名流都非常慟悼生爲國  
老死列鄉賢

浦東中學校

窮浩浩古書實踐在儒林一傳貨殖一傳  
運槩槩碩畫難得此燈火萬家尸祝萬家

汪家棟

是教育家。是實業家。是慈善家。又是文學名家。  
鄉哭先生。縣哭先生。省哭先生。舉國同哭先生。

朱少屏

成績著五山。縣稱模範。

噩音傳萬國。羣致悲哀。

楊鄂聯

還之三代以存獨。廣之萬國以求同。尊聞行知。責在徒黨。  
匹夫而爲百世師。一言而爲天下法。市歌野哭。遍聽輿人。

鄒楫

滄海正橫流。幸先生砥柱其間。衛道關邦。厥功不小。  
白門曾請益。慨今日仙蹤去後。山頽木壞。欲仰無由。

倪道榮

日月告凶。邦靡有定。  
風雨如晦。人之云亡。

莫錫綸

李味青

隱居求志。行義達道。先生之謂矣。

南通治績。導淮專書。後世足述焉。

榮哀錄

卷九上

哭

南洋大學同人

死本常事最難堪風雨飄搖忽壞梁木經濟文章徒留大名垂宇宙  
生又何爲試念此塵霾瀰漫尤摘曙星沙蟲猿鶴將從餘劫悟滄桑

邳縣教育會

圖鄉邦教育卅年綱舉目張魯殿靈光期久峙

炫農商聲名一世人亡國瘁勾吳耆舊已無多

國立東南大學

興學惠工實政行以實心則效徧大江南北  
木壞山頽令聞兼夫令望謳歌作尼父春秋

馮琦

蒲濤以文峯高閣之數屈通如之交乾嘉以來因地利而爭事遠今  
則泯名哲挺生惟公獨超乎中國

梓里具南通一縣而治得模範而著亞歐具瞻爲公忠之表難能乃  
可貴偉烈不朽其地亦與有千秋

鄭振萬

兼天下達尊三時局飄搖誰復片言持正誼  
爲學界泰斗一老成凋謝空令吾黨仰遺型

南洋中學同人

儒術起宗邦。與先君同哀閔懷。最難忘表墓褒題。每檢高文。猶待丹  
豪垂露藻。

使節策河渠。惟令子善舉家學。奈才記歸車。定省倏驚噩耗。遙悲素  
輶感霜葭。

孫延釗

為文星。為台星。為歲星。名世挺生。淮甸衣冠稱巨擘。  
曰實業。曰勛業。曰慧業。德功不朽。中歐朝野惜元良。

王以德

功德在。人文章華國。  
實業先覺。自治導師。

張鎮

高懷振俗。大業新民。華夏文章彝鼎重。  
國步艱難。人豪殂謝。清秋風雨海天淒。

趙永平

樞範自洽。立海隅。國家社會蒙其福。  
泰斗盛名。滿天下。道德文章孰與倫。

蘇省縣議會聯合會

名世負雄才。值此天地晦盲。遂堅公江海沉淪之志。

一言重九鼎行見東南糜爛益與人邦國殄瘁之思

朱震亞

家君受惠無論請旌爲王母擇學爲吾姨女師專業冠全級又選小  
人碌碌庸材酬未得

我公在天有靈邦國常扶持江淮常保障地方自治各機關尤時呵  
護迢迢逆旅望彌深

張莫卜麟

瀛海知名爲東方學者生色

故鄉遙望哭先時人物尤哀

劉元璠

令聞播寰海東西造成五族共和慚我無從瞻泰斗  
遺愛偏江淮南北留得千秋事業如公纔不愧科名

劉朝剛

著作等馬鄭手筆同燕許憂樂迺范希文衆美集一身麟炳千秋功  
績獨標青史冊

交通達中西實業遍江淮教育冠廿二省匹夫關天下利賴百世精  
魂並壽紫琅峯

黃文濬

安排筆硯來對溪山一寸愛才心把酒如聞招隱賦  
開拓農業自甘隴畝千秋經世計瓣香永憶荷鋤人

吳庠

設施稱全國之冠  
英靈爲閉氣所鍾

朱復

媿我無才蚤登北海門  
衡薄植難酬期望厚  
知公有限止此南通專業維新未見治平時

盧重慶

耆舊盡東南  
天不憖遺一老  
聲名聞中外  
公真自有千秋

楊彬璋

羣儒領袖多士楷  
模憶從東國歸來江表  
謁清流承教卓然經世略  
南天烽燧北地干戈際此中原擾攘海濱  
哭大老巨時勉矣過庭人

王伯秋

文章事業標千古  
賢聖英雄秉一人

繆恕

筆路藍縷。牖啓南通。前無古人。後無來者。  
經濟文章。發揮實業。民之先覺。國之道師。

葛夢樸

以村落稱天下雄。觀鄉知道非一時虛語。  
卽蠶桑爲地方利。被德懷義有百世誼思。

阜生維記蠶桑公司

知鄉知國知朝。佳傳定千秋。莫但以商山四君。海題二老。  
樹穀樹人樹木。閱情深一往。最堪念謙亭雙桃。琅峯萬松。

汪東寶

門前桃李許先君。得列班行若論薪。火遞傳自愧。輕才九錄未能窮。  
奧旨。

樹上鳶蘿願小子。常叨庇蔭陡覺風雲變色。寧惟私憾萬方共此寫。  
哀忱。

俞 吉人  
星 我  
德 馨

衣被食息徧東南。蕞爾一隅策工策商留偉績。  
功業文章垂宇宙。奄然大暮秋風秋雨悼遺型。

唐開市 議事會



是天上星辰下謫塵寰勲業自非凡人所比  
以山中宰相獨具憂樂存歿皆爲當世所思

楊悅

合古今中外學術作一鑪冶

揮名士美人涕淚爲萬石愁

程先甲

下則富家上則富國

生而爲英死而爲靈

潘鳴鳳

富貴壽考重以科名霖雨徧蒼生在天上應無遺憾

文苑儒林兼之經濟英雄造時世數中原頓失斯人

張武

民國十年大水與泰東等縣到處澤國滿目哀鴻森怛然不忍

馳依南通月餘屢謁晉公請訓疏通淮漲弭災方鍼公慨然

曰淮何導導之於海也江蘇濱海之處同一太平洋流域無

甲海乙海區別惟東邑竹港係范隄第一海口正對高郵車

南新諸壩來水要衝竹港浚深則淮流有直接歸宿自可洩

暢效倍且函森云誠能促成此次工程當爲聞於政府特別

加獎仰見鼓勵災防周至不惟救我東邑水災關注公之母  
里也已本年夏公避暑養疴馬鞍山麓彌留之夕仍力疾撰  
林谿詩篇內有鳶飛雜翔譬句益見公關懷繼述寄託宏深  
曠望於哲嗣孝若星使大矣上年孝若先生旅寧花園飯店  
亦曾許助森向華洋義賑會交涉該會已經支配竹港工賑  
四萬圓以利竹港建開防止潮災之進行哲嗣如此宅心立  
德立功吾儕固可賴免其魚之虞公亦嘗然含笑於天上矣  
四年前勗我以導淮入海竹港巨工鴻敷劫弭鸚薦情殷豈第期績  
茂災防寧姆里

千秋後讀公之避暑養疴林谿遺詠馬鞍思豪雜翔望劇無非冀勗  
隆使節耀星槎

沈霖森

齊公大人曩賜題山民小傳有焦東地已接狼西聞道山民卜  
勝栖儻趁江船能過訪老夫新闢小活溪絕句今墨寶猶存  
公已作古展卷盍誦爲之惻然

德行冠文學諸科豈惟政事擅長堅忍造成模範縣  
焦東與狼爲接壤欲趁江船過訪那堪瞻拜小活溪

丁洲

本道德發文章大節千古高風千古  
爲自治樹模範山西一人江北一人

唐仁壽

遠遊歐土值文郎使節遙臨實業頌  
崇家堂構相承全國富強資碩  
畫

供職工場愧小子他鄉滯迹  
詭音傳故里老成凋謝大江南北失儀  
型

徐鼎

距縣治十數里之遙  
蕞爾微區學校林立實業振興  
飲水思源福造  
閩民爲最早

應名世五百年而出  
大魁天下超胡尚書勝王方伯  
經天緯地星沈  
南極有餘哀

唐閩南北市商民

如范希文負大志負奇才  
聽當代月日同欽應慨中邦  
殄瘁似陳季方有賢兄有令子  
看吾州風流不沫長爲斯世  
典型

徐涵

旅滬萬民惟賴哲似

故鄉百姓如喪考妣

榮哀錄

卷九上

李

南通旅滬同鄉會全體

經猷功業數當代在野名流豈徒保障江淮利濟生民多擘畫  
堅苦忠實是夫子誨人至語此後失依山斗緬維遺訓益心傷

陶士元

羨公壯志欲整飭神州規模直與歐洲並  
棄世上升知遨遊天國幸福仍爲吾等謀

潘炳奎

有伊川一門之賢以師事同尊扶杖忍隨阿兄哭  
去東海百里而遠視孺子可教馳車猶憶大堤行

高雍

文藻麗江山炳蔚東南昊天不憖遺一老  
家風承道學宗傳闢蜀明德之後有達人

江蘇省立第三農校全體

文章繼南豐崛起事業惟南通啓先巍巍乎大哉今之賢者  
覺慧擬東坡神仙霖雨如東山太傅飄飄然去矣誰問蒼天

吳藩

士被殊恩爲無量數名滿天下譽滿天下  
身繫重望垂三二十年學業千秋事業千秋

中國氣象學會全體

蹟遺在鄉名遺在史

上哭爲國下哭爲私

鮑恩

生而爲英死而爲靈十餘年衣被蒼生非但文章垂不朽  
先天下憂後天下樂三千里玄黃血戰空餘涕淚到彌留

周學熙

數十年經營實業食息兼籌地方蒙福庇留有勳名垂宇宙  
廿餘載忝列葭莩親疎不問後進賴提撕回思大德益淒惶

吳萬選

卽今德澤垂型薄海尊師嘉惠諸學子  
他日淮流順軌豐碑誌績應溯造端人

李錫香 洪杰

憶吾校闢地經營廣廈壯閔基久欽南州冠冕  
痛君躬升天遠引高山殷仰止空瞻北斗星辰

南通中學全體職教員

避尊位而賦歸來痛世局多艱常安遺老  
躋大壽以升上界想天堂永福應屬斯人

基督教堂同人

公創醫校於城南我創醫院於城西頻年托庇幷懷台州閩廣泯疾

苦  
生則與時同其榮死則與世同其哀此際驚傳噩耗統中外咸抱悲

海格門

平生志業關天下

百世經綸付使君

朱中道

隱居繫大局安危名世不論天下雨

講學中當時利病傷心頓失士林魁

劉統蕙

中華廿二省偉人功德崔巍尤推此老

民國十五年創局干戈擾攘忍喪斯文

王元漢

喬公老先生昔挽先君啓之公云及門爲請顏淵柳有女期傳

伏勝經其後爲先大母張書節孝榻跋語及先君喪譽殊隆

聯寶繼先君及先叔謹吾公教師範校附屬小學生亦既二

年餘仰望師門。復懷舊德。益皇然痛先世也。

得公文字亦藉以千秋。有崇榜瑤鏡光耀門庭。褒揚實拜廬陵。賜  
慨念孤嫠。乃惠及兩代。繼先君阿叔來言。教學樸魯。猶慚伏勝。經

丁聯寶

功著國中。發朝端。從鄉里。始

名高天下。遺言願以士人終。

徐懿

淮海失耆英。遺愛在人。紀念允宜。鑄銅像。

山林陪宴飲。新詩錫我。回思忍復展。瑤篇。

吳光國

後天下樂。先天下憂。惟是首冠蓬山。巍然科第。

澄之不清。滄之不濁。只惜身騎箕尾。藐矣雲霄。

劉文巨

謝東山繫天下安危。霖雨蒼生。孚物望。

張曲江成一家風度。布衣野客。有哀詞。

李宗

開阡陌。棉鐵魚鹽之利。以厚其生。府海官山。並世賢豪。齊俯首。

本文章經濟道德之源。而發為用。陽春白雪。八方歌哭。動新秋。

彭程萬

薄仕宦於大觀天下之先獨往獨來赤手創東南偉業  
識名賢於求我童蒙之日言歸言邁吞聲問淮海寒潮

李建鼎

經營村落雖在遠弗遺自畫為猥區早有大風表東海  
締造精神不與生俱盡如徵諸佛說定參淨樂住西方

呂四市

商會  
董事辦事處  
農會  
教育會  
漁業局  
警察分局  
水利討論會  
同善堂

聽講溯十五年前日月蹉跎素志未酬心益苦

聞計在三千里外門牆隱約老成不作事彌艱

顧祖德

不忘死友之孤膝下分慈過廿載

難向古人求似平生遺志足千秋

吳宗美

當世有何人經濟文章能與抗

微公無我廠水源木本永難忘

廣生榨油公司

大名千古



當代一人

姚昌咸

學宗洙泗澤被江淮塵教記常親我最傾心崇北斗  
古望成周今希瑞士鴻謀嗟未竟人咸洒淚哭南通

丁年甲

前朝遺老當代偉人經濟文章傳百世  
商界鉅公騷壇健將儒林貨殖爲一書

楊紳

是翁樹自治楷模看江淮具區剪紙招魂爭祀社  
有子擅外交文采歷歐美大陸乘槎馳譽早承家

劉潛

專業文章溥海知名欽國士  
橫崩棟折長江化淚哭先生

陳光燾

論道德論勳名世莫與京河嶽日星鍾鼎氣  
思音容思教誨天胡不慙泰山梁木起悲歌

王翊安

功名事業經濟文章爲世界當今第一流是力崇憲政結廿五史君

主席是力建共和開民國史新紀元古所謂天下才庶幾無幾

己酉癸丑庚申壬戌赴南通謁公凡四次以避賢讓書告我於東奧

山莊以宅心平遠詔我於濠陽小築其言如廣陵散不可復聞

于定一

為億萬人謀社會事業模範在鄉邦士輟學農輟耕揮淚共談遺澤  
遠

垂四十年繫天下重望勳名滿宇宙海之端江之委傷心忽抱大星  
沉

鍾福慶

謝太傅功望在人沒世猶稱四海為流遺愛淚

文潞國英華蓋代從今安仰五山淒斷最高峯

宗嘉祿

勝地怕重遊梅垞空存人不在

高踪足千古懺陰痛失我何依

龔杰

興農創學獨建模型清沙案濠上追隨幸杖履康強函文得垂青眼

顧

疏運導淮專家水利治江會人間紀念有庭階紹述嗣賢足慰白頭

心

李鴻才

狼嶽紀鍾英相國匡時功在社稷勛業煥千秋史冊  
江北遍遺愛經濟勳策澤被民生真靈仰萬古雲霄

陸為邦

仰鉅公嶽曜崇川擎柱挽瀾實業震寰區咸幸濠陽元老健  
慚小子駐塵副廠瞻雲就日菲材沐膏澤慘驚斗宿大荒沈

吳瑛

與難兄合力於母里造就師資謹以拜嘉吾屬少年欣得地  
有哲嗣般才為公家承宣使命可云繼美我知去日笑登天

繆步青

己欲立而立人己欲達而達人富教隆治術道宗孔聖  
先天下憂而憂後天下樂而樂墮墜接長隄志繼范公

張樹典

賢子紹箕裘死無遺憾  
大名垂宇宙生有自來

汪詠沂

一哭豈酬恩忍溯訓言舟待發

榮哀錄卷九上

畚

九京安可作。最悲手。糜墨猶新。

李斐叔

仰高鑽堅凡二十年。記授事於師範。學成不佞。謫子。侍坐每深博約感。

興國富民垂千萬語。以治鄉爲躬行表率。繼承有子。大江定懋。論疏功。

程鎮策

公抱軀造奇才。事業滿南通。大名垂宇宙。我列交游未坐。在誦聞元夕。小別隔雲天。

史量才

公爲元老。赫聲濯靈。記從琅阜歸來。喜栽培十畝桑麻。萬家絃誦。我亦蒼生。飲和食德。幸自鑑湖乞後。儘領略半堤楊柳。四面溪山。

南通俱樂部全體

墾地千里。設廠十區。問環球東西。如公有幾。著作等身。教育冠國。嘆大江南北。後起其誰。

杜持

平生志事。先村落經營。四境蒙庥。濱海自成安樂邑。舉國推崇。爲江淮屏障。萬方多故。旻天遽奪老成人。

劉橋市紳商學農各界

世界中儘多不朽勳名孰如夫子  
江淮中尚有未了事業付託何人

武同舉

大老仰東南昔遊吏部門牆天下文章知在是  
荒莊餘涕淚今謁河汾堂奧靈光殿宇已頽然

袁長春

東南尊北斗傳先生河防博議校舍橫經年來師事相資農業未完  
書下筆頗承元晏序

中央失長城有郎君使節親持論壇奪席歎息老成遽謝典刑猶在  
望大名不朽太邱碑

張援

公才公望表表一時江介話前塵奉手獲聞天下事  
秋雨秋風寥寥千古海垞懷舊約傷心未耐故人杯

梁公約

問匡時有經濟仰蓋世有文章豈惟海內知名翰著述成書筆筆千  
秋光手澤

講水利以興農任地方以採國回憶濠陽侍坐竟笑言如昨閑閑十

畝謨躬耕

丁傳科

策羣兒合作精神來蓋代人豪頂禮瞻依千百輩  
留一紙淒涼翰墨誦昔賢語錄心箴鄭重兩三行

南通縣童子軍聯合會

功業亞稷契

聲名溢美歐

許人傑

德音功三者不朽

富貴壽五福全歸

張朝鏞

規模創民治事業振夏聲執費爭來萬國人欽李北海  
知遇到書生文章傳賢母辦香遙奠千秋我哭會南豐

顧倬

大雲歸山長河絕涸

神儀炤代令問焉窮

葉恭綽

一代文章推北斗

千秋事業在南通。

張 釗 霍 銳

范希文以天下爲憂。生平治國安民。勳業千秋垂史乘。  
王夷吾負東南之望。此際山頽木壞。哀音一夜滿江淮。

劉石蓀

端學術抱人心。世道之憂公真砥柱中流。豈獨文章驚海內。  
爲鄉邦興林衡。懇牧諸利。我亦農家派。別敢從私淑。哭先生。

孫恩慶

天下英才衆矣。視私淑何如。他時史冊備傳知。有幾人成說。議  
州東一塔巍然。正公家密邇。萬古風霜不改。應從去日想靈光。

潘恩元

草木皆知名。時局大難失。此老  
經綸根於學。詩文餘事足千秋。

鄭 賓

建設具宏規模。範交推梓里。獨成新世界。  
斗山失宗休。丰采宛在布衣。猶是老書生。

朱 榮

教育實業中外推尊。開山祖。

榮 哀 錄 卷九上

奕

樑摧棟折風雲慘淡大江天

陳耀庭

立德立功立言不朽大名傾一世  
曰詩曰文曰字雖屬餘事足千秋

丁鴻文

豈無黍離麥秀寫此悲傷惟悴寸心知  
危言忍闕春秋筆  
聊以山榛隰苓託爲歌詠哀音後人慟  
遺藁猶存彼美詩

金世和

行歷七千里親炙師門教育設專科來導支流漑汧隴  
歷史廿四朝別具人格典型猶在世長留哀思滿江淮

南通師範學校甘肅畢業生

苦志以求立廣學以求通至理名言圭臬千秋寧我  
校  
生有益於時死有聞於後銜哀與感雲霄萬里拜靈旗

甘肅省第三中學全體

文章經濟超軼等倫數觀亭林而還唯公獨有千載  
仕宦科名豈爲溫飽抱王沂國之志讀書不負平生

鄧錫侯

處江海偏隅全國奉爲模範隣邦視以重輕百世之下聞者興起



際蟲沙劫運羣能胥就皋牢一方同託芘蔭九原不作吾誰與歸

周 燾

名世挺生宏才大展海內尊公久負江淮人望

洪疇考終後昆垂裕先生歸也長存詩禮家風

朱少屏

一日看遍長安花繼胡而元公為文章吐氣

百年肯筆桑梓計既富且教我欽勤儉遺風

陳 詩

淮南驚落木

江左隕台星

如皋各公團

鳳羽騰霄令子早成天下士

麟經絕筆門人同結冢邊廬

冒 傑 沈 礎

常樂常興僅隔三里遙方期愛日能延或得百年依泰斗

南城南濠夙稱一難弁詎料文星遽隕但遺一老作師干

沈寶綸

品格文章經濟譽滿全球有大功德在民歿而宜祀於社

榮 哀 錄 卷九上

李

康寧官壽考終躬膺五福得賢子孫爲繼死亦何異乎生

陳兆豐

泰山其頽吾安仰

天下大老衆所歸

周乃文 龔廷鵠

重望負南州。泰斗忽傾黯。淡江淮。泣風雨。

善根歸西土。精神不沒。莊嚴村落燦光明。

省立第十七中學教職員

中邦入望薄海師賢。本來仙佛誕生。小謫塵寰應世運。

烽火頻年。軍書旁午。尚冀精靈呵護。消除黨禍濟時艱。

王宏鈺

張南通先生榮哀錄

榮哀錄九下

輓聯

撰杖仰耆英負鈞衡重望方期宏濟艱難沈陸挽神州國瘁人亡誰  
繼起

清鄉羈末秩愧樗櫟庸才正待裁成狂簡靈光瞻魯殿山頽木壞有  
餘哀

馮友才

昭關霸叱退洪流神禹重來下河數千萬衆黎民同茲託命  
大生厥肇基實業烟凶林立肅清二百餘年人物無此狀頭

李炳勳

小極竟歸神作作大星墜原墊  
萬方正多難瀟瀟靈雨冷江淮

郭雍南

功在國家澤在社會名在天下  
處爲大儒出爲元老沒爲明神

王顯英

幾輩累耘培安得傲衣驚李袞

榮哀錄 卷九下

三年空付託終辜雅樂許陳成

陳樾

崇構二云頽梁陰載缺

近識悲悼遠士傷情

周錫恩

樹教育宏基至今女史規箴與魯殿靈光並峙

食馨香遠報況有師門名範作禮堂鐘鼓傳音

葉婧

廣廈庇孤寒教育平施已見宏基四百

大名垂宇宙馨香報祀不僅弟子三千

南通女師範附屬小學

山居係四十年朝局安危如斯經濟文章早隱林泉天下惜

鄉治爲廿二省里閭模式忽報秋風落木悲吟薜露大江寒

高凌霨

治水費籌謀莽莽長淮數後賢誰爲繼者

憂時多感憤茫茫浩劫問先生今竟何之

齊耀珊

以德言功立民生不朽之二長留遺範

合農工商與士人並稱曰四無媿通才

齊耀斌

君西去乃值我北還憶淮水鍾山都成夢境  
生憂患不如死安樂想瓊樓玉宇別有僊鄉

齊耀琳

西北陣雲橫眷念烝民喪亂定應揮老淚  
東南天柱折永違函丈孤寒豈獨感私恩

季紹宗

南通獨造中外同欽千里越關山負笈曾修弟子職  
北斗星沉江淮震動大名垂宇宙傳家賴有長君賢

程敷錯

就讀滬江蒙恩常愧先師範  
驚秋風雨愴神何以答栽培

汪開安

記曾五載坐春風五丙繁懷方祈求日月升恆五山並壽  
莫說百年原夢幻百般事業都經過波濤險阻百折不回

胡正修

豪傑猶與負笈隨兄欣北面

榮

哀

錄

卷九下

哲人其萎遺型舉國仰南通

江 機

師範請益小學課徒十數載忝列門牆備親教澤  
暑後離鄉皖南作客千餘里感懷泰斗倍切哀思

葛祖賢

君實繫天下安危朝野哀思自有大名垂不朽  
希文爲斯民憂樂江淮履屨豈惟知己哭其私

盧公勉

族學躬興使後昆庭對詩書豈惟小子  
南通手造溯前哲功高鄉里祇有先生

張述祖

童年誦君實去臘識荊州方謂百歲可望  
事業播寰區文章魁宇內雖至萬世猶存

石國柱

曲江文學太岳經綸更保將半壁河山舉世誰傳建國策  
治水逾丹殖生過蠡試一詢此邦風俗論功應證富民侯

傅宗耀

文章華國政策富民退隱仰高風猶記丹堦勤待漏

萬卷胸羅百川手障大魁懷往日頓傷紫府賦回車

黃崇威

教澤普帡幪湛露甘霖不遺小草  
悲歌動原林村童毗女亦悼靈椿

南通女師紀念小學全體

縱橫五百里示以周行非我公曷克臻此  
締造數十年不遺餘力凡士庶罔替哀思

南通地方路工處

嘗致書朱廉訪論盲亞教育甚詳世鮮知言何如實行自我  
今來祭歐陽公有父母著龜之感民今無祿非徒慟哭其私

王國鈞

大德莫名捫無物指無言涸淚瘖音悲噩耗  
教施靡極耳能視手能語銘肝鑠骨永哀思

南通盲亞學校全體學生

是乃鍾天地日月星辰華嶽江河諸間氣而生奠定南中贏得豐功  
垂國史

覆會以聲色貨利名位患難晏安五劫敵為戒瞻依門下聊將慕過  
答師恩

王 鑫

為國事計。為民生計。為社會計。利益弊除。大局總關心。獨闢五十年  
偉績。

是教育家。是政治家。是實業家。人亡邦瘁。全球同隕涕。豈徒八百輩  
孤寒。

吳 豐

區兩淮引狼荒。利農忝屬農家同戴德。  
感十稔前錫我以福。再無福分見揮毫。

劉長庚

感潮流所激。卽商學亦重專門。公因豫造師資。推食解衣。並遣幹材  
趨上舍。

痛國祚將傾。正羣生賴以託命。天不憖遺。一老掛幡剪紙。豈惟吾黨  
哭私恩。

錢 顯

峨峨庠塾。俾童稚絃誦於茲。效責我効教。養培護之勞。負鼎每常憂鍊  
履。

望望宮牆。有道德事功不朽。問孰無仰止景行之念。升堂願共永薪  
傳。



曹俊陞

中原泰斗仰南通。惟公富教先時宏盛業。於共和豈徒在司馬文章。臥龍經濟。

客歲清樽開北海。念我欽遲有素知。大名垂宇宙。本不以嵩山四友。鼎甲一人。

胡維藩

大文爲衆望所歸。解共和國紛爭得南通。一言重於九鼎。理財稱江左傑出。收東西洋權利數項。城四友別有千秋。

胡延禧

是翰苑魁元。是實業泰斗。經濟文章崇碩望。爲洛社耆英。爲濠南隱逸。高風亮節仰清才。

王紹鶴

昊天不弔。有青史在。哲人其萎。如蒼生何。

趙斌

道統繼東魯而遙。昔年趨揖崇階。執手慇懃聯世誼。實業駕歐西以上。此日忽傾砥柱。大名難煥溢寰區。

方思允

榮哀錄

卷九下

四

天道非冬不春粹語昔聞公勗我  
聖治自內而外大勳先睹國猶鄉

吉城

昔披行卷卽仰通才後來同試春官慚愧青雲難附驥  
近客珂鄉得聞緒論此際溯洄秋水暮傳紫電報騎箕

俞宗濂

憂樂繫民生有江淮棉鐵諸書爲古今絕學  
聲聞滿天下合貨殖儒林兩傳可伯仲前賢

田步蟾

清季初次識公於東三省因籌辦屯墾未果

緣會溯生平萬里邊塵瞻北斗

憂樂關天下千秋事業老南通

丁銘忠

世事亦何常方期杖履優游綠髮幅巾閑話舊  
時局猶未定那堪故交零落文章經濟欲無言

馬良

遵海而居稱大老

導淮有策慰蒼生

葉頌清

神州顛摧砥柱。士林忽失魁儒。數半壁江山。從茲減色。  
先君既荷旂幟。小子復沾教澤。抒滿腔悲感。焉得無言。

鮑德澂

南通張齋公先生。我華之大經濟家也。是政治之巨擘。是實業  
之泰斗。朝野仰戴。中外同欽。其功業之偉。世難倫比。丙寅秋  
半。報道先生歸去。大星遽隕。靈馭飛昇。前輩典型。堪爲後法。  
爰集選句。以挽之。薄紙劣書。非所計及。秀才本素。藉達哀忱。  
時共和第一丙寅秋八月。

立行可模。置言成範。

徽猷克著。聲績聿宣。

李國磐

天不憖遺。數吾國碩果。晨星又弱一個。  
懸稱模範。知先生豐功偉業。自有千秋。

危道豐

平生功業似召信臣。勤求溝洫。農桑欲返。民風追兩漢。  
同歲才名數王沂國。衡論又章經濟。故應物望冠三吳。

王芝祥

法家

泰山

魂

淚

郁梅生

惟先生盛名冠當代，展其經濟功在梓桑。惡耗忽驚聞，悵望天涯一灑淚。

與吾兄交誼垂卅年，庇我田廬感淪肌髓。深情越恆泛，追思雲義倍傷懷。

柴文彬

障海東流費卅年，心血成千頃良田。治墾足爲天下創，先河西去使一邑編氓。失萬家生佛，深仁永繫後人思。

江藹人

以文章始，以實業終。名譽兢兢薄海衣冠，同景仰。爲斯人慟，爲地方哭。音塵寂寂，彌天風雨亦淒涼。

管國璋

文章事業震古鏢，今赫赫大名垂宇宙。國計民生憂先樂，後煌煌奎宿返樞垣。

湯銘新

南通之喪，愚作聯輓之而未及送，錄存於此。蓋南通風與朱曼君銘新范肯堂世齊名，號爲通州三傑。而朱張同爲先外

祖舅吳武壯幕客，張與項城交誼，卽因而生。北山樓武壯讀

榮

哀錄

卷九下

六

書處何貞翁所題榜先外舅以名其集者也故聯云然

賢才並朱范而三人傑數通州大老不遺東海慈  
師友與吳袁爲偶前勛記朝鮮餘哀猶傍北山來

章士釗

西銘千古仰爭豔說桂林射策茂戍防秋況粟里歸來華路生春私  
邑造成全國範

南極一星高正貪從濠水觀魚琅峯放鶴忽蒿歌送到蕙帷泣月曲  
江贏得萬民哀

劉哲明

功烈照人寰四裔知名宋司馬

河渠推絕學一篇抗議漢平當

單毓元

謀興學籌立憲相從幾廿餘年峻望冠鄉邦豈唯是政治津梁文章  
領袖

辭珂里返石城小別纔三兩月悲聲動庭戶最可歎晨星寥落夜雨  
淒涼

汪秉忠

河汾學術古今同論交卅五年江左猶傳文正派

司馬姓名中外識。馳譽數萬里。東方忽隕啓明星。

福開森

天遠大星沉。溯平日樹人立學。通商惠工良範。鑄東南。況是文宗尊北斗。

時艱梁木壞。憶昔年濟困扶危。憐才重道。蒼生失依恃。豈徒私哭過西州。

許體鏡

義主鄉村業興棉鐵

神歸蓬島澤遍江淮

胡庶華

志義炳千秋。記會正筵陳書閉戶造車期。有合

滄桑經幾易。還許抱梅終隱荒。盒題額尚如新。

周慶雲

東南保障半壁治安。賴坐鎮狂瀾。完全砥柱

生死英靈百年尸祝。願再來濁世整頓乾坤。

吳長榮

季直先生累約山居作伴。爲商榷年譜文集筆事。卒未克應命。

七月之末。驟得凶問。時尚在嶺外。雖悔何追。書以識痛。

樂

哀

錄

卷九下

七

遺書在篋常稱法護僧彌奈五山偕隱未諧元祐忍題居士集  
往事如潮莫問浮雲蒼狗但千古寸心相印成連終是伯牙師

孟森

學問文章傾四海

功名事業足千秋

金其

照

文章道德冠東南七旬餘山斗才高金殿憶掄元黃卷青燈成富貴  
事業功名震中外卅載來江淮利闢玉樓驚赴召素車白馬極哀榮

嚴成德

志屈偃經綸各使蒼生有環堵

心微傍魚鳥幾迴青瑣照朝班

湯孝信

萃畢生精力營鹽營墾營棉為實業先河新知舊學足千古  
具獨到眼光治水治鄉治國視高官做屣經濟文章第一流

張士瑛

政治實業文章抗手誰能瀛海東西尊泰斗

富貴兒孫福壽掉頭不顧大江南北失儀型



東泰豐號

事以創始而獨難。為滬濱商市樹先聲。飲水思源。功業共滋。流並永。才能肆應之謂大。合貨殖儒林。成一傳。觀時達變。學術與運會相關。

林鶴鏞

愛國治鄉。模範縣隻手經營。為我淞開埠通商百祺。蒙庥此舉。特其小試。

棄官不仕。政學界中心悅服。問近世文章道德。萬流仰鏡。如公能有幾人。

朱 治 劉梓文

學問文章是古今第一流人物。政治經濟為中外有限數名家。

謝藹先

國步多艱。遽摧耆宿。

江鄉自洽。空仰先河。

程開達 董維棻

一代才華推首出。

南通模範共心欽。

吳淞鎮本商各救火會

商準建宏規風雨飄搖猶存手澤  
異鄉傳噩耗斗山傾圮無限神傷

顏玉琛

大教育家大慈善家功在人間舉世無匹  
孰主宰是孰網維是神遊天上微公誰歸

董鳴飛

達尊鄒孟子

不朽魯叔孫

吳淞口救生局董事會

事業勳名古今卓絕

文章經濟中外震驚

顧垂文 朱維繩

志溢九州名重四海

功垂百祀澤被萬家

吳淞積德善堂

於南通小試地以人傳裕墮鐵關草萊卜式李悝吳足算  
是中國導師名歸寶至至真經濟大學問狀元宰相不須論

鍾人傑 徐佐勛

建非常事業勳名社會國家蒙茲百福  
具絕大精神魄力農林水利各自千秋

吳淞鄉農會

救國蔚宏規霖雨蒼生千秋不朽  
奠公增感慨江山無恙萬戶謳思

唐承宗

八月涼風此日悲歌空有淚  
一江淞水當年擘畫未能忘

張會階

大生以前無實業  
明德之後有達人

鮑維瑚 張瑞康

功德在人文章經世  
實業先覺自治導師

寶山縣議事會

創新政在卅載以前江表大名垂洵不愧南州冠冕  
建商埠有萬言之議淞陽遺愛永共無忘老祖開山

俞惟珏

並世無偶

千載不朽

寶山縣參事會

大丈夫何必在朝。假得斧柯。雖僻壤可爲善國。  
人間世本如逆旅。種成瓜豆。卽百年足抵千秋。

張會隆

經濟文章。首推獨步。

高風勁節。能有幾人。

金克濼

嶽瀆鍾靈。出處動關天下計。

中原多故。悲傷遽隕老成人。

王鍾琦

國事多艱。天不憖遺一老。

人心未死。公當自有千秋。

鮑思涵

橫掃千軍。空前絕後。

吐棄一切。天上人間。

寶山縣實業局

隻手造成樞范洽

卅年共仰斗山名

印書睦

德望仰昌黎南通北斗

襟懷緬安石千古一人

寶山縣交通事務局

體用踵先賢德行言語政事文學

功勳垂後世通商惠工務材訓農

寶山縣市鄉行政聯合會

淮海誕奇天水利農桑規百世

大江推耆宿儒林文苑各千秋

寶山縣水利研究會

昔從震日得識荊州北斗仰南通追憶談天如昨日

早歲科名晚年實業文章兼經濟那堪平地起悲風

彭俊球

遺愛我思鄭子產

拯時人比衛文公

王德昌

遺澤梓鄉存實業經營遍淮上。

大名簡冊永文章著述壓江南。

當代完人有功名教

沒世祭社誌聽鄉評

寶山縣農會

寶山縣教育會

來開五月榴花去已梧桐落葉平生事業炳千秋此後繼承惟專使  
弔恰三秋下浣送公哀保新邱萬姓同聲齊一哭從今無復見先生

施政

清代大魁民國元老文章道德在神州千秋不朽

英靈天上典型常昭學校工商興海隅百世留芳

頤生廠全體職員

請跋先君楹聯勉我重實踐不在多言韓昌黎送董序文無茲誠摯  
力謀地方福利如公宏遠謨事成鉅業田子泰入山治績遜此規模

李國慶

望失海東西鄰國英賢翁一個

名傳江左右南通專業足千秋

福田千代

卅餘年利溥鄉閭百善創興博望閔通真不愧  
十數日星韜霄漢九州震悼漆園曠達亦同悲

莊 錄

望重鄉閭品與文章推巨擘  
神歸蓬島淚隨風雨哭先生

劉春臺

遺碩畫宏猷培邦基國本

仰隆名至德懷山高水長

岑郊麟

天不憖遺一老

公乃獨有千秋

顧尹圻

具政事文學濟世才數十年淬礪辛勤龍圖合有龍岡表  
抱教育實業救國志卅餘載艱難締造羊叔新添墮淚碑

上海總商會

三十年來實業經營府海官山資擘畫  
二千里外老成彫謝清風明月弔幽魂

劉冠雄

箕疇備五。太上至三。桑梓亦千秋。奚必十年宰相。  
通商惠工。力田教學。衣冠同一哭。豈只八百孤寒。

王琦

合稱天壤。嗇夫逝矣。如斯德業。事功表吾國。  
不愧地方公僕。弔者大悅。農工商學。出其途。

張允顛

遺民心事流民卷

端木長才尺木詩

嚴師愈

元老繫海內。盛衰精靈還。北斗數斯民。誰爲先覺。  
峻望作人倫。師表涕淚過西州。微夫子吾將安歸。

胡滌

海內文豪推巨擘

江東勳業勝羣英

方文樞

爲地方造成民治模型。若教育。若實業。若農田水利。諸端立功極中。  
外所推問。袞袞名流。似此賢勞。能有幾。

憶蚤歲叨侍君侯左右。而黃浦而白門。而冀北燕南等處。挈我於子。



第之列數茫茫瀛海從今知己更何人

張福楨

文章魁首著作等身林下仰高風尚有餘哀窮碧落  
國學家傳躬行實踐胸中具成竹焉留遺澤拯蒼生

王季緒

名傾中外澤沛東南想一片婆心寰海同聲稱善士  
齒德兼全哀榮交著看萬家生佛瓣香和淚哭先生

羅運毅

實心行實事

斯世失斯人

張福保

名高海宇志在林泉法歐西興業儲材長使東南蒙福利  
言重鄉邦行爲坊表效文正先憂後樂那堪山斗失瞻依

劉鍾璣

得其名得其壽斯爲天下大老

莫不興莫不庶定知佑啓後人

錢寶蘇

望重泰山品冠羣儒半生來興學興利德功言三立備矣

位登台閣天生奇嗣七旬間爲國爲家福祿壽一身兼之

孫紹康

瀛海領仙班況復爾教明農大澤出爲天下雨  
部曹修吏治憶昔服官供職愴懷空仰老成人

魏宗蓮

是實業大家是教育專家中外咸欽豈但鴻臚傳第一  
有文章翼世有道德淑世江淮共仰永懷國士嘆無雙

程登科

抱民胞物與天懷璞玉渾金巍然北斗泰山千秋樹望  
當風靡波激世會嘉言懿行好證西方佛果五福全歸

張顯謨

一代文章仰北斗

萬人淚雨哭秋風

李宗艸

爲當代生財數百萬濟物利民事業功名長不朽  
與地方造福七十載助猷儉德和風清節更何人

陳銘閣

遺愛在江淮爲鄉邦人倫之望

大名垂宇宙。是山川間氣所鍾。

朱獻文

齒德冠羣英。當年實業勛華。聞望傳大江南北。文章光炎漢。此日錦堂編素。哭聲徧環海東西。

楊邦藩

功在人間。光昭史冊。神歸天上。名重河山。

沈錫慶

跡寄林泉。心存家國。名滿天下。功在江南。

熊炳琦

木壞山頽。舉世咸來伸鶴弔。天空海闊。知公仍是踏鯨行。

劉秉鈞

望高文苑。功浹民生。看今金馬玉堂。能以身繫天下安危者。有幾。棋罷東山。芒寒北斗。對此鱸魚。蓴菜。更關心。造縣治模範之為誰。

廉彭齡

治有本源。庶富教。

樂 哀 錄 卷九下

十三

名垂宇宙德言功

蘇簡

以教育大家開實業先河費幾許慘淡經營造成此模範世界  
負斗山重望鑄馬班信史綜平生貶褒毀譽何莫非經國文章

許文菁

生平力持棉織狼贖諸大策宏謨冠今古所仗繼起象賢從此幹家  
樂棟國

下走獨有烟年節譜四特誼獎譽渥孩穉適值歸來雖伏更加捨地  
慟呼天

余梁

吾父本是生死莫逆之交時無可為攜手同歸九京卜相逢定傷蕩  
板

識者漫持顯晦異途之論志原若合抗心追往千秋共不朽各有典  
型

余梁

一老不慙遺而今已矣  
斯文之將喪舉世悲焉

杜逢時

五百年名世篤生。北斗山高。一代勳猷炳天下。  
數十載故鄉造福。大江星隕。千秋俎豆祀濠南。

司徒錫

經濟文章。一貫施行。公可謂中華先覺。  
泰山北斗。萬流鏡仰。誰能步南通後塵。

嚴頌堯

以文學士作實業家。美利溥江淮。為吾國先開風氣。  
事大耆年。抱濟世志。干戈滿天地。歎斯人胡不憇遺。

張書紳

厚殖善仁。願散資財。及當世。  
中天臚唱。尚留文采。殿前朝。

于右任

弘胞與。橫渠銘東西。憂樂塵民生。立脚先從秀才起。  
作領袖。大江巨南北。文章造風氣。令名誰比使君高。

江 遲 孫秉鈞

中外同悲。遺老逝。  
東南忽現大星沉。

高鏡珊

榮 哀 錄 卷九下

古

慈善教育實業交通珂里僅從小試齋志長終曳杖俄焉驚昔夢  
德行言語政事文學聖門兼擅諸科因風隳淚望山好與勒豐碑

靜·圓

冷眼看滄桑東海之濱有大老

傷心授衣鉢希文繼世得純仁

陳廷英

淮海未安瀾民生國計留遺憾

中原方鼎沸定傾扶危失導師

傅·疆

應運而生一代文章能華國

成功者去千秋事業祭先河

彭毅孫

先生爲千古偉人經濟文章尤推獨步

舉世鮮百年耆宿山頽斗隕仰止彌殷

梁袞昌

列文苑自是專家不朽在立言碩望詎因人爵貴

謀貨殖非圖私利宏規堪示範盛名合共大江流

王培孫

魯殿耀靈光。官柳風流憶張緒。  
峴碑鏤磨。淚寒潮鳴咽。過崇川。

龐樹森

就道德文章。論足以冠天下。  
從縉紳大夫後。不敢贊一詞。

許桐

心鬱萬端。憂大難未紓。人殄賴。  
身兼三不朽。仁賢終老。國空虛。

孟錫珏

物望屬耆英。憂樂動開天下計。  
大名垂宇宙。江淮同紀善人碑。

張蘅

一游通海羣稱德。  
萬里江淮孰嗣營。

朱後烈

汾陽福澤。潞國精神。如公真名重千秋。勳業遠高張博望。  
尼父山頽。鄭籥棟折。胡天不慈遺一老。東南頓失魯靈光。

李鍾敏

導江左教育先河經師人師我亦親承書教  
仰南州士夫冠冕功業德業誰能繼此恢弘

何煥章

興實業以救邦早鄙公卿同敝帚  
有文章能壽世不求仙佛自長生

黃振廷

功業百世文章百世

江淮一人中國一人

鮑觀澄

於國有功真不世

爲民興利又何人

王心贊

公業已不朽後有來者才亦相當終教毅魄英風昭垂千古  
父喪且未久又哭我師天何此酷應共亡兄弱弟心喪三年

王

泉寬  
宏寅

基

女教重師資采及葑菲三載相隨感寵遇

國家多變故喪斯梁棟千秋搖落動悲歌



李邦蘇

事事存必成之心處處立不敗之地至理名言拳拳服膺十餘載  
皇皇以天下爲任汲汲以鄉邦爲懷苦志毅力濯濯功業千萬年

李萬里

別纔兩月交託廿年感念人天成永逝  
行於一鄉推及全國記聞棉織述宏謨

商言志

名世五百年稷卨咎夔徵往躅

百黨一二三子魯愚嗉辟愧成材

繆文功

大道慨沉淪幸泰斗僅存流風未歇  
笑人嗟遲暮竟榛苓致咏劫運難回

張世銘

教育啓民智實業惠民生造南通模範鄉村前不見古人後不見來  
者

學術冠時流道德匡時俗保中華文明國粹迺邦家之光非閭里之  
榮

胡兆沂

勳銘竹帛震古燦今後無來者  
傳合蘭臺炳儒彪墨公殆兼之

顧昌鼎

胼胝治水墾殖興農冠冕蓋南州十萬蒼生齊愛戴  
謀國有經居家講學文章如濂洛三千弟子感甄陶

曹廷榮

斯人不出如蒼生何況從瑤島昇仙滿地狂瀾難再挽  
大績所垂有青史在猶憶珂鄉作客頻年德範幸長親

楊裕如

衣被惠萬家早聽謳歌徧東海  
文章名一世豈徒冠冕在南州

陳懋森

狀頭爲命世之英公望公才往日先君敦編紵  
繭絲示宗邦有政人歌人哭傷心小子列門牆

吳世濟

魯殿歸存清望會躋四友列  
江東獨步平生不作二流人

林步隨

企業經綸崇老輩

匡時典範渺靈光

余榮昌

實業導先河。全國模型始都邑。  
大名垂宇宙。普天耆宿唯斯人。

傅汝勤

事業著珂鄉。已見經綸彌宇宙。  
功名在天壤。更看堂構煥文章。

江蘇省立第一中學校

名世大文應五百年運會。  
塵寰小請歷七四載滄桑。

王壽炯

吐滂沛乎寸心。天下果能宗膏澤。定知周四國。  
納頌彌於芥子。海東無不獲功施。已足炳千秋。

高世讀

烽火動塵寰。公不少留省。幾許傷心慘目。  
英靈歸碧落。人將安仰。空懸擬河嶽。日星。

王家襄

經濟文章冠國中。回思七秩高年道貌久。欽太夫子。事業功名甲海內。際此九秋追悼。師恩常感小門生。

虞曾銓 王謀忠

公自有千秋。毀公譽公皆未嘗。我慚無一技。誨我益我不能忘。

嚴善坊

天奪一代通商惠工領袖。

公爲兩戒文章經濟模型。

黃立三

立德立言立功。是古所謂三不朽。授耕授織授讀。待而生者十萬家。

丁士源

合文章經濟以同傳。名滿寰區域外皆知司馬。后鐘鼎山林而何有。人思元老江東頓失夷吾。

盧香亭

天隕文星風悲月慘。人懷碩德山高水長。

張夢齡

墜緒難尋共仰文章如北斗  
新鑿初建可堪吾道失長城

扶輪學院教職員

才堪柱石人所共知文學況專當世矣  
功被梓桑天胡不相構堂幸有嗣君賢

張英華

是人中節豈惟經術  
爲天下慟寧止私恩

甘鴻猷

環海咸尊元老範  
江天忽報大星沉

季光恩

大雅云亡空留塵榻  
老成凋謝悵望高風

張紹會

教育放女界光明推本窮源獨有先生領袖  
慈善爲畢生事業瓣香祝嘏豈惟我道欽心

盛競存

沒世難忘咸欽道德功勳豈惟斯文千古  
蓋棺定論此日商農政學羣推中國一人

施懷榮

利用厚生端賴人謀闢徑不畏難士農工商無曠業  
型方訓俗引爲己任觀鄉知化易江淮通海有餘哀

李家駿

公爲社會導師論舉世知名與河嶽日星並壽  
天奪國家元老幸傳薪有嗣發文章經濟之光

常蔭槐

吳下陶朱功高越絕山中弘景望繫蒼生是碩德是通儒遺澤溥珂  
鄉寰海咸知鄭公里

三千多士早占龍頭第一名流羣推鳳閣有文章有經濟大年躋杖  
國西風忽失魯靈光

張競仁

文章經濟史筆自具千秋卽論江左衣冠朝士貞元尊宿望  
碩德耆年鄉國咸推大老更看高門堂構東山事業有傳人

惲寶惠

元宰事業小試鄉邦儻教敷歷明時舟楫鹽梅非異任

耆舊聲名足傾朝野更看綿延世澤箕裘弓冶有傳人

吳文孚

導實業先河締造直從桑梓起

享箕疇上壽聲名遠播亞歐遙

解德鄰

文獻痛淪亡憶杖履追隨直節清嚴猶在望

達尊綿世澤維老成凋謝名賢遺范獨常留

王小峯

當代儒林耆宿全國實業大家千里雉皋平儘有經綸歐美震

金殿傳臚一人嵩山講道四友兩朝孤史在頓驚瑚璉廟堂空

莫德惠

萬古江流常哽咽

一生事業著經綸

李嶽

溯先生提倡實業逾卅年講求水利逾卅年夷吾天下才早有大名

騰海國

為敝邑造就人材以千計拓殖田疇以萬計子產衆之母永留遺愛

徧江鄉

劉啓文

國是未定遽喪元老  
民生有依痛念先河

薛銓杰

大名垂宇宙留村落遺規一邑今爲當世重  
薄宦寄江淮是家鄉後輩三年猶恨識公遲

王鴻翔

文章事業史乘增光是亞東第一名流時存范氏胸懷後樂先憂救  
世危亡唯己任

帝友國師遐邇共仰爲江南有數人物忝列程門弟子山頽木壞撫  
棺痛哭竊心喪

張謙培

倡教育於狼峯雒水之間二十年同沾文化  
驚哀報在七月中元而後百餘里空仰儀型

周寶祥 許峯峻 李桂年

寄跡曉塘猶在通籍之前與諸父相親早有文章驚海內  
敷教崇川嘉惠士林何限最後生自立長留訓誨範人間

陶天培



武昌一日得通州三生則皆吾師也同郡曰范氏同縣曰朱氏  
長江兩岸距中流百里是生名世者其南有廬山其北有狼山

金 鉞

富貴壽考重以科名若擬汾陽宜伯仲  
文學專功福我邦族豈惟江表失人豪

顧鳴岐

事業足千秋公是國中真健者

山河長一別我爲天下哭耆英

倪 亮

同爲生死異榮偏哀事業著江淮此日萬民餘痛淚  
共荷栽培何分久暫門牆忝桃李當年一載坐春風

田無疆

廣廈萬間此及多士

嵩山四友獨擅千秋

顧鴻 文

百年衣被功在蒼生猶憶規畫艱難工廠肇開纔鼎立  
一縣經營聲馳瀛海共祝起居康健寢門微病忽山頽

大生第三紡織公司

偉業冠古今半壁東南驚柱折

大名震中外一身功德耐人思

席德炯

平生知己翁常熟

得意勛名王半山

崔維堪

大好模範村公何遽迫桑榆買棹重來怎忍見寒林秋草

頓傷梁木壞我亦分榮桃李登堂請益最難忘時雨春風

顧肇基

法管子利因鄉里創成自治範模居畎畝之中迥不同別墅東山後

談絲竹

追禹績首及江淮幸得相從標願望斗牛何處問誰與乘槎西域復

探河源

季德馨 陶振宗

清國尚文而先生早達民國尚武而先生無爭時行時藏庶幾兩得

閻公治晉以模範省名我公治通以模範縣著一生一死俱足千秋

張相

衛道無二術斥新學制遏新潮流卻有新規模能行新政

對策第一人作大文章成大事業是為大手筆宜享大年

陳 枏

遜清殿撰民國元勳功業煥千秋史冊

澤沾淮海恩遍農商真靈仰萬古雲霄

大生第三紡織公司庶務科

大力導江淮至今生榮死哀真堪無恨

勛名震中外願此日艱肩鉅幸賴後昆

大生第二廠營業科

對策朝廷奪得星躔台斗

運籌帷幄有關國計民生

薛昌勳

文壇健將實業專家狼阜溯鍾靈舉世留心瞻北斗

位冠臣僚年垂耄耋鴻名震歐亞哭公有淚滿南通

大生第三紡織公司考工科

天上下大星沉氣壯河山身騎箕尾

人間紛雨泣功在社稷澤及工商

大生第三紡織公司會計科

化雨海東施記會音謁崇階校訓數言口授殷殷談母里

大星天上落，遽爾傾隕魯殿儒林羣。輩心傷箇箇哭師門。

邱家驥

學問貫古今，文章魁天下。經濟佐國家，中外仰大名。公真先覺，實業開風氣。教育礪人才，慈善遍盲聵。東南支半壁，天喪偉人。

崔楚江

及門安敢贊辭，公自足千秋。有青史在，時局必須文治。天不遺一老如蒼生何。

楊良駟

古今幾許大儒問，誰不假政權。能使勛名垂宇宙，時勢適丁厄運。惟公力崇民治，獨留模範在鄉邦。

姜灶港紳商學界

文魁天下，身隱濠南。泰斗本來尊，寧獨五山齊俯首。昔坐春風，今悲梁木。衣冠從此，邈可堪百里為招魂。

鄧晉巖

遵平時訓誨，掌鄉邦教育二十年。歸納於忠實，不欺堅苦自立。以私有資財，輸公益事業數百萬。共戴為地方生佛，世界偉人。

沙元集

並世何人，三代而下見皋禹。

飲源此水萬古不廢如江淮

謝雪

救國展長才。儒服不妨兼貨殖。  
傳家留義訓。史書定可附河渠。

張作霖

諸葛大名垂宇宙。  
先生有道出羲皇。

蔡鈞樞

大名應壽世。十餘載情深編紉。重以婚姻羣欽致富書。成衣被萬家。  
樓閣莊嚴驚偉畫。

小別甫經年。三千里夢繞鄉關。如聞警效忽訝少微星。墮雲霄一羽。  
江山蕭颯動悲笳。

陳惟  
壬庚

耕讀自田間。習於實用。將舟楫濟時艱。志願甚宏寧止師儒推物望。  
安危係天下。出其緒餘已梓桑。食福利功施未竟。應爲邦國惜人亡。

錢樹榕

孚尼大佛於丙寅九月十一日降金沙雲月壇。木筆賜聯。

文曜降崇川。浴亂攸關擔當世道。

樂哀錄 卷九下

三

哲人歸樂界存亡有數拋棄塵寰

謝桂生 姜 繼

時局正糾紛是魯仲連未完事業

後賢能繼起願范純仁大展經綸

南通縣紗業公會金沙分會

龍躍海濱獨憐千古才難亮節高風期大老

麟遊何世贏得九歌文化標能擅美映當時

黃炎昌

曩隨弟子行數者番魂返道山倍切心喪援古訓

忝膺女師職溯頌歲駕臨校舍常聞面命侍清談

黃恭壽

道德學問事業文章早予國人共見共聞無俟贅述

淮海地方士農工商數十萬戶而今而後慘感萬端

劉繼乾

實業先河詞林老輩

鈞天應召紫府歸真

褚玉璞

文章僅緒餘道德千古學問千古事業千古

模範成篋絕。南通一人。江蘇一人。中國一人。

段士璋

富貴壽考。備極榮哀。合江淮海億萬士民。同聲一哭。  
文苑儒林。更兼經濟。立德功言。諸般事業。獨有千秋。

章世嘉

文章學問。足千秋。實業提倡。瀕海造成。模範縣。  
塵世滄桑。經歷屢變。暮年蕭瑟。褰裳試作。逍遙遊。

周詒柯

雪涕遍瀛海。九州遠人亦知司馬。  
論功豈吳疆。半壁後來誰嗣元龍。

張嘉森

江表人豪。又弱一个。  
斗南物望。獨有千秋。

國立政治大學

世生文豪。憶昔桐城淵源。獨擅奧蘊。  
天台遺老。此後吳越痼瘕。誰同胞與。

陳錫璋

坐言無礙起行。唯公獨也。

一隅可推天下。厥業宏哉。

柯鴻年

詩字文當代名家。三絕稱奇驚宇內。  
江淮海半生實業。萬人空巷泣濠南。

濮 祁

壇坫長東南。公以旋乾轉坤爲心。胡天不愆。  
荆榛彌宙合。我有傾河注海之淚。匪哭其私。

何 煜

是文章宗匠。是政治大家。我公真宇宙耆英。天不愆遺一老。  
講民生經濟。講社會事業。小子亦農林後進。予願私淑諸人。

孫恩慶

以儒林開貨殖先聲。是管晏同儔。利用厚生資偉略。  
痛海內失南通一老。緬工商盛業宏猷。博大仰儀型。

李 垣

建樹足千秋。試看農資灌溉。工習機杼。商樂懋遷。碑口有同聲。不獨  
文章驚海內。

睽違經數載。從今國痛人亡。鄉隴尸祝。里多巷哭。招魂更何處。每懷  
風度到江南。



陳 繹

著成書千百卷。享高壽七十餘。士農工商樂利。祇今懷仲父。興實業三十年。養居民億萬戶。江淮河漢孤寒何處哭。崖州。

王士珍

實業家也。教育家也。南通開學府。無論醫哲工農。都稱模範。德在人數。功在人數。東海咽潮聲。何以父老昆季。一致傷悲。

吳濟時

教養徧珂鄉。開自治先聲。事業功名皆第一。風雲又江表。歎斯人長往。危言議論更無多。

王源瀚

爲國家培元氣。化成械樸。績著虞衡。青史大名垂不朽。棄富貴作神仙。星殞秦淮。計驚梁苑。黃花時節。弔先生。

張登雲

先憂後樂共仰希文。經緯萬端。所學平生真不負。走卒兒童盡知君實。楷模一代大名字。宇宙看長垂。

謝葆璋

示後生以忠實。不欺堅苦自立之楷模。母校萬歲。仰吾師爲文學政治教育實業之領袖。中國一人。

何鎮寅

功在生民祀社永綿千禩澤

名高當代過江共數一流人

李鼎新

事事爲民興利除害猶餘兩策未成一導長淮一開新運

人人望公定是析非況值四方多難如摧北斗如失南鍼

任厚琨

遺愛長留吾公不死

大業未竟繼起有人

錢公溥

公昔京江作小留記瀕行割紙求書遺墨至今猶在壁

天教魯殿餘殘照幸贏得高文壽世顧黃而後見斯人

張冕甲

啓我國實業宏規信是大魁儲學識

脫入境汚塵浩劫長留佚事樹儀型

楊葆琛

盡地力治農家言久已合李悝賈總爲一人名下數英雄抱負豈徒

徵拓殖

臥江介負師儒  
說歐梅

公本玉堂仙憶

我作金陵客聞

為教育實業導

是淮海維揚間

兩度識尊顏前

三吳喪元老此

興實業樹教育

薄榮名為地方

德行道藝政事

通商惠工教教

榮哀錄

窮廿四史索偶無人貨殖儒林能合傳  
別十餘年作詩寄我碧霞白水有前因

傅增湘

以教育實業爲己任其功千古其名千古  
惟道德文章能壽世吾鄉一人吾國一人

通如崇海旅滬同鄉會

樹一鄉自治教育之宏規愧我坐春風敢爲執挺門生長  
在全國實業慈善稱首創思公如昨日應停相杵巷歌聲

張汝霖

國步艱難覘後起

江流日夜弔先生

張漢卿

五百年應運以生實業儒林蓋世功名垂宇宙  
三代下直道而行典型遺澤衆生哀思徧江淮

江宗浩

以一匹夫繫中外重望統事功德業著述聲名列傳當登世界史  
後千百年數東南文化觀學校園林田廬場肆英靈猶在江淮間

曹元鼎 陳汝霖 江以忠

博學讀三十乘家書大名千古

實業開廿二省風氣當代一人

謝 瑩

許魯齋謂儒者當知治生公更以美利利天下  
歐陽公云政事可以及物天竟教此老老江南

袁祖成

數十年朝野心傾溯滄桑經變大局隱資問今古幾人千載自應昭  
史筆

億萬畝田疇手闢期規畫永遵宏功告竟培東南命脈九原始足慰  
公靈

馮嘉錫

身繫國家爲安危哲人其妻繼志待看名父之子  
淚灑山邱感零落蒼生如此傷心豈惟入幕諸賓

陸秉鈞

行善於鄉聞名於國  
先民之獲奕世之型

凌鴻勳

艱難不畏困苦不辭奮畢生經營締造超脫精神專爲地方完福利

泰山其頹哲人其萎痛舉國教育實業先河失導豈徒小子沒津梁

王平恭

科舉時代狀頭共和時代總長而不屑之意皆同志在令數萬萬人羣不飢不寒操券求償創業一隅作模範

國家大事取決地方大事待籌其關繫之重如此今乃厭亂毒毒政局如醉如夢騎箕竟去當年賓館感滄桑

鄭壽仁

實業展經綸卅年利溥江淮海

高文傳著作千載名齊韓柳歐

李士偉

興實業使通國觀型開濟功多碩學大猷均不朽  
慕盛名來遠人瞻拜達尊望重歐風美雨總含淒

許鼎年

南通足千古

中華翁一人

張昭漢

甲午春闈榜發總裁徐頌閣師出闈後訪翁松禪師師掀髯笑  
曰此榜有我門兩南元足生色矣

江左兩南元上相。喪嘉慙附驥。  
中華幾人傑。老成彫謝泣傷麟。

孫雄

當代一人民之父母。國有著龜論功德。為天下。勸  
大名千古。少能文章。壯興實業。垂簡冊。增桑梓。悲。

叢其堯

北闕荷殊榮。一代功名光史乘。  
南通昭偉績。千秋模範益民生。

趙炳麟

道德文章卓垂千古。  
學問經濟冠絕一時。

衛龍章

以教育實業救民。四海咸欽模範縣。  
有道德文章濟世。千秋景仰老成人。

朱墉

是誠經濟閎儒。能兼營正德厚生之業。  
素仰棉鐵主義。愧未竟蕭規曹隨之功。

谷鍾秀

榮哀錄卷九下

毛

勳名輝左史。最難西第歸休。  
蚤歲識荊州。孰意東山不起。  
頌德憶舊游。同訪碑高句。驥  
傷時痛逝者。起哀曲梅歐閣。  
以弘教育立德。以拓實業立  
偉人能有幾。

從魁多士得名。從朝中樞得  
崇祀孰如公。

噩訊失名流。候冷吳江楓落。  
愍遺凋宿望。心驚海宇棟隆。

第一人金殿傳臚。領史局掌  
數萬戶。菲檐頌德。輯農書開。

少陵望北極朝廷。報國矢涓。



士元是南州冠冕。齊民垂要術。萬家戴德頌如來。

孫潤宇

如公文章經濟。前無古人。後無來者。從此善政流風。功在天下。德在民生。

俞人鳳

實業振興。海上經營。資利澤。

老成彫謝。濠南血淚。泣秋風。

趙麟臺

文章經濟。冠當世。

實業事功。惜老成。

陸費達

一代文章。竟成絕筆。

千秋事業。繼起有人。

劉雲舫

潮流橫逆。幾閱滄桑。四海獨崇耆宿望。

國步艱難。正資砥柱。九霄忽警大星沉。

丁紫芳

以一邑爲全國良模。保赤並推恩。久欽堂宇春多。慈蔭欣看槐滿覆。

惟一老是萬家生佛汗青同著績忍說池塘秋慘穰華忽痛棟先凋

新育嬰堂全體嬰孩

星隕鄉邦合百萬戶蒼黎同聲一哭  
名垂國史紀數十年事業已足千秋

唐在禮

中原事夫復何言實業未興地力未盡水利未成國亂民愁烽火一  
天公大去

南通縣依然模範工廠如櫛學校如林道途如砥人遐室邇悲風五  
夜子規啼

陳殿樺

公望公才是實業教育界破天荒特生英傑  
先知先覺在海隅江淮間造村落自治模型

張景觀

己立立人己達達人懷抱每因時事阻  
先天下憂後天下樂神明直與古賢通

李鍾珏

農工商賈均是上流指點講堂中警效親承談話會  
忠恕勤儉以爲校訓淋漓椽筆在精神常炯壁窠書

南菁校董會暨教職員

民其魚矣。示我治水南鍼。看大海短長堤。永懷微禹。

國有豸乎。竟爾棄雲西帝。問當年參衆院何事。推袁。

南菁橫沙保坍委員會

塞上正秋風。吹來故國哀音。木壞山頽。齊下淚。

人間是何世。太息長淮絕涸。狂瀾砥柱失中流。

季剛

旅此邦廿載。備聆道德文章。愧我未為長揖客。

訂年譜一編。詳寫生平事蹟。知公猶有自謙詞。

許崇福 鄭國祺

我以困學托帡幪。感深厚遇猶憶。頻年渡海。涇涇為文。微夫子之明。

誰復賞心到魯得。

公自大名垂宇宙。死有餘榮。獨憐衰老臨江。依依灑淚。痛哲人已往。

更從何處訴悠思。

李以炳

淮海維揚州。五百年篤生名傑。

忠信及蠻貊。億萬里痛隕大星。

華商紗廠聯合會

羣書屬稿數十萬言。我讀之如平準河渠。倒屣尤增王粲感。  
別墅種梅千五百本。公去矣。留雲惜月地。斷腸誰賦陸游詩。

費壽祺

先生自科目道德文章。皆居第一流。物論公平。推國老。  
嗣君於外交水利實業。並爲今世重。繼志述事有替人。

胡筠馬瓌

自我公金殿掄元。心境獨清超。便從故里眠雲。教養兼施。千古規模。  
邀令譽。

憶吾父琅峯作客。牙琴蒙拂拭。忍說流光奔電。後先俱逝。百般感觸。  
動私悲。

俞汝良

王氣銷沉悲北極。

長才聲望重南通。

邵樹華

文章冠世經濟匡時。千古定評論。勳業應教光史乘。  
規畫一州模範全國。四民蒙福利。俎豆當報奉馨香。

薛煥章

科第獨掄元。猶未爲奇。除卻空文有實業。

春秋會祝嘏無幾何日翻將哀死補榮生

殷恭壬

鑪捶經史追漢馬遷偉業著南通發奮始爲貨殖傳  
肥遯林泉如晉元亮秋風沉北斗愴懷頓失老成人

袁昌坡

文章萃漢宋之精尤復發揮光大見諸施行開有清一朝軌物極則  
鹽墾與農桑並重不辭慘澹經營纂爲令典植南州百世富強宏圖

伍璜

一己所應得公諸農工商各界致負債累累畢世勞勞胡天不憖遺  
一老

卅年來經營胥爲江淮海地方以建設種種價值逾萬萬吾公之業自  
千秋

林祖潛

遍地瘡痍竟忍一睜不再視  
卅年興廢空教雪涕向誰論

楊廷棟

所志在廊廟江湖先生之風足流傳於千古  
相勗以文章道德孺子可教愧追隨者三年

榮 哀 錄 卷九下

三

陳介

餘事農工商。勦業九推大手筆。

達尊爵齒德。捐塵空憶舊衣冠。

秦祖澤

出處均爲天下重。

功名豈僅古人期。

吳介璋

成四教真儒。值四方多難。在壯歲四知。早懷謹守。四維四海垂名。恪

遵四勿道。南原不就。嵩山四友。

享七旬高壽。冠七子蘇山。嘆今秋七夕。初過中甸七日。七哀遽賦。上

覽七星拱北。始無慚作者。七人。

上海基督教青年會

學業千古。專功千古。

南通一人。中國一人。

汪家玉

廣廈萬間。大庇寒士。

崇川一老。共仰偉人。

楊達權

憂樂繫蒼生一代盛名留矩矱

清高肅遺像萬方多難失耆英

張俊峯

聲名聞四海事業足千秋盛烈在枌榆兩字南通垂不朽  
有華國文章擅專門經濟後賢承矩矱一朝西逝痛何如

劉宗紀

環瀛海大九州曠古無傳於戲盛矣

泰山頽梁木壞哲人不作將安放乎

張耕餘

四民模範

千古典型

崇明大通紗廠

斯文在茲寰區之內無雙士

歿世不朽北斗以南第一人

杜廷珍

隨刊所及村落爲雄卽此已迥絕人寰是賢豪間者  
患難餘生門庭非舊愧未能步趨公後如先子在時

高孟啓

道途洽農桑勸學校興經營四十年匪獨大名驚海內  
泰山頽梁木壞哲人萎上下五千載有誰盛業媿濠陽

李錫章

成敗由天毀譽由人一生經濟文章都從實地做起  
細行不矜大德不踰蓋世功名事業那堪濁浪淘來

錢昌照

言侍修成塵掃榻款徐猶低徊曲唱壽人仰止大川喬嶽  
心喪忍終古敲詩憐賈彌棖觸葦杭揚子重題芳草浮雲

袁 樊

富貴壽考雖郭汾陽無此顯榮大造毓英靈居山陬海澨之間獨超  
萬古

道德文章比顧亭林尤爲曠達書生興事業在武將文臣而外別有  
千秋

張氏闈學同人

我公勸學惠工曠昔美譽令聞海內羣推爲模範  
余等後生小子方冀親承訓誨從茲永訣倍悽愴

第三幼稚園教員學生

規地方教育視周家學制爲詳惠澤及貧寒子弟



有比戶編氓起鄭國與人之誦歌聲遍邑里東西

張氏私立貧民小學校

天壤有偉人蓋績英名功不朽

聖凡成異路山頽木壞我何堪

祝嗣豐

公逝定當不朽

我哭非為其私

陳文煥

平日視子猶子忝隨羣季登堂慣被春風陪鯉對

今朝成佛生天回憶廿年底我怕看秋月慘狼峯

陸興祖

望重瀛寰長工商振實業夙稱廊廟巨卿允推此老

惠周通海興學校造人才其奈家鄉薄福痛失斯人

顧南庸

抑亦先覺者

民無能名焉

沈冲

國文不廢科目不遺立學校以儲才滿座春風榮桃李

泰山其頽。梁木其壞。望宮牆而灑淚。一庭秋雨泣梧桐。

吳江

本白主野老書。發爲事業文章。周秦以來。允推獨步。在紫琅鄉里地。創成教養富庶。寰瀛之外。共惜畸人。

蔣詒

一老獨憂天。利病滿懷。村落經營猶小試。中原方喋血。安危攸繫。耆英凋謝有同哀。

姜岱英

爲全國士農工商導師。脩名洋溢徧歐美。與當世棉鐵鹽蠶實業。造福豈徒在江淮。

四安市教育界全體

以匹夫志務材訓農通商惠工。東西半球爲巨擘。具四科才德行。言語政事文學縱橫萬里失長城。

西亭議事教育董事會

設南通一片富教心腸。茹苦含辛始稱模範。排北面三千弟子行列。銜悲執紼同哭先生。

南通西亭公立小學職教員

始爲畏友。繼爲良師。經濟文章傳海上。

前無古人後無來者泰山北斗失江東

易樹榮

通變宜民宏濟時艱知出處關天是特生五百年名世  
先憂後樂引爲己任望治平何日最難忘第一流人才

陳慶

江左憶從遊倏閱卅年緒論至今猶耳熟  
濠南趨視疾相差一日酬恩終古只心喪

潘世杰

香草美人臣悲在屈宋以上

江淮野老市政居管子之先

吳逸

瞻謁恨常疏潞水畫圖大句長留重先世  
功言成不朽吳天風雨故鄉從此失儒魁

吳會祚

南通模範縣金沙模範區有張氏學校發軔於前有孫氏學校接踵  
於後

先生教育心吾儕教育業爲一傳弟子銜恩無極爲再傳弟子悼德  
無窮

南通孫氏私立小學校

廿載從游。頽林蓄石。愧乏專長。幸杖履追隨。時有周行承指示。  
萬方多難。支廈障河。正資大老。痛斗山傾圯。更無耆碩。柱東南。

鞠同善 羅銘鐘

盡地力非李悝。與倫藍華。早開基足。使中邦奉模範。  
有教條並湖州。不朽韜軒。念遺意。敢期舉邑。譜弦歌。

宋稟恭

棟折榱崩。國喪元老。

山頽木壞。我哭經師。

袁紹昂

憶小子以末藝從事。測量曩時。服務鄉閭。自是而京師。而省垣。于役  
十二年。奉教忝居桃李列。

維吾師由碩學發。為經濟舉國推尊者。宿生平若教育。若實業。振興  
千萬事。追懷寧獨梓桑悲。

胡濬

說項彰校譽。舍鄭愧品題。廿載春風留口角。  
教育失明星。農工喪考妣。北民秋日動哀思。

施氏私立養正初級小學校

功名冠世。事業超羣。南北東西。咸景仰。  
泰山其頽。梁木已折。農工商學。失瞻依。  
勳業與古。今中外爭光。豈但文章。魁天  
宗旨。爲士農工商。造福更因時勢。哭先  
有匡時略。有濟世功。幸奉教承流。予小  
爲天下。慟爲私人。哭問繼志。述事後死。  
來日正難。問何人保障。東南圖謀富教。  
大星忽墜。不朽者經營村落。模範市鄉。  
以欲立欲達爲心。加教良圖。下及窮鄉。  
嚴屬通屬。如之界。主持分校。於今遺愛。  
後樂先憂。不愧衆人母。  
經天緯地。堪爲王者師。

傳名臣傳孝友傳儒林歷史括通才文範先生公證議  
志鹽法志河渠志墾牧太平遺治策河汾弟子服心喪

章鍾祚

學術在三百年魁儒鉅士以上曰新民曰生財重實行不重清談勸  
業顯江淮宜得蔡邕作碑馬遷作傳  
經濟著億萬里英雄豪傑之間若保邦若濟世尚古道兼尚新法聲  
名馳湖海應與安定比德文正比功

王書杰

匡時富經濟文章先天下憂後天下樂  
慕德徧朝野中外生而爲英死而爲靈

陳坤

自慚不敏居門下無聞猶喜衆中認北海  
天產此才爲蒼生特起可憐終古老南州

江茂才

三十年村落經營舉國無儔模範聲名播瀛海  
數萬戶農工仰賴大星忽墜辛酸涕淚灑江淮

秦世超

一壑自專生是山中宰相

九原可作。歿爲地下修文。

南通初級中學全體職教員

經濟本天下奇才。小試魚鹽富海國。  
文章有古今正氣。常憑函電障江淮。

謝羣

大業宏猷一邑早爲天下式。

山頽木壞千秋長繫國人思。

洪 毅

自小而大儼學記所范。

先富以教秉聖人之言。

南通大學基產處同人

生有所施萬方儀侷。

歿而當祀百世馨香。

方增杰

以一身兼綜孔教四科。蘊蓄宏深。往古來今不數載。  
自九州推暨海外萬國。聲名洋溢。榮生哀死鮮能方。

呂承之

辭官歸里。愛國利民。聲名洋溢廿三省。

榮 哀 錄 卷九下

五

東海西江山頽木壞慷慨悲歌百萬家

四安市議兩會職員

公本天地誕降之英文學千古實業千古  
我爲山木壞頽而哭南通一人中國一人

蔡寶廉 吳長吉

一世負憂勞禹溺稷饑何以過  
千秋商位置國師帝友不能臣

楊汝仁

爲天下痛兼哭其私氣運攸關胡不憇遺一老  
問泰山頽吾將安仰悲傷何極請吸心喪三年

焦震鐸

應歐美潮流創興實業於道德文章外別樹一幟  
支東南大局籌畫安全繼會左張劉後獨有千秋

李煦亭

應五百年名世而生惟公上裨國家下益社會  
合廿四省哲人其萎從此南通減色北斗韜光

謝寶樹

萬方多難區夏陸危天胡不憇遺一老



斯人云亡，邦國殄瘁。我何止慟哭南通。

傅煒臣

一老不憊遺誰屋，止鳥吟古句。

兩淮曾接武，他山攻玉念前遊。

劉文揆

道德文章大魁天下。

教育實業功著吾鄉。

周子蓮

莫測高深愧侍門，牆卅載。

遽辭塵濁怕看世界陸沉。

翁長芬

溯自新民以來，德邁古今，功參造化。

聞道先生大去，勢崩雷電，聲咽江淮。

南京金陵大學通如同鄉會

文章事業小子莫贊一詞，灌水奉哀音，驚喪大老。

鹽政農科先君從遊六載，崇川歸旅，觀重拜仁風。

章登元

正德厚生，此邦庶有牙。

頽林蓄石微禹嘆其魚

保甲會全體

所不朽者道德文章千古盛名傳國史  
乃盡力於教育實業卅年心血在民生

程晉燾

一代文章推北斗

千秋事業重南通

單毓斌

是共和第一流人斗山重望

創實業三十餘載鄉鄰觀型

曹允源

夫子何爲卽康功田功詎似山中陶弘景

斯人不出痛民事國事更無江左謝夷吾

曹炳麟

北斗文章公不作第二人想

南通師範予亦在七十子列

秦國獻

行事具儒佛心腸遺愛幾低回士庶護思同鄭柏

書法得歐顏神髓真傳承獎許淵源慚愧繼安吳

曹舜欽

鼎鼎大名垂宇宙

堂堂實業鎮東南

曹元燾

千秋事業四海楷模不僅文章重燕國

萬古雲霄九天霜露更誰籌策繼留侯

吳兆麟

讀罷中華廿四史詎少專家兼政治貨殖文學慈善之長誰爲創者  
教育海內千萬人已多成器列郊廟明堂鄉社警宗以祀公弗忝焉

楊立綱

晉公先生著述文章誦習已久祇以學淺名微未修通謁爲憾

惟曩曾於拙著歷代文派沿革錄紀述先生姓氏又於先生  
所撰雜記推闡宏愜藉表嚮慕山斗遽摧典型空仰率貢蕪  
聯以抒耿耿人亡國瘁可勝慨哉

讀河渠書鹽鐵論景仰多年未識通儒真憾事

就昌黎文柳州記表章大著祇慚賤子是蕪才

池源瀚

於振賸發聾而外別具甄陶盛德無名惟默爾  
受時行物生之化忽驚頽壤高天難問祇潸然

王振音

士人仰公如昌黎感懷宏獎風流自愧不才仍稽顙  
令子克家似平晏憶昔同商學業定知遺訓付經綸

楊恩湛

世盡知名藏胸經濟艱遭際  
老猶篤學出手文章見典刑

李宜倜

以寒士成當代名人兀自讀書能致用  
化僻壤爲空前樂土問誰飲水不思源

陸鴻儒

雲黯長空星沉碧落  
風悲大野我弔青冥

江朝宗

應文苑貨殖而並傳力興實業榮耀大魁曠代名賢尊北斗  
台臺閣山林爲一事共濟時艱幾經世變萬方多難哭南通

許世英

名士文章傳世。獨有千秋七秩。幸康強。滄海遷流存碩。實業教育救國。先施一邑。卅年歷艱苦。鄉邦樂利溥斯。

鄧邦選

經綸小試鄉邦。頓教百業維新。全國爭推模範縣。文章大魁天下。奈此萬方多難。秋風痛哭老成人。

薛明劍 李鍾

虛前席與計事功。謂小子膽量不足。才識有餘。貧賤落。遭逢知己。

合衆流想望丰采。言長者道德居先。文章其後。瞻依失。痛哭斯人。

吳清銘

死哀生榮。中西鮮媿。文章經濟。晚近一人。

林芾楨

世變閱滄桑。玉宇瓊樓。僊府夢。鄉評尊泰斗。素車白馬。曲江潮。

水鈞韶

數中華政治分子。元老遺謀。近代史五十年。每建議獨。

維先生實業名家。艱難締造。男同胞二百兆。問成功更有何人。

丁世延

柱石旋傾。普天共弔。

典型尚有。舉族同悲。

張其

禮仁義智

許身比稷契。

徂命沒黃農。

陳衍

記當年辛亥風雲。倦游歸里。我幸追隨杖履。得荷裁成一事。最懷慚。中校初開。幣聘弓招。深負德。

痛此日龍蛇歲月。凶兆符占。公今厭棄塵寰。忍談勳績。萬方正多難。艱時莫挽。山頽木壞。不勝悲。

林熾昌

國望重者。英殿樹靈光。食德寧惟私弟子。家聲傳奕禩。堂開尊素。承先自有好兒孫。

邱

耀

沂公科第。管子經綸。更誰弁冕羣英。卅載齊年懷父執。

留侯策略燕國文章。況復箕裘世紹。千秋偉業付兒曹。

徐鼎勳

哭先生淚盡聲嘶。風舞浴沂慙點也。  
通釋氏明心見性。臨深履薄勉參乎。

李端禕

文章經世功德在民。負中外之望。  
謀國心長。治江體大。善繼述有人。

夏翊宸

先君曾與謀紡織農商。始之以交遊。重之以婚媾。今歲謁門牆。仕途  
良箴猶垂教。

我公兼善善長。文章經濟樹江淮正氣。挽滄海狂瀾。噩音傳鷺島。天涯  
遙哭豈徒私。

劉光謙

師道暨父道並嚴。教誨諄諄恩同罔極。  
心喪與致喪交盡。予懷渺渺感復何如。

施進修

公自千秋淮海衆流誰砥柱。  
師堪百世文章九錄著規模。

葛權

開全縣自治之基。衣被蒼生。請看萬方有衆。頌德歌功。敬獻徧里巷。  
秉中樞農商之政。棉鐵主義。留得千秋青史。紀勳載績。炳耀照人寰。

王鴻清

江濱野老。南畝樂生。扶杖逍遙。遙觀德化。  
天上文星。東方沉沒。素車淒慘。弔先生。

何俊髦

三十年茹苦含辛。爲國爲民。共仰事功。昭宇宙。  
廿一日歸真返樸。無中無外。那堪拜奠。說濠陽。

管儉淮

中外震聲名。歷百世千秋。永不朽。  
死生關氣運。合九州萬國。以同悲。

夏達先

維嶽降神。惟周之翰。生而魁凡民。歿則祀於社。  
泰山積乎。則我安仰。上爲天下。慟下以哭其私。

沈書升

海內文章推此老。

淮南耆舊失斯人。



大生三廠全體工人

去校會兩謁師門。謂作文作事務忌浮誇。私幸訓言同一貫。於學則獨尊儒統。至爲聖爲賢。尚難判別。權將時論定千秋。

錢 岩

牟尼樹極樂鄉。梵語逍遙歸佛地。

百世師。天下法。廟碑今古讀韓文。

吳 鈞

早賦歸來陶靖節。

不忘憂樂范希文。

凌鍾智

小築在濠陽。似陶潛栗里。似諸葛草廬。魯殿巋然。舉國同聲。欽北斗。大名垂宇宙。有君實事功。有希文懷抱。琅山屹若。全球低首。拜南通。

李樹滋

爲庶民殖產。爲中國樹人。功在一方。竟聲流四裔。更何論射策文章。臨池藝事。

能甘守清貧。能實行利濟。隱居廿載。尚興業百端。真所謂聖賢成物。仙佛度他。

石重光

治江導淮志切禹功惜未逮  
山頽木壞忽聞孔逝將安歸

董汝元

敝校經始阻力橫生感公維護羣闕息  
大業多端成規並著寧獨文章百世傳

石港劉氏小學校職員學生

天步艱難惟先生隨在捷足  
民志大畏慟我國失斯完人

石港第二初級小學校

事業文章予天下以共見  
堅苦忠實極常人所未能

石港市第二初級小學全體

光輝沈南極一星咸驚折棟摧梁卓卓大儒昇淨土  
校舍距東郊十里具識思源飲水莘莘學子哭秋風

石港市立第六初級小學校

校位西方距市塵僅七里之遙趨弔哀帷奔走後先予小子  
星沈南極願靈爽從五山而至來歆薄祀愴聞俊見大儒宗

石港市立第十四初級小學

是真學問。是大經綸。能絕後空前。自有聲名高北斗。  
爲天下悲。爲鄉邦惜。痛人亡政息。徒留模範在南通。

施元福

有韓歐過人之學。有郭李經世之才。偉績光昭名重久。  
爲賤息旌孝於朝。爲慈親誌行於墓。深情感激涕零多。

施允升

興亡與有責。溫飽非所求。論偉略如公。應合顧亭林。王沂國。一流並  
垂萬古。

富貴等於雲。功名輕若土。以逸民沒世。直駕蔡松坡。孫中山。而上別  
具千秋。

石港市教育會

興業惠民。問江蘇而今幾輩。

師先第後。弔南通亘古一人。

石港市立第十六初級小學

雄才碩望。卓卓一時。曠觀中外古今。如先生者有幾。

秋雨寒林。漫漫長夜。謹備牲牢酒醴。冀靈魂其來歆。

石港市第九初級小學全體

生則爲中外邦人所矜式。

榮 哀 錄 卷九下

望

死不僅庠序學校費淒涼。

石港市公立小學校全體

校開於曠渚北郊。小子無知。幸得覩顏沾化雨。  
星隕自狼峯絕頂。大儒失望。曷禁灑淚對秋風。

石港市立第十二初級小學

溯先生於三十有三載以前。下蒞敝廬。陪侍闋終。軼記會將頻年。偃  
蹇迺遭。媿媿指陳。惠我箴言。猶在耳。

乃舊歷值七月十七日。傍午。驚傳噩電。悲傷同一致。爲集合全市紳  
商農學。殷殷奠醮。令人感泣不成聲。

宋 煥

功業在人寰。木壞山頽同一哭。  
文章傳海內。金銘石鏤足千秋。

石港市第十初級小學校

傳噩電於初秋。新港橋頭。景仰先生。參佛果。  
資囊金以立校。利民村畔。吁嗟小子。感仁恩。

石港市第十七初級小學校

變琅山村落爲錦繡川原。卽小試經綸。幾乎若華胥氏之國。  
當滄桑橫流。作江淮柱石。胡愴懷時局。飄然從赤松子而遊。

忠實不欺百  
攀援莫及一

以文章經濟  
爲教育實業

學廬近夫子  
校訓俾吾儕

一死重泰山  
百年若朝露

策富強根本  
矣

假村落規模  
之

榮  
哀

德逝爲大地所哀。行見白衣來會葬。  
生平非吾儕可測。待從青史仰元勳。

金沙市

公立女子小學

全體

興學開全國先聲。八千里桃李成陰。同拜仁人之賜。  
承教啓古沙後進。二十年菲葑不棄。敢云衰朽無能。

曹元杰

農學導先河。夙附門牆遠志荷。裁成東望博桑慙報德。  
靈光傾魯殿。驚傳鄉國大名垂。史乘南通模範裕。詒謀

封步塵

是中華第一名流。德行言語文學事業昭然。江左夷吾今再見。  
在歷史爲三不朽。儒林孝友逸民風標遠矣。東山謝傅足千秋。

程廷煦

東南從此無遺老。  
淮海於今萎哲人。

黃家政

綜廿四代數中國賢豪。是儒林大師。是名臣奏議。是逸民孝友行義。  
風標貨殖闢專門。青史伊誰堪合傳。

遍五大洲較南通物望。似培根學理。似奈端智慧。似亞丹斯密經濟。

策略先生今祭社蒼生屬望更何人

徐蘭野

近憶六年來相見無緣闊別竟成長別  
各存千載想勉爲不朽面交何似神交

周寶洛

知朝政不足與有爲乃傲展巍科振興實業一方推全國楷模前賢  
能並功幾輩

痛時局萬無可挽救竟騎箕西去抱憾長辭嘉行副名人列傳遺型  
允垂範千秋

徐士達

式觀籌計持議維堅溯平生渠獲親承捍闔未甘隨策士  
歷數事功作人稱盛愧十載臬比虛擁陶成無術繼師門

蔡達

聲名洋溢朝野尊崇賴有中流公作砥  
世變方殷山頽安仰胡爲一老天不遺

王清鼎

人可贖兮百身世同此願  
天不遺茲一老衆失所依

榮哀錄

卷九下

望

功在蒼生四夷咸服

陳寶琪 陳介繁 張景江

名留青史五嶽同尊

吳耀椿

文章第一流經濟亦第一流郡國待成書亭林異代差同調  
農桑百年計詩禮更百年計琴尊悲轍御夷吾江左定何人

胡元倓

天喪斯文空餘古道照顏色

永懷耆德痛惜人間失老成

杜光俊

稼穡維艱詔茲來許

明德之後自有達人

江蘇省立第二農業學校

梁木其摧吾將安仰

邦國殄瘁人之云亡

谷延祿

賓館傍雲林喜南閣會窺每荷溫言嘘絳帳

神州爭鐵血悵東山不起豈惟清淚灑蒼生



謀國首會聞杜斷

朱大明

之官吾幸得蕭規

張 珮

作共和之保障視專制若仇讎漢族特干城慨當南北紛爭尤賴我  
公支半壁

遣長子辦外交倚叔兄理內政故鄉成鐵甕況值國家多難何堪遽  
爾折中樞

葛 端

聲望中原欽斗宿

東南半壁失人豪

吳炳湘

上不靠政府下不靠社會落落千秋猶憶公園談實業  
通使苦其行錫使苦其知茫茫大地當爲民國突前途

侯鴻鑑

集文章道德經濟於一身前無古人後無來者  
秉星辰山嶽河海之正氣生而爲英死而爲靈

南通大學農科全體

憶前年任寄保安仗先生登頂一呼通海四民俱受命  
想今歲代祝純嘏慨小子歸來幾日泰山萬仞痛其頽

關福

餘事在文章當代更無韓吏部  
橫流尚滄海高人不見謝東山

王煦

為實業界闢新紀元惠及通國譽滿全球大陸有人齊頌首  
在名流中稱老前輩靈爽西歸江聲東去遠天何處賦招魂

張式尊

曩會共范孝通孫端定擘畫經營於州學為最先廿載絃歌零落漸  
傷元老盡  
是足與顧亭林黃黎洲抗衡今古論事功則尤偉千秋泰斗敬獻長  
痛哲人萎

南通市公立小學職教員

公尸世畸人俯仰千秋寧獨聲名在天下  
我為鄰邑子追隨累歲那堪愴惻過濠陽

陳端

哲妻記於禮人亡詠於詩宜為薄海薦紳所慟

福利在一州勳望在一國豈惟吾宗譜牒之光

家族會會員閻捷等

即祖宗遺產設學以牖啓後人天之經地之義然非公力不至於此  
本邦國勳耆投老而經營村落目所睹身所受嗟哉吾黨盍興乎來

張氏高小族學全體學生

具鴟夷子皮高風薄視勛名崇實業  
有留侯辟疆令嗣繼承遺志委先靈

鍾之翰 黃用中

明德之後代有達人羨嗣君海外壯遊輸入新潮資強種  
水利待興歲不與我痛國老濠南仙逝償懸宿願在福民

馮琦

天壤故人心關塞縱橫萬里遙情芳草綠  
史官循吏傳聲名洋溢千秋遺愛峴山青

劉應祺

傑出奇才可廟堂亦可草林主爲地方興實業利普江淮成黨姻姪尤  
脈脈

晚成大器在治略不在科名且後起有賢能聲騰中外清廷文獻已  
寥寥

史映蓮

恩澤庇椿庭。仰山斗遙瞻。懸知地下相逢。應頌文章千古。經濟千古。聲名光梓里。念葭莩舊契。竊歎天胡不弔。何無儒林專家。實業專家。

王能恭

小子仰荷殊恩。記負笈從游。出資遺學。風雨難忘教誨日。征途忽聞赴告。徒望洋致歎。指水興嗟。海天剛值賦歸時。

駱景山

以堅苦自立。忠實不欺。八字勵己。勵人。道德精神名一世。爲提倡教育。振興工商兩事。任勞任怨。言行勳業足千秋。

黃元吉善祥善倫

地以人傳。一邑遂爲天下重。

民因物養。百年方識我公深。

陳承修

德業事功。兩字南通炳中外。

文章經濟。千秋史筆紀榮哀。

黃家璘

一身係東南。半壁安危幾經決。大計定大疑。布衣操卿相權。弘景風流在江左。

盛名爲歐美諸洲警服。僅此阜民財。隔民智。儒者行富教策。田疇治  
化遍山中。

李國藻

嗟哉小子。共受薰陶。方期厚德。天留千古。江淮作師表。  
邈矣先生。空存景仰。從此隔牆。風動萬年。松竹助哀聲。

南通師範第一附屬小學

干戈烽火。幾徧東南。補救賴老成。立論原爲天下重。  
經濟文章。卓絕今古。存亡繫邦國。追思豈獨一州哀。

楊澤民

墾斥鹵成膏腴。允爲萬世利賴。  
行自治於村落。空遺全國模型。

林俊

謳思淮海二千里。

關係東南第一人。

王毓祥

先天下憂。後天下樂。  
生而爲英。死而爲靈。

海門長興小學校全體

文章事業千古  
今昔江淮一人

錢以振

布帛即經綸四十年實業宏開最難後起英才定遠壯遊重海外  
儒林兼貨殖千萬間歡顏廣蔭信是我公碩望謝安坐鎮大江東

陳日暄

崇實汰侈薄己厚人是吾輩自治模規率聞風而興起  
通商惠工重農崇學抱先哲利民主義雖沒世不能忘

凌玉成 孫濬源 濮 祐

公爲王父製碑銘以治河爲重  
我念江淮惜耆舊卜斯民不忘

倪則均

誰爲母校南針雖指導有人我愧師承時草草  
天喪國家元老竟挽回無術心傷遺愛淚泫泫

侯朝海

實業備經營全國人民沾利益  
大星傷隕落滿天風月盡淒涼

陳福保 宋文劍  
崔 瑛 宋德輝

泰斗早傾心。面命親承。散木樛樛猶見譽。

江山常滿眼。足音竟杳。公園桃李盡含悲。

周思杞

陽九話滄桑。秋水先迴季鷹權。

大千資砥柱。春風忍讀猛龍碑。

夏寅官

堅苦忠實成己成人。揭櫫亦諸生至訓。自堪貽久遠。

經濟文章有物有則。遺篇垂九錄及門。何以贊高深。

陳沐曾 萬祖鐸  
徐平 李九恆

周錫 易兼藝  
楊繼曾 馬文明

兩世締深交。猶憶與先兄。遼海從戎橫沙。聯句總角坐隅。我尚穉。

萬方正多難。乃忽聞長者。撤琴梅垞。捐館濠陽。痛心撥亂。國無人。

楊斯邁

傍數仞宮牆。承風應在傳心列。

垂千秋德業。曠代難逢絕頂人。

陳漢章

文章第一勳業無雙。宇宙垂大名。會看立傳登青史。

姻婭情親。師生誼篤。斗山失重。望。慘聽哀歌滿紫琅。

榮 哀 錄 卷九下

聖

吳翼清

後天下之樂而樂。先天下之憂而憂。周孔以來。性道文章。誰與匹。匹夫而爲百世師。一言而爲天下法。范韓而外人倫師。表獨推公。

楊方植

胥保惠。胥教誨。澤溥且長。不僅爲江淮海萬家。庇廕仰彌高。鑽彌堅。瞻前忽後。最難忘。慎忍仁三字薪傳。

徐 曄

追溯前賢。文學超游夏而上。竊比先聖。功業在禹稷之間。

陳伯盟

拯艱危。遂舍身村落之間。試論偉烈豐功。洵可云一人有慶。兆民攸賴。

聞訓誨。嘗涉足門牆之列。私謂後生小子。宜毋忘堅苦自立。忠實不欺。

吳維棟

興實業而作育有資。化雨春風起小子。垂大名於宇宙不朽。鏤金勒石報先生。

唐牯實業私立小學校全體



江淮河海一氣經營最可惜  
蘇省通州少模範  
士農工商同聲感戴莫不曰  
中華民國失長城

黃錫恩

威武不屈貧賤不移富貴不淫  
先輩聲名滿天下  
泰山其頽梁木其壞哲人其萎  
後來職責在吾曹

倪遜吾  
仲九

五山失色

四海同悲

沈圖南

君壽僅七秩四齡具此鴻才死誠可惜  
我年卻百有二歲徒增馬齒生亦何爲

陸光華

衣被遍江海濱數百萬戶

事業震東西球日美諸邦

李春林

公是長江東流數千年蜿蜒磅礴扶輿清淑之奇氣所鍾  
看半生事業功名不過略出緒餘已足空羣一世

我受南通國學專修科文章弦誦涵濡薰炙於春風最早使將來建

樹創造克繼未成志願方能告慰九京

方家珍

創實業教育應時世需求與利樹人歷朝貨殖傳具存孰當媲美  
以道德文章負天下重望通經致用近代進化史有紀公其先知

郭衡

山斗重耆英芝範常親延譽羽毛看拂拭

江淮紀明德神鈞弗替增榮符竹自綿繩

趙鉅鏗

漫焉于世非所願漫焉逃世更非所願務以一隅爲全國師此老南  
通開變格

徵諸華醫不可知徵諸歐醫又不可知卒無靈藥已慈父病家君終  
古抱遺哀

李秉良

功在梓桑名滿中外

選朝遺老實業偉人

金文翰

休明一世映徹九泉睹承家令子蟬聯先生無憾  
聲問五洲膏澤四國聽戴德孤寒慟哭後死何堪

楊士晟

在江在淮在海萬姓失相依  
蒿歌增感立德立言立功盛名垂不朽  
國史流芳

周宗頤

碩畫示南車邦政忝持勛  
我敦勤遺札在清輝高北斗  
潛陰忽翳命兒存問送喪還

陳陶遺

前不見古人繼漢晉唐宋元明  
戛戛獨造專家席功豈在禹下  
合江淮沂沭汶泗永永勿忘治水書

徐鼎康

望輿斗山齊盱衡天下安危  
左衽有憂騰禹甸身餘衣鉢在  
領袖大江南北非才無術繼蕭規

徐果人

范希文以天下爲心興業導淮  
東南共仰阜民箴陶真逸負山  
中重望言坊行表郡國猶傳利病書

龐振乾

實業專家天胡不弔

文章華國人哀其亡

榮哀錄卷九下

哭

劉昌威

德星隨東南億萬黔黎齊雪涕  
專功半天下江淮草木亦知名

夏廣德

讀范滂傳和淵明詩憂樂以天下  
抱負不讓古哲  
輸廬惠財立摩希業得失保民生  
勛名獨貽中華

許傑 朱錫爵

一老不留從此衆星無極

九天有望幾時滄海成田

周善培

道德文章尊北斗

日星河嶽炳南州

吳邦珍

大文經世議論救時餘事作詩人  
天寶風塵憂杜甫  
說項有緣依劉無分清秋平遺老  
弁山墓道愴江藩

龔其偉

文章經濟震茲寰區江下羣青懷霽月

水利農田導我先路淮南木落哭秋風

潘復

門牆隨侍廿年餘。一自羸疾歸來。猶遙緘妙理名言。教持奉楞嚴摩詰。

功業載將千古去。重謁人豪何處。空想像雲車風馬。尚騰馳東奧西山。

黃祖謙

天將喪斯文。不遺一老。

公所興實業。自有千秋。

孟希階

公爲模範儒。縣得模範名。廿一市鄉。共叨榮譽。

師抱堅苦志。校傳堅苦訓。百千弟子。咸切哀思。

黃楮

國亡元老。

天喪斯文。

鄒保漢

萬千間廣庇寒儒。爲國儲才。望重五洲。推北斗。

數十年專營實業。與民興利。心喪三載。泣南通。

孟鈞

早歲荷栽培。閱歷未深。前路蹉跎。真抱痛。  
晨星傷寥落。世道式微。東南挽救。更無人。

湯步雲

能文章以大魁天下。籌帷幄以威振殊方。興學校以創導東南。重農  
商以開通海嶠。緬懷先正。體用兼賅。上下三千年。獨成偉業。  
瞻外患則蠻貊連衡。矚內憂則烟塵擾攘。論國計則庫藏困乏。言民  
生則杼柚空虛。環顧時艱。仔肩誰任。縱橫九萬里。痛失斯人。

李中一

是先子素交。化雨春風。常及我。  
喪天下元老。長江大漢。失朝宗。

沈臧壽

於江東扶風。教別具襟懷。雄文介揚馬之間。名山自有傳人在。  
爲天下籌富強。耗完心血。偉烈邁管商而上。曠達難逢經世才。

王家琛

江淮河漢。東海朝宗。水利濬四千年。後先繼踵。  
經濟文章。南州冠冕。聲名騰九萬里。中外傾心。

徐人偉

道德文章。早聞四海。

功名事業更足千秋

吳乃琛

氣留太虛心照千古

國失楨幹士喪楷模

杜希杜 劉沐棠

政績著南通萬戶馨香呼生佛

聲名遍全國千秋俎豆屬斯人

陳綸

富教開天下

文采霸江東

張榭

五山突起大江中一老熬遺動關時局

九錄真爲名世作再傳薪火有媿師承

陳受爵

聲揚海內留遺愛

秋盡江南萎哲人

翟壽松

邦人仰德業

榮 哀 錄 卷九下

五

海內喪文宗

胡先覺

山林藍華推先進

壇坫東南隕少微

王揖唐

崇川親杖履。幾歷春秋。面命耳提。此時空憶江水。  
盛德被流沙。名垂宇宙。手胼足胝。相期無負師門。

蕭祖藩 王 祐 趙耀武

季直先生與學垂四十年。發軔梓里。全國嚮風。隴士負笈往游。  
陶鑄尤夥。前年楊筱洲君請書校訓。歸述老輩嬰鑠。至欣以  
慰。乃爲時幾何。而文星匿彩。豈僅南通一邑之不幸。悼惘曷  
極。撰呈四十六字。用志泰山梁木之感云爾。

養開利府。教統羣材。泰斗仰東南。卽茲渭曲隴頭。頻霑清化。  
學失導師。國彫元老。訃音來西北。遙望海端。江委同賦大招。

甘肅省立第二中學校全體

生爲南通第一人。清吟殊勳欽碩德。  
元紀攝提秋七月。遽然大化賦歸真。

施肇琦



淮海挺人豪。有救時經濟。蓋代文章。模範樹南州。是五百年名世降。靈天爲生申期大用。

江山沉暮氣。正燕趙烽烟。荆襄鼙鼓。星辰歸上界。合千萬戶感恩流。涕吾緣微管。抱殷憂。

龔翼之式之藝之

盛德大業。非末學所可贊揚。他年有道碑。成中外欽崇都立傳。生死存亡。爲全國攸關氣運。此日靈光殿圯。東南保障復何人。

沈祺

道德文章足千古。

聖鹽棉鐵利羣生。

龔震盤

知有國者不足與謀國。辭祿歸田。欲以匹夫易天下。非自爲治。則或將治我。敷教興業。先從偏邑重全球。

黃祖溫祖烈祖寬

滬瀆爲華洋雜處。與哲似訂雅誼。結慈善團體。區區弱旅。抵禦有方。尤賴訓語頻頒。矜式非求良士譽。

梓鄉是渺。小偏州。經我公展餘緒。成模範名區。巍巍宏勳。中西共仰。倏爾台星驚殞。奔喪徒切後生悲。

錢喻微

精神所注淮海效靈幸有心傳授令子  
哲人之亡邦國殄瘁豈惟腹地失長城

盧福保

爲全球衆望所歸共說天朝有道濟  
合中國同聲一哭豈徒江左失夷吾

汪慶沅 叢達昌 俞銘德

耆勳垂百世

碩德永山川

許洪綬

作羣倫師表齒德爵俱尊與學育材化雨春風沾實惠  
順世界潮流農工商並重開物成務厚生利用有遺型

郁瓚

模範闢商場萬姓興歌補淮海  
穹窿崇墓碣千秋墮淚媿襄陽

蘇謙

首膺實業開新紀

獨占瓊林第一枝

六載白門居。編紵猶慳吳札面。

陸會燕

千秋青史在。龍蛇竟厄鄭公年。

齊燮元

處爲大儒出爲元老。歿爲神明。鴻業滿東南。仰止高山成往事。  
福被蒼生。功被社稷。澤被桑梓。鯉庭昭繼述。欽承令德。續遺型。

芮世第 魯培元

功德在人間。寶至名歸鐘鼎旂常銘不朽。

英靈返天上。山頽木壞東西華夏淚同揮。

龔安仁

事業足千秋。猶有文章驚海內。

聲華垂百世。更兼遺愛遍江淮。

殷汝耕

新舊學識功名冠于一國。模範實業自治震乎全球。尤不可及者能  
與世推移。如神龍之變化。曠觀古今嗚呼鮮矣。

小子連年多病。朽木難雕。先生福體康強。大局攸賴。最不忍忘者。其  
愛鄉真摯。若慈母之護持。忽聞歸去。能不悲哉。

施恩溥

三十年偉業輝煌造成模範一州名真不朽  
千百世專祠奉祀崇拜共和元老死猶如生

楊喬

兩世辱深知左提右挈共事邱樊具見泰山容衆壤  
卅年成樂土斬棘誅茅大穰長壘竟教滄海變桑田

陸冲鵬

參稽變法宏規窺豹一斑私淑已沾君子澤  
聞道納涼精舍懲蛇絕筆失聲同哭哲人萎

方炎百

養鰥寡孤獨以終其天年量包萬物  
合士農工商而爲之領袖海內一人

龔滌瓊

許吾爲金石精神自媿衰年有道乃先書墓碣  
救世曰棉鐵政策縱更世變此語可長懸國門

吳昌碩

閱南通自治篇獨力經營模範真可該乎全國  
讀周官考工記同人食報知遇亦不薄於姬公

大生三廠考工科

大名垂宇宙

遺愛遍江淮

新農公司同人

英雄一去豪華盡

詩卷長留天地間

黃世頤

大志大才天下第一

難兄難弟蓋世無雙

旅通贛省紳商學各界

其功德遍中外其實業尤流傳中外他若經濟文章永資世法

設學校興教育設劇場本通俗教育此後遺型偉績常在人間

南通更俗劇場全體職員

儒林貨殖擅兼人才此老存亡關氣運

四海九州揮一掬淚異時家國孰擔當

劉樹森

碩望著南中事業文章不愧宗邦冠冕

人師仰海內育才興學猶留後起規模

趙會鵬

國瘁人亡豈僅蒼生泣淮海  
星沉風殲如傷元氣黯山河

陸澹

實業賴以成豈獨文章魁東亞  
大名垂不朽尚留遺澤溯南通

邢城

說農功水利鹽法別有千秋經濟須才深愧同舟呼小友  
台儒林文苑獨行並爲一傳典型在望永教對酒憶中郎

謝霖

金融開國計民生疇昔溯賢勞後海先河竊比同音笙磬  
蓋猷兼教育實業東南樹模範震今鑠古不愧當代斗山

梁士詒 盧學溥

三世論交白髮朱顏大父輩  
五中知感雕輪黃憶長者車

王可耕

公與孟嘗君同月降生惜上客座中不能物色馮諼其人致令南通  
富強未足爭雄天下

交共沈乙盦齊名最早歎徐方簽約弗克替襄紹軒大計到此源泉

晤對偏留遺憾人間

郭鎮瀛

共仰風徽如泰斗

一生事業著江淮

袁希濂

避亂客公孫行李夙深東道感

象賢有令子謳歌永並大江流

許銘範

海天買渡祝公上壽七旬梓里溯征塵轉瞬四年推轂深情猶在抱

蓬島歸真後我先君三日麻衣餘血淚傷心一慟計程遠道阻臨喪

唐庚

綜經濟文章功勳事業於一身宇宙垂大名應在陶朱公以上

聽鄉區華夏蠻貊美歐之衆口傷悲失遺老疑從赤松子而遊

謝天錫

是實業專家最始開通風氣

羌哲人其萎伊誰領袖羣英

陳賢凱

興水利以植人才河清海晏

榮哀錄

卷九下

五

告功成而引身退萬歲千秋

張爲儒

救國主革故鼎新實業先進教育先進  
力行期由近及遠南通一人中華一人

劉平江

名世見才難道德文章欽海內

大星驚石隕天高木落感淮南

王震

萬方多難哲人其萎天不憖遺一老  
卅年經營精神所幸公自足以千秋

于書雲

屈指數當代耆英如公有幾華夷瞻泰斗豈徒仰浪激禹門一甲巍  
科學問文章驚海內

蒿目慨滿塗荆棘詎我獨悲河漢生津梁最堪惜錄承金鑑千秋定  
論經綸事業照南通

張南邨

知公有施濟立達之懷我生不辰數畢世經營所成僅此  
救國以實業教育爲本哲人其萎問後來擔荷更屬伊誰



張元濟

五洲萬國模範同欽。當代數人才如先生者蓋鮮。  
成地平天。籌謀有緒。此後談水利。微嗣君其誰歸。

河海工科大學生全體學生

築槌壩以拓地。遺澤常隨江水永。  
騎箕尾而升天。餘輝猶映海潮寒。

張謇

實業開東亞先河。但云通商惠工。猶屬一體。

盛名播環球大陸。卽論藝文經術。已足千秋。

王家驥

鎔直魯蘇浙之英才。械樸肇興。遺澤永諸百世。  
納疏濬決排於科學。禹稷未達。大名獨有千秋。

茅以昇

大名垂宇宙。

勳業滿東南。

伏金門

斯人繫天下蒼生。太息東山竟難起。

此地仰杜陵廣廈。不禁梁木動哀思。

壽天章

具大計畫以福社會。出真精神以利國家。事業炳日星。始終不肯卻一步。

謀治水則興學必先。籌經常則到底弗懈。瞻依失山斗。繼續還須第  
二人。

楊孝述

樹人德業垂河海

經世文章失斗山

沈祖偉

隻手狂瀾獨挽。大功首在育才。蔚起龍文。想見孔趨顏步。  
百年間氣所生。救國一行作吏。愧承驥尾。猶是蕭規曹隨。

陶家瑤

學通今古。名震華夷。一老巍然。爲大中華增色。  
生有益人。歿當祭社。九原難作。恨造物主無靈。

李錫純

巍科第一

國士無雙

賈鴻璋

經濟文章大名垂宇宙

馴工敷教遺愛在江淮

江蘇南京工業專門學校

百餘里瞻望靈光浩如大海長流潤及東皋尤厚渥  
千萬間匠成多士幸得春風廣被驚看北斗獨高寒

陳慶 陳啓祥 薛鳳鑾

文章百世

事業千秋

河海工科大學十七年級

海墻一老關憂樂

禹域羣倫失典型

王湖楨

文章道德經世之才頻年弘濟艱難大老尊海濱回首玉堂在天上  
鐘鼎旂常名山不朽記昔追隨杖履一官繫江表空懷魯殿仰靈光

沈應鏞

利溥人彌所憾

時衰天喪斯文

蔣枚

榮哀錄卷九下

毛

往事已非那可說  
問君此意當如何

劉錦藻

河流九派定一斯尊於古若廬陵之領宋賢天下文章仰宗主  
海納百川有容迺大論學惟墨翟能追禹道半生心力盡江淮

陳陶遺

河海工科大學爲季直張先生所創立茲校中開追悼會敬撰  
聯語志輓

作志續河渠數十年策略未舒徒聽悲風泣瓠子  
導淮知水利千百人師徒憑弔尤當私謚祭先生

徐蘭墅

提倡呼號數十年心力交瘁淮患未平終遺憾  
薰陶涵育幾百輩薪傳無已禹功追述莫辭難

何之泰  
夏詒茨

民國完人曾有幾  
嵩山帝友不屑爲

李協

江海安流思舊澤

林溪冷月迺歸魂

白季眉 楊傳文 丘葆忠

聞說是校合辦於公。緊我退師從此。伊誰資臂助。少不能文。作歌何自。閱予小子。合隨諸傅。服心喪。

大生三廠私立小學校學生

公歿猶存在天。爲日星在地。爲河嶽。我生憾晚。深未見江漢。高未見華嵩。

王 凱

撫孤攜幼。教養成家。厚誼篤葭。莘情聯戚黨。戴德銜恩。同父母。肇業惠工。艱難締造。堅貞擬松柏。名震中西。豐功偉績。壯山河。

金永慶

學貫古今。擘畫總關。天下計。縣稱模範。網繆益蓋。老臣心。

餘中鄉紳董公全體

以狀元長天下。農商德位俱尊。是真大名垂宇宙。創實業徧鄉間。教育斗山忽殞。豈惟遺愛在顛蒙。

三益鄉

第七二 梁氏

小學校職教員

氏同宗居同鄉兩世實業助襄視如猶子  
叔訓慎父訓信此後教言指授祇賴退公

張樹典

建實業建學堂既富而教  
是名賢是元老生榮死哀

餘中鄉商界

興實業以廣教育名震寰球軌後超前我公不朽  
治水利而惠商民澤被全國感恩懷德吾通尤深

餘中鄉閭學

吾師爲教育實業大家前無古人後無來者  
我輩受春風時雨之化仰之彌高鑽之彌堅

餘中公立小學校職教員

治江治運莫急於治淮隻手挽狂瀾至今三復斯言銘感私恩自媿  
廿年辜厚望

居官居鄉不外乎居易寸心結遙漢到此千秋論定輝茲國史好教  
萬世仰靈光

談禮成

海內仰盛名垂六十年文家正軌實業先河魯殿此時悲傾圮

淮濱被水思且二千里多士無歸遺籌未竟禹功何日告平成

李盛波

寶笈未全窺祇就導淮計畫保坍工程此已宏構邁新輔  
青蠅何足數但論饑溺關懷民我同胞自然家法紹橫渠

許心武

有子備九能已見光彩動區宇

假公第寸柄何止模範雄江淮

汪榮寶

造物忌奇才玉帛星輶凋碩彥

推襟敦舊誼兼葭霜澤悼良朋

坂西利八郎

惟我公交作忘年况誼屬通家遽失老成增感喟

與令子別纔數日詎悲生陟岵願毋哀毀濟艱時

張孝核

經野遺規聲聞赫赫人間世

負舟大力神理縣縣墨者儒

陳三立

入以久交密我以久交疎三十年去海留通白髮盈庭纔半面

世於富貴濃。公於富貴淡。一二品高官厚祿。黃金滿地不關心。

楊清鏞

海陬備交通實業學校墾殖諸端。公用心獨苦。公享名獨高。當時卽論文章。已覺羣賢難抗手。

水利擅舟楫。魚鹽溝洫蒹葭之美。我愧無其才。我謬膺其責。此後若探輿革。請從令子溯前型。

陶家瑤

使中國有如公者。三數輩。早見昇平。天道難知。乃不憇遺一老。若南通試行民治四十年。遂成模範。人師遽失。恐將同淪九幽。

奚侗

有超乎古人。軒冕泥塗。蓄道德。能文章。學益以經濟。是不僅名動江淮。草木關憂樂。勤立達。利溥于國家。

李鈺林

憇遺元老。時局艱虞。忍教一柱南天。更傷摧折。蕭瑟鄉關。音塵斷隔。痛念萬間廣廈。會此孤寒。

保蓮清

功業重南通。碩儒經濟誰堪匹。  
士林尊北斗。大匠栽培我最庸。



陸懋德

亂世失綱維衆望所歸賴有天南擎一柱  
秋風摧山木吾儕安仰空教塞北泣孤星

徐宜彬  
蒼雨

專業文章垂青史

衣冠道貌脫紅塵

朱鎮庚

工商偉人文章泰斗

國家元老天上神仙

何豐林

廿餘日熱邪未退外形似時疫考內容以痰以溼以亢燥即因斯以  
數長辭惟個人存沒關係匪輕今後寰球少一巨子鄉邦更失一導  
獅爲地方哭爲省政哭爲中華哭爲世界哭

三十年生面別開創造奏奇勳由顯士而農而商而工廠并依次而  
辦學校論多種設施規模甚大起先務本計在紗棉發展則功在鹽  
墾是文學家是道德家是教育家是實業家

徐敦仁

大實業自道德文章經濟而來思裕國以養民頻年儘佈宏猷根本

圖強真傑士

記先君辦閩廣路礦農工之時獨欽公爲益友此日相逢地下英魂  
應共惜神州

張應光

是文章魁首是實業專家亦官亦商統貨殖儒林合爲一傳  
有著作等身有謳歌載路在朝在野論功名道德各自千秋

安迪生

世變起蒼黃唯公力挽狂瀾實業教育經營千載規模奕世民猶誦  
盛德

老成竟凋謝使我淚傾滄海北斗泰山中外一時震悼悲天胡不憖  
遺賢

魚鳳鳴

斗以南惟一入經術文章皆其餘事  
公之靈在天下大川喬嶽如見精神

金鳴宇

三十年教養兼營願我國中羣起偉人借取成規都拯此生靈塗炭  
五千里風聲遠播期吾隴上從遊學子共興大業能得來先哲薪傳

楊漢公

儒家勛業開新局

海國風煙痛老成

邵瑞彭

外貨風行漏卮莫塞。天產品人造品。賴公提倡改良。庶乎有豸。  
少微星隕。僂輿何之。薤露歌蒿里歌。此日齊聲追悼。凄其以悲。

山東濟南總商會

學術貫世界。中西看億萬。戶市塵比櫛。商舶聯檣。卓見炳先幾。盛業  
足爲天下式。

勳望徧大江南北。歷數十年滄海遷移。風雲變幻。高名垂不朽。瓣香  
長繫後人思。

李維源

念有道克膺斯民。惠工通商。畢萃羣英。成大業。  
嗟彼蒼不遺一老。山頽哲萎。惟傾清酒。慰靈魂。

章煥奎

中外仰清才。陶鎔羣彥。有造邦家。偉績欽光。民國史。  
東南遺實業。衣食萬人。如傷父母。哀聲咽斷海天潮。

錢宗澤

惟先生畫錦還鄉。鴻業獨經營。造福利於民不淺。

有令子繼志述事鳳毛堪濟美慰我師在天之靈

余篤輝

在遜清爲狀元在民國爲總長功名事業卓著神州屬橫應無毫髮憾

論博學若干產論致富若陶朱經濟文章親貽哲嗣傳家不屑稻粱謀

問榮生

化始一鄉觀政從知王道易  
利貽百世傳家尤喜後昆賢

嚴修

勸學訓農富國經綸基大布  
入亡邦瘁老成凋謝惜糠科

林大閩

有福於民有利於國  
其生也榮其死也哀

祁有之

大江千古琅山千古  
南通一人中國一人

葛仙洲

事業勛名昭四海  
文章經濟足千秋

安徽省城總商會

豐功偉績首重在培植人材設校課蠶桑却慚教誨才疏難使蛾眉  
追嫫祖

利物阜民心瘁於振興實業大名垂宇宙况乃憂勤國事允宜駿望  
婉留侯

談叔良

在大清欽點狀頭春秋確近八千歲  
入民國振興實業聲價相傳五百年

王鳳卿

天喪斯文不遺一老  
我懷先達獨有千秋

劉郁棻

朝野慕鴻猷匡扶待竟回天力  
超塵升鶴馭憑弔徒興大地悲

陳璋

地以人靈一邑範海內

天將文喪千秋垂濠南

冷 通

昔桐城吳京卿謂武昌夫子曰子及門南有通海北有渤海何

子之教多被海隅也

早歲共題襟海隅同佩師門訓

長年悲落木鄉里先觀王道行

劉若曾

具衣被生民宏願深謀倡實業首重蠶桑憶數年庖代箸籌愧我終  
疏嫫祖教

負經緯宇宙大文小試肇宗邦無慚模範詎一雲山頽木壞普天共  
悵哲人萎

李陳文漪

實業大家名高中外  
文章魁首學究天人

宿遷縣

教育會  
教育局  
各學校

全體

當年獨步占鼇頭盧牟六合會萃百家平生事業文章羣仰儀型高

泰斗

哲嗣貽謀承燕翼。學匯萬流名馳四國。他日顯揚騰達。定看勳績滿寰區。

沈靜之

至道始庸行。只耕織兩端。夫婦可與知。聖賢不能盡。達孝宜善繼。緬富教遺策。不顯哉如此。丕承哉勉旃。

朱紹文

往事忍重論。溯前時。江邊鯉訊。季弟云亡。感我公念舊。愴懷激楚賦。哀詞淮水秋風聲。並咽。

後生幸親炙。距一日海上鯨飛。哲人遽萎。值此日望空遙奠。幽明悲異路。泰山梁木痛同深。

馮際隆

雞林購詩文。豈但國中知。白傅魚鹽興事業。至今江左頌夷吾。

謝學霖

手障狂瀾心傷浩劫。

神歸上哀滿江南。

楊慶鑿

南部黨人魁儒者治生天下式  
西園斜日謀京華溫夢十年強

黃濬

平地家居仙晚境優遊尊逸老  
文章千古事南天惆悵失靈光

蔣雁行

富教兼籌矍鑠共欽文潞國  
老成又弱艱危彌惜謝東山

金紹曾

遺老著南天立德立功立言舉世咸推三不朽  
盛名高北斗治農治商治水大才無愧一完人

徐鼎年

滄海尚橫流欲起九原問疏鑿  
勩業能嗣響未應吾道屬艱難

向迪琮

一老不遺遐邇親疏齊下淚  
四方多難扶持救濟仗何人

封緒昕



學周世用德爲民坊滄海橫流益懷先達  
書續河渠錄登耆舊萬方多難竟賦大招

周象賢

壯歲刺紅箋如公道德文章自有千秋事業  
疑年齊絳縣卽論聲名福澤洵爲一代賢豪

勞之滄

國瘁人亡天不憖遺碩果一

山頽木壞我將安仰達尊三

山東省議會

實業創先河利國福民媲美

文章推老輩流風餘韻被江淮

靳雲鵬

翰墨負隆名欣誦大文鴻臚第一榮北闕

經邦有碩畫振興實業駿猷僉欲法南通

姜蕙波

鳳早辭筵三徑不開樓仲蔚

騰鷲集戶一言感痛賦長沙

李壽金

身媿李龜年贈句江南好景三春逢杜老  
公如顧炎武散財隴上高風千古繼陶朱

王瑤卿

道德爲事功上下三千年是真傳魯鄒絕學

桑田易滄海縱橫九萬里豈多讓歐美專家

吳廷燮

仕隱繫興亡居然成邑成都代養萬民光上國

安危存語默堪歎先知先覺未完七策奠新邦

黎元洪

化俗開桃源大業經營仰元老

歸真返蓬島民生珍瘁惜斯人

何恩溥

公器我於二十年前壯志銷磨今已矣

我哭公在七千里外故鄉離亂悵何之

曹文熊

以世界視鄉以政治立鄉主義在鄉聊小試

本教育救國本實業興國先生愛國有誰同

梁新明

南望泰山頌記曾介壽堂前醉我三杯賢聖酒  
東流淮水冷自愧追蹤塵後負公一卷河渠書

常耀奎

觀福祿壽之兼全中外仰遺型大地春風思長者  
立德功言爲不朽蓬萊今稅駕滿天秋雨哭先生

徐鐸

以匹夫而繫天下望者當代有幾  
使大耋仍作地行仙也此世太平

陸以鈞

是大文學家是大實業家政績才名薄海賢豪資模範  
爲社會造福爲人民造福同時各界臨風涕淚哭先生

上海興昌布號

天生奇才雖東於鄉貫科舉竟將鐵硯磨穿由是入學中舉中到狀  
元及第呂文志

心懷救國卽處在君主淫威能把專制打破從事農工治水治得利  
國福民禹稷功

袁梓青

生財超范蠡

樂 哀 錄 卷九下

空

立雪魏楊時

楊 圻

利厚民生大澤及天下

教周士類遺愛遍江南

吉林省教育會

抱甲午後救國深衷。創興實業培植英賢。艱難建設誠為曠代雄才。三十年鬢髮俱皓。家境祇清貧。公而忘私能有幾。憶辛酉春渡江叩謁親炙丰儀。垂憐鄙狀離別尋常。詎料重泉永隔。千餘里關山修阻。典型空悵望。金以濟我更無人。

程宗沂

開物成務利用前民。大業有千秋。豈徒道德文章。藝苑儒林垂不朽。證果生天哀音滿地。悲風動萬戶。况是通家世執。感傷涕淚較偏多。

許 潛

道德學問事業文章足傳千古

通家舊誼後進末僚私淑平生

夏循澄

噩音遙播五羊一般感念默哀。豈獨江淮思舊德。哲嗣名齊三鳳。異日飛騰特達。應知泉壤慰先靈。

經世著良規通博允爲流尚式

鄒殿邦 胡頌棠

悲風鼓行軌彫零不盡士夫思

沈瑞麟

文章經濟炳瀛寰庶績流傳河嶽日星同正氣

事業功名彰宇內後賢繼起旂常鐘鼎盡師資

山西太原總商會

是儒林鉅子亦實業大家數十年德望攸隆北使尊稱文彥博

應治世降生當亂時殂謝二千里哀音遞至南通痛失魯靈光

張述 胡拔羣

一代聲名昭簡冊

千秋慈惠溥鄉閭

王寵惠

遜清末造民國初元文章事業若先生歷史應留一席地

績著南通名垂東亞盡瘁鞠躬圖自治遺澤當傳萬口碑

費玄韜

教人以利用厚生推行萬世

如公之文章經濟自有千秋

榮哀錄

卷九下

李

河南省教育會

文章冠一世

功業足千秋

袁震

始師扶海繼事江寧木壞山頽同一痛

治世經綸等身著作高文偉業各千秋

凌越

領袖大江南政學藝文靡疑絕無抗手

淒涼半天下鞠華秋雨牢愁奏作招魂

陳宦

經國具遠猷在去縣神州中首屈一指

著書猶餘事於儒林文苑外獨有千秋

唐繼堯

碩望重當時模範人羣欽北斗

遺型猶式我昌明市政仰南通

張維翰

中原文物慨凋傷只餘臺閣明星天猶奪去

化日儒林悲落寞更望玉樓香吏魂其重來

馮廣民 李象庚

救國有良謀。聊以小試其端。合邑桑麻成樂土。構亂無寧歲。坐是未酬厥志。萬方荆棘隕福星。

王桂林

鼎甲繼翁叔平。身在江湖。倡黌校以惠學。人名猶過也。經術同顧炎武。宏搜利病。務織懇懇而先天下。實又副之。

唐繼堯

合名宦鄉賢。終分一席。

論文章經濟。自足千秋。

楊森

富國裕宏猷。共仰斗南有仁傑。

感時揮老淚。那堪江左賈夷吾。

任可澄

學問文章。永垂模楷。

士農工賈。共仰靈光。

姚震

出處繫蒼生。每望東山思謝傅。

邦家多脆艱。詎堪江左失夷吾。

河南省議會

一代文章冠海內

卅年經濟利淮南

張鵬

事業旁及東皋。如我菲才。鹽電竟教兼兩職。

德望高齊北斗。數公遺蹟。勳名永足炳千秋。

道其南

五百歲名世挺生。經濟文章。親炙忝居弟子列。

七十齡編年有譜。事功治業淋漓。不待史臣書。

李培基 王彭壽

江左失節承學海。橫流思砥柱。

東南推物望。滿堂灑淚哭先生。

盧福蔭 李家駒

辦事不難。堅卓如公。問當代有幾。

享名匪易。中外咸仰。恐世界無雙。

陳煥

我公致力經營。拳拳大端。水利交通。教育實業。

小子服務桑梓。兢兢校訓。堅苦自立。忠實不欺。



陳國治

先生是特才出相與會集追思崇拜固應乃爾  
此間爲舊遊地不審靈爽來格感想當作如何

薛 銀

歸籍記南州爲虞號相依導我先河示治安良策  
大名高北斗是江淮所獨有子繼志成博望通侯

許樹枌

淮海失老成治平變亂應無具  
東南多風雨植立蕭疎要有人

黃家瑞

懿惠徧江淮河漢  
槃才擅經濟文章

京江旅如小學校

大丈夫乎禮以制心義以制事  
君子人也言可爲表行可爲坊

如皋公立第七小學校

立德立功立言太上不朽  
有仁有智有勇夫子多能

榮 哀 錄 卷九下

突

陸寶善

謀國之忠死而後已。

固天將縱生有自來。

叢彪

范希文舉秀才以天下爲己憂惟公志同道合記泮水重遊會啓者  
英敘雅抱。

胡安定教蘇湖是吾臬所共仰際此風微人往無濠南一老誰將模  
範示環球。

如臬縣公立第十五小學校

雖未爲孔子徒私淑諸人景仰馨香縈五內。  
洵堪繼胡公後以誠立訓通如師範足千秋。

李昌基

濠陽勸語當永誌不忘爭奈我公去矣。  
闕里文章言發揚演繹其爲吾黨事乎。

吳蓉棻

惟榮且哀。  
斯死猶生。

周祥藻

宏毅如公是爲名世  
明德之後必有達人

周 庠

興教育以樹人名滿大江南北  
創實業而救國學參渤海東西

如皋縣立通國俗教育館

功在全國譽滿寰球大德超紫狼塔頂  
魂歸道山名垂史冊悲音咽揚子江聲

第二代用師範附屬小學校

鼇頭昔占蟻術時求經百度琢磨成茲寶器  
淮水探源狼峯挺秀合雙方鍾毓孕我良模

如皋縣水利會全體

公之于支與潘文勤顧亭林相合公有詩詠此事前年謁公公  
謂南通實業終當設興囑以姑待但待以年計不意未一年  
而公遽千古也傷哉

生有自來比諸潘顧抑又過之却運縱難回亡國山河增氣色  
公不云乎雖卽期頤事猶莫了計年嗟不待側身天地歎蹉跎

許憲基

七四齡名滿寰區。論經濟文章。列史中無此人物。  
九十日魂歸仙界。憫風雲變幻。微塵裏了卻煩憂。

沈礎

為全國總裁。疏濬開來。拯溺才猷。實志沒。  
先一州經界。隣封繼起。平均田賦。利民生。

楊啓宗 姜一 謝  
姚滿年 何其仁

文章經術。師表人倫。徒震科名。則未矣。  
酒醴豆簋。委侑靈爽。不遺故舊。其來乎。

盧福保

伊呂精神。禹稷憂慮。存亡關民物。安危五百年間。氣所鍾。豈僅是南  
州弁冕。

門牆在望。桃李成林。中外重蘇湖學。則三千輩設位而祭。永留貽臬  
邑哀思。

吳敬震

海甸方悲塗炭日。  
隣封頓失老成人。

如皋縣立初級中學全體

干戈未定。天不假年。論國計民生。猶有經營未了事。

滄海橫流吾將安放過紫琅黃港再聆訓誨已無緣

冒傑

立言能爲天下重

司農本自田間來

如皋縣農會全體

是當代第一流人物

歷畢生七十載艱難

如皋縣地方款產處全體

毀譽由人功名事業誰其及

恬特永感梁木哲人重有悲

沈頌

集德行政事言語文學各科之大成優入聖賢闕域

本日月星辰山嶽河海精氣所鍾毓詎隨運會遷流

陳度

以文章經濟宏才施於國施於民不恤勤勞一世

有事業功名成績布在方布在策足垂模範千秋

程鵬翔

雉水接隣輝碩晝親承江渚河濤頻侍從

狼峯留遠迹斜陽憑弔商閭柳壟觸哀思

周燾

大名垂宇宙

遺愛遍江淮

沈來森 吳兆森

著教實經綸名傳中外  
失江淮砥柱感極雲天

如皋縣參事會全體

溯生平功在士林公誠健者  
爲亂世力全大局誰其嗣之

如皋縣立女師暨附小全體

勉強學問勉強行道皆欲利人民福社會而已  
其所憑依其所自爲傳俾內中國外九洲知之

沙煥先 康省時

自治導先河水利交通功垂宇宙  
儒修成絕學文章道德名震中西

陳鴻謨

齋師創師校嗣嘗肄業服膺堅苦自立忠實不欺之校訓二十

載於茲矣。清末朝因事爲甚者，蘇賴師言乃解秋間聞耗時，卽先君疾革時也。今鄉人追悼吾師，因書此以誌哀。

德行不潔由夷，政事不功管鮑。奈國運如斯，僅以攻王興學爲當世樹正表於江海之隅，惠雖偏而心實苦。

謙言蘇我積困，校訓界我服膺。痛大星遽隕，適因侍疾居喪。至今日始銜哀與追悼之會，辭有盡而感無窮。

施 翹

禍逾五季，局變千秋。公在亦何能有淚，不爲天下慟。功施一州，聲流四裔。名歸非倖致，論才似覺古夫無。

沙元炳

道統得心傳，此老乃濂洛關閩的派。列強重商戰，我公視會胡李左而能。

丁堰鄉各法團同人

大江而北，長淮以南。聚數百里人，瑞地靈誕斯奇傑。實業肇興，學校宏創。費四十年心血，腦力啓我文明。

如皋縣地方自治協進會

離亂治桑麻，偉略同符田子泰。

懷襄障淮海，奇功合配范希文。

董文瀾 鄭吳民

饒饒庶政有開必先百里接疆圻後塵勉步慚吾黨  
鼎鼎大名希蹤莫及千秋光史乘命世英才屬我公

如皋縣路工處全體

乾坤間氣河嶽精靈資治學無窮經緯文成元老手  
霖雨蒼生江淮砥柱濟時功未了鉅艱任付後賢肩

如皋縣立醫院全體

今日乃財殫力痛之國家滿目瘡痍誰具真誠憂世憂  
我公以利用厚生為政策有心挽救豈惟實業嘆才難

如皋縣商會全體

科名僅一世之榮必事功經濟有裨國計民生方足名垂後世  
實業為寰球所重歷困苦艱辛馴至日新月異相期業企全球

如皋縣實業局全體

南通興教育吾邑實繼之論仰止名賢則莘莘學人者流非及門亦  
私淑弟子

中國重工商我公其倡者為謳歌盛德有濟濟鄰邦之士集縣會而  
追悼先生

如皋民立中學校職員學生



崇如山嶽炳如日星建樹千秋知不朽  
遠者嚮風近者慕義觀摩吾邑獲尤多

如皋縣議事會全體

使民勸義使民厚生終身殫厥辛勞垂世豐功流澤遠  
爲我樹材爲我定範吾邑徧興弦誦探原助力賴公多

如皋教育局

於全國稱模範人物  
在上天爲燦爛星辰

如皋縣女工傳習所全體

幼讀書壯講學夙負文壇碩望  
辦工廠重農林遂開實業先聲

如皋城市第四初級小學校

共天下惜斯人猷畫豈惟關一縣  
與公鄉爲隣邑步趨從此失南針

如皋縣城市董事會全體

蓄道德文章發爲當代經綸公誠與古合矣  
興教育實業昭垂各縣模範民到於今稱之

如皋縣教育會全體



張南通先生榮哀錄

榮哀錄十

輓章

靈光闕采 大總統印 國務院攝行

國以人存 曹 銀

神歸奎宿 徐世昌

東海聖人 東柱臣 王鴻典 曹學思

碩望常昭 上海愛國女學

青史騰輝 王文典

經綸閱碩 華商紗廠聯合會

勳望千秋 南通市小學校職教員學生

魂歸天上

愛遺人間 二吾照相館

名垂宇宙 掘港市農會

中外咸欽 李佳白

哲人云亡 金 頤 潘鴻綬

民思微禹 南京追悼會

執紼含悲 汪慶憲 葉鏡渠

大夢先覺 弘慈現明

無愧江南第一人 陳漢第

吾將安仰 盧鴻鈞 韓尚智 楊孝述 唐繼堯 劉啓瑛

張謙培 龔寶倫 何尚平 王 敢

通崇海泰總商會全體職員 新通貿易公司

大生二廠機匠 傅煒臣 焦震鐸 邱萼耀

吳樹鏞 楊方植 胡馥元 錢體鈍

哲人其萎 吳 煦 施立先 盧錫藩 李祚康 韓國鈞

莫經農 許慎修 王廷臣 薛卓斌 高 湘

顧傳基祖德 江蘇第一代用師範學生

醫院職教員 楊毓藻 周 燾 周錫恩

孫元方 周毓文 鄭 謙 吳 鵬 胡兆沂

胡 筠 馬 璟 劉鴻生 葉其禎 高世讓

張英華 王省五象五琢五 程鵬翔 程先舉

許體節 卓 峻 徐秉衡王恆熙裘爵一

沙繩正 常勤銘 張作霖 周 達 關 炯

蘇明生 吳在章 方善濟 潘 復 施恩溥

李厚垣 宋善祥 王 森 梁士詒 盧學溥

祁有之 寇英傑 張壽熙 鄧裕峻 錢昌熙

僧清海顯慶 畢嗣良 張鏗 王大鎰

河南省議會 徐新六 徐陳冕 黃錫恩

劉思鑑 陳星記宏祥號春記號謙慎記姓昌號

郭鴻詒文徽 湯紀清張師澄保壁人李文華

盛炳紀王承組黃啓燠潘啓章袁鍾秀胡祖同

南通女師範暨附屬小學全體職教員 李煦亭

嚴敦和 闕行健 諸葛相曹聖揚楊程祖

祝光機 吳念昔 寇鉞 元茂泰記謙益德

福壽全歸

袁思亮 李蔡羣英 黃利賓 馮培駿 吳駿才

彭 莊 江世煜世焜 賈沅 周毓文 方思允

栗如祥 余 棗 張連捷 王心貫 屠文溥

金百順 陳其采孫吉沅 岑春煊 沈應鏞

謝天錫 江 衡 薛如江 李允文

南京上新河木業全體 張徐女校職教員

田兆霖裴 源 傅榮高 宋之棠

許晉唐徐仁信聶佩沂袁啓賢 僧圓達

伶工學校教職員及學生

奠

張仁奎 李炳榮 李 諤 汪銘恩 達通公司

僧法權密融旨純 大達輪步公司 陳 璠

大達外江輪船公司 馬玉仁 馬甲東

復新麵粉公司 大達躉步 大達內河輪船公司

李閔樞 朱超祖 歐陽子倩 楊 悅 江 聲

孫 浩 東何通濟公司職員 福開森 陳輝德

尹恭鈺席玉昆周彝臣 趙 湯張 楷 陳厚培

揚子江水道討論會技術委員會測量處 黃汝霖

上海商業儲蓄銀行董事會 許體鏡 劉文濬

黃士奎褚卜求馮 偉 南通典業全體 王式通

曾 樸 張雲官 全昌公司 嚴履泰 狄葆賢

盧香亭 高 朔 習廣鈞廣豐 崔維堪

黃申錫卜廣海 徐人鏡人師 秦文濬 劉志誠

如皋縣 商會教育會地方款產管理處

議事會農會參事會水利會

江蘇 省立第一二代用師範實業局清丈局

公立醫院教育局自治協進會

劉煥章 祝壽慈 周詒柯 胡 潛 河沂

孟鈞鏗 冒傑沈礎 大生三廠考工科

沙冰心 王景義 陳國文 謝蔭昌朱保衡王堂

張晉蕃 汪有齡 朱榮陳耀庭 李維源

李國杰國熊 鄭寶張鈇 顧維鈞

朱成熾普道錫樞陳家懋 何伯勤管叔良鍾俊侯

陳抗凡 陳陶遺 李慶榮 張志潭

白蒲自治公所團體 王元漢 藍世勛 顧秉鈞

黃月峯顧錦濤秦九成徐人壽秦己恢倪華剛

朱子剛張家桂 薩鎮冰 黃家麟 王景常

劉文輅 長樂張邵高級小學校 黃祖溫祖謙

徐百揆 陳榮莘

長樂第一三四小學校教員學生 趙桂成莫錦龍曹

遜馮榮綬 彭世祺 任可澄 章邦直 周敏文

馬炎文 羅鑫泉

女紅傳習所長暨教職員 女紅傳習所全體學生

冒廣生 陸蘭甫顧詠園徐文彬 田祈原楊雲孫

朱志堯陸伯鴻 高肇楨耿長廷朱秉衡

丁長昇馮林 曹家麟 段士章 褚玉璞

夏敬履 許世英 吳毓會 趙會鵬 鄭祖煦

李 銘 王懷慶

王 震 張國桓 永聚莊吳應樞 吳鼎昌 魚鳳鳴

翁興慶 馮誦青 宋漢章 史久鰲 呂岳泉 于伯周

徐審義 審交 張雲官 海門西二區保甲會

不憚一老 王漢禮 大生密公司 盧殿虎 沈臧壽

惲榮森 王季緒 郭世紳 嚴善坊 沈祖偉 張希載

天傷元老 曹貽澤 徐國安 胡濟元 吳志仁

天不憚遺 大生二廠警衛團學校醫院 呂道象 穆湘玥

朱有濟 鄧邦述 沈秉璜 董永成 沈 鈞

張一慶 一鵬 唐開實業小學 劉秉文 李會麟

王清鼎 蔣汝藻 鄭俊彥 馬士杰 潘祚霖

典型尚在 李寶章 丁文江 資生冶廠 馬道中

澤生水利公司 通海大儲堆棧同人

仇繼恆 魏家驊 顧 琪 張汝芹 劉銘彝

裕華墾植公司 恆泰典 鄭洪年 汪宗海 詠沂

許體萃 朱獻文 孟昭月 李濟生 賈延芳

杜錫珪 卞壽孫 王克敏 畢詒策 黃炎昌



張其彥其衡 賈玉田張零春 程雪堂 郭孝思

錢永銘 齊燮元 邢 城 施 弼 陶家瑤

徐公時 丁乃澄 吳承泰 陳 堃俞 彥

孫奇三李海鵬汪少亭葉玉書 大生第一副廠

德隆望重 俞述云 丁乃揚 邵文鎔 王鴻翱

大生二廠同人 許人俊 吳光新 田寶榮

沈葆義 段宏業 邊守靖 朱龍光鄧海涵

孫夢吉王奎成沈 沅周 洵 吳極人李雲龍

洪鍾美汪時環徐 業張惟馨 陸慶聲 顧立齋

齒德俱尊 王沐會柏毓鵬王廷俊 紹 曾

周叔皋 資生鐵廠 張正熿正炷

大生第一紡織公司 董占熊

泰山其頹 同仁泰鹽業公司同人 于北昌 湯 城樊砥平

南通旅滬同鄉會全體 華成公司同人吳鑑春等

陳 耀熾 丁乃寬 劉天齊天爵 陳簡文

繆文功繆 恕 趙祖武劉 桐 邱家驥 劉樹森

曝失秋陽 張 習 崇明育嬰堂同善堂勵志校

瞿鴻賓

榮 哀 錄 卷十

四

山頹木壞

廣生榨油公司

王鎮

李萬里

七中校教職員

王其康

蔡鈞樞秉樞

俞應望陸紹宗

南通紗業金沙分會

陳丕平陳宗麟

吳三祝

季新益

陳大猷施有康徐和祥黃錫祺楊耀清

施鸞翔

南通女師範學生

周坦

蓬島歸真

金仁濟

丁自潛自慶自華

齒德兼隆

沈源增

傅銳

陳汝頤汝湜汝忻汝閔

式韓鑄范

汪保誠

痛失長城

胡廣保

海門各法團

馮友才袁沛

同失帡幪

劉立培

柳肇廉

梁毓藻等

人之云亡

榮宗錦

錚 惲毓齡毓珂

神歸太上

木業工所

人皆仰之

左保南

道範常存

周學熙

高樹棟

俞星裁吉人德馨

陳祖濂

魏若山河

王同愈

劉垣

兜率仙遊

劉錦藻

名垂宇宙

張紹烈

屠宜厚朱積其張長華

陶鴻緒

唐雨公

國人矜式 徐乃昌

高山失仰 王達夫 談禮成 吳光國

斗山失望 姚榮澤 鮑恩

功存萬古 侯鍾滂

邦國殄瘁 王祖懋 袁國鈞 蔣德明 崔燮邦

張元濟 高鳳池 李宜龔 王子尊

青史垂昭 陳儀

星沉大野 章熙愈

文昌星隕 劉友輔 顧昌鼎 周乃文龔廷鵠

同聲一哭 新育嬰堂全體嬰孩 阜生維記公司

南通敬孺初中 李堡市教育會

福德全備 鄭紹麟 祝光熙 陳福樛 福材 蕭學銓

南極星沉 蔣筠 林仲卿 孫鴻賓 胡雨峯 賈士毅 王潛剛

王清平 虞和德 管祥麟 潘炳榮 周應福

朱熙 李士麒 邱志仁 汪佑 朱寶善 陳良佑

楊敦頤 徐鐸 韓麟春

功超微管 劉鎮華

人亡國瘁 趙鳳昌 孫延釗 張士瑛 李國松 國筠 李雲書

榮哀錄 卷十

五

劉宗紀 管駿捷 葛夢樸 崇明外沙商會路工處

人傑地靈 張中立

昭代完人 沈別村

壯志未竟 何豐林

鐘慎水沈 金鳴宇

斗南星沉 馬錦春

大雅云亡 李文濱

耆舊銷沈 湯 鉅胡兆連江祖岱

百世之師 河海工科大學職教員

道宗安仰 伏金門

先正遺型 瞿鴻達 李中一

禹甸風淒 武同舉

祖述西銘 顧元忠

釋門石柱 僧真率發智

淚灑琴絃 高熙喆

萬方失望 龔 璋

星隕南天 劉肇麒

德望常昭 大山公司 袁大啓下福孫李廷鎮

招商局股東維持會 徐維新

痛失泰斗 各實業公司同人

勳崇望重 張彬

南州冠冕 黃裳 沈成鵠 米里文吉 日清汽船會社

程門日冷 關福

長留遺澤 大生二廠全體工人

千丈松崩 永昌源黃恆記范永茂 久源和日豐慎永盛園

河嶽歸神 許乃文衛道周葉 齡吳永堯

世失人師 施秉璋

斗山安仰 王紹會 周恩緒韓壽乾 徐 鑿涵

康鳳儀陸雲水李炳海 陸錫庚胡 容

沈一機陳恩均傅少毛 夏翊宸

望隆中外 高 翕 錢以振

大星忽隕 王敬甫 陸冲鵬

天上元老 唐開市米粉油餅業

駕返道山 白寶山 義記坊王源吉汪 錦 曹舜欽 駱景山

勳業垂昭 李錫純

望重五嶽 王灝英

榮 哀 錄 卷十

六

斗南一人 周應壬 應乙 南通農科大學職教員

甘銓 蘇民生 袁嘉熙 繆步青 崇明大生校職教員

宋永林 趙爾巽

顧生寅 程光復 忻玉亭 孫 繡莊 銳

英美烟公司董事部 呂四市董事辦事處教育會商

會魚團局水利討論會農會警察分所同善堂

巫陽下招 陳其嘉

萬古雲霄 王 禮 陳惟庚 惟壬

泰山柱折 通海高級商業學校教職員

棟折樓崩 沈元鼎 陳漢第 敬第

嵩山柱折 卜佐榮

喪我良師 紡織專門學校教職員學生

香山社冷 王清穆

悲深良木 吳兆曾

江左一人 南洋中學同人

名垂中外 張 鎮

孝友之仁 東台母里師範教職員

舉國同哀 唐閩南北市商民 何 珩

舉國同悲 吳桐仁

南通千古 洪杰李錫香 盧公勉

惠逾僑誨 吳四市教育會

星隕東南 宮子藩 嚴森 伍璜

名垂青史 孫襄臣襄樊 龔滌瑕

雲暗琅峯 丁傳科

澤被江淮 許人俊人傑

薄海同悲 張人偉 劉煥 黃崇威 熊晟郁志仁熊祖藩

侯資森單宗璐劉恩緒

澤被吾邑 馬極良

道德千秋 頤生全體職員

東南師表 俞惟玉惟珍

全國同哀 陳兆豐

老成典型 貝仁元 嚴修

俎豆千秋 任友三

山悲海思 莫棠

大名千古 倪思宏楊聯綬

名傳不朽 金其源其照其樞

天下大老 徐鍾令

典型千古 汪秉忠

江淮遺老 丁銘忠國忠

名並狼峯 管大春

數過命世 傅宗耀 卞文斌

遺愛在人 王槐 穆湘珩

神歸箕尾 胡維藩

望重山斗 席裕昆 張澤沛張宗成周乃偉楊世鑄 恆隆莊

泰華峯額 吳長榮

道高望重 王紹鶴

天喪耆英 陶達

萬姓謳思 馮成

德澤猶存 顏玉琛

中外安仰 英商卜內門洋碱有限公司

儒宗人望 朱治淵

泰斗云遙 楊介眉楊敦甫朱成章李芸侯

五山雲黯 楊瑞生

箕尾歸真 羅樹森 奉天紡紗廠



典型永昭 任文斌

淮南星霞 于葆棠

教澤猶存 賈奎元 邱樹芳 于景泉 白鳳翥 孫金城

騎箕天上 許蓉楫 阮毓麟 李鈺林 沈頌 鄒守和

楊世慶

鄉國同悲 周樹年

獨有千秋 廣懋興 泰豐祥 郁震東

常住光寂 任鳳苞 鳳賓

偉人千古 華商上海水泥有限公司

中國一人 顧履桂 朱得傳 沈冲 王能恭

趙師鼎 沈鳴球 楊安社 楊思齋 李雲

袁駿勤 驕勤袁元

音容宛在 徐維訓

福德兼崇 王家基

中外同欽 美國商務參贊安立德

仁風咸仰 吳澤雲

厚德共仰 永金公司

名垂千古 江世德 區紹安 蘇思科 陳俊伯

陳鼎陳新第吳振先 張修治邱爾臧范寶衡

譽滿全球 海門木業公會菸業公會 浙寧會館胡沛霖

高山仰止 徐友青 祥茂源 劉樹滋李寶森

吳興榮掄元俊高 楊澤民 曲阜新

郁斌 倪承家楊士元

絳帳空依 吳世濟

木鐸千秋 甘鴻猷

遺風籍甚 王壽炯

江表靈光 鮑友恂友恪

千古不朽 袁維薰 劉維庚維藩 孫毅人仲康

如皋縣教育委員會全體

星隕江天 何占鰲

身騎箕尾 黃以霖 姚煜

古之遺愛 江湛 餘西市議董會全體

老成碩望 上海大儲棧同人 靳雲鵬

勳業千古 吳熙年

式是南國 朱啓鈞

國喪元老 喬智開 張漢

耆英碩望 許克銘 郭會忻

古道可風 謝霖

魯殿靈光 章世嘉

大星遽隕 王寶槐

遺愛難忘 姜灶港紳商學界

山斗崇望 潘肇元恩元

德業垂訓 劉翼

會散耆英 王朝陽

砥柱中流 萬立鈺

河嶽英靈 葉之芹之瑛

功德在民 張嘉森

百身莫贖 國立政治大學

德業千秋 通如崇海旅滬同鄉會職員

德業昭垂 陳錫恩

一國師表 馬文蔚馮迺昌陳培根吳祐銘

李 德尹昌德傅雲鶴施顯鑑

碩德耆英 嚴家熾 李晉壽

第一完人 沈人哲

榮哀錄 卷十

千秋人鑑 沈勳

永安窰窰 陳儒

富貴壽考 陳其翰 沈顯垣

山頽嶽隕 孫恩 紹恩 緒

曜臺星失 單晉 蘇

福備箕疇 池耀宗

雲黯濠南 勞之常 蕭傳泗 朱莘 耕 閔 翔 藻

建業垂勳 黎元洪

駕返蓬萊 李錫麟

山頽哲萎 沈 佺

少微星實 常耀奎

入琴俱杳 劉世珩

東南柱石 顧同恩

一時千古 宗之 瑗

英氣猶存 張學良

西方作佛 薛之珩

絳帳風寒 楊 圻 盧 呂

梁木其頽 石光燠 徐永馨 劉廣生 徐家瑾

大名字宙 許洪綬

天道不怒 沈同午

天奪元老 公大和施士論馬祥葉仁昌大生豐許正泰葉佑昌

黃元吉

功業蓋世 葉薰沈元鼎

江淮一人 談荔孫

名垂天壤 翁麟孫

一代偉人 李以炳

碩德咸欽 黃選璋

泰山北斗 張彝

淮海蕭條 章仲和林祖潛

遺型宛在 鄭培之

碩德望重 大同洋行

碩德耆儒 葉達

南天星隕 任傳榜

實業先河 費壽祺

失所憑依 金超越

古道可風 嚴英

榮哀錄 卷十

十

佳城永固 翁與慶

舉世同悲 小海鎮商學界

東南耆碩 閔 燦

令德壽考 張允鑒

千古典型 王世昌

海內同悲 鄒麟書

千古一人 柴文錦文彬

梁木壞矣 葛 相

典型尚存 大綱公司邵心豫丁寄湄劉餘三潘子譽宋厚卿黃叔

丹顧金城龔楚材陸煥文 顧翔墀

中外同悲 鎮江美孚行

達尊望重 莫錫綸

世界震悼 杜 忻

典型足式 戴整齡丁治禮

國傷元老 徐肇鈞

山高水長 許樹枋 夏 嵩薛文奎 袁獻平黃漢章王春江

愴懷宗哀 家族會聞捷等

高山景行 潘世杰

碩望耆英 裘文彬

人皆仰之 吳會湛會勳會祚

馬鬣崇封 于振聲

梁崩哲萎 孫 儼 龔其偉徐人偉王家璨

存歿誨號 金沙市 議事會商 會教育會

董事會農 會游民工廠

憂國憂民 湯廉臣勳臣

星隕江淮 戴永康

悲 白蒲鄉各校教職員

江淮失庇 楊錦龍

功濟民生 南通大學共產黨處同人

擎天柱折 傅煒臣

望孚中外 孫銘靜

痛失典型 王振音

河嶽日星 沈來寬

地下牛眠 繆龍標

是真避世 張福增

道範猶存 族姪志昂 凌 康 熊輔龍 張瑞會

泰山其頽

大生第一副廠同人

秦中行

蕭學銓王

輔許德

識應龍蛇

張飛熊

凝周

庠李德祥顧紹基

悲聲執紼

高孟啟孟藻

德高望重

郝壽頤

徐北康沙錦標沈龍師茅宗渭

施

煦劉

禮

王克敏馮耿光金

還張家焮

遽歸道山

汪

勛胡師烈甘公颺

大星墜隕

通泰濟南鹽商會

道範云遙

黃文蔚

沙鳳藻鳳標鳳岡鳳岐鳳翔

江淮失望

王能之施懷清施祖謨郁立道

斗隕山頽

馬鳳池

功在桑梓

董汝元

德業常輝

師範附屬小學校學生

奎宿星沉

陝調元

福備箕疇

王底績

嚴春陽

一朝千古

沙元炳

人倫師表

顧蓉鏡

留名千古

王瑞松



木壤山類

張景江張幹年黃建名李伯賢陸廷翰

陳寶琪陳介繁楊立大聶瑞康

顧思沐茅炳光徐楷祝應乾

朱紱范欽孟徐御時

棧樸作人

黃照青

東南泰斗

徐洽久倪學禮沈道源

楊志仁陳

勤陳寶祚

望重斗山

許樹聲樹澄

福全德備

劉寶琳

典型安仰

劉毓芬

薄海同欽

史映蓮

耆年碩德

嚴善增

殿圯靈光

鮑貴藻

蓬閩歸真

王毓祥

江淮失蔭

成靜生

一別千古

沙克毅

明德千秋

陳同暄

江南一人

于殖

生榮死哀

吳廷良

榮哀錄

卷十

中外失望

陳福保崔

璜宋文釗宋德輝

望隆泰斗

周 衡

望重中外

許乃文衛道周

地陷東南

施徵睿

天喪斯文

陳伯盟亞軒

靈光巋然

沈頌堂

炳耀史竅

趙鉅鑿

道德神仙

湯承澧承源

江淮砥柱

徐鼎康

典型宛在

施 傑

不遺一人

徐某人

箕尾神遊

龔翼之

遺範猶存

茅宗漢宗俊

銀漢浮槎

楊光觀張承錫章鍾生

素車載道

海門商會 王康棟

寸心千古

道其南

騎箕星隕

徐蘭野

萬流景仰

杜 純